



BIBLIOTECA NAZ.
Vittorio Emanuele III

XXIV

B


32


NXP 001


LXIV

B-

32








L. ANNAEVS SENECA.



L. ANNÆI
SENECÆ
PHILOSOPHI
OPERA OMNIA.

ACCESSIT
A VIRIS DOCTIS
AD
SENECAM
ANNOTATORVM
DELECTVS.



LIPSIÆ,
EX OFFICINA WEIDMANNIANA
M D CC XL



1916M AL.1

53542

REVISED 2010


22 MAY 1972

15. *1972 (October), 1973*



LECTORI S.

EN tibi, Lector, nouam operum L. Annaei Senecæ editionem, eo potissimum fine adornatam, ut & parari facilius, & omnium vsibus commodius inseruire posset. Notas proinde quas adiectas vides, non tam oblectandis vario doctrinæ genere doctioribus, siue ex illis quæ viris magnis obseruata fuere delectas, siue recens additas scias, sed textui vnice illustrando, & iuuandis illis qui Senecam legere, non Commentarios volebant. Plerasque Lipsio, Gronouio atque Fromondo, nonnullas aliis quoque viris doctis debemus, quorum nomina plerumque adiecimus. Textum quod attinet, emendatissimum eum fore confidimus, ex luculenta Io. Elzeuirii editione, quæ in minore forma An. 1659 prodiit, exscriptum. Alia de quibus te moneamus non succurrunt, nec est cur proluxa editionis huius commendatione, uti ea cupientem, & proficere sapientibus Senecæ monitis gestientem remoremur. Vale igitur, & Seneca nostro, eoque doctore, teipso frui.



V I T A L. ANNÆI SENECAE.

Natus est Corduba (ea vetus flaretisque in Hispania Bætica colonia est) e gente Annæa, cui omnis causa ab annis videtur nomen factum, respondetque cognomen Seneca, item omnis boni; est enim a Senex Senecis. Patrem habuit Marcum Annæum Senecam, quem Declamatoris nomine a filio fere distinguunt. Matrem Eliam, item Hispanam, aut Hispaniensem, magni animi atque ingenii feminam, Pater, Augusti temporibus, Romam migravit, cum coniuge & liberis, cumque ipso hoc Seneca nostro adhuc tepello. Ibi in optimis artibus optimum ingenium adolevit. Eloquentiam a patre, ut videtur, didicit. Ipse vero non contentus domestica hac facultate, Philosophia simul animum adiecit, & insignes ac seriose eius ævi Philosophos assiduus audiuit; nominatim Attalum Stoicum, Sotionem eiusdem sectæ, itemque Papyrium Fabianum. Sed & Demetrium Cynicum admiratus est & coluit. A Philosophis ad Republicam tractandam accessit, ac Quæsturam primo gessit, Præturam statim ab exilio, Agrippina faciente: nam sub Claudio, primo imperii eius anno, cum Iulia Germanici accusata adulterii esset, & ipsa extorris est acta, & quasi inter adulteros Seneca in Corsicam relegatus. Consulatu etiam functum putat Lipsius, sed extra ordinem. At perpetuus ille eius bonos, Principis Doctorem moderatoremque fuisse, optimi sane, quam in huius consilii nonitisque se dedit. Opum & ante aulam largus fuit. Nam pater eas reliquerat. Ac in aula ipsa ingentes opes acquisivit, ac pane regias, siue potius venientes ultro admisit: plerasque enim ex Principis munificentia habuit. Atque hac partim naturæ, partim melioris ingenii cultura, partim denique fortunæ bona fuerunt. Nunc quid de moribus & virtutibus eius dicam, quarum tanta in eo vis apparuit, ut nec Magistratus splendor in timorem dederit, nec aula ad familiare & cognatum pane vitium, adulationem, flexerit, nec opes ad luxum prouocarint? Quam nihili & prope contentum has res haberet, satis ostendit, cum apud Neronem calumniis varie vellicatus, animosa oratione principem accessit, comineatum petens, & opes suas refundens, referente Tacito. In victa mira frugalitas, ipse morum vitæque suæ censor & exactor rigidissimus. Ob hæc eminentes virtutes etiam illo ævo ingens de eo opinio, & vel imperio destinabatur. Sicut autem puram eius mentem non erexerunt prosperioris fortunæ blandimenta, sic nec deiecerunt aduersæ terribulaimenta. Vixit in exilio annos circiter octo fortiter, imo, ut ipse ait, feliciter vixit, optimis studiis meditationibusque intentus. Mortem quantopere non extimuerit, hinc discere licet. Cum Præfectus Neronis necessitatem ultimam denuntiaret, nulla paoris signa edidit, nihil triste in verbis eius aut vultu deprehensum. Flentes amicos, modo sermone, modo intentior, in modum coercentis, ad firmitudinem reuocauit. Et nonisimo quoque momento, suppeditante eloquentia, aduocatis scriptis, præclare multa differtit, quæ in vulgus edita sunt. En dignant Philosopho, & quidem Sepico, mortem. In ipsis sapientia præceptis vocem simul & spiritum extremum redidit.

FRAGMENTA
EX LIBRIS SENECAE

qui interciderunt.

Quintil. cap. III, lib. VIII.

Nostri autem in iungendo, aut deriuando paullum aliquid ausi, vix in hoc satis recipiuntur. Nam memini iuuenis admodum inter Pomponium & Senecam etiam prefationibus esse tractatum, an gradus eliminat, apud Atrium in tragœdia, dici oportuisset.

Cap. v. eiusdem libri.

Facit quasdam sententias sola geminatio, qualis est Senecæ in eo scripto, quod Nero ad Senatum misit occisa matre, cum se periclitatum videri vellet: Salvum me esse adhuc nec credo, nec gaudeo.

Cap. II, lib. IX.

Noui vero, & præcipue declamatores, audacius, nec mehercules sine motu quodam imaginantur, vt Seneca in controuersia, cuius summa est, quod pater filium & nouercam, inducente altero filio, in adulterio deprehensos occidit. Dug, sequor: accipe hanc senilem manum, & quocumque vis imprime. Et paulo post, Adspice, inquit, quod diu non credidisti. Ego vero non video, nox oboritur, & crassa caligo. Habet hæc figura manifestius aliquid. Non enim narrari res, sed agi videntur.

ibidem.

Nam in totum iurare, nisi vbi necesse est, graui viro parum conuenit. Et est a Seneca dictum eleganter, Non patronorum hoc esse, sed testium

Plinius Nat. Hist. lib. VI, c. XVII.

Seneca etiam apud nos tentata Indiæ commentatione, LX annes eius prodidit, genres quodeuiginti centumque. Par labor sit montes enumerare.

Cap. LIII, lib. IX.

Æui piscium memorandum nuper exemplum accepimus. Paussilypum villa est Campaniæ, haud procul Neapoli. in ea in Cæsaris piscinis a Pollione Vedio coniectum piscem, sexagesimum post annum exspirasse scribit Anneus Seneca, duobus aliis æqualibus eius ex eodem genere etiam tunc viuentibus.

Suetonius Tiberio, cap. LXXIII.

Seneca eum (Tiberium) scribit, intellecta defectione, exemptum annulum, quasi alicui traditurum, parumper tenuisse: dein rursus aptasse digito, &c.

A. Gellius, cap. II, l. XII. Noct. Atticarum.

Seneca in lib. XXII. Epistolarum moralium quas ad Lucilium composuit, deridiculos versus Q. Ennium de Cæthego, antiquo viro; fuisse hos dicit:

——— *Dictus ollis popularibus olim,*

Qui tam vinebant homines, atque ænum agitabant.

Flos delibatus populi & suada medulla.

Ac deinde scribit iisdem versibus verba hæc: Admitor eloquentissi.

simos viros, & deditos Ennio, pro optimis ridicula laudasse. Cicero certe inter bonos eius versus & hos refert. Atque id etiam de Cicerone dicit: Non miror, inquit, fuisse qui hos versus scriberet, cum fuerit qui laudaret: nisi forte Cicero summus orator agebat causam suam, & volebat hos versus videri bonos. Paulo post: Apud ipsum quoque, inquit Seneca, Ciceronem inuenies etiam in prosa oratione quædam, ex quibus intelligas, illum non perdidisse operam, quod Ennium legit. Ponit deinde quæ apud Ciceronem reprehendat, quasi Enniana, quod ita scripserit in libris de Republica: Vt, Menelao Laconi fuit suauiloquens iucunditas. & quod alio in loco dixerit, Breuiloquentiam indicendo colat. Deinde: Non fuit, inquit Seneca, Ciceronis hoc vitium, sed temporis, necesse erat hæc dici, cum illa legerentur. Deinde adscribit, Ciceronem hæc ipsa interposuisse ad effugiendam infamiam nimis lasciuæ orationis & nitidæ. De Virgilio quoque eodem in loco verba hæc ponit: Virgilius quoque noster non ex alia causa duos quosdam versus, & enormes, & aliquid supra mensuram trahentes interposuit, quam vt Ennianus populus agnosceret in nouo carmine antiquitatis aliquid. Addit non multo post ex Seneca: Quidam sunt tam magni sensus Q. Ennii, vt licet scripti sint inter hircosos, possint tamen inter vnguentatos placere. Et cum reprehendisset versus quos supra de Cethego posuimus, Qui huiusmodi, inquit, versus amant, liceat sibi eosdem admirari & Soterici lectos. Audias tamen commemorari ac referri pauca quædam quæ ipse idem Seneca bene dixerit: quale est illud quod in hominem avarum & auidum & pecuniæ sitientem dixit: Quid enim refert quantum habeas? multo illud plus est quod non habes.

Tertullianus de anima, c. XLII.

Multo coactius Seneca: post mortem, ait, omnia finiuntur, etiam ipsa.

Lactantius diuin. inst. l. I, c. IV.

Annæus quoque Seneca, qui ex Romanis vel acerrimus Stoicus fuit, quam sæpe summum Deum merita laude prosequitur? Nam cum de imatura morte dissereret, Non intelligis, inquit, auctoritatem ac maiestatem iudicis tui? Rector is orbis terrarum, cælique & deorum omnium Deus: a quo ista numina, quæ singula adoramus & colimus, suspensa sunt. Item in Exhortationibus: Hic, cum prima fundamenta molis pulcherrimæ iaceret, & hoc ordiretur, quo neque majus quidquam nouit natura, nec melius, vt omnia sub ducibus suis irent, quamuis ipse per totum se corpus intenderat, tamen ministros regni sui deos genuit. Et quam multa alia de Deo nostris similia locutus est? quæ nunc differo, quod aliis locis opportuniora sunt.

Cap. VII.

Et est illud verum, quod dixisse in Exhortationibus Senecam supra retuli, Genuisse regni sui ministros Deum.

Eodem cap. VII.

Quod Seneca, vir acutus, in Exhortationibus suis vidit. Nos, inquit,

quit, aliunde pendemus. Itaque ad aliquem respicimus, cui, quod est optimum in nobis, debemus. Alius nos edidit, alius instruxit: Deus ipse se fecit.

Eiusdem lib. cap. xvi.

Non illepide Seneca, in libris Moralis philosophiæ: Quid ergo est, inquit, quare apud poetas salacissimus Iupiter defuerit liberos tollere? Vtrum sexagenarius factus est, & illi lex Papia fibulam imposuit? an impetrauit ius trium liberorum? an tandem illi venit in mentem, Ab alio exspectes, alteri quod feceris? & timet, ne quis sibi faciat, quod ipse Saturno?

Lib. II, cap. II.

Recte igitur Seneca in libris Moraliibus: Simulacra, inquit, deorum venerantur, illis supplicant genu posito: illa adorant: illis per totum assident diem, aut adstant: illis stipem iaciunt, victimas cædunt: & cum hæc tantopere suspiciant, fabros qui illa fecere, contemnunt.

Eiusdem lib. cap. iv.

Merito igitur etiam senum stultitiam Seneca deridet. Non, inquit, bis pueri sumus (ut vulgo dicitur,) sed semper. Verum hoc interest, quod maiora nos ludimus.

Cap. ix.

Melius igitur Seneca, omnium Stoicorum acutissimus, qui vidit nil aliud esse Naturam, quam Deum. Ergo, inquit, Deum non laudabimus, cui naturalis est virtus? Nec enim illam didicit ex villo. Immo laudabimus. quamvis enim naturalis illi sit, sibi illam dedit, quoniam Deus ipse Natura est.

Lib. III, cap. xv.

Eodem ductus errore Seneca, (quis enim veram viam teneret, errante Cicerone?) Philosophia, inquit, nihil aliud est, quam recta viuendi ratio: vel, honeste viuendi scientia: vel, ars recte vitæ agendæ. Non errabimus, si dixerimus, philosophiam esse legem bene honesteque viuendi. Et qui dixerit illam, regulam vitæ, suum illi nomen reddiderit.

Ibidem.

Idem Seneca in Exhortationibus: Plerique, inquit, philosophorum tales sunt, ut sint disertissimi in conuicium suum. quos si audias in avaritiam, in libidinem, in ambitionem perorantes, professionis indicium putes: adeo redundant in ipsos maledicta in publicam missa. quos non aliter inueneri decet, quam medicos, quorum tituli remedia habent, pyxides venenæ.

Ibidem.

Faciet sapiens, inquit idem Seneca, etiam quæ non probabit, ut etiam ad maiora transitum inueniat: nec relinquet bonos mores, sed tempori aptabit: & quibus alii vtuntur in gloriam, aut voluptatem, vtetur agendæ rei causæ. Et paullo post: Omnia quæ luxuriosi faciunt, quæque imperiti, faciet & sapiens, sed non eodem modo, eodemque proposito.

Cap. xvi eiusdem libri.

Et Seneca: Nondum sunt, inquit, mille anni, ex quo initia sapientiæ nota sunt. Multis ergo seculis humanum genus sine ratione vixit.

Cap. xxiii.

Fuisse Seneca inter Stoicos ait, qui deliberaret, virumne Soli quæque suos populos daret: inepte scilicet, qui dubitauerit.

Cap. xxv.

Platonem quidem redemisse Aniceris quidam traditur sestertiis viri. Itaque infectatus est conuitiis redemptorem Seneca, quod paruo Platonem aestimauerit.

Lib. v, cap. ix.

Qui volent scire omnia, Senecæ libros in manus sumant, qui morum vitiorumque publicorum & descriptor verissimus, & accusator acerrimus fuit.

Eiusdem lib. cap. xiv.

Recte igitur Seneca, incongruentiam hominibus obiectans, ait: Summa virtus illis videtur magnus animus. & iidem eum, qui contemnit mortem, pro furioso habent. quod est utique summæ peruersitatis.

Lib. vi, cap. xvii.

Item Senecæ, in libris Moralis Philosophiæ dicentis: Hic est ille homo honestus, non apice, purpurae, non licitorum insignis ministerio, sed nulla re minor: qui cum mortem in vicino videt, non sic perturbatur, tanquam rem nouam viderit: qui, siue toto corpore tormenta patienda sunt, siue flamma ore recipienda est, siue extendendæ per patibulum manus, non quærit quid patiat, sed quam bene. Qui autem Deum colit, hæc patitur, nec timet.

Cap. xxiv, lib. vi.

Nec lucrari se quisquam putet, si delicti conscium non habebit. scit enim ille omnia in cuius conspectu viuimus, nec si vniuersos homines celare possumus: cui nihil absconditum, nihil potest esse secretum. Exhortationes suas Seneca mirabili sententia terminauit: Magnum, inquit, nescio quid, maiusque quam cogitari potest, numen est. cui viuendo operam damus, huic nos approbemus. Nihil prodest inclusam esse conscientiam: patemur Deo. Quid verius dici potest ab eo qui Deum nosset, quam dictum est ab homine veræ religionis ignaro?

Ibidem.

Idem in eiusdem operis primo: Quid agis? inquit. quid machinaris? quid abscondis? Custos te tuus sequitur. Alium tibi peregrinatio subduxit, alium mors, alium valetudo: hæret hæc, quo carere nunquam potes. Quid locum abditum legis, & arbitros remoues? Putas tibi contigisse, ut oculos omnium effugas? Demens, quid tibi prodest non habere conscium, habenti conscientiam?

Eiusdem cap. xxv.

Quanto melius & verius Seneca? Vultisne vos, inquit, Deum cogitare? magnum & placidum, & maiestate leni verendum: amicum, & semper in proximo: non immolationibus & sanguinemulto colendum: quæ enim extrucidatione immerentium voluptas est, sed mente pura, bono honestoque proposito. Non templa illi,

conge-

congestis in altitudinem saxi, struenda sunt : in suo cuique confes-
crandus est pectore.

Lib. VII, cap. xv.

Non incite Seneca Romanæ urbis tempora distribuit in ætates. Pri-
mam enim dixit infantiam sub rege Romulo fuisse, a quo & genita,
& quasi educata sit Roma : deinde pueritiam sub ceteris regibus, a qui-
bus & aucta sit, & disciplinis pluribus, institutisque formata : at vero
Tarquinio regnante, cum iam quasi adulta esse cœpisset, seruitium
non tulisse, & reiecto superbæ dominationis iugo, maluisse legibus
obtemperare, quam regibus : cumque esset adolefcentia eius sine Pu-
nici belli terminata, tum denique confirmatis viribus cœpisse iuvene-
scere. Sublata enim Carthagine, quæ tam diu æmula Imperii fuit,
manus suas in totum orbem terra marique porrexir : donec regibus
cunctis & nationibus imperio subiugatis, cum iam bellorum materia
deficeret, viribus suis male vteretur, quibus se ipsa confecit. Hæc fuit
prima eius senectus, cum bellis lacerata ciuilibus, atque intestino ma-
lo pressa, rursus ad regimen singularis imperii recidit, quasi ad alteram
infantiam reuoluta. Amissa enim libertate, quam Bruto duce & au-
ctore defenderat, ita consenuit, tamquam sustentare se ipsa non vale-
ret, nisi adminiculo regentium niretetur.

B. Hieronymus aduersus Iovinianum libro primo.

Claudia virgo Vestalis, cum in suspicionem venisset stupri, & simula-
crum matris Idææ in vado Tiberis hæreret, ad comprobendam pud-
icitiam suam fertur cingulo duxisse nauem, quam multa millia homi-
num trahere nequuerant. Melius tamen, inquit Lucani poetæ pa-
trius, cum illa esset actum, si hoc quod euenit, ornamentum potius
explorata fuisset pudicitiz, quam dubiæ patrociniæ.

Eodem libro.

Scripserunt Aristoteles, & Plutarchus, & noster Seneca, de matri-
monio, libros, ex quibus & superiora nonnulla sunt, & ista quæ sub-
iicimus. Amor formæ obliuio est, & insaniz proximus, fœdum mi-
nimeque conueniens animo sospiti vitium. turbat consilia, alios &
generosos spiritus frangit, a magnis cogitationibus ad humillimas
detrahit : querulos, iracundos, temerarios, dure imperiosos, serui-
liter blandos, omnibus inutiles, ipsi nouissime amor, facit. Nam
cum fruendi cupiditate insatiabili flagrat, plura tempora suspitioni-
bus, lacrymis, conquestionibus perdit, odium sui facit, & ipse nouis-
sime sibi odio est.

Paulo infra.

Refert præterea Seneca, cognouisse se quendam ornatum homi-
nem, qui exiturus in publicum, fascia vxoris pectus colligabat, & ne
puncto quidem horæ præsentia eius carere poterat ; portionemque
nullam, nisi alterius tactam labris, vir & vxor hauriebant : alia de-
inceps non minus inepta facientes, in quæ improvida vis ardentis
affectus erumpebat.

In

In fine.

Nam quid, ait Seneca, de viris pauperibus dicam? quorum in nomen mariti, ad eludendas leges quæ contra cælibes sunt, pars magna conducitur. Quomodo potest regere mores, & præcipere castitatem, & mariti auctoritatem tueri, qui nupsit?

B. Augustinus, de ciuitate Dei, lib. vi, cap. x.

Libertas sane quæ huic defuit, ne istam vrbanam theologiam, theatricæ simillimam, aperte sicut illam reprehendere auderet, Anneo Senecæ, quem nonnullis indiciis inuenimus Apostolorum nostrorum claruisse temporibus, non quidem ex toto, verum ex aliqua parte non defuit. Affuit enim scribenti, viuenti defuit. Nam in eo libro quem contra superstitiones condidit, multo copiosius ac vehementius reprehendit ipse ciuilem istam & vrbanam theologiam, quam Varro theatricam atque fabulosam. Dum enim de simulacris ageret: Sacros, inquit, immortales, inuiolabilesque deos in materia vilissima atque immobili dedicant. Habitus illis hominum, ferarumque, & piscium; quidam vero mixtos ex diuersis corporibus induunt. Numina vocant quæ si spiritu accepto subito occurrerent, monstra haberentur. Deinde aliquanto post, cum theologiam naturalem prædicans, quorundam philosophorum sententias digessimus, opposuit sibi quæstionem, & ait: Hoc loco diceret aliquis: Credam ego cælum & terram deos esse, & supra lunam alios, infra alios? Ego feram aut Platonem, aut Peripateticum Stratonem, quorum alter fecit Deum sine corpore, alter sine animo? Et ad hoc respondens, Quid tandem? inquit: Veriora tibi videntur T. Tatii, aut Romuli, aut Tulli Hostilii somnia? Cluacinam T. Tatius dedicauit deam, Picum Tiberinumque Romulus; Hostilius Pauorem atque Pallorem, teterrimos hominum affectus: quorum alter mentis territæ motus est, alter corporis, ne morbus quidem, sed color. Hæc numina potius credes, & cælo recipies? De ipsis vero ritibus crudeliter turpibus quam libere scripsit? ille, inquit, vires sibi partes amputat, ille lacertos secat. Vbi iratos deos timent, qui sic propitios habere merentur? dii autem nullo ipsi debent colli genere, si & hoc volunt. Tantus est perturbatæ mentis & sedibus suis pulsæ furor, vt sic dii placentur, quemadmodum ne homines quidem sæuiunt. Teterriimi, & in fabulas traditæ crudelitatis tyranni, lacerauerunt aliquorum membra, neminem sua lacerare iusserunt. In regiæ libidinis voluptatem castrati sunt quidam, sed nemo sibi, ne vir esset, iubente domino, manus intulit. Se ipsi in templis contrucidant, vulneribus suis ac sanguine supplicant. Si cui intueri vacet quæ faciunt, quæque patiuntur; inueniet tam indecora honestis, tam indigna liberis, tam dissimilia sanis, vt nemo fuerit dubitaturus, furere eos, si cum paucioribus furerent; nunc sanitatis patrocinium est, insanientium turba. Iam illa quæ in ipso Capitolio fieri solere commemorat, & intrepide omnia coarguit,

it, quis credat nisi ab iridentibus aut furentibus fieri? Nam cum in Sacris Ægyptiis Osirim lugeri perditum, mox autem de inuento magnum esse gaudium derisisset; cum perditio eius inuentioque fingatur, dolor tamen ille atque læticia, ab eis qui nihil perdiderunt, nihilque inuenerunt, veraciter exprimitur: Huic tamen, inquit, furori certum tempus est. Tolerabile est, semel in anno insanire. In Capitolium perueni, pudebit publicæ dementiæ, quod sibi vanus furor attribuit, officii. Alius numina Deo subiicit, alius horas Ioui nuntiat, alius lictor est, alius vnctor, qui vano motu brachiorum imitatur vngentem. Sunt quæ Iunoni ac Mineræ capillos disponant: longa templo, non tantum a simulacro, stantes, digitos mouent ornantium modo. Sunt quæ speculum teneant, sunt quæ ad vadimonia sua deos aduocent: sunt qui libellos offerant, & illos causam suam doceant. Doctus Archimimus, senex iam decrepitu, quotidie in Capitolio mimum agebat, quasi dii libenter spectarent, quem homines desierant. Omne illic artificum genus, operantium diis immortalibus, desidet. Et paullo post: Hi tamen, inquit, etiam si superuacuum vsu, non turpem nec infamem Deo, promittunt: sedent quædam in Capitolio, quæ se a Ioue amari purant: nec Iunonis quidem, si credere poetis velis, iracundissimæ respectu terrentur. Hanc libertatem Varro non habuit, tantummodo poeticam theologiam reprehendere ausus est, civilem non ausus est, quam iste concidit. Sed si verum attendamus, deteriora sunt templa, vbi hæc aguntur, quam theatra, vbi finguntur. Vnde in his sacris civilis theologiæ has partes potius elegit Seneca sapienti, vt eas in animi religione non habeat, sed in actibus fingat. Ait enim: quæ omnia sapiens seruabit tamquam legibus iussa, non tamquam diis grata. Et paullo post: Quid quod & matrimonia, inquit, deorum iungimus, & ne pie quidem, fratrum scilicet & sororum? Bellonam Marti collocamus: Vulcano Venerem: Neptuno Salaciam: quosdam tamen celibes relinimus, quasi conditio defecerit: præsertim cum quædam viduæ sint, vt Populonia, vel Fulgora, & diua Rumina, quibus non minor petitorum defuisse. Omnem istam ignobilem deorum turbam, quam longo æuo longa superstitio congeffit, sic, inquit, adorabimus, vt meminerimus, cultum eius magis ad morem, quam ad rem pertinere. Nec leges ergo illæ, nec mos, in civili theologia id instituerunt, quod diis gratum esset, vel ad rem pertineret, sed iste, quem philosophi quasi liberum fecerunt: tamen quia ILLUSTRIS POPULI ROMANI SENATOR erat, colebat quod reprehendebat, agebat quod arguebat, quod culpabat adorabat.

Cap. XI, de eodem Seneca.

Hic inter alias civilis theologiæ superstitiones reprehendit etiam sacramenta Iudeorum, & maxime sabbata, inutiliter id eos facere affirmans, quod per illos singulos septem interpositos dies septimam partem ætatis suæ perdant vacando, & multa in tempore vrgen-

gentia non agendo lædantur. Christianos tamen, iam tunc Iudeis inimicissimos, in neutram partem commemorare ausus est: ne vel laudaret contra suæ patriæ veterem consuetudinem, vel reprehenderet contra propriam forsitan voluntatem.

Ibidem.

De illis fane Iudeis cum loqueretur, ait: Cum interim vsque eo sceleratissimæ gentis consuetudo conualuit, vt per omnes iam terras recepta sit, victi victoribus leges dederunt. Mirabatur hæc dicens, & quid diuinitus ageretur, ignorans. Subiecit plane sententiam, qua significaret, quid de illorum sacramentorum ratione sentiret. Ait enim: Illi tamen causas ritus sui nouerunt, & maior pars populi facit, quod cur faciat, ignorat.

Scriptor vitæ P. Virgilii Maronis.

Seneca tradidit, Iulium Montanum poetam, solitum dicere, inuolaturum se quædam Virgilio, si & vocem posset, & os, & hypocrisin. eosdem enim versus, eo pronuntiante, bene sonare; sine illo, inarescere quasi mutos.

Sernius in VI Æneid.

Seneca scripsit de situ & sacris Ægyptiorum. hic dicit, circa Siennem, extremam Ægypti partem, esse locum, quem Philas, hoc est, Amicas vocant. ideo quod illic est placata ab Ægyptiis Isis, quibus irascebatur, quod membra mariti Osiridis non inueniebat, quem frater Typhon occiderat. Quæ inuenta postea cum sepelire vellet, elegit vicinæ paludis tutissimum locum, quem ad transitum constat esse difficilem. limosa enim est & papyris referta.

Idem Sernius in IX Æneid.

Ganges fluuius Indiæ est, qui secundum Senecam in situ India nouem alueis fluit, secundum Melonem septem: qui tamen & ipse commemorat, nonnullos dicere, quod tribus alueis fluat.

Priscianus lib. VII.

Seneca Ouidium sequens, Gausapa si sumit, gausapa sumta proba.

Concilium Turonense II, Can. xv.

Aliqui Laici, dum diuersa perpetrant adulteria, hoc quod de se sciunt, in aliis suspicantur, sicut ait Seneca, pessimum in eo vitium esse, qui in id, quod insanit, ceteros putat furere.





L. ANNAEI SENECAE DE IRA AD NOVATVM

LIBER PRIMVS.

Argumentum & Ordo.

LIBRI De Ira scripti inter Philosophia primos videntur, certe inter eos quos habemus. Suspici-
mur ex verbis Senec. lib. III. cap. XVIII. Modo C.
Cæsar Sex. Papinium, cui pater erat consu-
laris, Belienum Bassum Quæstorem suum flagellis
cecidit. Ait, modo: iam nunc recenti facto. Imo ipse
Caligula viuo, e Cap. sequenti: Quod tanto opere ad-
miraris, isti bellæ cottidianum est: ad hoc viuit, ad
hoc vigilat, ad hoc lucubrat. Sane hæc omnia de homi-
ne qui est, non fuit. Scripsit tunc igitur: sed non edidit,
(melior illi mens) etsi statim, opinor, ab eius morte.

Argumentum est, quod titulus præfert; De Ira no-
scienda, & deinde fugienda. Primus liber habet itaque de-
scriptionem eius, & sædum habitum iratorum ac faciem.
tum definitiones; tum quæstiones, An in solum hominem
cadat? asserit. An secundum naturam sit? negat, cum
Stoicis. An utilis sit, præsertim temperata? id quoque ne-
gat, & contra Peripateticos varie disputat, non acui ani-
mum ab ea aut robur: ne malis quidem irascendum esse,
nec in cade patris, raptu matris: tuendum tamen, & vindi-
candum. Denique non magni, sed imbecillis animi hanc no-
tam esse. Libri in partibus pulchri & eminentes sunt, in to-
to parum distincti, & repetitionibus aut digestionibus confusi.

tom. I,

A

CAPVT

CAPVT I.

EXEGISTI a me, Nouate, vt scriberem quemadmodum posset ira leniri: nec immerito mihi videris hunc præcipue affectum pertinuiffe, maxime ex omnibus tetrum ac rabidum. Ceteris enim aliquid quieti placidique inest; hic totus concitatus, & in impetu doloris est: armorum, sanguinis, suppliciorum, minime humana feruens cupiditate: dum alteri noceat, sui negligens, in ipsa irruens tela, & ultionis secum ultorem tracturæ audus. Quidam itaque e sapientibus viris iram dixerunt breuem in saniam. æque enim impotens sui est, decoris oblita, necessitudinum inmemor, in quod cæpit, pertinax & intentæ, rationi consiliisque præclusa, vanis agitata caussis, ad dispectum æqui verique inhabilis, ruinis simillima, quæ super id quod oppressere, franguntur. Vt autem scias, non esse sanos, quos ira possedit, ipsum illorum habitum intueri. Nam vt furentium certa indicia sunt, audax & minax vultus, tristis frons, torua facies, citatus gradus, inquietæ manus, color versus, crebra, & vehementius acta suspiria: ita irascentium eadem signa sunt. Flagrant, & micant oculi, multus ore toto rubor, exæstuante ab imis præcordiis sanguine; labia quatuntur, dentes comprimuntur, horrent ac subriguntur capilli, spiritus coactus ac stridens, articulorum se ipsos torquentium sonus, gemitus, mugitusque, & parum explanatis vocibus sermo præruptus, & complosæ sæpius manus, & pulsata humus pedibus, & totum concitum corpus, magnasque minas agens, sæda visu & horrenda facies deprauantium se, atque intumescantium. Nescias, vtrum magis detestabile vitium sit, an deformis. Cetera licet abscondere, & in abdito alere: Ira se profert, & in faciem exit: quantoque maior est, hec

hoc efferuescit manifestius. Non vides, ut omnium animalium, simul ad nocendum insurrexerunt, procurrant notæ, ^{a)} ac tota corpora solitum quietumque egrediantur habitum & feritatem suam exasperent? Spumant apris ora, dentes acuuntur attritu: taurorum cornua iactantur in vacuum, & arena pulsu pedum spargitur: leones fremunt, instantur irritatis colla serpentibus, rabidarum canum tristis aspectus est. Nullum est animal tam horrendum, tamquam perniciosum natura, ut non appareat in illo, simul ira inuasit, noua feritatis accessio. Nec ignoro, ceteros quoque affectus vix occultari; libidinem, metumque, & audaciam dare sui signa, & posse prænosci. neque enim vlla vehementior intra cogitatio est, quæ nihil moueat in vultu. Quid ergo interest? Quod alii affectus apparent, hic eminet.

CAP. II. Iam vero si effectus eius damnaque intueri velis, nulla pestis humano generi pluris stetit. Vides cædes ac venena, & reorum mutuas sordes, ¹⁾ & urbium clades, & totarum exitia gentium, & principum sub ciuili hasta capita venalia, & subiectas tectis faces, nec intra mœnia coercitos ignes, sed ingentia spatia regionum hostili flamma relucens. Aspice nobilissimarum ciuitatum fundamenta vix notabilia: has ira deiecit. aspice solitudines per multa millia sine habitatione desertas: has ira exhaustit. aspice tot memoriæ proditos duces, mali exempla fati. alium ira in cubili suo confodit; alium inter sacra mensæ ira percussit; alium inter leges celebrisque spectaculum fori lancinavit; alium filii parricidio dare sanguinem iussit; alium seruili manu regalem aperire iugulum; alium in cruces membra diuidere. Et adhuc singulorum supplicia narro. quid? tibi si libuerit, relictis in quos ira viritim exarsit, aspicere cælas gladio conciones, &

a. h. e. Signa iræ.

1. Mutuas sordes) Qui accusant inuicem & accusantur. Lips.

plebem immisso milite contrucidatam, & in perniciem promiscuam totos populos capitis damna passos tanquam aut curam nostram deferentibus, 2) aut auctoritatem contemnentibus. Quid? gladiatoribus quare populus irascitur, & tam inique, ut iniuriam putet, quod non libenter pereunt? contemni se iudicat, & vultu, gestu, ardore, de spectatore in adversarium vertitur. Quidquid est, certe non est ira, sed quasi ira: sicut puerorum, qui si ceciderunt, terram verberari volunt, & sæpe ne sciunt quidem, cui irascantur, sed tantum irascuntur sine causa & sine iniuria, non tamen sine aliqua iniuriæ specie, nec sine aliqua pœnæ cupiditate. Deluduntur itaque imitatione plagarum, & simulatis deprecantium lacrymis placentur, & falsa vltione falsus dolor tollitur.

CAP. III. Irascimur, inquit, sæpe non illis qui læserunt, sed his qui læsuri sunt: ut scias iram non tantum ex iniuria nasci. Verum est, irasci nos læsuris: sed ipsa cogitatione nos lædunt, & iniuriam qui facturus est, iam facit. Ut scias, inquit, non esse iram pœnæ cupiditatem, infirmissimi sæpe potentissimis irascuntur: nec pœnam concupiscunt, quam non sperant. Primum diximus, cupiditatem esse pœnæ

2. *Tanquam aut curam nostram deferentibus*) Non hærent prioribus & lacuna est ingens. Fuere hic definitiones iræ, quas ita explicat, ut quæ opponi solerent adducat, nam eo hæc & sequentia spectant. Disputat enim Seneca contra Peripateticorum finitionem *ὁργή ἐστι λύπη μὲθ' ὑπαλόψιας τῆ ἑλπίδος*, h. e. ira est dolor cum opinione nos contemni: Et inter cetera argumenta illud quoque posuerat, quod populus interdum gladiatoribus ignane se gerentibus irascitur, a quibus tamen nullam accepit iniuriam, ut propterea pœnam ab illis exigi velit. Respondet autem Seneca, speciem hic iniuriæ esse, quia tales *curam nostram* & intentionem *deferunt*, vel contemnunt auctoritatem. Item illam non esse veram iram, sed tantum inanem quandam iræ similitudinem. *Lips. Ruben. Muret.*

exigendæ, non facultatem; concupiscunt autem homines & quæ non possunt. Deinde nemo tam humilis est, qui pœnam vel summi hominis sperare non possit. ad nocendum potentes sumus. Aristotelis finitio non multum a nostra abest. aitenim, Iram esse cupiditatem doloris reponendi. Quid inter nostram & hanc finitionem interfit, exsequi longum est. contra utramque dicitur, feras irasci, nec iniuria irritatas, nec pœnæ dolorisve alieni causa. Nam etiamsi hoc efficiunt, non hoc petunt. Sed dicendum est; feras iracarere, & omnia præter hominem. Nam cum sit inimica rationi, nusquam tamen nascitur, nisi ubi rationi locus est. Impetus habent feræ, rabiem, feritatem, incursum: iram quidem non magis, quam luxuriam. Et in quasdam voluptates intemperantiores homine sunt. Non est quod credas illi qui dicit:

*Non aper irasci meminit, non fidere cursu
Cervæ, nec armentis incurrere fortibus ursi.*

Irasci dicit, iracitari, impingi. Irasci quidem non magis sciunt, quam ignoscere. Muta animalia humanis affectibus carent: habent autem similes illis quosdam impulsus. Alioqui si amor in illis esset, & odium esset; si amicitia, & simultas, si dissensio, & concordia; quorum aliqua in illis quoque exstant vestigia: ceterum, humanorum pectorum propria bona malaque sunt. Nulli nisi homini concessa providentia est, diligentia, cogitatio: nec tantum virtutibus humanis animalia, sed etiam vitiis prohibita sunt. Tota illorum ut extra, ita intra, forma humanæ dissimilis est. Regium illud & principale aliter dictum, 1) ut vox est quidem, sed non explanabilis, & perturbata, & verborum

1. Regium illud & principale aliter dictum) τὸ ὑπερκινεῖον, ut Græci vocant, h. e. principalis animæ pars, quam regium & alio nomine principale dictum hic ait.

inefficax: ut lingua, sed deuincta, nec in motus varios soluta; ita ipsum principale parum subtile, parum exactum. Caput ergo visus speciesque rerum, 1) quibus ad impetus euocetur, sed turbidas, & confusas. Ex eo procursus illarum tumultusque vehementes sunt: metus autem, solitudinesque, & tristitia, & ira non sunt; sed his quædam similia. Ideo cito cadunt, mutantur in contrarium, & cum acerrime sæuierunt, expauescuntque, pascuntur: & ex fremitu discursuque vāsano statim quies soporque sequitur.

CAP. IV. Quid esset Ira, satis explicatum est: quo distet ab iracundia, apparet; quo ebrius ab ebrioso, & timens a timido. Iratus potest non esse iracundus: iracundus potest aliquando iratus non esse. Cetera, quæ pluribus apud Græcos nominibus in species iram distinguunt, quia apud nos vocabula sua non habent, præteribo: etiamsi amarum 1) nos acerbumque dicimus, nec minus stomachosum, 2) rabiosum, clamosum, difficilem, 3) asperum: quæ omnia irarum differentiæ sunt. Inter hos morosum ponas licet, delicatum iracundiæ genus. 4) Quædam enim sunt iræ, quæ intra clamorem confidunt;

2. *Visus speciesque rerum*) Græcis *φαντασίαι*.

1. *Amarum*) Græcis *αμαρί πικρόν*. Describit Aristotel. Ethic. Nicom. L. 4. c. 1. quorum ira solui difficilis, & diu irascuntur, & continent iram, sit autem pausa, cum fuerint vlti.

2. *Stomachosum*) Græcis *ακροχόλου*, sunt stomachosi, describit Aristot. l. c. quod in excessu sint ad iram mobiles, in omnia in omnibus.

3. *Difficilem*) Græcis *χαλεπὸν*, qui nec ob quæ oportet, & plus quam oportet, & diutius exasperantur, neque mitigantur sine vltione. Id. Aristot.

4. *Delicatum iracundiæ genus*.) Nam morosi sunt, qui ex æte nimis omnia fieri, dici, exposcunt: quibusque difficile est placere & satisfacere, Proprie *δυσάρετοι*. Lips.

5) quæ-

5) quædam non minus pertinaces, quam frequen-
tes; quædam sævæ manu, verbis parciores; quæ-
dam in verborum maledictorumque amaritudinem
effusæ; quædam ultra querelas & auersationes non
exeunt: quædam altæ grauesque sunt, & introrsus
versæ. 6) Mille aliæ species sunt mali multiplicis.

CAP. V. Quid esset Ira, quæsitum est: an in vl-
lum aliud animal, quam in hominem caderet: quo
ab iracundia distaret, & quæ eius species sint. nunc
quæramus, an Ira secundum naturam sit, 1) & an vi-
tilis, atque ex aliqua parte retinenda. An secundum
naturam sit, manifestum erit, si hominem inspexeri-
mus: quo quid est mitius, dum in recto animi ha-
bitu est? quid autem ira crudelius est? Homine quid
aliorum amantius? quid ira infestius? Homo in
adiutorium mutuum generatus est: ira in exitium.
Hic congregari vult, illa discedere: hic prodesse,
illa nocere: hic etiam ignotis succurrere, illa etiam
carissimos petere: hic aliorum commodis vel im-
pendere se paratus est, ira in periculum, dummodo
deducat, descendere. Quis ergo magis naturam
rerum ignorat, quam qui optimo eius operi, & o-
mendatissimo, hoc ferum ac perniciosum vitium as-
signat? Ira, vt diximus, auida pœna est: cuius cu-
pidinem inesse pacatissimo hominis pectori, mini-
me secundum eius naturam est. Beneficiis enim
humana vita consistit, & concordia: nec terrore,
sed mutuo amore, in fœdus auxiliumque commune
constringitur. Quid ergo? non aliquando castiga-

5. *Intra clamorem considant*) h. e. non ultra exeant. vt a-
pud *ægylas* qui statim incalescunt, statim refrigerantur. *Lips.*

6. *Introrsus versæ*) Eorum, qui, vt Tacitus ait de Domitia-
no, *secreto suo satiati reponunt odia*, quorum Ira, quo ob-
scurior, eo irrevocabiliior. *Lips.*

1. *Secundum naturam sit*) i. e. naturæ conveniens sit.

tio necessaria est? Quidni? sed hæc sincera, 2) cum ratione. non enim noet, sed medetur specie nocendi. Quemadmodum quædam hastilia detorta, ut corrigamus, adurimus, & adactis cuneis, non ut frangamus, sed ut explicemus, elidimus: sic ingenia vitio praua, dolore corporis animique corrigimus. Nempe medicus primo in leuibus vitiis tentat non multum ex quotidiana consuetudine inflectere, & cibis, potionibus, exercitationibus ordinem ponere, ac valetudinem tantum mutata vitæ dispositione firmare: proximum est, ut modus proficiat. 3) si modus & ordo non proficit; subducit aliqua, & circumcidit. si ne adhuc quidem respondet, interdicit cibis, & abstinentia corpus exonerat. si frustra molliora cesserunt; ferit venam, membrisque, si adhaerentia nocent, & morbum diffundunt, manus affert: nec vlla dura videtur curatio, cuius salutaris effectus est. Ita legum præsidem, ciuitatisque rectorem decet, quamdiu potest verbis, & his mollioribus, ingenia curare, ut facienda suadeat, cupiditatemque honesti & æqui conciliet animis, faciatque vitiorum ordinem, pretium virtutum: transeat deinde ad tristiores orationem, qua moneat adhuc & exprobrat: novissime ad pœnas, & has adhuc leues & reuocabiles decurrat: vltima supplicia sceleribus vltimis ponat, ut nemo pereat, nisi quem perire etiam percuntis interfit. 4)

CAP. IV. Hoc vno medentibus erit dissimilis, quod illi, quibus vitam non potuerunt largiri, facilem

2. *Sincera*) cui cupiditas non immixta, h. e. quæ pœnæ quida non est. *Lips.*

3. *Modus proficiat*) h. e. in modo, qualitate, & genere paulo ante dictorum aliquid immutat, ut hac ratione proficiat. *Lips.*

4. *Percuntis interfit*) dum scilicet non amplius peccare auitur.

exitum præstant: hic, damnatum, cum dedecore & traductione 1) vita exigit: non quia delectetur vilius pœna (procul est enim a sapiente tam inhumana fœritas) sed ut documentum omnium sint; & qui viui noluerunt prodesse, morte certe eorum respublica utatur. Non est ergo natura hominis pœnæ appetens: & ideo nec ira quidem secundum naturam hominis, quia pœnæ appetens est. Et Platonis argumentum adferam: quid enim prohibet alienis uti, ex parte qua nostra sunt? 2) Vir bonus, inquit, non lædit. pœna lædit bono ergo pœna non conuenit: ob hoc nec ira: quia pœna iræ conuenit. Si vir bonus pœna non gaudet; non gaudebit nec eo quidem affectu, cui pœna voluptati est: ergo non est naturalis ira.

CAP. VII. Numquid, quamuis non sit naturalis ira, assumenda est, quia utilis sæpe fuit? Extollit animos, & incitat: nec quicquam sine illa magnificum in bello fortitudo gerit, nisi hinc flamma subdita est, & hic stimulus peragitauit, misitque in pericula audaces. Optimum itaque quidam putant, temperare iram, non tollere: eoque detracto quod exundat, ad salutarem modum cogere: id vero retinere, sine quo languebit actio, & vis ac vigor animi resoluatur. Primum, facilius est excludere perniciofa, quam regere: & non admittere, quam admissa moderari. Nam cum se in possessione posuerunt, potentiora rectore sunt, nec recidi se minuiue patiuntur. Deinde ratio ipsa, cui fræni traduntur, tamdiu potens est, quamdiu diducta est ab affectu.

1. Traductione) per theatra nimirum, per fora traduci solent supplicia subituri, ad exemplum scilicet, quo supplicia spectant. Lips.

2. Ex parte qua nostra sunt) h. e. ex parte qua nobiscum faciunt, dogmata nostra asserunt. Lips.

bus : si miscuit se illis, & inquinavit, non potest continere quos submouere potuisset. Commota enim semel & *concussa mens*, 3) ei seruit, à quo impellitur. Quarumdam rerum initia in nostra potestate sunt: vltiora nos sua vi rapiunt, nec regressum relinquunt. Vt in præceptis datis corporibus nullum sui arbitrium est, nec resistere morariue deiecta potuerunt, sed consilium omne & pœnitentiam irreuocabilis præcipitatio abscidit, & non licet eo non peruenire, quo non ire licuisset : ita animus, si in iram, amorem, aliosque se proiecit affectus, non permittitur reprimere impetum. rapiat illum oportet, & ad imum agat suum pondus, & vitiorum natura procliuis.

CAP. VIII. Optimum est primum irritamentum iræ protinus spernere, ipsisque repugnare seminibus, & dare operam ne incidamus in iram. Nam si cœperit ferre transuersos, difficilis ad salutem recursus est. Quoniam nihil rationis est, vbi semel affectus inductus est, iusque illi aliquod voluntate nostra datum est. Faciet de cetero quantum volet, non quantum permiseris. In primis, inquam, finibus hostis arcendus est: nam cum intravit, & portis se intulit, modum a captiuis non accipit. Neque enim sepositus est animus, & extrinsecus speculatur affectus, vt illos non patiatul ultra quam oportet procedere, sed in affectum ipse mutatur: ideoque non potest vtilem illam vim & salutarem, proditam iam infirmatamque, reuocare. Non enim, vt dixi, separatas ista sedes suas diductasque habent: sed affectus & ratio in melius peiusque mutatio animi est. Quomodo ergo ratio oecupata & oppressa vitiis resurget, quæ iræ cessit? aut quemadmodum a confusione se liberabit, in

3. *Concussa mens*) rectius *excussa* vt persistat Seneca in translatione aurigæ, nimirum non regit amplius mens sed regitur, & serpit, excussa curru ab affectu vehementiore. Gronov.

qua peiorum mixtura præualuit? Sed quidam, inquit, in ira se continent. Vtrum ergo ita, nihil ut faciant eorum quæ ira dicat, an ut aliquid? Si nihil faciunt, apparet non esse ad actiones rerum necessariam iram: quam vos, quasi fortius aliquid ratione haberet, advocabatis. Denique interrogo, valentior est quam ratio, an infirmior? Si valentior: quomodo illi modum ratio poterit imponere, cum parere nisi imbecilliora non soleant? Si infirmior est: sine hac per se ad rerum effectus sufficit ratio, nec desiderat imbecillioris auxilium. At irati quidam constant sibi, & se continent. Quomodo? cum iam ira evanescit, & sua sponte decedit, non cum in ipso feruore est: tunc enim potentior est. Quid ergo? non aliquando in ira quoque & dimittunt incolumes intactosque quos oderunt, & a nocendo abstinere? faciunt. Quomodo? cum affectus percussit affectum, & aut metus, aut cupiditas aliquid impetrauit, non rationis tunc beneficio quieuit, sed affectuum infida & mala pace.

CAP. IX. Denique nihil habet in se utile, nec acuit animum ad res bellicas. Nunquam enim virtus vitio adiuvanda est, se contenta. Quoties impetu opus est, non irascitur, sed exsurgit, & in quantum putavit opus esse, concitatur remittiturque: non aliter, quam quæ tormentis exprimuntur tela, in potestate mittentis sunt, in quantum torqueantur. Ira, inquit Aristoteles, necessaria est: nec quicquam sine illa expugnari potest, nisi illa impleat animum, & spiritum accendat. Utendum autem illa est: non ut duce, sed ut milite. Quod est falsum. Nam si exaudit rationem, & sequitur qua ducitur, iam non est ira: cuius proprium est contumacia. Si vero repugnat, & non ubi iussa est quiescit, sed libidine ferociaque prouehitur: tam inutilis animi minister est, quam miles, qui signum receptui negli-

negligit. Itaque si modum adhibere sibi patitur, alio nomine appellanda est: definit ira esse, quam effrœnatam indomitamque intelligo. si non patitur; pernicioſa est, nec inter auxilia numeranda. Ita aut ira non est, aut inutilis est. Nam si quis pœnam exigit, non ipsius pœnæ auidus, sed quia oportet; non est annumerandus iratis. Hic erit utilis miles, qui scit parere consilio. Affectus quidem tam mali ministri, quam duces sunt: Ideo nunquam assumet ratio in adiutorium improvidos & violentos impetus, apud quos nihil ipsa auctoritatis habeat: quos nunquam comprimere possit, nisi pares illis similesque opposuerit: ut iræ metum, inertię iram, timori cupiditatem.

CAP. X. Absit hoc a virtute malum, ut vnquam ratio ad vitia confugiat. Non potest hic animus fidele otium capere: quatiatur necesse est, fluctueturque, qui malis suis tutus est, qui fortis esse, nisi irascitur, non potest; industrius, nisi cupit; quietus, nisi timet: in tyrannide illi viuendum est, in alicuius affectus venienti seruitutem. Non pudet virtutes in clientelam vitiorum demittere? Deinde desinit quicquam ratio posse, si nihil potest sine affectu, & incipit par illi similisque esse. Quid enim interest, si æque affectus inconsulta res est sine ratione, quam ratio sine affectu inefficax? par vtrumque est, vbi esse alterum sine altero non potest. Quis autem sustineat affectum exæquari rationi? Ira, inquit, utilis affectus est si modicus est. Imo si natura utilis est, sed si impatiens imperii rationisque est, hoc duntaxat moderatione consequetur, ut quo minor fuerit, minus noceat. Ergo modicus affectus nihil aliud quam malum modicum est.

CAP. XI. Sed aduersus hostes, inquit, necessaria est ira. Nusquam minus: vbi non effusos esse oportet impetus, sed temperatos & obediētes. Quid enim

enim est aliud, quod Barbaros tanto robustiores corporibus, tanto patientiores laborum comminuat, nisi ira infestissima sibi? Gladiatores quoque ardetur, ira denudat. Deinde quid opus est ira, cum idem perficiat ratio? An tu putas venatorem irasci feris? Atqui & venientes excipit, & fugientes persequitur: & omnia illa sine ira facit ratio. Quid Cimbrorum, Theutonorumque tot millia superfusa Alpibus ita sustulit, ut tantæ cladis notitiam ad suos non nuntius, sed fama pertulerit, nisi quod erat illis ira pro virtute? quæ ut aliquando perculit, strauitque obuia, ita sæpius sibi exitio est. Germanis quid est animosius? quid ad incursum acrius? quid armorum cupidius? quibus innascuntur innutriturque: quorum vnica illis cura est, in alia negligentibus. Quid induratus ad omnem patientiam? ut quibus magna ex parte non tegumenta corporum prouisa sunt, non suffugia aduersus perpetuum cæli rigorem. Hos tamen Hispani Gallicque, & Asiæ Syriæque molles bello viri, antequam legio visatur, 1) cadunt: ob nullam rem aliam opportunos, 2) quam obiracundiam. Agedum, illis corporibus, illis animis delicias, luxum, opes ignorantibus, da rationem, da disciplinam: ut nihil amplius dicam, necesse erit nobis certe mores Romanos repetere. 3) Quo alio Fabius affectas imperii vires recreauit, quam quod cunctari, & trahere, & morari sciuit, quæ omnia irati nesciunt? Perierat imperium, quod tunc in extremo stabat, si Fabius tantum ausus esset,

1. *Antequam legio visatur*) Nimirum Syri & Asiatici sub Principibus Romanis inter Romana auxilia, uti alibi, ita in Germania etiam militabant. Moris autem erat ut auxilia ordirentur pugnam, persequerentur legiones. *Lips.*

2. *Opportunos*) cædi vincique faciles. *Lips.*

3. *Repetere*) i. e. hodie amissos commemorare.

quantum Ira suadebat. 4) Habuit in consilio fortunam publicam; 5) & æstimatis viribus, ex quibus iam perire nihil sine vniuerso poterat, dolorem vltionemque seposuit: in vnam vtilitatem occasionis intentus, 6) iram ante vicit, quam Hannibalem. Quid Scipio? nonne relicto Hannibale, Punico exercitu, omnibusque quibus irascendum erat, bellum in Africam transtulit, tam lentus, vt opinionem luxuriæ segnitæque malignis daret? Quid alter Scipio? non circa Numantiam multum diuque sedit, & hunc suum publicumque dolorem æquo animo tulit, diutius Numantiam quam Carthaginem vinci? dum circumuallat, & includit hostem, eo compulit, vt ferro ipsi suo caderent.

CAP. XII. Non est itaque vtilis, nec in præliis quidem aut in bellis Ira. In temeritatem enim prona est: & pericula dum inferre vult, non cauet. Illa certissima est virtus, quæ se diu multumque circumspexit, & texit; & ex lento ac destinato prouexit. 1) Quid ergo? inquit; vir bonus non irascetur, si cædi patrem suum viderit, si rapi matrem? Non irascetur, sed vindicabit, sed tuebitur. Quid autem times, ne parum illi magnus stimulus, etiam sine ira, pietas sit? Aut dic eodem modo; Quid ergo? cum viderit secari patrem suum, filiumue, vir bonus non flebit, nec linquetur animo? quæ accidere feminis videmus, quoties illas leuis periculi suspicio perculit. Officia sua vir bonus exequitur inconfusus, intrepidus: &

4. *Tantum ausus esset &c.*) Si ausus esset pugnare, quod ira suadebat. *Lips.*

5. *Habuit in consilio fortunam publicam*) considerabat fortunam Reipublicæ hætenus aduersam, per quam vires exhaustæ, nullam ultra iacturam patiebantur. *Lips.*

6. *In vnam vtilitatem occasionis intentus*) h. e. ira seposita nihil aliud spectans quam fructum qui ex occasione dari poterat. *Lips.*

1. *Prouexit*) h. e. longius iuit. *Lips.*

sic bono viro digna faciet, vt nihil faciat viro indignum. Pater cædetur? defendam. cæsus est? exsequar: 2) quia oportet, non quia dolet. Cum hoc dicis, Theophraste, quæris inuidiam præceptis fortioribus, 3) & relicto iudice, ad coronam venis. 4) quia vnusquisque in eiusmodi suorum casu irascitur, putas iudicatuos homines id fieri debere quod faciunt. Fere enim iustum quisque affectum iudicat quem agnoscit. 5) Irascuntur boni viri pro suorum iniuriis: sed idem faciunt, 6) si calda 7) non bene præbetur, si vitreum fractum est, si calceus luto sparsus est. Non pietas illam iram, sed infirmitas mouet: sicut pueri, qui tam parentibus amissis flebunt, quam nucibus. Irasci pro suis, non est pii animi, sed infirmi. Illud pulchrum dignumque, parentibus, liberis, amicis, ciuibz prodiro defensorem, ipso officio ducentē: volentem, iudicantem, prouidentem; non impulsū & rabidum. Nullus enim affectus vindicandi cupidior est, quam ira: & ob id ipsum ad vindicandum inhabilis, prærapida & amens: vt omnis fere cupiditas ipsa sibi in id, in quod properat, opponitur. 8) Itaque nec in pace, nec in bello, vnquam bona fuit. Pacem enim similem bel-

2. *Exsequar*) id est vlciscar. Sic de Const. Sap. c. 10. Lips.

3. *Cum hoc dicis, Theophr. &c.*) Nimirum istæ obiectiões sunt Theophrasti Peripatetici, quibus ad populi quippe captum accommodatis, inuidiam quæri Stoicis & robustioribus præceptis Seneca ait.

4. *Ad coronam venis*) A iudiciis publicis sumtum, vbi orator sæpe a iudice ad coronam, h. e. ad circumstantem populum se vertebat. Lips.

5. *Quem agnoscit*) cui se succumbere deprehendit.

6. *Sed idem faciunt*) His argumentum Theophrasti populare elidit. Quid ais, inquit, irasci eos in suorum iniuriis, debō tibi qui etiam in rebus minimis irascatur. Lips.

7. *Si calda*) h. e. aqua calefacta, quam inter epulas interponere, vel etiam vino miscere solebant. Lips.

8. *Opponitur*) ipsa sibi obstat.

li efficit: in armis vero obliuiscitur Martem esse communem, venitque in alienam potestatem, dum in sua non est. Deinde non ideo vitia in usum recipienda sunt, quia aliquando aliquid boni effecerunt. nam & febres quædam genera valetudinis leuant: nec ideo non ex toto illis caruisse melius est. Abominandum remedii genus est sanitatem debere morbo. Simili modo ira, etiamsi aliquando, ut venenum, & præcipitatio, & naufragium, ex inopinato profuit, non ideo salutaris omnino iudicanda est, sæpe enim saluti fuere pestifera.

CAP. XIII. Deinde quæ habenda sunt in bonis, quo maiora, eo meliora & optabiliora sunt. Si iustitia bonum est, nemo dicet meliorem futuram, si quid detractum ex ea fuerit: si fortitudo bonum est, nemo illam desiderabit ex aliqua parte deminui: ergo & ira quo maior, hoc melior. quis enim vllius boni accessionem recusauerit? atqui augeri illam inutile est: ergo & esse. Non est bonum, quod incremento malum fit. Vtilis, inquit, ira est, quia pugnaciores facit. Isto modo & ebrietas. Facit enim proteruos & audaces: multique meliores ad ferrum fuere male sobrii. Isto modo, dic & phrenesim & insaniam viribus necessariam: quia sæpe validiores furor reddit. Quid? non aliquoties metus e contrario fecit audacem? & mortis timor etiam inertissimos excitauit in prælium? Sed ira, ebrietas, timor, aliaque eiusmodi, sæda & caduca irritamenta sunt: nec virtutem instruunt, quæ nihil vitii eget, sed segnem aliquando animum & ignauum paullulum alleuant. Nemo irascendo fit fortior, nisi qui fortis sine ira non esset. Ita non adiutorium virtutis venit, sed in vicem. Quid quod, si bonum esset ira, perfectissimum quemque sequeretur? at qui iracundissimi, infantes, senesque, & ægri sunt; & inualidum omne natura querulum est.

CAP. XIV. Non potest, inquit Theophrastus, fieri

fieri, ut bonus vir non irascatur malis. Isto modo, quo melior quisque, hoc iracundior erit? Vide ne contra placidior, solutusque affectibus, & cui nemo odio sit. Peccantes vero quid habet cur oderit, cum error illos in huiusmodi delicta compellat? non est autem prudentis, errantes odisse: alioquin ipse sibi odio erit. Cogitet quam multa contra bonum morem faciat, quam multa ex his quæ egit, veniam desiderent. Iam irascetur etiam sibi. Neque enim æquus iudex aliam de sua, aliam de aliena causa, sententiam fert. Nemo, inquam, inuenitur qui se possit absolvere: & innocentem quisque se dicit, respiciens testem, 1) non conscientiam. Quanto humanius, mitem & paritum 2) animum præstare peccantibus, & illos non persequi, sed reuocare? Errantem per agros ignorantia viæ, melius est ad rectum iter admouere, quam expellere. Corrigendus est itaque qui peccat, & admonitione, & vi, & molliter, & aspere: meliorque tam sibi quam aliis faciendus, non siue castigatione, sed siue ira. Quis enim cui ineditur, irascitur?

CAP. XV. At corrigi nequeunt, nihilque in illis leue aut spei bonæ capax est. Tollantur e cœtu mortalium, facturi peiora quæ contingunt: 1) & quo vno modo possunt, definant mali esse: sed hoc sine odio. Quid enim est cur oderim eum, cui tum maxime prosum, cum illum sibi eripio? Num quis membra sua odit, tunc eum abscidit? non est illa ira, sed misera curatio. Rabidos effligimus canes, truce atque inmansuetum bovem cædimus, & morbidis pe-

1. *Respiciens testem*) h. e. innocentem quidem se existimare potest. quatenus criminis quod ad aliorum notitiam pervenerit non est reus, neutiquam autem si propriam respiciat conscientiam.

2. *Paritum*) id est qualis est parentum in liberos. Gronov.

1. *Facturi peiora quæ contingunt*) h. e. contagione nocituri, & malitiam in alios transfusuri. Lips.

coribus, ne gregem polluant, ferrum demittimus, portentosos fœtus extinguimus, liberos quoque, si debiles monstrosique editi sunt, mergimus. Non ira, sed ratio est, a sanis inutilia secernere. Nil minus quam irasci punientem decet: cum eo magis ad emendationem pœna proficiat, si iudicio lata est. Inde est, quod Socrates seruo ait: Caderem te, nisi irascerer. Admonitionem serui in tempus sanius distulit, illo tempore se admonuit. Cuius erit temperatus affectus, cum Socrates non sit ausus se iræ committere? Ergo ad coërcitionem errantium, sceleratorumque, irato castigatore non opus est. Nam cum ira delictum animi sit, non oportet peccata corrigere peccantem.

CAP. XVI. Quid ergo? non irascar latroni? non irascar venefico? Non. Neque enim mihi irascor, cum sanguinem mitto. Omne pœnæ genus, remedii loco admoueo. Tu adhuc in prima parte versaris errorum, nec grauiter laberis, sed frequenter: Obiurgatio te primum secreta, deinde publica emendare, tentabit. Tu longius iam processisti, quam ut possis verbis sanari: ignominia contineberis. Tibi fortius aliquid & quod sentias, inurendum est: in exilium, & loca ignota mitteris. In te duriora remedia iam solida nequitia desiderat: & vincula publica, & carcer adhibebitur. Tibi insanabilis animus est, & sceleribus scelera contexens: & iam non caussis, quæ nunquam malo defuturæ sunt, impelleris, sed satis tibi est magna ad peccandum causa, peccare. 1) Perbibisti nequitiam, & ita visceribus immiscuisti, ut nisi cum ipsis exire non possit. Olim miser mori quæris. 2) bene de te merebimur: auferemus tibi istam, qua vexaris, infamiam;

1. Peccare) h. e. non illecebræ peccati, sed ipsum te peccatum & infamia eius delectant. Lips.

2. Mori quæris) h. e. ita studio malus es, ut mortem mereri omnino velle videaris.

niam; & per tua alienaque volutato supplicia, id, quod vnum bonum tibi superest, repræsentabimus, mortem. Quare irascear, cui cum maxime prosum? Interim optimum misericordiæ genus est, occidere. Si intrassem valetudinarium exercitatus & sciens, aut domum diuitis, 3) non idem imperassem omnibus, per diuersa ægrotantibus. Varia in tot animis vitia video, & ciuitati curandæ adhibitus sum: pro cuiusque morbo medicina quæretur. Hunc sanet verecundia, hunc peregrinatio, hunc dolor, hunc egestas, hunc ferrum. Itaque etsi peruersa 4) induenda magistratui vestis, & conuocanda classico concio est: procedam in tribunal, non furens, nec infestus, sed vultu legis: & illa solennia verba, 5) leni magis grauique, quam rabida voce concipiam, & agi iubebo 6) non iratus, sed seuerus. Et cum ceruicem noxio præcidi imperabo, & cum parricidam in suam culleo, & cum mittam in supplicium militare, 7) & cum Tarpeio proditorem hostemue publicum imponam; 8) sine ira, eo vultu animoque ero, quo serpentes & animalia venenata percutio. Iracundia opus est ad puniendum. Quid? tibi videtur lex irasci his quos non nouit, quos non vidit, quos non futuros sperat? Illius itaque sumendus est animus, quæ non ira-

3. *In domum diuitis*) in qua in immensa illa seruatorum multitudine haud dubie aliqui ægri.

4. *Puerua*) Nimirum prætor & qui iudicio præsedebat, iam sententiam laturus ponebat prætextam, & in tunica sententiam ferebat; vel etiam in alia toga fordida. *Puerua* igitur vestis est indecens, qualis seruilis & funesta.

5. *Solennia verba*) quibus sententia concipitur. *Lips.*

6. *Agī iubebo*) Post sententiam pronunciatam *agē licet* dicebant, id est hunc tolle, hunc verbera, suspende. *Lips.*

7. *Militare*) magis conueniet præcedentibus *militarem*, h. e. noxium, parricidam, militaris loci hominem, siue proditorem. *Lips.*

8. *Imponam*) vt sc. deiiciatur, ordinaria enim illa pœna erit, Tarpeio saxo quorundam criminum reos deiicere. *Lips.*

scitur, sed constituit. Nam si bono viro ob mala facinora irasci conuenit, & ob secundas res malorum hominum inuidere conueniet. Quid enim est indignius, quam florere quosdam, & eos indulgentia fortunæ abuti, quibus nulla potest satis mala inueniri fortuna? Sed tam commoda illorum sine inuidia videbitur, quam scelera sine ira. Bonus iudex damnat improbanda; non odit. Quid ergo? non, cuius eiusmodi aliquid sapiens habebit in manibus, tangetur animus eius, eritque solito commotior? Fateor. Sentiet leuem, quendam, tenuemque motum. Nam, ut dixit Zeno, in sapientis quoque animo, etiam cum vulnus sanatum est, cicatrix manet. Sentiet itaque suspiciones quasdam & umbras affectuum: ipsis quidem carebit. Aristoteles ait, affectus quosdam, si quis illis bene utatur, pro armis esse. Quod verum foret, si velut bellica instrumenta sumi deponique possent induentis arbitrio. Hæc arma quæ Aristoteles virtuti dat, ipsa per se pugnant, non expectant manum. habent, & non habentur. 9) Nil aliis instrumentis opus est: Satis nos instruxit ratione Natura. Hæc dedit telum, firmum, perpetuum, obsequens, nec anceps, nec quod in dominum remitti posset. Non ad prouidendum tantum, sed ad res gerendas satis est per se ipsa ratio. Etenim quid est stultius, quam hanc ab iracundia petere præsidium: rem stabilem ab incerta, fidelem ab infida, sanam ab ægra? Quid, quod ad actiones quoque, in quibus solis opera iracundiæ videtur necessaria, multo per se ratio fortior est? Nam cum iudicauit aliquid faciendum, in eo perseverat. nihil enim melius inuentura est se ipsa, quo mutetur: ideo stat semel constitutis. Iram sæpe misericordia retro egit. 10) habet enim non solidum robur, sed vanum tumorem:

9. *Habent, & non habentur*) h. e. in nos imperium exercent, non patiuntur a nobis.

10. *Retro egit*) i. e. mutare propositum fecit. *Lips.*

violentisque principiis vtitur, non aliter quam qui a terra venti surgunt, & fluminibus paludibusque concepti, sine pertinacia vehementes sunt. Incipit magno impetu, deinde deficit ante tempus fatigata: & quæ nihil aliud quam crudelitatem ac noua genera pœnarum versaucrat; cum animaduertendum est, iam infracta lenisque est. Affectus cito cadit: æqualis est ratio. Ceterum etiam vbi perseuerauerit ira, nonnunquam si plures sunt, qui perire meruerunt, post duorum triumue sanguinem, occidere desinit. Primi eius ictus acres sunt, sicut serpentium venena a cubili repentiam nocent: innoxii dentes sunt, cum illos frequens morsus exhaust. Ergo non paria patiuntur, qui paria commiserant: & sæpe qui minus commisit, plus patitur; quia recentiori iræ obiectus est, & in totum inæqualis est. modo ultra quam oportet, excurrit, modo citius 11) debito resistit. Sibi enim indulget, ex libidine iudicat, & audire non vult, & patrocínio non relinquit locum, & ea tenet quæ inuasit, & eripi sibi iudiciũ suum, etiam si prauum est, non finit. Ratio utrique parti locum dat, & tempus dat. Deinde aduocationem 12) etiam sibi petit, vt excutiendæ spatium veritati habeat: ira festinat. Ratio id iudicari vult, quod æquum est. ira id æquum videri vult, quod iudicauit. Ratio nihil præter ipsum, de quo agitur, spectat: ira vanis & extra causam obuersantibus commouetur. Vultus illam securior, vox clarior, sermo liberior, cultus delicatior, aduocatio ambitiosior, 13) fauor popularis 14) exasperat. Sæpe infecta patrono, reum damnat: etiam si ingeritur oculis veritas, amat & tuetur errorem:

11. Citerius) interius, citra metam. Lips.

12. Aduocationem) moram & spatium deliberandi. Lips.

13. Aduocatio ambitiosior) aduocati qui amico præsentiam operamque commodabant. Lips.

14. Fauor popularis) in reum scilicet.

coargui non vult; & in male cœptis, honestior illi pertinacia videtur, quam pœnitentia. Cn. Piso fuit memoria nostra, vir a multis vitiis integer, sed prauus, & cui placebat pro constantia rigor. Is cum iratus duci iussisset eum, qui ex commeatu 15) sine commilitone redierat, quasi interfecisset quem non exhibebat, roganti tempus aliquod ad conquirendum, non dedit. damnatus extra vallum ductus est, & iam ceruicem porrigebat, cum subito apparuit ille commilito, qui occisus videbatur. Tunc centurio supplicio præpositus, condere gladium speculatorem 16) iubet: damnatum ad Pisonem reducit, redditurus Pisoni innocentiam. 17) nam militi fortuna reddiderat. Ingenti concursu deducuntur, complexi alter alterum, cum magno gaudio castrorum, commilitones. Conscendit tribunal furens Piso, ac iubet duci vtrumque, & eum militem qui non occiderat, & eum qui non perierat. Quid hoc indignius? quia vnus innocens apparuerat, duo peribant, Piso adiecit & tertium. Nam ipsum centurionem, qui damnatum reduxerat, duci iussit. Constituti sunt in eodem loco perituri tres, ob vnus innocentiam. O quam solers est iracundia, ad fingendas causas furoris! Te, inquit, duci iubeo, quia damnatus es: te, quia causa damnationis commilitoni fuisti: te, quia iussus occidere, imperatori non paruisti. Excogitauit quemadmodum tria crimina faceret, quia nullum inuenerat. Habet, inquam, iracundia hoc mali, non vult regi. Irascitur veritati ipsi, si contra voluntatem suam apparuerit: clamore, & tumultu, & totius corporis ia-

15. *Commeatu*) Commeatus & facultas tempusque præscriptum commeandi & remeandi. vid. Ep. 54. *Lipf.*

16. *Speculatorem*) Genus militum, li nimirum qui inter custodes corporis Imperatorii, velut in specula eius salutis erant, arma iis clypeus & lancea. vid. *Lipf.* ad Taciti *Histor.* I, 24.

17. *Innocentiam*) quam amiserat innocentem dampnando.

statione, quos destinavit, insequitur, adiectis conuiciis maledictisque. Hoc non facit ratio: sed si ita opus est, silens quitaque, totas domos funditus tollit, & familias reipublicæ pestilentes cum coniugibus ac liberis perdit, tecta ipsa diruit, & solo exæquat; & inimica libertati nomina exstirpat. Hæc non frendens, nec caput quassans, nec quicquam indecorum iudici faciens, cuius tum maxime placidus esse debet & in statu vultus, cum magna pronuntiat. Quid opus est, inquit Hieronymus, cum velis cedere aliquem, prius tua labia mordere? Quid si ille vidisset, desilientem tribunali proconsulem, & fasces lictori auferentem, & sua vestimenta scindentem, quia tardius scindebantur aliena? 18) Quid opus est mensam euertere? quid pocula affligere? quid se in columnas impingere? quid capillos euellere? femur pectusque percutere? Quantam iram putas, quæ quia non tam cito in alium quam vult, erumpit, in se reuertitur? Tenetur itaque a proximis, & rogatur, ut ipse sibi placetur: quorum nihil facit, quisquis vacuus ira; meritam cuique pœnam iniungit. Dimittit sæpe cum, cuius peccatum apprehendit; si pœnitentia facti spem bonam pollicetur; si intelligit, non ex alto venire nequitiam, sed summo, quod aiunt, animo inhærere. Dabit impunitatem, nec accipientibus nocituram, nec danti-bus. Nonnunquam magna scelera leuius, quam mi-nora compeſcet: si illa lapsu, non crudelitate com-missa sunt; his inest latens & operta, & inueterata calliditas. Idem delictum in duobus non eodem ma-lo afficiet, si alter per negligentiam admisit, alter cu-ravit 19) ut nocens esset. Hoc semper in omni anim-

18. *Scindebantur aliena*) nempe damnatorum, quibus lictor vestimenta contemnit & rapide auferbat, lacerabat & sic verberabat. *Lips.*

19. *Curavit*) i. e. cura & studio, atque adeo deliberato ani-mo effecit.

aduersione seruabit, vt sciat, alteram adhiberi, vt emendat malos: alteram, vt tollat. In vtroque non praterita, sed futura intuebitur. Nam, vt Plato ait, Nemo prudens punit, quia peccatum est, sed ne peccetur. Reuocari enim praterita non possunt: futura prohibentur. & quos volet nequitiae male cedentis exempla fieri, palam occidet: non tantum vt peccant ipsi, sed vt alios pereundo deterreant. Hæc cui expendenda, æstimandaque sunt; vides quam debeat omni perturbatione liber accedere ad rem summa diligentia tractandam, potestatem vitæ necisque. Male irato ferrum committitur. Ne illud quidem iudicandum est, aliquid iram ad magnitudinem animi conferre. Non est enim illa magnitudo; tumor est: nec corporibus copia vitiosi humoris intensus, morbus incrementum est, sed pestilens abundantia. Omnes quos vâcors animus supra cogitationes extollit humanas, altum quiddam & sublime spirare se credunt: ceterum nihil solidi subest, sed in ruinam prone sunt, quæ sine fundamentis creuere. Non habet ira cui insistant, non ex firmo mansuroque oritur, sed ventosa & inanis est: tantumque abest a magnitudine animi, quantum a fortitudine audacia, a fiducia insolentia, ab austeritate tristitia, a severitate crudelitas. Multum, inquam, interest inter sublimem animum, & superbum. Iracundia nihil amplum decorumque molitur. Contra, mihi videtur veterinosi & infelici animi, imbecillitatis sibi consci, sæpe indolescere. Vt exulcerata & ægra corpora, ad tactus leuissimos gommunt; ita muliebri maxime & puerile vitium est. At incidit & in viros. nam viris quoque puerilia ac muliebria ingenia sunt. Quid ergo? non aliquæ voces ab iratis emittuntur, quæ magno emissæ videantur animo, veram ignorantibus magnitudinem? qualis illa dira & abominanda: Oderint, dum metuent. Sullano scias sæculo scriptam. Nescio vtrum sibi pe-

ius

ius optauerit, ut odio esset, an ut timori. Oderint. Occurrit illi, futurum, ut execrentur, insidientur, opprimant. Quid adiicit? Dii illi male faciant, adeo reperit dignum odio remedium. Oderint. Quid? dum pareant? non. Dum probent? non. Quid ergo? dum timeant. Sic nec amari quidem vellem. Magno hoc dictum spiritu putas? falleris. nec enim magnitudo ista est, sed immanitas. Non est quod credas irascentium verbis: quorum strepitus magni, minaces sunt, intus mens pauidissima. Non est quod existimes verum esse, quod apud disertissimum virum Liuium dicitur, Vir ingenii magni magis quam boni. Non potest illud separari: aut & bonum erit, aut nec magnum. quia magnitudinem animi inconcussam intelligo, & introrsus solidam, ab imo parem firmamque: qualis inesse malis ingeniis non potest. Terribilis enim esse, & tumultuosa, & exitiosa possant: magnitudinem quidem, cuius firmamentum roburque bonitas est, non habebunt ceterum sermone, conatu, & omni extra paratu facient magnitudinis fidem. Eloquentur aliquid, quod tu magni putes, sic ut C. Cæsar. qui iratus cælo quod obstreperet 20) pantomimis, quos imitabatur studiosius quam spectabat, quodque comessatio sua fulminibus terretur, prorsus parum certis, 21) ad pugnam vocauit Iouem, & quidem sine missione, 22) Homericum illum exclamans versum, ἢ μὲν ἀντί, ἢ ἑνός. Quanta demencia fuit? putauit, aut sibi noceri ne a Ioue quidem posse, aut se nocere etiam Ioui posse. Non puto parum momenti hanc eius vocem ad incitandas coniu-

20. Cælo quod obstreperet) pro a cælo quod obstreperet, h. e. tonaret.

21. Parum certis) h. e. quæ ferire certo non possant, quippe quæ ipsum illud scelestum caput non tangerent.

22. Sine missione) h. e. ut non dimitteretur ex pugna prius quam alteruter cecidisset. Muræ.

ratorum mentes addidisse. vltimæ enim patientiæ visum est, eum ferre, qui louem non ferret. Nihil ergo in ira, ne cum videtur quidem vehemens, deos hominesque despiciens, magnum, nihil nobile est: aut si videtur alicui magnum animum ira producere, videatur & luxuria. Ebore sustineri vult, purpura vestiri, auro tegi, terras transferre, 23) maria concludere, flumina præcipitare, nemora suspendere. Videatur & auaritia magni animi, aceruis auri argentique incubat, & prouinciarum nominibus agros colit, & sub singulis villicis latiores habet fines, quam quos Consules fortiebantur. Videatur & libido magni animi, transnata freta, puerorum greges castrat, sub gladium mariti venit vxor, morte contempta. Videatur & ambitio magni animi. non est contenta honoribus annuis: si fieri potest, vno nomine occupare fastos vult, per omnem orbem titulos disponere. Omnia ista non refert, in quantum procedant, extendantque se: angusta sunt, misera, depressa. Sola sublimis & excelsa virtus est: nec quicquam magnum est, nisi quod simul & placidum.

LIBER SECVNDVS.

Argumentum & Ordo.

Duas partes habet. prior, *Quæstiunculas de Ira*; altera aduersus hanc *Remedia*. Prior quæstio, *An ira a solo impetu sit?* negat, & animum iudiciumque mox accedere. Itaque rationem audis, & coerceri potest: non futurum, si ab illo solo, & natura, esset. Discriminat obiter *Stoice Motus, & Affectus*. Hæc usque ad Cap. IV. inclusum. Quæstio deinde altera, *An crudeli-*

23. Terras transferre) i. e. e montibus plana facere, e planis montes, itam suectis terris maria inducere, Lips.

tas & sauitia sit ab Ira? negat, & alium Affectum esse: initium tamen aut alimentum a crebra Ira saepe habere. Cap. deinde VI, An vir bonus peccatis aut peccantibus irascatur? abnuat, & toto affectu isto liberat sapientem, &que ad Cap. XI. Ab eo quarit, An utilis sit ira, quia a Contemptu vindicat, & malos terret? Non admittit, & timeri fatetur: quod non est bonum aut optabile bono. Nam & fera, & morbi timentur. Hac ad Cap. XIII. In eo fatetur, simulari a sapiente Iram posse, non tamen &surpari. Neque simplicis aut generosi eam animi esse, quia libera & indomita gentes habent: imo ferocis, & a doctrina aut ratione inculti. Denique Cap. XVIII. Ut iliter ad Remedia Ira transit. Duo ea porrigit, Ne irascamur: & ne in ira peccemus, Ne incidamus, Educatio talis & talis iuuat: deinde pugna contra primas ira causas & aduocatione semper ac tempore uti. Tum suspiciones pellenda Luxus vitandus. Tum rebus sine sensu, hominibus exiguo sensu, iis qua natura, vel bono nostro sunt, non irasci. Culpas nostras videre & agnoscere, equiores ita alienis futuros. Non temere credere; & credita, examinare ab animo facientis. Precipue Fastus penendus, & aestimatio sui: qua iracundos & vindices facit. Pati potius, aut dissimulare: & a fado affectu abstinere, cuius deformitas in animo ac vultu expressa. Hac utilia, legantur, imbibantur.

CAPVT I.

P RIMVS Liber, Nouate, benigniorem habuit materiam. facilis enim in procliuia vitiorum decursus est. nunc ad exiliora veniendum est. Querimus enim, vtrum ira iudicio, an impetu incipiat: id est, vtrum sua sponte moueatur. an quemadmodum pleraque, quæ intra nos insciis nobis oriuntur. Debet autem in hæc se demittere disputatio, vt ad illa quoque altiora possit exurgere. Nam & in corpore nostra ossa, nervique & articuli, firma-
menta

menta totius, & vitalia, minime speciosa visu, prius ordinantur : deinde hæc, ex quibus omnis in faciem aspectumque decor est : post hæc omnia, qui maxime oculos rapit color, ultimus perfecto iam corpore affunditur. Iram quin species oblata iniuriæ moueat, non est dubium : sed utrum speciem ipsam statim sequatur, & non accedente animo excurrat, an illo assentiente moueatur, quærimus. Nobis placet, nil ipsam per se audere, sed animo approbante. Nam speciem capere acceptæ iniuriæ, & ultionem eius concupiscere, & utrumque coniungere, nec lædi se debuisse, & vindicari debere, non est eius impetus, qui sine voluntate nostra concitatur. Ille simplex est : hic compositus, & plura continens. Intellexit aliquid, indignatus est, damnavit, vleiscitur. hæc non possunt fieri, nisi animus eis, quibus tangebatur, assensus est.

CAP. II. Quorsus, inquis, hæc quæstio pertinet? Ut sciamus, quid sit ira. Nam si inuitis nobis nascitur, nunquam rationi succumbet. Omnes enim motus, qui non voluntate nostra fiunt, inuicti & ineuitabiles sunt : ut horror frigida aspersis, ad quosdam tactus aspernatio, 1) ad peiores nuntios subriguntur pili, & rubor ad improba verba suffunditur, sequiturque vertigo prærupta cernentes. Quorum quia nihil in nostra potestate est, nulla, quo minus fiant, ratio persuadet : Ita præceptis fugatur. Est enim voluntarium animi vitium, non ex his quæ conditione quadam humanæ sortis eueniunt ; ideoque etiam sapientissimis accidunt. Inter quæ & primus ille ictus animi ponendus est, qui nos post opinionem iniuriæ mouet. Hic subit etiam inter ludicra scenæ spectacula, & lectiones rerum vetustarum, sæpe Clodio Ciceronem expellenti,

1. *Aspernatio*) quæ scilicet subtrahitur corpus ut tactus evitetur, quod facere solemus cum latera ex improprio titillantur. Sic gustus aspernari dicitur, quæ respuit, & quæ fastidium faciunt.

& Antonio occidenti, videmur irasci. Quis non contra Marii arma, & contra Sullæ proscriptionem concitatur? Quis non Theodoto, & Achillæ, & ipsi puero, non puerile auso facinus, infestus est? Cantus nos nonnunquam & concitata modulatio instigat; Martius quoque ille tubarum sonus mouet mentes, & atrox pictura & iustissimorum suppliciorum tristis aspectus. Inde est quod arridemus ridentibus, & contristat nos turba mœrentium, & efferuescimus ad aliena certamina: quæ non sunt iræ, non magis quam tristitia est, quæ ad conspectum mimici naufragii contrahit frontem: non magis quam timor, qui Hannibale post Cannas mœnia circumsidente, lectoris percutit animum: sed omnia ista motus sunt animorum moueri nolentium, nec affectus, sed principia præluentia affectibus. Sic enim militaris viri, in media pace iam togati aures tuba suscitatur, equosque castrenses erigit crepitus armorum. Alexandrum aiunt, Xenophanto canente manum ad arma misisse.

CAP. III. Nihil ex his quæ animum fortuito impellunt, affectus vocari debet. ista, vt ita dicam, patitur magis animus, quam facit. Ergo affectus est, non ad oblatas rerum species moueri, sed permittere se illis; & hunc fortuitum motum persequi. Nam si quis pallorem, & lacrimas procidentes, & irritationem humoris obscœni, altumue suspirium, & oculos subito acriores, aut quid his simile, indicium affectus, animique signum putat; fallitur, nec intelligit, hos corporis esse pulsus. Itaque & fortissimus, plerumque vir, dum armatur, expalluit: & signo pugnae dato, ferocissimo militi paululum genua tremuerunt: & magno imperatori, antequam inter se acies arietarent, eor exsiluit: & oratori eloquentissimo, dum ad dicen-

1. Puero) Ptolemæo Egypti Regi, qui suadentibus Theodoto & Achillæ, & facinus promouentibus Pompeium M. iacturæ curauit.

dum

dum componitur, summa riguerunt. Ira non moueri tantum, sed excurrere debet. est enim impetus. nunquam autem impetus sine assensu mentis est: neque enim fieri potest, ut de ultione & poena agatur, animo nesciente. Putauit se aliquis laesum, voluit vlcisci: dissuadente aliqua causa, statim refedit. Hanc, iram non voco, sed motum animi, rationi parentem. Illa est ira, quæ rationem transfilit, quæ secum rapit. Ergo illa prima agitatio animi, quam species iniuriæ incussit, non magis ira est, quam ipsa iniuriæ species, sed ille sequens impetus, qui speciem iniuriæ non tantum accepit, sed approbavit. Ira est concitatio animi, ad ultionem voluntate & iudicio pergentis. Nunquid dubium est, quin timor fugam habeat, ira impetum? Vide ergo an putes aliquid sine assensu mentis aut peti posse, aut cauere.

CAP. IV. Et ut scias, quemadmodum incipiant affectus, aut crescant, aut efferantur, est primus motus non voluntarius quasi præparatio affectus, & quædam commutatio. alter cum voluntate non contumaci, tanquam oporteat me vindicari, cum laesus sim: aut oporteat hanc poenas dare, cum scelus fecerit. tertius motus est iam impotens, qui non, si oportet, vlcisci vult: sed utique, qui rationem euicit. Primum illum animi ictum effugere ratione non possumus: sicut ne illa quidem, quæ diximus accidere corporibus, ne nos oscitatio aliena sollicitet, ne oculi ad intimationem subitam digitorum comprimantur. Ista non potest ratio vincere: consuetudo fortasse, & assidua observatio extenuat. Alter ille motus, qui iudicio nascitur, iudicio tollitur.

CAP. V. Illud etiamnum quærendum est. Hi qui vulgo sæuiunt, & sanguine humano gaudent, an irascantur, cum eos occidunt a quibus nec acceperunt iniuriam, nec accepisse se existimant: qualis fuit Apollodorus aut Phalaris. Hæc non est ira: feritas est.

non

non enim quia accepit iniuriam, nocet : sed parata est, dum noceat, velle accipere. nec illi verbera lacerationesque in ultionem petuntur, sed in voluptatem. Quid ergo ? Origo huius mali ab ira est : quæ ubi frequenti exercitatione & satietate in obliuionem clementiæ venit, & omne scelus humanum eiecit animo, nouissime in crudelitatem transit. Rident itaque, gaudentque, & voluptate multa perfruuntur, plurimumque ab iratorum vultu absunt, per otium sæui. Hannibalem aiunt dixisse, cum fossam sanguine humano plenam vidisset : O formosum spectaculum ! Quanto pulchrius illi visum esset, si flumen aliquod lacumque compleisset ? Quid mirum, si hoc maxime spectaculo esaperis, innatus sanguini, & ab infante cædibus admotus ? sequetur te fortuna crudelitatis tuæ per viginti annos secunda, dabitque oculis tuis gratum vbique spectaculum. videbis istud & circa Trasimenum, & circa Cannas, & nouissime circa Carthaginem tuam. Volens nuper sub diuo Augusto proconsul Asiæ, cum trecentos vna die securi percussisset, incedens inter cadavera vultu superbo, quasi magnificum quiddam conspiciendumque fecisset, Græce proclamauit : O rem regiam ! Quid hic rex fecisset ? Non fuit hæc ira, sed maius malum, & insanabile.

CAP. VI. Virtus, inquit, 1) vt honestis rebus propitia est, ita turpibus irata esse debet. Quid si dicatur, virtutem & humilem & magnam esse debere ? at qui hæc dicit, illam extolli vult, & deprimi. quoniam lætitia, ob recte factum, clara magnificaque est ; ira, ob alienum peccatum, sordida & angustæ pectoris est : nec vnquam committet virtus, vt vitia, dum compefcit, imitetur. ipsam iram castigandam habet, quæ nihilo melior est, sæpe etiam peior his delictis quibus irascitur. Gaudere lætarique, proprium & naturale

1, *Virtus inquit*) male hæc cohæreat, & deesse nonnulla nemo non videt.

virtutis est: irasci non est ex dignitate eius, non magis quam mœrere. Atque iracundiæ tristitia comes est; & in hanc omnis ira vel post pœnitentiam, vel post repulsam reuoluitur. Et si sapientis est, peccatis irasci, magis irascetur maioribus, & sæpe irascetur. sequitur, ut non tantum iratus sit sapiens, sed iracundus. Atqui si nec magnam iram, nec frequentem, in animo sapientis locum habere credimus: quid est, quare non ex toto hoc affectu illum liberemus? modus inquam esse non potest, si pro facto cuiusque irascendum est. Nam aut iniquus erit, si æqualiter irascetur delictis inæqualibus: aut iracundissimus, si toties excanduerit, quoties iram scelera meruerint. Et quid indignius, quam sapientis affectum ex aliena pendere nequitia? desinet ille Socrates posse eundem vultum domum referre, quem domo extulerat.

CAP. VII. Atqui si irasci sapiens debet turpiter factis, & concitari tristarique ob scelera, nihil est ærumnosius sapiente. omnis illi per iracundiam mœroremque vita transibit. Quod enim momentum erit, quo non improbanda videat? quoties processerit domo, per sceleratos illi, auarosque, & prodigos, & impudentes, & ob ista felices, incedendum erit: nusquam oculi eius flectentur, ut non quod indignantur, inueniant. Deficiet, si toties a se iram, quoties causa poscet, exegerit. Hæc tot millia ad forum prima luce properantia, quam turpes lites, quanto turpiores aduocatos habent? Alius iudicia patris accusat, 1) quæ mereri satius fuit: alius cum matre consistit: 2) alius delator venit eius criminis, cuius manifestior reus est. & iudex damnaturus quæ fecit eligitur: & co-

1. *Judicia Patris accusat.*) i. e. supremum patris voluntatem & decreta, siue testamentum. *Lips.*

2. *Consistit.*) Forense verbum, & dicunt consistere adversus aliquem vel cum aliquo eum, qui congredditur iudicio & experitur, ab ipsa re, quia stabant. *Lips.*

rona pro mala causa, bona patroni voce corrupta. Quid singula persequor? cum videris forum multitudine refertum, & Septa 3) concursu omnis frequentia plena, & illum Circum, in quo maximam sui partem populus ostendit; hoc scito, istuc tantundem esse vitiorum, quantum hominum. Inter istos quos togatos vides, nulla pax est: alter in alterius exitium leui compendio ducitur.

CAP. VIII. Nulli nisi ex alterius damno questus est: felicem oderunt, infelicem contemnunt: maiorem grauantur, minori graues sunt: diuersis stimulantur cupiditatibus: omnia perdit ob leuem voluptatem praedamque cupiunt. Non alia quam in ludo gladiatorio vita est, cum iisdem viuientium pugnantiumque. Ferarum iste conuentus est: nisi quod illae inter se placidae sunt, morsuque similium abstinent, hi mutua laceratione satiantur. Hoc vno ab animalibus mutis differunt: quod illa mansuescunt alentibus, horum rabies ipsos, a quibus est nutrita, depascitur. Nunquam irasci desinet sapiens, si semel coeperit, omnia sceleribus ac vitiis plena sunt, plus committitur, quam quod possit coercitione sanari. Certatur ingenti quodam nequitiae certamine: maior quotidie peccandi cupiditas, minor verecundia est. Expulso melioris aequiorisque respectu, quocumque visum est, libido se impingit. nec furtina iam scelera sunt: praeter oculos eunt. adeoque in publicum missa nequitia est, & in omnium pectoribus eualuit, vt innocentia non rara, sed nulla sit. Numquid enim singuli aut pauci rupere legem? vndique, velut signo dato, ad fas nefasque miscendum coorti sunt.

————— *Non hospes ab hospite tutus,*

Non socer a genero. fratrum quoque gratia rara est.

3. Septa) locus amplius & vacuus in Campo Martio, vbi suffragia terri solebant, extra Comitiale vero tempus vngi & etiosi conueniebat. Lips.

tom. I.

C

Immi

Imminet exitio vir coniugis, illa mariti.

Lurida terribiles miscent aconita nouerca.

Filius ante diem patrios inquirat in annos.

Et quanta pars ista scelerum est? non descripsit castra ex vna parte contraria, parentum liberorumque sacramenta diuersa, subiectam patriæ ciuis manu flammam, & agmina inuestorum equitum ad conquirendas proscriptorum latebras circumuolitantia, & violatos fontes venenis, & pestilentiam manu factam 1), & præductam obsessis parentibus fossam, plenos carceres, & incendia totas vrbes concremantia, dominationesque funestas, & regnorum publicorumque exitiorum clandestina consilia: & pro gloria habita, quæ quamdiu opprimi possunt, scelera sunt: raptus ac stupra, & ne os quidem libidini exceptum.

CAP. IX. Adde nunc publica periuriis gentium, & rupta fœdera, & in prædam validioris quicquid non resistebat, abductum; circumscriptiones, furta, fraudes, infitiationes, quibus trina non sufficiunt fora. 1) Si tantum irasci vis sapientem, quantum scelerum indignitas exigit: non irascendum illi, sed insaniendum est. Illud potius cogitabis, non esse irascendum erroribus. quid enim si quis irascatur in tenebris parum vestigia certa ponentibus? quid si quis surdis, imperia non exaudientibus? quid si pueris, quod neglecto dispectu officiorum, ad lusus & ineptos æqualium iocos spectent? quid si illis irasci velis, qui ægrotant, senescunt, fatigantur? Inter cetera mortalitatis incommoda, & hæc est caligo mentium: nec tantum necessitas errandi, sed errorum amor. Ne singulis irascaris, vniuersis ignoscendum: generi humano venia tribuenda est. Si irasceris iuuenibus senibusque,

1. *Manu factam*) h. e. fraude, venenis, aut maleficis arcessitam.

1. *Trina non sufficiunt fora*) nam tribus foris eo tempore ius dicebatur, foro Romano, Cæsaris & Augusti.

quod peccant: irascere infantibus, quod peccaturi sunt. Num quis irascitur pueris, quorum ætas nondum nouit rerum discrimina? maior est excusatio & iustior, hominem esse, quam puerum. Hac conditione nati sumus, animalia obnoxia non paucioribus animi, quam corporis morbis: non quidem obtusa nec tarda, sed acumine nostro male utentia, alter alteri vitiorum exempla. Quisque sequitur priores, male iter ingressos. quidni habeant excusationem, cum publica via errauerint?

CAP. X. In singulos seueritas imperatoris distringitur: at necessaria venia est, vbi totus deseruit¹⁾ exercitus. Quid tollit iram sapientis? turba peccantium. Intelligit quam & iniquum sit & periculosum, irasci publico vitio. Heraclitus quoties prodierat, & tantum circa se male viuentium, imo male pereuntium viderat, flebat, miserebatur omnium qui sibi læti felicesque occurrebant, miti animo, sed nimis imbecillo: & ipse inter deplorandos erat. Democritum contra, aiunt, nunquam sine risu in publico fuisse. adeo nihil illi videbatur serium eorum, quæ serio gerebantur. Vbi istic iræ locus est? aut ridenda omnia, aut flenda sunt. Non irascetur sapiens peccantibus. Quare? quia scit neminem nasci sapientem, sed fieri. scit paucissimos omni æuo sapientes euadere: quia conditionem humanæ vitæ perspectam habet: nemo autem naturæ sanus irascitur. Quid enim si mirari velit, non in siluestribus dumis poma pendere? quid si miretur spineta sentesque non vtili aliqua fruge compleri? nemo irascitur, vbi vitium natura defendit. Placidus itaque sapiens & æquus erroribus, non hostis, sed corrector peccantium, hoc quotidie procedit animo. Multi mihi occurrent vino dediti, multi libidinosi, multi ingrati, multi auari, multi furii

1. *Deseruit*) deserit exercitus, qui ducem prodit aut male habet.

ambitionis agitati. Omnia ista tam propitius aspiciet, quæ ægros suos medicus. Numquid ille cuius nauigium multam, vndique laxatis compagibus, aquam trahit, nauis ipsique nauigio irascitur? occurrit potius, & aliam excludit vndam, aliam egerit, manifesta foramina præcludit, latentibus & ex occulto sentinam ducentibus labore continuo resistit: nec ideo intermittit, quia quantum exhaustum est, subnascitur. Lento adiutorio opus est, contra mala continua & fecunda, non vt desinant, sed ne vincant.

CAP. XI. Vtilis est, inquit, ira: quia contemptum effugit, quia malos terret. Primum, ira si quantum minatur, valet; ob hoc ipsum quod terribilis est, & inuisa est. Periculosius est autem timeri, quam despicere. Si vero sine viribus est, magis exposita contemptui est, & derisum non effugit. quid enim est iracundia in superuacuum tumultuante frigidius? Deinde non ideo quædam, quia terribiliora, potiora sunt: nec hoc sapientis dici velim, quod fera quoque telum est, timeri. Quid? non timetur febris, podagra, hulus malum? numquid ideo quicquam in istis boni est? an contra, omnia despecta, & fœda, & turpia, ipso quo timentur, sunt? Ira per se deformis est, & minime metuenda: at timetur a pluribus, sicut deformis persona ab infantibus. Quid, quod semper in auctores redundat timor, nec quisquam metuitur, ipse securus? Occurrat hoc loco tibi Laberianus ille versus, qui medio civili bello in theatro dictus, totum in se populum non aliter conuertit, quam si missa esset vox publici affectus:

Neceffe est multos timeat, quem multi timent.

Ita natura constituit, vt quod alieno metu magnum est, a suo non vacet. Leoni quam pauida sunt ad leuissimos strepitus pectora: acerrimas feras vmbra, vox, & odor insolitus exagitat. quicquid terret, & trepidat. Non est ergo quare concupiscat quisquam sapiens, timeri.

CAP.

CAP. XII. Nec ideo iram magnum quisquam putet, quia formidini est: quoniam quædam etiam contemptissima timentur: venena, & ossa mortifera, & morsus. Nec est mirum, cum maximos ferarum greges linea pennis distincta¹⁾ contineat, & in insidias agat: ab ipso effectu dicta formido. Vanis enim vana terroris sunt. Curriculi motus, rotarumque versata facies, leones redigit in caueam: elephantes porcina vox terret. Sic itaque ira metuitur, quomodo umbra ab infantibus, a feris rubens pinna. non ipsa in se quicquam habet firmum aut forte, sed vanos animos mouet. Nequitia, inquit, de rerum natura tollenda est, si velis iram tollere: neutrum autem potest fieri. Primum, potest aliquis non algere, quamuis ex rerum natura hiems sit: & non æstuarè, quamuis menses æstivi sint. aut loci beneficio aduersus intemperiem anni tutus est, aut patientia corporis sensum vtriusque peruincit. Deinde verte istud. necesse est prius virtutem ex animo tollas, quam iracundiam recipias: quoniam cum virtutibus vitia non coeunt. Nec magis quisquam eodem tempore & iratus potest esse, & vir bonus, quam æger & sanus. Non potest, inquit, omnis ex animo ira tolli: nec hoc hominis natura patitur. Atque nihil est tam difficile & arduum, quod non humana mens vincat, & in familiaritatem perducatur assidua meditatio: nullique sunt tam feri & sui iuris affectus, ut non disciplina perdomentur. Quodcumque sibi imperauit animus, obtinuit. Quidam ne vnaquam riderent, consecuti sunt: vino quidam, alii Venere, quidam omni humore interdixere corporibus. Alius contentus breui somno, vigiliam

1. *Linea pennis distincta*) funiculi extensi quos lineas appellant, & in iis intextæ variarum animæ pinnae ad feras terrendas ut in reti cohererentur, in veterum usu fuere. vid. Oppianus Halic. 4. Nemesianus, alii. Id totum formido a re vocabatur, quia feris eam dabat. Conf. & Epictet. ap. Arian. II, 1. Lips.

indefatigabilem extendit: didicerunt tenuissimis & adversis funibus currere, & ingentia, vixque humanis toleranda viribus onera portare, & in immensam altitudinem mergi, ac sine ulla respirandi vice perpeti maria.

CAP. XIII. Mille sunt alia, in quibus pertinacia impedimentum omne transcendit, ostenditque nihil esse difficile, cuius sibi ipsa mens patientiam indiceret. Istis, quos paullo ante retuli, aut nulla tam pertinacis studii, aut non digna merces fuit. Quid enim magnificum consequitur ille, qui meditatus est per intensos funes ire? qui sarcinae ingenti ceruices supponere? qui somno non submittere oculos? qui penetrare in imum mare? & tamen ad finem operis, non magno auctoramento, labor peruenit; Nos non aduocabimus patientiam, quos tantum præmium expectat, felicitis animi immota tranquillitas? Quantum est effugere maximum malum iram, & cum illa rabiem, sæuitiam, crudelitatem, furorem, & alios comites eius affectus? Non est quod patrociniū nobis quæramus, & excusatam licentiam, dicentes, aut vtile id esse, aut inuitabile. cui enim tandem vitio aduocatus defuit? non est quod dicas, excidi non posse. sanabilibus ægrota-
mus malis; ipsaque nos in rectum genitos natura, si emendari velimus, iuvat. Nec, ut quibusdam dictum est, arduum in virtutes & asperum iter est: plano adeuntur. Non vanæ vobis auctor rei venio. facilis est ad beatam vitam via: inite modo bonis auspiciis, ipsisque diis bene iuuantibus. Multo difficilius est, facere ista quæ facitis. quid enim quiete otiosius animi, quid ira laboriosius? quid clementia remissius, quid crudelitate negotiosius? Vacat pudicitia, libido occupatissima est. omnium denique virtutum tutela facilius est; vitia magno coluntur. Debet ira removeri? hoc ex parte fatentur etiam, qui dicunt esse minuendam. Tota dimittatur; nihil profutura est. sine illa

illa facilius rectiusque scelera tollentur: mali punientur, & traducentur in melius.

CAP. XIV. Omnia, quæ debet sapiens, sine ullius malæ rei ministerio efficiet: nihilque admiscebit, cuius modum sollicitus obseruet. Nunquam itaque iracundia admittenda est: aliquando simulanda, si segnes audientium animi concitandi sunt. sicut tarde confurgentes ad cursum equos stimulis, facibusque subditis, 1) excitamus. Aliquando incutiendus est his metus, apud quos ratio non proficit. Irasci quidem non magis vtile est, quam mœrere, quam metuere. Quid ergo? non incidunt causæ, quæ iram lacestant? Sed tunc maxime illi opponendæ manus sunt: nec est difficile, vincere animum: cum athletæ quoque in vilissima sui parte 2) occupati, tamen ictus doloresque patientur, ut vires cædentis exhauriant; nec cum ira suadet, feriunt, sed cum occasio. Pyrrhum maximum præceptorem certaminis gymnici, solitum aiunt his quos exercebat, præcipere, ne irascerentur. Ira enim perturbat artem: & qua noceat tantum, non qua caueat, aspicit. Sæpe itaque ratio patientiam suadet, ira vindictam: & qui primis defungi malis potuimus, in maiora deuoluimur. Quosdam vnius verbi contumelia, non æquo animo lata, in exilium proiecit: & qui leuem iniuriam silentio ferre noluerant, gravissimis malis obruti sunt, indignatique aliquid ex plenissima libertate deminui, seruile in sese attraxerunt iugum.

CAP. XV. Ut scias, inquit, tram habere in se generosi aliquid, liberas videbis gentes quæ iracundissimæ sunt: ut Germanos & Scythas. Quod euenit, quia fortiora solidaque natura ingenia, antequam

1. *Facibusque subditis*) nimirum equi nonnulli accensis facibus ad cursum prouocabantur, ut habet Solin. c. 45. legunt tamen nonnulli pro *facibusque*, *calcibusque*.

2. *In vilissima sui parte*) h. e. corpore,

disciplina molliantur, prona in iram sunt. Quædam enim non nisi melioribus innascuntur ingeniis. sicut valida arbutta & læta, quamvis neglecta tellus creat: alia sæcundi soli filua est. Itaque & ingenia natura fortia iracundiam ferunt, nihilque tenue & exile capiunt, ignea & feruida: sed imperfectus ille vigor est, ut omnibus quæ sine arte, ipsius tantum naturæ bono, exsurgunt. sed nisi cito domita sunt, quæ fortitudini apta erant, audaciæ temeritatique consuescunt. Quid? non mitioribus animis vitia leniora coniuncta sunt? ut misericordia, amor, & verecundia. Itaque tibi sæpe bonam indolem malis quoque suis ostendam, sed non ideo vitia non sunt, si naturæ melioris indicia sunt. Deinde omnes istæ feritate liberæ gentes, leonum luporumque ritu, ut servire non possunt, ita nec imperare. Non enim humani vim ingenii, sed feri & intractabilis habent. nemo autem regere potest, nisi qui & regi.

CAP. XVI. Fere itaque imperia penes eos fuere populos, qui mitiore cælo utuntur: in frigora Septentrionemque vergentibus immanueta ingenia sunt, ut ait poëta,

— *Suoque simillima cælo.*

Animalia, inquit, generosissima habentur, quibus multum inest iræ. Errat, qui ea in exemplum hominis adducit, quibus pro ratione est impetus: homini pro impetu, ratio est. Sed nec illis quidem omnibus idem prodest. Iracundia leones adiuuat, paucos cervos, accipitrem impetus, columbam fuga. Quid, quod ne illud quidem verum est, optima animalia esse iracundissima? Feras putem, quibus ex raptu alimenta sunt, meliores, quo iratiores: patientiam laudauerim bouum, & equorum frenos sequentium. Quid autem est, cur hominem ad tam infelicia exempla reuoces: cum habeas mundum, Deumque, quem ex omnibus animalibus, ut solus imitetur, solus intelligit? Sim-
pli-

plicissimi, inquit, omnium habentur iracundi. Fraudulentis enim & versutis comparantur: & simplices videntur, quia expositi sunt. quos quidem non simplices dixerim, sed incautos. Stultis, luxuriosis, nepotibusque hoc nomen imponimus, & omnibus vitiis parum callidis.

CAP. XVII. Orator, inquit, iratus aliquando melior est. Imo imitatus iratum. nam & histriones in pronunciando non irati populum mouent, sed iratum bene agentes. Et apud iudices itaque, & in concione, & vbicunque alieni animi ad nostrum arbitrium agendi sunt, modo iram, modo metum, modo misericordiam, vt aliis inculiamus, ipsi simulabimus: & saepe id quod veri affectus non effecissent, effecit imitatio affectuum. Languidus, inquit, animus est, qui ira caret. Verum est, si nihil habet ira valentius. Nec latronem oportet esse, nec prædam; nec misericordem, nec crudelem. Illius nimis mollis animus, huius nimis durus est. Temperatus sit sapiens: & ad res fortius agendas non iram, sed vim adhibeat.

CAP. XVIII. Quoniam quæ de ira quærantur, tractauimus, accedamus ad remedia eius. Duo autem, vt opinor, sunt: ne incidamus in iram, & ne in ira peccemus. Vt in corporum cura, alia de tuenda valetudine, alia de restituenda, præcepta sunt: ita aliter iram debemus repellere, aliter compescere, vt vincamus. Quædam ad vniuersam vitam pertinentia præcipiuntur: ea in educationem, & in sequentia tempora diuidentur. Educatio maximam diligentiam, plurimumque profuturam desiderat. facile est enim, teneros adhuc animos componere: difficulter recidunt vitia, quæ nobiscum creuerunt. Opportunissima ad iracundiam feruidi animi natura est. nam cum elementa sint quatuor, ignis, aqua, ær, & terra: potestates pares his sunt, frigida, feruida, arida, atque humida. Et locorum itaque, & animalium, & corporum,

porum, & morum varietates, mixtura elementorum facit, & proinde in aliquos magis incumbunt ingenia, prout alicuius elementi maior vis abundauit. Inde quasdam humidas vocamus, aridasque regiones, & calidas, & frigidas. Eadem animalium & hominum discrimina sunt.

CAP. XIX. Refert quantum quisque humidi in se calidique contineat. cuius in illo elementi portio præualebit, inde mores erunt. Iracundos feruidi mixtura faciet: est enim actuosus & pertinax ignis. Frigidi mixtura timidos facit: pigrum est enim contrariumque frigus. Volunt itaque quidam ex nostris 1) iram in pectore moueri, efferuescente circa cor sanguine. Causa cur hic potissimum assignetur iræ locus, non alia est, quam quod in toto corpore calidissimum pectus est. Quibus humidi plus inest, eorum paulatim crescit ira: quia non est paratus illis calor, sed motu acquiritur. Itaque puerorum feminarumque iræ acres magis, quam graues sunt, leuiioresque dum incipiunt: siccis ætatibus vehemens robustaque ira est, sed sine incremento, non multum sibi adiiciens. quia inclinatum calorem frigus insequitur. Senes difficiles & queruli sunt, ut ægri & conualescentes, & quorum aut lassitudine, aut detractio sanguinis exhaustus est calor. In eadem causa sunt siti fameque rabidi, & quibus ex sanguine corpus est, maligneque alitur & deficit. Vinum incendit iram: quia calorem auget pro cuiusque natura.

CAP. XX. Quidam ebrii efferuescunt, quidam sicci. Neque vlla alia causa est, cur iracundissimi sint flauī rubentesque: quibus talis natura color est, qualis fieri ceteris inter iram solet. mobilis enim illis agitatique sanguis est. Sed quemadmodum natura quosdam procliuēs in iram facit: ita multæ incidunt causæ,

1. Ex nostris) i. e. Stoicis.

quæ idem possint quod natura. Alios morbus aut iniuria corporum in hoc perduxit, alios labor, & continua peruigilia, noctesque sollicitæ, & desideria, amoresque: & quicquid aliud aut corpori nocuit aut animo, ægram mentem in querelas parat. Sed ista omnia initia causæque sunt, plurimumque potest consuetudo, quæ, si grauis est, alit vitium. Naturam quidem mutare, difficile est: nec licet semel inmixta nascentium elementa conuertere. Sed in hoc nosse profuit, vt calentibus ingeniis subtrahas vinum, quod pueria Plato negandum putat, & ignem vetat igne incitari. Nec cibus quidem implendi sunt, distendentur enim corpora, & animi cum corpore tumescunt. Labor illos citra lassitudinem exerceat: vt minuatur, non vt consumatur calor, nimiusque ille feruor despumet. Lusus quoque proderunt. modica enim voluptas laxat animos, & temperat. Humidioribus, siccioribus & frigidis non est ab ira periculum: sed maiora vitia metuenda sunt, pauor, difficultas, & desperatio, & suspiciones.

CAP. XXI. Mollienda itaque, fouendaque talia ingenia, & in lætitiâ euecanda sunt. Et quia aliis contra iram, aliis contra tristitiam remediis vtendum est, nec dissimilibus tantum ista, sed contrariis curanda sunt, semper ei occurremus, quod increuerit. Plurimum, inquam, proderit pueros statim salubriter institui. Difficile autem regimen est: quia dare debemus operam, ne aut iram in illis nutriamus, aut indolem retundamus. Diligenti obseruatione res indiget. Vtrumque enim & quod extollendum, & quod deprimendum est, similibus alitur. facile autem etiam attendentem similia decipiunt. Crescit licentia spiritus, seruitute comminuitur. assurgit, si laudatur, & in spem sui bonam adducitur: sed eadem ista insolentiam & iracundiam generant. Sic itaque inter vtrumque regendus est, vt modo frænâ vtamur, modo stimulis:

mulis: nihil humile, nihil feruile patiatur. Nunquam illi necesse sit rogare suppliciter: nec proſit rogasse. potius cauſſæ ſuæ, & prioribus factis, & bonis in futurum promiſſis 1) donetur. In certaminibus æquarium nec vinci illum patiamur, nec irasci. demus operam, vt familiaris ſit his; cum quibus contendere ſolet: vt in certamine aſſueſcat non nocere velle, ſed vincere. Quoties ſuperauerit, & dignum aliquid laude fecerit, attolli, non geſtire patiamur. gaudium enim exultatio, exultationem tumor, & nimia æſtimatio ſui ſequitur. Dabimus aliquod laxamentum: in deſidiam vero otiumque non reſoluemus, & procul a contactu deliciarum retinebimus. Nihil enim magis facit iracundos, quam educatio mollis & blanda. ideo vniciſ quo plus indulgetur, pupillisque quo plus licet, corruptior animus eſt. Non reſiſtet offenſis, cui nihil vnquam negatum eſt, cui lacrimas ſolicite ſemper mater abſterſit, cui de pædagogo ſatiſfactum eſt. Non vides, vt maiorem quamque fortunam maior ira comitetur? In diuitibus nobilibusque & magiſtratus præcipue apparet, cum quicquid leue & inane in animo erat, ſecunda ſe ſura ſuſtulit. Felicitas iracundiam nutrit, vbi aures ſuperbas aſſentatorum turba circumſtetit. Tibi enim reſpondeat; 2) Non pro ſtigio te tuo metiris: ipſe te proiiciſ. & alia, quibus vix ſanæ, & ab initio bene fundatæ mentes, reſiſterint. Longe itaque ab aſſentatione pueritia remouenda eſt. audiat verum, & timeat interim, vereatur ſemper, maioribus aſſurgat. nihil per iracundiam exoret. Quod ſienti negatum fuerat, quieto offeratur. & diuitias parentum in conſpectu habeat, non in uſu, exprobrentur illi perperam facta.

1. Bonis in futurum promiſſis) a puero ſcilicet de emendatione factis.

2. Tibi enim reſpondeat) imitatur his & ſequentibus aſſentantes paraſitorum voces.

CAP. XXII. Pertinebit ad rem, præceptores pædagogosque pueris placidos dari. Proximis applicatur omne quod tenerum est, & in eorum similitudinem crescit. nutricum & pædagogorum retulere mox in adolescentiam mores. Apud Platonem educatus puer, cum ad parentes relatus, vociferantem videret patrem; Numquam, inquit, hoc apud Platonem vidi. Non dubito quin citius patrem imitatus sit, quam Platonem. Tenuis ante omnia victus, & non pretiosa vestis: & similis cultus cum æqualibus. Non irascetur aliquem sibi comparari, quem ab initio multis parem feceris. Sed hæc ad liberos nostros pertinent. In nobis siquidem fors nascendi & educatio nec vitii locum, 1) nec iam præcepti habet: sequentia ordinanda sunt. Contra primas itaque causas pugnare debemus: causa iracundiæ, opinio iniuriæ est; cui non facile credendum est, nec apertis quidem manifestisque statim accedendum. Quædam enim falsa, veri speciem ferunt, Dandum semper est tempus: veritatem dies aperit. Ne sint aures criminantibus faciles. hoc humanæ naturæ vitium suspectum, notumque nobis sit, quod quæ inviti audimus, libenter credimus: & antequam iudicemus, irascimur.

CAP. XXIII. Quid, quod non criminationibus tantum, sed suspicionibus impellimur, & ex vultu risuque alieno peiora interpretati, innocentibus irascimur? Itaque agenda est contra se causa absentis, & in suspenso ira retinenda. Potest enim pœna dilata exigi, non potest exactare vocari. Notus est ille tyrannicida, qui imperfecto opere comprehensus, & ab Hippia tortus, ut confcios indicaret, circumstantes amicos tyranni nominavit, quibus quam maxime caram salutem eius sciebat. Et cum ille singulos, ut nominati

1. Nec vitii locum) non enim in nostra potestate est, in educatione nostra secus admitta, utpote facta, quæ infecta fieri sequatur, mutare.

erant,

erant, occidi iussisset, interrogavit: *Ecquis superesset?* Tu, inquit, solus: neminem enim alium, cui carus esses, reliqui. Effecit ira, ut tyrannus tyrannicidae manus commodaret, & praesidia sua gladio suo caderet. Quanto animosius Alexander? qui cum legisset epistolam matris, qua adinonebatur, ut a veneno Philippi medici caueret, acceptam potionem non deterritus bibit. Plus sibi de amico suo credidit, dignus fuit qui innocentem haberet; dignus qui faceret. 1) Hoc eo magis in Alexandro laudo, quia nemo tam obnoxius irae fuit. quo rarior autem moderatio in regibus, hoc laudanda magis est. Fecit hoc & C. Caesar, ille qui victoria civili clementissime usus est. cum scrinia deprehendisset epistolarum ad Pompeium missarum ab iis, qui videbantur aut in diuersis, aut in neutris fuisse partibus, combussit: quamvis moderate soleret irasci, maluit tamen non posse. Gratissimum putauit genus veniae, nescire quid quisque peccasset. Plurimum mali credulitas facit. saepe ne audiendum quidem est: quoniam in quibusdam rebus satius est decipi, quam diffidere.

CAP. XXIV. Tollenda ex animo suspicio & coniectura, fallacissima irritamenta. Ille me parum humane salutauit, ille osculo meo non adhaesit, ille inchoatum sermonem cito abruptit, ille ad cenam non vocauit; illius vultus auersior visus est. Non deerit suspicioni argumentatio: simplicitate opus est, & benigna rerum aestimatione. Nihil nisi quod in oculos incurreret, manifestumque erit, credamus: & quoties suspicio nostra vana apparuerit, obiurgemus credulitatem. Haec enim castigatio consuetudinem efficiet non facile credendi.

CAP. XXV. Inde & illud sequitur, ut minimis sordidisque rebus non exacerbemur. Parum agilis est

1. *Qui faceret*) sc. innocentem, recuperata nimirum valetudine.

puer, aut tepidior aqua potui, aut turbatus torus, aut mensa negligentius posita. Ad ista concitari, insania est. æger & infelicitis valetudinis est, quem levis aura contraxit: 1) affecti oculi, quos candida vestis obturbat: dissolutus deliciis, cuius latus alieno labore condoluit. Mindyridem aiunt fuisse ex Sybaritarum ciuitate: qui cum vidisset fodientem, & altius rastrum alleuantem, lassum se fieri questus, vetuit illum opus in conspectu suo facere. idem sæpius questus est, quod foliis rosæ duplicatis incubuisset. Vbi animum simul & corpus voluptates corrumpere, nihil tolerabile videtur: non quia dura, sed quia molles patimur. Quid enim est cur tussis alicuius, aut sternutamentum, aut musca parum curiose fugata, nos in rabiem agat, aut obuersatus canis, aut clauis negligentis serui manibus elapsa? Feret iste æquo animo ciuile conuitium, & ingesta in concione curiaue maledicta, cuius aures tracti subsellii stridor offendit? Perpetietur hic famem, & æstiuæ expeditionis sitim, qui puero male diluenti niuem, irascitur?

CAP. XXVI. Nulla itaque res magis iracundiam alit, quam luxuria intemperans & impatiens: dure tractandus animus est: ut ictum non sentiat, nisi gravem. Irascimur aut his a quibus nec accipere iniuriam potuimus, aut his a quibus accipere potuimus. Ex prioribus quædam sine sensu sunt: ut librum, quem minutoribus litteris scriptum sæpe proiecimus, & mendosum lacerauimus: ut vestimenta, quæ quia displicebant, scidimus. His irasci quam stultum est: quæ iram nostram nec meruerunt, nec sentiunt? Sed nos offendunt videlicet, qui illa fecerunt. Primum, sæpe antequam hoc apud nos distinguamus, irascimur: deinde fortasse ipsi quoque artifices excusationes iustas afferent. Alius non potuit melius facere, quam

1. Contraxit) membra eius, ut in frigore fieri solet, adduxit. Lippi

fecit: nec ad tuam contumeliam parum didicit. alius non in hoc, ut te offenderet, fecit. At ultimum, quid est dementius, quam bilem in homines collectam, in res effundere? Atqui ut his irasci dementis est, quæ aniima carent, sic mutis animalibus: quia nulla est iniuria, nisi a consilio profecta. Nocere itaque nobis possunt, ut ferrum, aut lapis; iniuriam quidem facere non possunt. Atqui contemni se quidam putant, ubi equi iidem obsequentes alteri equiti, alteri contumaces sunt: tanquam iudicio, non consuetudine, & arte tractandi, quædam quibusdam subiectiora sint.

CAP. XXVII. Atqui ut his irasci stultum est, ita pueris, & non multum a puerorum prudentia distantibus. Omnia enim ista peccata, apud æquum iudicem, pro innocentia habent imprudentiam. 1) Quædam sunt, quæ nocere non possunt, nullamque vim nisi beneficam & salutarem habent: ut dii immortales, qui nec volunt obesse, nec possunt. Natura enim illis mitis & placida est, tam longe remota ab aliena iniuria, quam a sua. Dementes itaque & ignari veritatis, illis imputant sævitiam maris, immodicos imbres, pertinaciam hiemis: cum interim nihil horum, quæ nobis nocent profunt, ad nos proprie dirigatur. Non enim nos causa mundo sumus, 2) hiemem æstatemque referendi. suas ista leges habent, quibus divina exercentur, nimis nos suspicimus, si digni nobis videmur, propter quos tanta moueantur. Nihil ergo horum in nostram iniuriam fit: imo contra, nihil non ad salutem. Quædam esse diximus, quæ nocere non possunt: quædam, quæ nolunt. In his erunt boni magistratus, parentesque, & præceptores, & iudices:

1. *Pro innocentia habent &c.*) i. e. loco innocentia eis est imprudentia, vel imprudentia eos reddit innocentes.

2. *Non enim nos causa mundo sumus*) h. e. non propter nos, vel nostram causa mundus hyemem atque æstatem per vices inducit.

quorum castigatio sic accipienda est, quomodo scalpellum, 3) & abſtinentia, & alia quæ profutura torquent. Affecti ſumus pœna? ſuccurrat, non tantum quid patiamur, ſed quid fecerimus: in conſilium de vita noſtra mittamur. Si verum ipſi dicere nobis voluerimus, pluris litern noſtram æſtimabimus. Si volumus æqui omnium rerum iudices eſſe, hoc primum nobis ſuadeamus; neminem noſtrum eſſe ſine culpa. Hinc enim maxima indignatio oritur. Nihil peccaui, nihil feci: imo nihil fateris. Indignamur aliqua admonitione aut coërcitione nos caſtigatos: cum illo ipſo tempore peccemus, quo adiicimus malefactis arrogantiâ & contumaciâ. Quis eſt iſte, qui ſe proſitetur omnibus legibus innocentem? Vt hoc ita ſit, quam anguſta innocentia eſt, ad legem bonum eſſe? 4) quanto latiùs officiorum patet, quam iuris regula? quam multa pietas, humanitas, liberalitas, iuſtitia, fides exigunt, quæ omnia extra publicas tabulas ſunt?

CAP. XXVIII. Sed ne ad illam quidem arctiſſimam innocentia formulam 1) præſtare nos poſſumus. Alia fecimus, alia cogitauimus: alia optauimus, aliis fauimus; in quibusdam innocentes ſumus, quia non ſucceſſit. Hoc cogitantes, æquiores ſimus delinquentibus, cedamus obiurgantibus: vtique nobis ne irascamur, (cui enim non, ſi nobis quoque?) minime diis. Non enim illorum, ſed lege mortalitatis patimur, quicquid incommodi accidit. At morbi doloresque incurrunt. Vtique aliqua fugiendum eſt, domicilium putre ſortitis. Dicetur aliquis male de te locutus, cogita an prior feceris, cogita de quam multis loquaris. Co-

3. Scalpellum) ſecandæ carni a medico adhibitum.

4. Ad legem bonum eſſe) id eſt ea tantum obſeruare quæ lex præcipit, & ob quæ in ius vocari queas.

1. Arctiſſimam innocentia formulam) i. e. ipſam legum regulam, quæ minime late patet. Lipſ.

gitemus, inquam, alios non facere iniuriam, sed reponere: alios *pronos* 1) facere, alios coactos facere, alios ignorantes: etiam eos qui volentes scientesque faciunt, ex iniuria nostra non ipsam iniuriam petere, 2) Aut dulcedine *urbanitatis* 3) prolapsus est, aut fecit aliquid, non ut nobis obesset, sed quia consequi ipse non poterat, nisi nos repulisset. Saepadulatio, dum blanditur, offendit. Quisquis ad se retulerit, quotiens ipse in suspicionem falsam inciderit, quam multis officiis suis fortuna speciem iniuriæ induerit, quam multos post odium amare cœperit, poterit non statim irasci: utique si sibi tacitus ad singula quibus offenditur, dixerit: Hæc & ipse commisi. Sed ubi tam æquum iudicem iuvenies? Is qui nullius non uxorem concupiscit, & satis iustam causam putat amandi, quod aliena est, idem uxorem suam aspicere non vult: & fidei acerrimus exactor, est perfidus: & mendacia persequitur, ipse periurus: & litem sibi inferri ægerrime calumniator patitur. Pudicitiam servulorum suorum attentari non vult, qui non pepercit suæ. Aliena vitia in oculis habemus: a tergo nostra sunt. Inde est, quod tempestiva 4) filii convivia pater deterior filio castigat. Nihil alienæ luxuriæ ignoscit, qui nihil suæ negavit: & homicidæ tyrannus irascitur: & punit furta sacrilegus. Magna pars hominum est, quæ non peccatis irascitur, sed peccantibus. Faciet nos moderationes respectus nostri, si consuluerimus nos: Nun-

1. *Pronos*) h. e. ipsa natura ac indole ad talia proclives.

2. *Ex iniuria nostra non ipsam iniuriam*) hoc est petere emolumentum ex iniuria, atque adeo illud intendere, non hanc.

3. *Dulcedine urbanitatis*) difficile namque & pulcre & acute excogitatum non proferre; dulce enim esse solet iis qui talia invenere, si ad alios belli inveniendi perveniat notitia.

4. *Tempestiva*) convivia tempestiva erant quæ præveniebant ordinarium cenandi tempus, circa horam quintam vespertinam instituta, ut diutius extrahi possent, cum alias circa horam nonam veteres Romani demum accumberent.

quid & ipsi aliquid tale commisimus? Nunquid sic errauimus? Expeditne nobis ista damuari? Maximum remedium est iræ, mora. Nec ab illa pete initio, ut ignoret, sed ut iudicet. desinet, si expectat, nec vniuersam illam tentaueris tollere, graues habet impetus primos: tota vincetur, dum partibus carpitur.

CAP. XXIX. Ex his quæ nos offendunt, alia renunciantur nobis, alia ipsi audimus aut videmus. His quæ narrata sunt, non debemus cito credere. multi ementiuntur, ut decipiant, multi, quia decepti sunt. alius criminatione gratiam captat, & fingit iniuriam, ut videatur doluisse factam. Est aliquis malignus, & qui amicitias coherentes diducere velit: est suspicax, & qui spectare ludos cupiat, ut ex longinquo tutoque speculetur, quos collisit. De paruula summa iudicatur, tibi res sine teste non probaretur; testis, sine iureiurando non valeret utrique parti dares aduocationem, 1) dares tempus, nec semel audires: magis enim veritas elucet, quo sapius ad manum venit. Amicum condemnas de præsentibus, 2) antequam audias, antequam interroges? illi; antequam aut accusatorem suum nosse liceat, aut crimen, irasceris? Iam verum, iam quid vtrunque diceretur, audisti. Hic ipse qui ad te detulit, desinet dicere, si probare debuerit. Non est, inquit, quod me protrahas. ego productus negabo. Alioqui nihil vnquam tibi dicam. Eodem tempore & instigat, & ipse se certamini & pugna subtrahit. Qui dicere tibi nisi clam non vult, pæne non dicit. Quid est iniquius, quam secreto credere, palam irasci?

CAP. XXX. Quorundam ipsi testes sumus: in his naturam excutiemus, voluntatemque facientium. Puer est? ætati donetur: nescit, an peccet. Pater est? aut tantum profuit, ut illi etiam iniuriæ ius sit: aut for-

1. *Aduocationem*) moram. Sic supra L. I. c. 16.

2. *De præsentibus*) i. e. statim præsentis opera, simile loquendi genus occurrit lib. 2. de benef. c. 35. *Gronov.*

tassis ipsum hoc meritum eius est, quo offendimur: Mulier est? errat. Iussus est? necessitati quis, nisi iniquus, succenset? Læsus est? non est iniuria, pati quod prior feceris. Iudex est? plus illius credas sententiæ, quam tuæ. Rex est? si nocentem punit, cede iustitiæ: si innocentem, cede fortunæ. Mutum animal est, aut simile muto? imitaris illud, si irasceris. Morbus est, aut calamitas? levius transiliet sustinentem. Deus est? tam perdis operam cum illi irasceris, quam cum illum alteri precaris iratum. Bonus vir est, qui iniuriam fecit? noli credere. Malus? noli mirari. Dabit pœnas alteri, quas debet tibi: & iam sibi dedit, qui peccavit. Duo sunt, ut dixi, quæ iracundiam concitant. primum, si iniuriam videmur accepisse: de hoc satis dictum est. deinde, si inique accepisse: de hoc dicendum est. Iniqua quædam iudicant homines, quia pati non debuerint: quædam, quia non sperauerint. Indigna putamus, quæ inopinata sunt. Itaque maxime commouent, quæ contra spem expectationemque euenerunt. nec aliud est quare in domesticis minima offendant: in amicis, iniuriam vocemus negligentiam.

CAP. XXXI. Quomodo ergo, inquit, inimicorum nos iniuriæ mouent? quia non exspectauimus illas, aut certe non tantas. Hoc efficit amor nostri nimis: inuiolatos nos etiam inimicis iudicamus esse debere. Regis quisque intra se animum habet, ut licentiam sibi dari velit, in se nolit. Aut ignorantia nos itaque rerum, aut insolentia iracundos facit. Ignorantia. quid enim mirum est, malos mala facinora edere? Quid noui est, si inimicus nocet, amicus offendit, filius labitur, seruus peccat? Turpissimam aiebat Fabius imperatori excusationem esse, Non putaui: ego turpissimam homini puto. Omnia puta, expecta. etiam in bonis moribus aliquid existet asperius. Fert humana natura insidiosos amicos, fert ingratos, fert

fert cupidos, fert impios. Cum de moribus vnus iudicabis, de publicis cogita. vbi maxime gaudebis, maxime metues: vbi tranquilla tibi omnia videntur, ibi nocitura non desunt, sed quiescunt. semper futurum aliquid, quod de offendat, existima. Gubernator nunquam ita totos sinus explicuit securus, vt non expedita ad contrahendum armamenta disponderet. Illud ante omnia cogita, scdam esse & execrabilem vim nocendi, & alienissimam homini, cuius beneficio etiam scua mansuescunt. Aspice elephantorum iugo colla submissa, taurorum pueris pariter ac feminis persultantibus terga impune calcata, & repentes inter pocula 1) sinusque innoxio lapsu dracones, & intra domum 2) vrforum leonumque ora placida tractantibus, adulantesque dominum feras: pudebit cum animalibus permutasse mores. Nefas est nocere patriæ: ergo ciui quoque. nam hic pars patriæ est. Sanctæ partes sunt, si vniuersum venerabile est. Ergo & homini. nam hic in maiore tibi vrbe ciuis est. Quid si nocere velint manus pedibus? manibus oculi? Ve omnia inter se membra consentiunt, quia singula seruari, totius interest; ita homines singulis parcent, quia ad cœtum geniti sumus. salua autem esse societas nisi amore & custodia partium non potest. Ne viperas quidem & natrices, & si qua morsu aut ictu nocent, effligeremus, si vt reliqua mansuefacere possemus, aut efficere, ne nobis aliisue periculo essent. Ergo no homini quidem nocebimus, quia peccauit, sed ne peccet: nec vnquam ad præteritum, sed ad futurum pœna referetur. non enim irascitur, sed cauet. Nam si puniendus est, cuiusque prauum maleficumque ingenium est, pœna neminem excipiet.

1. *Pocula*) rectius forsan oscula, erant enim in deliciis feminis dracones, qui eos osculis excipiebant, in sinu gerebant.

2. *Et intra domum*) inter iudicia domitæ feritatis ponit, quod habitationis humanæ patiantur consortium. Gronou.

4
CAP. XXXII. Atenim ira habet aliquam voluptatem: & dulce est, dolorem reddere. Minime. non enim ut in beneficiis honestum est, merita meritis repensare: ita iniurias iniuriis. illic, vinci turpe est: hic, vincere. Inhumanum verbum est, ut quidem 1) pro iusto receptum, Ultio: & a contumelia non differt nisi ordine. Qui dolorem regerit, tantum excusatus peccat. M. Catonem in balneo quidam percussit imprudens. quis enim illi sciens faceret iniuriam? postea satisfaciendi Cato, Non memini, inquit, percussum me. Melius putavit, non agnoscere, quam vindicare. Nihil, inquis, post tantam perulantiam mali factum est? imo multum boni. coepit Catonem nosse. Magni animi est, iniurias despicere. ultionis contumeliosissimum genus est, non esse visum dignum; ex quo peteretur ultio. Multi leues iniurias altius sibi demisere, dum vindicant: ille magnus & nobilis est, qui more magnæ feræ, latratus minutorum canum securus exaudit. Minus, inquit, contemnemur, si vindicauerimus iniuriam. Si tanquam ad remedium venimus, sine ira veniamus: non quasi dulce sit vindicari, sed quasi utile. Sæpe autem satius fuit dissimulare, quam vlcisci.

CAP. XXXIII. Potentiorum iniuriæ hilari vultu, non patienter tantum ferendæ sunt. Facient iterum, si se fecisse crediderint. Hoc habent pessimum animi magna fortuna insolentes, quos læserunt, & oderunt. Notissima vox est eius, qui in cultu regum consenuerat, cum illum quidam interrogaret, Quomodo rarissimam rem in aula consecutus esset, senectutem? Iniurias, inquit, accipiendo, & gratias agendo. Sæpe adeo iniuriam vindicari non expedit, ut ne fateri quidem expediat. C. Cæsar Pastoris splendidi equitis Romani filium cum in custodia habuisset, munditiis eius

1. Ut quidem) utcumque, licet.

& cul.

& cultioribus capillis offensus: rogante patre, ut salutem sibi filii concederet, quasi de supplicio eius admonitus, duci protinus iussit. Ne tamen omnia inhumane faceret aduersum patrem, ad cœnam illum invitauit eo die. venit Pastor, nihil vultu exprobrante. Propinauit illi Cæsar heminam: & posuit illi custodem. perdurauit miser, non aliter quam si filii sanguinem biberet. Vnguentum & coronas misit, & obseruare iussit an sumeret. sumsit. Eo die, quo filium extulerat, imo quo non extulerat, 1) iacebat conuiuia centesimus, & potiones vix honestas natalibus liberorum, podagricus senex hauriebat: cum interim non lacrimas emisit, non dolorem aliquo signo erumpere passus est. Cœnauit, tanquam pro filio exorasset. Quæris, quare? habebat alterum. 2) Quid ille Priamus? non dissimulauit iram, & regis genua complexus est? funestam perfusamque cruore filii manum ad os suum retulit, & cœnauit? sed tamen sine vnguento, sine coronis: & illum hostis sæuissimus multis solatiis, ut cibum caperet, hortatus est, non ut pocula ingentia, super caput posito custode, siccaret. Contempsisset Romanus pater, si sibi timuisset: nunc iram compescuit pietas. Dignus fuit, cui permetteret a conuiuio ad ossa filii legenda discedere. Ne hoc quidem permisit: benignus interim & comis adolescens propinationibus senem crebris, ut cura leniretur, admonens lacessebat: contra ille se lætū, & oblitum quid eo esset ætū die, præstitit. Perierat alter filius, si carnifici conuiuia non placuisset.

CAP. XXXIV. Ergo ira abstinendum est, siue par est qui lacesendus est, siue superior, siue inferior. Cum pare contendere, anceps est: cum superiore,

1. *Quo non extulerat*) Quota enim ei non soluerat, utpote cuius funus solenni ritu efferre non liceret.

2. *Habebat alterum*) quem etiam interimere poterat Cæsar si eum irritasset,

furiosum: cum inferiore, sordidum. Pusilli hominis & miseri est, repetere mordentem. mures & formicæ, quam manum adinueris, ora conuertunt: imbecillia se lædi putant, si tanguntur. Faciet nos mitiores, si cogitauerimus, quid aliquando nobis profuerit ille, cui irascimur, & meritis offensa redimetur. Illud quoque occurrat, quantum commendationis nobis allatura sit elementis fama, & quam multos venia amicos utiles fecerit. Ne irascamur inimicorum & hostium liberis. Inter Syllanæ crudelitatis exempla est, quod a rep. liberos proscriptorum submouit. Nihil est iniquius, quam aliquem heredem paterni odii fieri. Cogitemus, quoties ad ignoscendum difficiles erimus, an expediat omnes nobis inexorabiles esse. Quam sæpe veniam qui negauit, petit? quam sæpe pedibus eius aduolutus est, quem a suis repulit? Quid est gloriosius, quam iram amicitia mutare? Quos Populus R. fideliores habet socios, quam quos habuit pertinacissimos hostes? quod hodie esset imperium, nisi salubris prouidentia victos permiscuisset victoribus? Irascetur aliquis? tu contra beneficiis prouoca. Cadit statim simultas, ab altera parte deserta, nisi pariter, non pugnant. Si vtrinque concurritur, ille est melior, qui prior pedem retulit: victus est qui vicit. Percussit te? recede. referiendo enim, & occasionem sæpius feriendi dabis, & excusationem. non poteris reuelli, cum voles. Nunquid velit quisquam tam grauitur hostem ferire, vt relinquat manum in vulnere, & se ab ictu reuocare non possit? atqui tale ira telum est; vix retrahitur.

CAP. XXXV. Arma nobis expedita prospicimus, gladium commodum & habilem: non vitabimus impetus animi, his graues magis, furiosos & irreuocabiles? Ea demum velocitas placet, quæ vbi iussa est, vestigium sistit, nec vltra destinata procurrit, & quæ flecti, & a cursu ad gradum reduci potest. *Ægros scimus*

scimus nervos esse, ubi inuitis nobis mouentur. senex, aut infirmi corporis est, qui cum ambulare vult, currit. animi motus eos putemus sanissimos validissimosque, qui nostro arbitrio ibunt, non suo ferentur. Nihil tamen æque profuerit, quam primum intueri deformitatem rei, deinde periculum. Non est vllius affectus facies turbator. pulcherrima ora sœdauit, toruos vultus ex tranquillissimis reddidit: Linquit decor omnis iratos: & siue amictus illius compositus est ad legem, trahent vestem; omnemque curam sui effundent; si capillorum natura vel arte iacentium non informis est habitus, cum animo inhorescunt: tumescunt venæ, concutitur crebro spiritu pectus, rabida vocis eruptio colla distendit. tunc artus trepidi, inquietæ manus, totius corporis fluctuatio. Qualem intus putas esse animum, cuius extra imago tam sœda est? quanto illi intra pectus terribilior vultus, acrior spiritus est, intensior impetus, rupturus se nisi eruperit? Quales sunt hostium, vel ferarum cæde madentium, aut ad cædem euntium aspectus; qualia poëtæ inferna monstra sînxere, succincta serpentibus, & igneo flatu; quales ad bella excitanda, discordiamque in populos diuidendam, pacemque lacerandam, reterrimæ inferum exeunt Furix; talem nobis iram figuremus, flamma lumina ardentia, sibilo mugituque & gemitu & stridore, & si qua his inuisior vox est, perstreptentem, tela manu vtraque quatientem. neque enim illi, tegere se, cura est. 1) toruam, cruentamque, & cicatricosam, & verberibus suis linidam, incessibus velanis, offusam multa caligine, incurstantem, vastantem, fugantemque: & omnium odio laborantem, sui maxime: si aliter nocere non possit, terras, maria, cælum ruerre cupientem,

1. Neque enim illi, tegere se, cura est) quod si curæ esset, non tela vtraque manu quateret, sed scutum altera teneret, qua se tutaretur.

infestam pariter, inuisamque. Vel, si videtur, sit qualis apud vates nostros est,

Sanguineum quatiens dextra Bellona flagellum,

Aut scissa gaudens vadit Discordia palla.

aut si qua magis dira facies excogitari diri affectus potest.

CAP. XXXVI. Quibusdam, ut ait Sextius, iratis profuit aspexisse speculum. perturbavit illos tanta mutatio sui: velut in rem præsentem adducti non agnouerunt se. & quantum ex vera deformitate imago illa speculo repercussa reddebat? animus si ostendi, & si in vlla materia perlucere posset, intuentes nos confunderet, ater maculosusque, æstuans, & distortus, & tumidus. Nunc quoque tanta deformitas eius est per ossa carnesque, & tot impedimenta, effluentis: quid si nudus ostenderetur? Speculo equidem neminem deterritum ab ira credo. quid ergo? qui ad speculum venerat, ut se mutaret, iam mutauerat. 1) Iratis quidem nulla est formosior effigies, quam atrox & horrida, qualesque esse, etiam videri volunt. Magis illud videndum est, quam multis ira per se nocuerit. Alii nimio feruore rupere venas, & sanguinem supra vires elatus clamor egestit, & luminum suffudit aciem in oculos vehementius humor egestus, & in morbos ægri recidere, nulla celerior ad insaniam via est. Multi itaque continuauerunt iræ furorem; nec quam expulerant mentem, unquam receperunt. Aiacem in mortem egit furor, in furorem ira. Mortem liberis, egestatem sibi, ruinam domui imprecantur: & irasci se negant, non minus quam insanire, furiosi. Amicissimis hostes, vitandique carissimis: legum, nisi qua nocent, immemores, ad minima mobiles. non sermone, non officio, aditu faciles. Omnia per vim gerunt, gladiis & pugnare parati, & incumbere. Ma-

1. Jam mutauerat) habebat enim animum se compescendi, rationem audiebat, medicinamque querebat. Lips.

ximum enim malum illos cepit, & omnia exsuperans vitia. Alia paulatim intrant: repentina & vniuersa vis huius est: omnes denique alios affectus sibi subiicit: amorem ardentissimum vincit. Transfoderunt itaque amata corpora, & in eorum quos occiderant, iacere complexibus. Auaritiam durissimum malum, minimumque flexibile ira calcauit; adaecta opes suas spargere, & domui, rebusque in vnum collatis iniicere ignem. Quid? non ambitiosus magno aestimata proiecit insignia, honoremque delatum repulit? nullus affectus est, in quem non ira dominetur.

LIBER TERTIUS.

Argumentum & Ordo.

EXsequitur alteram partem Remedii, priore medio libro positam, sed dilatatam, Ne in ira peccemus: id est, refranemus eam & cobibeamus. Id varie fit: sed semper statimque faciendum in Affectu precipiti & incitato. Quem Aristoteles excusat: sed ipse eum accusat, & faditatem iterum ira ostendit. Hac ad Cap. vsque IV. Tum partitur, tria se dicturum, primum, Quemadmodum non irascamur; deinde, Quemadmodum ab ira liberemur; tertio, Quemadmodum alium irascentem sistamus placemusque. Hæc, etsi alibi cum repetitione priorum, tamen pulcherrime & vtilissime ad finem libri exsequitur: & aurea sive ætherea habebis munita & dicta.

CAPVT I.

Quod maxime desiderasti, Nouate, nunc facere tentabimus, iram excidere animis, aut certe refrænare, & impetus eius inhibere. Id aliquando palam aperteque faciendum est, vbi minor vis mali patitur: aliquando ex occulto, vbi nimium ardet, omnique impedimento exasperatur & crescit. Refert, quantas vires, quamque integras habeat:

virum.

utrumne verberenda & agenda retro sit, an cedere ei debeamus, dum tempestas prima defœuit, ne remedia ipsa secum ferat: consilium pro moribus cuiusque capiendum erit. Quosdam enim preces vincunt: quidam insultant, instantque submissis. Quosdam terrendo placabimus: alios objurgatio, alios confessio, alios pudor cœpto deiecit: alios mora, lentum præcipitis mali remedium, ad quod nouissime descendendum est. Ceteri enim affectus dilationem recipiunt, & curari tardius possunt: huius incitata, & se ipsam rapiens violentia, non paullatim procedit, sed dum incipit, tota est. Nec aliorum more vitiorum sollicitat animos, sed abducit: & impotentes sui, cupidosque vel communis mali, exagitat: nec in ea tantum, in quæ destinauit, sed in occurrentia obiter furit. Cetera vitia impellunt animos: ira præcipitat. Ceteris etiam si resistere contra affectus suos non licet, at certe affectibus ipsis licet stare: hæc non secus quam fulmina procellæque, & si qua alia irrevocabilia sunt quia non eunt, sed cadunt, vim suam magis ac magis tendit. Alia vitia a ratione, hæc a sanitate desciscit, alia accessus lenes habent, & incrementa fallentia: in iram deiectus animorum est. 1) Nulla itaque res vrget magis attonita, & in vires suas prona; & siue succedit, superba; siue frustratur, insana; ne repulsa quidem in tædium acta, ubi aduersarium fortuna subduxit, in se ipsam morsus suos vertit: nec refert, quantum sit ex quo surrexerit. Ex leuissimis enim in maxima euadit.

CAP. II. Nullam transit ætatem: nullum hominum genus excipit. Quædam gentes beneficio egestatis non nouere luxuriam. quædam, quia exercitiæ & vagæ sunt, effugere pigritiam. quibus incultus mos, agrestis vita est, circumscriptio ignara est, & fraus,

1. Deiectus animorum est) h. e. animi toti semel & vno impetu in eam prouunt,

& quod.

& quodcunque in foro malum nascitur. Nulla gens est, quam non ira infliget, tam inter Graios quam barbaros potens: non minus pernicioſa leges metuentibus, quam quibus iura diſtinguit modus virium. 1) Denique cetera ſingulos corripunt: hic vnus affectus eſt, qui interdum publice concipitur. Nunquam vniuerſus populus ſceminæ amore flagrat: nec in pecuniam aut lucrum tota ciuitas ſpem ſuam miſit, ambitio viri- tim ſingulos occupat. Impotentia non eſt malum publicum: ſæpe in iram vno agmine itum eſt. viri, ſeminæ, ſenes, pueri, principes, vulgusque conſenſere: & tota multitudo pauciſſimis verbis concitata, ipſum concitatorem antecellit. Ad arma protinus agnesque diſcurſum eſt, & indicta finitimis bella, aut geſta cum ciuibus. Totæ cum ſtirpe omni crematæ domus: & modo eloquio fauorabilis habitus, in multo honore, iram ſuæ concionis excepit 2) in imperatore ſuam legiones pila torſerunt. Diſſedit plebs tota cum patribus: publicum conſilium, ſenatus, non exſpectatis dilectibus, nec nominato imperatore, ſubito iræ ſuæ duces legit: ac per tecta vrbiſ nobiles conſectatus viros, ſupplicium manu ſumpſit. Violauit legationes rupto iure gentium, rabiesque infanda ciuitatem tulit: 3) nec datum tempus, quo reſideret tumor publicus: ſed deductæ protinus claſſes, & oneratæ tumultuario milite. Sine more, ſine auſpiciis populus ductu iræ ſuoque egreſſus, fortuita raptaque pro armis geſſit: deinde magna clade temeritatem audacis iræ luit.

1. *Quibus iura diſtinguit &c.*) h. e. quibus pro legibus ſuæ facultates ſunt, qui ſibi licere putant quod poſſunt.

2. *Ex modo eloquio fauorabilis habitus &c.*) h. e. modo ad eloquium accederet autoritas & honor loquentis, excepit ſine animo concepit populus iram, qua oratio affectum illum excitatura efferueſcebat.

3. *Tulis*) h. e. abſtulit, abripuit.

CAP. III. Hic barbaris forte ruentibus in bella exitus est. cum mobiles animos species iniuriæ perculit, aguntur statim: & qua dolor traxit, ruinæ modo regionibus incidunt incompofiti, interriti, incauti, pericula appetentes sua: gaudent feriri, & instare ferro, & tela corpore vrgere, & per suum vulnus exire. 1) Non est, inquis, dubium, quin magna ista & pestifera sit vis: ideo quemadmodum sanari debeat, monstra. Atqui, vt in prioribus libris dixi, stat Aristoteles defensor iræ, & vetat illam nobis exsecari. Calcar ait esse virtutis: hac erepta, inermem animum & ad conatus magnos pigrum, inertemque fieri. Necessarium est itaque fœditatem eius ac feritatem coarguere, & ante oculos ponere, quantum monstri sit, homo in hominem furens; quantoque impetu ruat, non sine perniciæ sua perniciosus, & ea deprimens, quæ mergi nisi cum mergente non possunt. Quid ergo? sanum hunc aliquis vocat, qui velut tempestate correptus, non it, sed agitur, & furenti malo seruit? nec mandat vltionem suam, sed ipse eius exactor, animo simul ac manu sæuit, carissimorum, eorumque quæ mox amissa fleturus est, carnifex? Hunc aliquis affectum virtuti adiutorem comitemque dat; consilia, sine quibus virtus gerit nihil, obturbantem? Caducæ sinistraeque sunt vires, & in malum suum validæ, in quas ægrum morbus & accessio erexit. Non est ergo, quod me putes tempus in superuacuis consumere, quod iram quasi dubiæ apud homines opinionis sit, infamem: cum aliquis sit, & quidem de illustribus philosophis, 2) qui illi indicat operas. 3) & tanquam vtilem ac spiri-

1. *Tela corpore vrgere & per suum vulnus exire*) In hostem ire per ipsam hastam quæ vulnus fecit, ita vt tela per vulnus exeant: quod feræ facere solent & apri. *Lips.*

2. *De illustribus Philosophis*) ipse sc. quem modo nominavit Aristoteles.

3. *Indicat operas*) qui negotia vtiliter expedienda iræ assignet, vt inutilem non esse appareat.

tus subministrantem in prælia, in actus rerum, ad omne quodcunque calore aliquo gerendum est, vocet. Ne quem fallat, tanquam aliquo tempore, aliquo loco profutura, ostendenda est rabies eius effrenata & attornita: apparatusque illi reddendus est suus, eculei, & fidiculae, & ergastula, & cruces, & circumdati defossis corporibus ignes, & cadauera quoque trahens vncus, varia vinculorum genera, varia pœnarum, lacerationes membrorum, inscriptiones frontis, & bestiarum immanium caueæ. Inter hæc instrumenta collocetur ira, dirum quiddam atque horridum stridens, omnibus per quæ furit detrior.

CAP. IV. Vt de ceteris dubium sit, nulli certe affectui peior est vultus, quem in prioribus libris descripsimus, asperum & acrem, & nunc subito retrorsum sanguine fugato, pallentem, nunc in os omni calore ac spiritu verso, subrubicundum, & similem cruento, venis tumentibus, oculis nunc trepidis & exsurgentibus, nunc in vno obtutu defixis & hærentibus. Adice dentium inter se arietatorum, & aliquem esse ¹⁾ cupientium, non alium sonum, quam est apri, tela sua attritu acuentibus. Adice articulorum crepitum, cum se ipse manus frangunt, & pulsatum sæpius pectus, anhelitus crebros, tractosque altius gemitus, instabile corpus, incerta verba subitis exclamationibus, trementia labra, interdumque compressa, & dirum quiddam exsibilantia. Ferarum, mehercules, siue illas fames exagitat, siue infixum visceribus ferrum, minus tetra facies est, etiam cum venatorem suum semianimes morsu ultimo petunt, quam hominis ira flagrantis. Age, si exaudire voces ac minas vacet, qualia excarnificati animi verba sunt? nonne renocare se quisque ab ira volet, cum intellexerit illam a suo primum malo incipere? Non vis ergo admoneam eos qui iram in summa po-

1. *Esse*) i. e. edisse & deuorasse, *Lips.*

tentia exercent, & argumentum virium existimant, & in magnis magnæ fortunæ bonis ponunt paratam vitionem, quam non sit potens, imo nec liber quidem dici possit, iræ suæ captus? 2) Non vis admonem, quo diligentior quisque sit, & ipse se circumspiciat: alia animi mala ad pessimos quosque pertinere, iracundiam etiam eruditis hominibus, & in alia sanis, irrepere? adeo ut quidam simplicitatis indicium iracundiam dicant, & vulgo credatur facillimus 3) quisque huic obnoxius.

CAP. V. Quorsus, inquis, hoc pertinet? Ut nemo se iudicet tutum ab illa: cum lentos quoque natura, & placidos, in sævitiam ac violentiam euocet. Quæ admodum aduersus pestilentiam nihil prodest firmitas corporis, & diligens valetudinis cura: promiscue enim imbecilla robustaque inuadit: ita ab ira tam inquietis moribus periculum est, quam compositis & remissis, quibus eo turpior ac periculosior est, quo plus in illis mutat. Sed cum primum sit, non irasci; secundum, retinere; tertium, alienæ iræ mederi: dicam primum, quemadmodum in iram non incidamus; deinde, quemadmodum nos ab illa liberemus; nouissime, quemadmodum irascentem retineamus placemusque, & ad sanitatem reducamus. Ne irascamur, præstabis, si omnia vitia iræ nobis subinde proposuerimus, & illam bene æstimauerimus. Accusanda est apud nos, damnanda: perscrutanda eius mala, & in medium protrahenda sunt: ut qualis sit appareat, comparanda cum pessimis est. Avaritia acquirit, & contrahit, quo aliquis melior utatur: ira impendit: paucis gratuita est. Iracundus dominus quosdam in fugam seruos egit, quosdam in mortem: quanto plus irascendo, quam id erat propter quod irascebatur,

2. *Captus*) rectius forsan *captiuus*. *Lips.*

3. *Facillimus*) i. e. benignissimus, lenissimus, qui facile ignoscit.

amisit?

amisit? Ira patri luctum, marito diuortium attulit, magistratui odium, candidato repulsam. Peior est etiam; quam luxuria: quoniam illa sua voluptate fruitur, hæc alieno dolore. Vincit malignitatem & inuidiam; illæ enim infelicem fieri volunt, hæc facere. illæ fortuitis malis delectantur: hæc non potest expectare fortunam, nocere ei quem odit, non noceri vult. 1) Nihil est simultatibus grauius: has ira conciliat. nihil est bello funestius: in hoc potentium ira prorumpit. ceterum etiam illa plebeia ira & priuata, inerme, & sine viribus bellum est. Præterea ira, ut seponamus quæ mox securura sunt damna; insidias, perpetuam ex certaminibus mutuis sollicitudinem, dat pœnas dum exigit: naturam hominis eiurat. Illa in amorem hortatur, hæc in odium: illa prodesse iubet, hæc nocere. Adice, quod cum indignatio eius a nimio sui suspectu veniat, & animosa videatur, pusilla est & angusta. nemo enim non eo, a quo se contemptum iudicat, minor est. At ille ingens animus, & verus æstimator sui, non vindicat iniuriam, quia non sentit. Ut tela a duro resiliunt, & cum dolore cædentis solida feriuntur: ita nulla magnum animum iniuria ad sensum sui adducit, fragilior eo quod petit. 2) Quanto pulchrius est, velut nulli penetrabilem telo, omnes iniurias contumeliasque respuere? Vltio, doloris confessio est. non est magnus animus, quem incuruat iniuria. Aut potentior te, aut imbecillior læsit. si imbecillior, parce illi: si potentior, tibi.

CAP. VI. Nullum est argumentum magnitudinis certius quam nihil posse, quo instigeris, accidere. Pars superior mundi & ordinatior, ac propinqua fide-

1. *Nocere ei quem odit, non noceri vult*) non contenta male alicui esse, ipsa ut male sit manum admouet.

2. *Fragilior eo quod petit*) iniuria teli instar aduersus petram vibrati, fragilior est eo quem petit viri sapientis animo, petra instar inconcussa.

ribus, nec in nubem cogitur, nec intempestatem impellitur, nec versatur in turbinem: omni tumultu caret. inferiora fulminant. Eodem modo sublimis animus, quietus semper, & in statione tranquilla collocatus, intra se premens quibus ira contrahitur, modestus & venerabilis est & dispositus: quorum nihil invenies in irato. Quis enim traditus dolori & furens, non primam reiecit verecundiam? quis impetu turbidus, & in aliquem ruens, non quicquid in se verecundi habuit, adiecit? cui officiorum numerus aut ordo constitit incitato? quis linguæ temperavit? quis ullam partem corporis tenuit? quis se regere potuit immissum? 1) Proderit nobis illud Democriti salutare præceptum, quo monstratur tranquillitas, si neque priuatim, neque publice multa, aut maiora viribus nostris egerimus. Nunquam tam feliciter in multa discurrenti negotia dies transit, ut non aut ex homine, aut ex re offensa nascatur, quæ animum in iras paret. Quemadmodum per frequentia urbis loca properanti in multos incurritandum est, & alicubi labi necesse est, alicubi retineri, alicubi respergi: ita in hoc vitæ actu dissipato & vago, multa impedimenta, multæ querelæ incidunt. Alius spem nostram sefellit, alius distulit, alius intercept: non ex destinato proposita fluxerunt nulli fortuna tam dedita est, ut multa tentanti ubique respondeat. sequitur ergo, ut is cui contra quam proposuerat, aliqua cesserunt, impatiens hominum rerumque sit: ex leuissimis causis irascatur, nunc personæ, nunc negotio, nunc loco, nunc fortunæ, nunc sibi. Itaque ut quietus possit esse animus, non est iactandus, nec multarum, ut dixi, rerum actu fatigandus, nec magnarum, supraque vires appetitarum. Facile est, leuia aptare cervicibus, & in hanc aut in illam partem transferre sine lapsu: et quæ alienis in

1. *Immissum*) i. e. incitatum, & impetu actum, Gronov.

nos manibus imposita ægre sustinemus, victi in proximo effundimus, & dum stamus sub sarcina, impares oneri vacillamus.

CAP. VII. Idem accidere in rebus civilibus ac domesticis, scias. Negotia expedita & habilia sequuntur actorem : ingentia, & supra mensuram agentis, nec dant se facile, & si occupata sunt, premunt atque adducunt 1) administrantem, tenerique iam visa, cum ipso cadunt. Itaque fit, ut frequenter irrita sit eius voluntas, qui non quæ facilia sunt aggreditur, sed vult facilia esse, quæ aggressus est. Quotiens aliquid conaberis, te simul & ea quæ paras, quibusque pararis, ipse metire. Faciet enim te asperum pœnitentia operis infecti. Hoc interest, utrum quis feruidi sit ingenii, an frigidi atque humilis. generoso repulsa iram exprimet, languido inertique tristitiam. Ergo actiones nostræ nec parvæ sint, nec audaces, nec improbæ. in vicinum spes exeat. nihil conemur, quod mox adepti quoque successisse miremur.

CAP. VIII. Demus operam, ne accipiamus iniuriam, quam ferre nescimus. Cum placidissimo & facillimo & minime obnoxio 1) morosoque vivendum est. Sumuntur a conuersantibus mores : & ut quædam in contactos corporis vitia transfiliunt, ita animus mala sua proximis tradit. Ebriosus conuictores in amorem vini traxit : impudicorum cœtus fortem quoque &, si liceat, 2) virum emolliit : avaritia in proximos virus suum transtulit. Eadem ex diuerso ratio virtutum est, ut omne quod secum habent, mitigent. nec tam valetudini profuit utilis regio & salubrius cœlum ;

1. Adducunt) contrahunt, incurvant.

1. Obnoxio) h. e. infirmo, qui facile & impune læditur, ac vexationi expositus est, eoque anxius & sollicitus vivit, & ut astuta evenit timidus omnia in sinistram partem interpretatur.

Grouv.

a. Si liceat) i. e. nisi pervertatur : Si per molles liceat.

quam animis parum firmis, in turba meliore versari. Quæ res quantum possit, intelliges, si videris feras quoque conuictu nostro mansuescere: nullique etiam immeni bestię vim suam permanere, si hominis contubernium diu passa est. Retunditur omnis asperitas, paullatimque inter placida dedilicetur. Accedit hæc, quod non tantum exemplo melior fit, qui cum quietis hominibus viuit: sed quod causas irascendi non inuenit, nec vitium suum exercet. Fugere itaque dehebit omnes, quos irritaturos iracundiam sciet. Qui sunt, inquis isti? multi ex variis causis idem facturi. Offendet te superbus contemptu, dicax contumelia, petulans iniuria, liuidus malignitate, pugnax contentione, ventosus & mendax vanitate. Non feres a suspicioso timeri, a pertinace vinci, a delicato fastidiri. Elige simplices, faciles, moderatos; qui iram tuam nec euocent, & ferant. Magis adhuc proderunt submissi & humani, & dulces, non tamen vsque in adulationem. nam iracundos nimia assentatio offendit. Erat certe amicus noster, vir bonus, sed iræ paratioris, cui non magis erat tutum blandiri, quam maledicere. Cælius oratorem fuisse iracundissimum constat. cum quo, vt aiunt, cœnabat in cubiculo lectæ patientiæ cliens: sed difficile erat illi in copulam coniecto, 3) rixam eius cum quo hærebat, effugere. Optimum indicauit quicquid dixisset sequi, & secundas agere. 4) Non tulit Cælius assentientem, sed exclamauit: Dic aliquid contra, vt duo simus. 5) Sed ille quoque,

3. *In copulam coniecto*) i. e. cum altero iuncto copulatoque, ita vt comitem paullo diutius haberet. Nimirum *in copulam coniici* dicitur vt in vincula coniici. *Lips. & Gron.*

4. *Secundas agere*) obsequi & præeunti ancillari. Sumtum ab histrionibus, quorum illi qui secundarum sunt partium, iis qui primarum sunt partium se submitunt, & eos excellere patiuntur. Hinc *secundas agere*, est demittere, blandiri. *Lips.*

5. *Vt duo simus*) sc. vnus vldebatur, uterque, quia eiusdem sensus & sermonis. *Lips.*

quod

quod non irasceretur iratus, cito sine aduersario desit. Eligamus ergo vel hos potius, si conscii nobis iracundia sumus, qui vultum nostrum ac sermonem sequantur. facient quidem nos delicatos, & in malam consuetudinem inducent, nihil contra voluntatem audiendi; sed proderit, vitio suo interuallum & quietem dare. Difficilis quoque & indomita natura, blandientem feret: & nihil asperum tetrumque palpanti est. Quotiens disputatio longior & pugnacior erit, in prima resistamus, antequam robur accipiat. Alit se ipsa contentio: demissos altius⁶⁾ tenet. Facilius est se a certamine abstinere, quam abducere.

CAP. IX. Studia quoque grauiora iracundis omitenda sunt, aut certe citra lassitudinem exercenda: & animus non inter plura versandus, sed artibus amœnis tradendus. Lectio illum carminum obleniat, & historia fabulis detineat: mollius delicatiusque tractetur. Pythagoras perturbationes animi lyra componebat. quis autem ignorat, lituos & tubas concitamenta esse; sicut quosdam cantus blandimenta, quibus mens resoluitur? Confusis oculis profunt virentia, & quibusdam coloribus infirma acies acquiescit, quorundam splendore præstringitur: sic mentes ægras studia læta permulcent. Forum, aduocationes, iudicia, fugere debemus, & omnia quæ exulcerant vitium: æque cavere lassitudinem corporis. consumit enim, quicquid in nobis mite placidumque est, & acria concitat. Ideo quibus stomachus suspectus est, processuri ad res agendas maioris negotii, bilem cibo temperant quam maxime mouet fatigatio: siue quia calorem inedia compellit, & nocet sanguini, cursumque eius, venis laborantibus, sistit: siue quia corpus attenuatum & infirmum incumbit animo. certe ob eandem causam

6. Demissos altius) nimirum in certamen descendere adeoque demitti dicimur. demissi altius autem erunt, qui ultra quam par est in certamen descenderunt. Gronov.

iracundiores sunt valetudine aut ætate fessi. Fames quoque & sitis, ex eisdem causis, vitanda est: exasperat & incendit animos.

CAP. X. Vetus dictum est, A lasso rixam queri. æque autem & ab esuriente, & a sitiente, & ab omni homine quem aliqua res vrit. Nam ut vlcera ad leuem tactum, deinde etiam ad suspicionem tactus condolescent: ita animus affectus, minimis offenditur. adeo ut quosdam salutatio, epistola, oratio, & interrogatio in litem euocent. Nunquam sine querela ægra tinguntur. Optimum est itaque, ad primum mali sensum mederi sibi: tum verbis quoque suis minimum libertatis dare, & inhibere impetum. Facile est autem affectus suos cum primum oriuntur, deprehendere. morbum signa præcurrunt. Quemadmodum tempestatis ac pluriæ ante ipsas notæ veniunt: ita iræ, amoris, omniumque istarum procellarum animos vexantium, sunt quædam prænuncia. Qui comitali vitio solent corripì, iam aduentare valetudinem intelligunt, si calor summa deseruit, & incertum lumen, neruorumque trepidatio est, si memoria sublabitur, caputque versatur. Solitis itaque remediis incipientem causam occupant, & odore gustuque, quicquid est quod alienat animos, repellitur: aut formentis contra frigus rigoremque pugnatur: aut si parum medicina profecit, vitauerunt turbam, & sine teste ceciderunt. Prodest morbum suum nosse, & vires eius antequam spatientur, opprimere. Videamus quid sit, quod nos maxime concitet. Alium verborum, alium rerum contumeliæ mouent. hic vult nobilitati suæ, hic formæ suæ parci. ille elegantissimus haberi cupit, ille doctissimus. hic superbix impatiens est, hic contumaciæ; ille seruos non putat dignos quibus irascatur: hic intra domum sæuus est, foris mitis. ille rogari, inuidiam iudicat: 1) hic,

1. Inuidiam indicat) quasi graue fortunæ suæ & inuidiosum, quemquam sibi supplicare, Lips.

non rogari, contumeliam. 2) Non omnes ab eadem parte feriuntur.

CAP. XI. Scire itaque oportet, quid in te imbecillum sit, ut id maxime protegas. Non expedit omnia videre, omnia audire. multæ nos iniuriæ transeant: ex quibus plerasque non accipit, qui nescit. Non vis esse iracundus? ne sis curiosus, Qui inquirit quid in se dictum sit, qui malignos sermones etiam si secreto habiti sint, eruit, se ipse inquietat. Quædam interpretatio eo perducit, ut videantur iniuriæ. Itaque alia differenda sunt, alia deridenda, alia donando Circumscribenda multis modis ira est. pleraque in lulum locumque vertantur. Socratem aiunt, colapho percussum nihil amplius dixisse, quam Molestum esse, quod nescirent homines quando cum galea prodire deberent. Non quemadmodum facta sit iniuria refert, sed quemadmodum lata. Nec video quare difficile sit moderatio, cum sciam tyrannorum quoque, tumida & fortuna & licentia ingenia, familiarem sibi sævitiam repressisse. Pisistratum certe, Atheniensium tyrannum, memoriæ proditur, cum multa in crudelitatem eius ebrius contuius dixisset, nec deessent qui vellent manus ei commodare, & alius hinc, alius illinc faces subderent; placido animo tulisse, & hoc irritantibus respondisse, Non magis illi se succensere, quam si quis obligatis oculis in se incurrisset. Magna pars querelas manu fecit, 1) aut falsa suspicando, aut leuia aggravando.

CAP. XII. Sæpe ad nos ira venit, sæpius nos ad illam, quæ nunquam arcessenda est: etiam cum incidit, reiiciatur. Nemo dicit sibi: Hoc propter quod irascor, aut feci, aut fecisse potui. Nemo animum facientis, sed ipsum æstimat factum. atqui illi intuen-

2. Contumeliam) quasi super be contemnatur. id.

1. Manus fecit) Sponte, ipsi fabricati sunt & inuenerunt. Lips.

dus est: voluerit, an inciderit: coactus sit, an de-
 ceptus: odium secutus sit, an præmium: sibi morem
 gesserit, an manum alteri cominodauerit. Aliquid
 peccantis ætas facit, aliquid fortuna: vt ferre ac pati,
 aut humanum, aut humile sit. Eo loco nos constituamus,
 quo ille est cui irascimur. nunc facit iracundos
 iniqua nostri æstination, & quæ facere vellemus, pati
 nolumus. Nemo se differt. 1) atqui maximum reme-
 dium iræ, dilatio est: vt primus eius feruor relangu-
 scat, & caligo quæ premit mentem, aut residat, aut
 minus densa sit. Quædam ex his quæ te præcipitem
 ferebant, hora, non tantum dies, molliet: quædam
 ex toto euanescent. Si in hoc erit petita aduocatio, 2)
 apparebit iam iudicium esse, non iram. Quicquid
 voles quale sit scire, tempori trade. nihil diligenter
 in fluctu cernitur. Non potuit impetrare Plato a se
 tempus, cum seruo suo irascereretur, sed ponere illum
 statim tunicam, & præbere scapulas verberibus iussit,
 sua manu ipse cæsurus. Postquam intellexit irasci se,
 sicut sustulerat manum suspensam detinebat, & stabat
 percussuro similis. Interrogatus deinde ab amico,
 qui forte interuenerat, quid ageret? Exigo, inquit,
 pænas ab homine iracundo. Velut stupens, gestum
 illum scuituri deformem sapienti viro seruabat, obli-
 tus iam serui: quia alium quem potius castigaret, in-
 venerat. Itaque abstulit sibi in suos potestatem, &
 ob peccatum quoddam commotior; Tu, inquit, Speu-
 sippe seruulum istum verberibus obiurga: nam ego i-
 rascor. Ob hoc non cecidit, propter quod alius ceci-
 disse. Irascor, inquit: plus faciam quam oportet:
 libentius faciam. non fit iste seruus in eius potestate,
 qui in sua non est. Aliquis vult irato committi ultio-
 nem, cum Plato sibi ipse imperium abrogauerit? Nihil
 tibi liceat, dum irasceris. quare? quia vis omnia

1. *Se differt*) Sibi spatium deliberandi concedit. *Lips.*

2. *Aduocatio*) mora vt supra aliquoties,

licere. Pugna tecum ipse. si iram vincere non potes, illa te incipit vincere. Si absconditur, si illi exitus non datur, signa eius obruamus: & illam, quantum fieri potest, occultam secretamque teneamus.

CAP. XIII. Cum magna id nostra molestia fiet. Cupit enim exilire, & incendere oculos, & mutare faciem; sed si eminere illi extra nos licuit, supra nos est. In imo pectoris secessu recondatur, feraturque, non ferat: imo in contrarium omnia eius indicia fleamus. Vultus remittatur, vox lenior sit, gradus lentior: paulatim cum exterioribus interiora formantur. In Socrate iræ signum erat, vocem submittere; loqui parcius. apparebat tunc illum sibi obstare. 1) Deprehendebatur itaque a familiaribus & coarguebatur: nec erat illi exprobratio latitantis iræ ingrata. Quid ni gauderet, quod iram suam multi intelligerent, nemo sentiret? sensisset autem, nisi ius amicis obiurgandi se dedisset, sicut ipse sibi in amicos sumpserat. Quanto magis hoc nobis faciendum est? rogemus amicissimum quemque, ut tunc maxime aduersus nos libertate utatur, cum minime illam pati poterimus: nec assentiat iræ nostræ. Contra potens malum, & apud nos gratiosum, dum conspiciamus, 2) dum nostri sumus, aduocemus. 3)

CAP. XIV. Qui vinum male ferunt, & ebrietatis suæ temeritatem ac petulantiam metuunt, mandant suis, ut o conuiuio auferantur. Intemperantiam in morbo suam experti, parere sibi in aduersa valetudine vetant. Optimum est, notis vitiiis impedimenta prospicere, & ante omnia ita componere animum, ut etiam grauissimis rebus subitisque concussus iram aut non sentiat, aut magnitudine inopinatæ iniuriæ exor-

1. *Sibi obstare*) h. e. affectui, seque reprimere.

2. *Conspicimus*) rectius *conspicimus* Gronq.

3. *Aduocemus*) aduocationem amicorum petamus, Patro-
nos & assentes, qui obiurgent, teneant. Lips.

tam in altum retrahat, nec dolorem suum profiteatur. Id fieri posse apparebit, si pauca ex ingenta turba exempla protulero: ex quibus vtrumque discere licet, quantum mali habeat ira, vbi hominum præpotentum potestate tota vitur: quantum sibi imperare possit, vbi metu maiore compressa est. Cambysem regem nimis deditum vino, Præxaspes vnus ex carissimis monēbat, vt parcius biberet: Turpem esse dicens ebrietatem in rege, quem oculi omnium auresque sequerentur. Ad hoc ille: Vt scias, inquit, quemadmodum nunquam excidam mihi, 1) approbabo iam, & oculos post vinum in officio esse, & manus. Bibit deinde liberalius quam alias, capacioribus scyphis: & iam grauis, & temulentus, obiurgatoris sui filium procedere vltra limen iubet, alleuataque super caput sinistra manu stare. Tunc intendit arcum, & ipsum cor adolescentis (id enim se petere dixerat) figit, recisoque pectore hærens in ipso corde speculum ostendit: ac respiciens parrem, satis ne certam haberet manum? interrogauit. At ille negauit Apollinem potuisse certius dimittere. Dii illum male perdant, animo magis quam conditione mancipium. Eius rei laudator fuit, cuius nimis erat spectatorem fuisse, occasionem blanditiarum putauit, pectus filii in duas partes diductum, & cor sub vulnere palpitans. Controuersiam illi facere de gloria debuit, & reuocare iactum, vt regi liberet in ipso patre certio rem manum ostendere. O Regem cruentum! o dignum in quem omnium suorum arcus verterentur! Cum execrati fuerimus illum, conuiuia suppliciiis funeribusque soluentem, tamen sceleratius telum illud laudatum est, quam missum. Videbimus 2) quomodo se pater gerere debuerit, stans

1. *Excidam mihi*) apud me mancam, mente immotus. *Lips.*

2. *Videbimus*) Solennis hæc Senecæ reiicendi partem translationis formula, etsi fieri possit vt nunquam dilatam partem tractare postea in mentem sibi veniat, vid. cap. seq. *Gronov.*

super cadauer filii sui, eademque illam, cuius & testis fuerat & caussa: id de quo nunc agitur, apparet, iram supprimi posse. Non maledixit regi, nullum emisit ne calamitosi quidem verbum, cum æque cor suum, quam filii, transfixum videret. Potest dici, merito deuorasse verba. nam si quid tanquam iratus dixisset, nihil tanquam pater facere potuisset. 3) Potest, inquam, videri sapientius se in illo casu gessisse, quam cum de potandi modo præciperet: quem satius erat vinum quam sanguinem bibere, cuius manus poculis occupari pax erat? Accessit itaque ad numerum eorum, qui magnis cladibus ostenderunt, quanti constarent regnum amicis bona consilia.

CAP. XV. Non dubito, quin Harpagus quoque tale aliquid regi suo Persarumque suaserit, quo offensus, liberos illi epulandos apposuit, & subinde quæsiit, An placeret conditura? Deinde vt satis illum plenum malis suis vidit, afferri capita illorum iussit, & Quomodo esset acceptus, interrogauit. Non defuerunt misero verba, non os concurrir: 1) Apud regem, inquit, omnis cæna iucunda est. Quid hac adulatione profecit? ne ad reliquias inuitaretur. Non vero patrem damnare regis sui factum, non vero quærere dignam tam truci portento pœnam: sed hoc interim colligo, posse etiam ex ingentibus malis nascentem iram abscondi, & ad verba contraria sibi cogi. Necessaria est ista doloris refrænatio, vtique hoc sortitis vitæ genus, & ad regiam adhibitis mensam. Sic editur apud illos, sic bibitur, sic respondetur: funeribus suis arridendum est. An tanti sit vita, videbimus; alia ista quæstio est. Non consolabimur tam triste ergastulum, non adhortabimur ferre imperia carnificum, ostendemus in omni servitute apertam libertati

3. *Nihil tanquam pater facere potuisset*) h. e. iusta filio solvere non potuisset. Lips.

1. *Non os concurrir*) non confuse & perturbate respondit
viam,

viam, Si æger animus, & suo vitio miser est, huic miserias finire secum 2) licet. Dicam & illi qui in regem incidit, sagittis pectora amicorum petentem, & illi cuius dominus liberorum visceribus patres saturat: Quid gemis, demens, quid exspectas, ut te aut hostia aliquis per exitium gentis tuæ vindicet, aut rex a longinquo potens aduolet? Quocunque respexeris, ibi malorum finis est. Vides illum præcipitem locum? illic ad libertatem descenditur. Vides illud mare, illud flumen, illum puteum? libertas illic in imo sedet. Vides illam arborem, breuem, retorridam, infelicem? 3) pendet inde libertas. Vides iugulum tuum, guttur tuum, cor tuum? effugia seruitutis sunt. Nimia tibi operosos exitus monstramus, & multum animi ac roboris exigentes. Quæris, quod sit ad libertatem iter? quælibet in corpore tuo vena.

CAP. XVI. Quamdiu quidem nihil tam intolerabile nobis videtur, ut nos expellat e vita, iram in quocunque erimus statu, remoueamus. Perniciosa est seruientibus, omnis enim indignatio in tormentum suum proficit, & imperia grauiora sentit? quo contumacius patitur. Sic laqueos fera dum iacet, adstringit: sic aues viscum, dum trepidantes excutunt, plumis omnibus illinunt. Nullum tam arctum est iugum, quod non minus lædat ducentem, quam repugnantem. Vnum est leuamentum malorum ingentium, pati, & necessitatibus suis obsequi. Sed cum utilis sit seruientibus, affectuum suorum, & huius præcipue rabidi atque effrænis continentia utilior est regibus. Pericunt omnia, vbi quantum suadet ira, fortuna permittit; nec diu potest, quæ multorum malo exercetur, potentia stare. Periclitatur enim, vbi eos qui separatim gemunt, communis metus iunxit. Plerosque itaque modo singuli mactauerunt, modo vniuersi, cum

2. *Finire secum*) sine alia vitione, & destinatione. *Lips.*

3. *Infelicem*) sine fructu. *Lips.*

illos conferre in vnum iras publicus dolor coëgisset. Atqui plerique sic iram, quasi insigne regum, exercuerunt. Sicut Darius, qui primus, post ablatum Mago imperium, Persas & magnam partem Orientis obtinuit. Nam cum bellum Scythis indixisset, Orientem cingentibus, rogatus ab Oebazo nobili sene, vt ex tribus liberis vnum in solatium patri relinqueret, duorum opera vteretur: plus quam rogabatur pollicitus, omnes se illi dixit remissurum: & occisos in conspectu parentis abiecit, crudelis futurus, si omnes abduxisset.

CAP. XVII. At quanto Xerxes facilior? qui Pythio, quinque filiorum patri, vnius vscationem petenti, quem vellet, eligere permisit: deinde quem elegerat, in portes duas distractum ab utroque viz latere posuit, & hac victima lustravit exercitum. Habuit itaque quem debuit exitum. victus, & late longeque fusus, ac stratem vbique ruinam suam cernens, medius inter suorum cadauera incessit. Hæc barbaris regibus feritas in ira fuit: quos nulla eruditio, nullus litterarum cultus imbuerat. Dabo tibi ex Aristotelis sinu regem Alexandrum, qui Clitum carissimum sibi & vna educatum, inter epulas transfoedit, & manu quidem sua, parum adulantem, & pigre ex Macedone ac libero in Persicam seruitutem transeuntem. Nam Lyfimachum, æque familiarem sibi, leoni obiecit. Nunquid ergo hic Lyfimachus, felicitate quadam dentibus leonis elapsus, ob hoc cum ipse regnaret, mitior fuit? Nam Telephorum Rhodium amicum suum vndique decurtatum, cum aures illi nasumque abscidisset, in cauea velut nouum animal aliquod & inusitatum diu paut: cum oris detruncati mutilatique deformitas humanam faciem perdidisset. Accedebat fames & squalor & illuies corporis, in stercore suo destituti, callosis super hæc genibus manibusque, quas in vsum pedum angustia loci cogeabant. lateribus vero attritu

attritu exulceratis, non minus fœda quam terribilis erat forma eius visentibus: factusque pœna sua mon-
strum, misericordiam 1) quoque amiserat. tamen cum dissimillimus esset homini, qui illa patiebatur; dissimilior erat, qui faciebat.

CAP. XVIII. Utinam ista scuitia intra peregrina mansisset exempla, nec in Romanos mores cum aliis aduenticiis vitiis, & suppliciorum irarumque barbaria transisset! M. Mario, cui vicitim populus statuas posuerat, cui thure & vino Romanus populus supplicabat, L. Sylla perfringi crura, erui oculos, amputari manus iussit; & quasi totiens occideret, quotiens vulnerabat, paulatim & per singulos artus laceravit. Quis erat huius imperii minister? quis, nisi Catilina, iam in omne facinus manus exercens? hic illum ante bustum Q. Catuli carpebat, gravissimus mitissimi viri cineribus: supra quos vir mali exempli, popularis tamen, & non tam immerito quam nimis amatus, per stillicidia sanguinem dabat. Dignus erat Marius qui illa pateretur, Sylla qui iuberet, Catilina qui faceret: sed indigna Respublica quæ in corpus suum pariter & hostium & vindicum 1) gladios reciperet. Quid antiqua perscrutor? modo C. Cæsar Sextum Papinium, cui pater erat consularis, Betilicenum Bassum quæstorem suum Procuratoris sui filium, alios Senatores & equites Romanos, vno die flagellis cecidit, torfit, non quæstionis, sed animi causa. Deinde adeo impatiens fuit differendæ voluptatis, quam ingentem crudelitas eius sine dilatione poscebat, ut in xyſto matronorum hortorum, qui porticum a ripa separat, inambulans, quosdam ex illis cum matronis atque aliis se-

1. *Misericordiam*) nam horrebant potius quam miserebantur, qui videbant,

1. *Es hostium & vindicum*) hostes Mariani, vindices Syllani videri volebant, Rempublicam a Marii oppressione vindicaturi.

natoribus ad lucernam decollaret. Quid instabat? quod periculum, aut priuatum, aut publicum vna nox minabatur? quantulum fuit, lucem expectare? denique ne senatores populi Romani soleatus²⁾ occideret.

CAP. XIX. Quam superbæ fuerit crudelitatis, ad rem pertinet scire. quanquam aberrare alio possumus videri, & in deuium exire: sed hoc ipsum pars erit iræ, super solita sæuiantis. Ceciderat flagellis senatores: ipse effecit, vt dici possit, solet fieri, torserat per omnia, quæ in rerum natura tristissima sunt, fidiculis, tabularibus, 1) eculeo, igne, vultu suo. Et hoc loco respondebitur, magnam rem! si tres senatores, quasi nequam mancipia, inter verbera & flammam diuisit, homo qui de toto senatu trucidando cogitabat: qui optabat, vt populus Romanus vnâ ceruicem haberet, vt scelera sua tot locis ac temporibus diducta, in vnum ictum & vnum diem cogeret. Quid tam inauditum quam nocturnum, supplicium? cum latrocinia tenebris abscondi soleant; animaduersiones, quo notiores sunt, plus ad exemplum emendationemque proficiunt. Et hoc loco respondebitur mihi: Quod tantopere admiraris, isti beluæ quotidianum est; ad hoc viuit, ad hoc vigilat, ad hoc lucubrat. Nemo certe inuenietur alius, qui imperauerit his, in quos animaduerti iubebat, os inserta spongia includi, ne vocis emittendæ haberent facultatem. Cui vnquam morituro non est relictum, qua gerneret? timuit, ne quam liberiolem vocem extremus dolor mitteret; ne quid, quod nollet, audiret. sciebat autem innumera-bilia esse, quæ obicere illi nemo, nisi periturus, auderet. Cum spongiæ non inuenirentur, scindi vestimenta miserorum, & in os farciri pannos imperauit.

2. Soleatus) vt a conuiuio recens. Lips.

1. Tabularibus) de tabulis inter tormenta admotis arctatis-
que vt homo comprimeretur, & pæne elideretur, accipit Lips.

Quæ ista sæuitia est? liceat vltimum spiritum trahere: da exituræ animæ locum: liceat illam non per vulnus emittere. 2)

CAP. XX. Adiciere his longum est, quod patres quoque occisorum eadem nocte, dimissis per domos centurionibus, confecit: id est, homo misericors luctu liberavit. Non enim Cæii sæuitiam, sed iræ malum propositum est describere: quæ non tantum viritum furit, sed gentes totas lancinat, sed vrbes, sed flumina, & tuta ab omni sensu doloris conuerberat. Sicut rex Persarum, totius populi nares recidit in Syria: inde Rhinocolura loci nomen est. Pepercisse illum iudicas, quod non tota capita præcidit? nouo genere pænæ delectatus est. Tale aliquid passi forent Æthiopes, qui ob longissimum vitæ spatium Macrobiani appellantur. In hos enim, quia non supinis manibus exceperant seruitutem, missisque legatis libera responsa dederant, quæ contumeliosa reges vocant, Cambyfes fremebat: & non prouisis comitatibus, non exploratis itineribus, per inuia, per arentia trahebat omnem bello vtilem turbam: cum intra primum iter deerant necessaria, nec quicquam subministrabat sterilis & inculta humanoque ignota vestigio regio: sustinebant famem primo tenerrima fronditum, & cacumina arborum, tum coria igne mollita, & quicquid necessitas cibum fecerat: postquam inter harenas radices quoque & herbæ defecerant, apparuitque inops etiam animalium 1) solitudo, decimum quemque sortiti, alimentum habuerunt fame sæuius. Agebat adhuc ira regem præcipientem, cum partem exercitus amisisset, partem comedisset: donec timuit, ne & ipse vocaretur ad sortem, tum demum signum receptui dedit. Seruabantur interim illi generosæ aues, & instrumenta epularum

2. Non per vulnus emittere) per quod emittenda videbatur esse, si via per os ipsi obstrueretur.

1. Animalium) L. rectius salium. Gronov.

camelis vehebantur: cum fortirentur milites eius, quis male periret, quis peius viueret.

CAP. XXI. Hic iratus fuit genti, & ignotæ, & immeritæ, sensuræ tamen: Cyrus flumini. Nam cum Babylonem oppugnaturus festinaret ad bellum, cuius maxima momenta in occasionibus sunt, Gynden late fusum amnem vado transire tentauit: quod vix tutum est etiam cum sensit æstatem, & ad minimum deductus est. Ibi vnus ex his equis, qui trahere regionem currum albi solebant, abreptus, vehementer commouit regem. iurauit itaque, amnem illum regis commeatus auferentem, i) eo se redacturum, vt transiri calcari- que etiam a feminis posset. Huc deinde omnem transfudit belli apparatus, & tamdiu assedit operi, donec c & lxxx cuniculis diuisum alueum in ccc & lx rivos dispergeret, & siccum relinqueret in diuersum fluentibus aquis. Perit itaque & tempus, magna in magnis rebus iactura, & militum ardor, quem inutilis labor fregit, & occasio aggrediendi imparatos, dum ille bellum indictum hosti cum flumine gerit.

CAP. XXII. Hic furor (quid enim aliud voces?) Romanos quoque contigit. C. enim Cæsar villam in Herculansenſi pulcherrimam, quia mater sua aliquando in illa custodita erat, diruit, fecitque eius per hoc notabilem fortunam. stantem enim prænaugabamus: nunc causa dirutæ quæritur. Et hæc cogitanda sunt exempla, quæ vites; & illa e contrario, quæ sequaris, moderata, lenia: quibus nec ad irascendum causa defuit, nec ad vlciscendum potestas. Quid enim facilius fuit Antigono, quam duos manipulares duci iubere, qui incumbentes regio tabernaculo, faciebant, quod homines & periculossime & libentissime faciunt, de rege suo male existimabant? Audierat omnia Antigonus, vt pote cum inter dicentes &

i. Regis commeatus auferentem) h. e. transitum regis impedi-
entem, & comendi facultatem negantem.

audientem palla 1) interesset: quam ille leuiter commouit, & longius, inquit, discedite, ne vos rex audiat. Idem quadam nocte, cum quosdam ex militibus suis exaudisset, omnia mala imprecantes regi, qui ipsos in illud iter & inextricabile lulum deduxisset, accessit ad eos qui maxime laborabant: & cum ignorantes a quo adiuuarentur, explicuisset: Nunc, inquit, maledicite Antigono, cuius vitio in has miseras incidistis: ei autem bene optate, qui vos ex hac voragine eduxit. Idem tam miti animo hostium suorum maledicta, quam ciuium tulit. Itaque cum in paruulo quodam castello Græci obsiderentur, & fiducia loci contemnentes hostem multa in deformitatem Antigoni iocarentur, & nunc staturam humilem, nunc collisum nasum deriderent: Gaudeo, inquit, & aliquid boni spero: si in castris meis Silenum habeo. Cum hos dicaces fame domuisset, captis sic usus est, ut eos qui militiæ utiles erant, in cohortes describeret, ceteros præconi subiiceret: id quoque se negauit facturum fuisse, nisi expediret his dominum habere, qui tam malam haberent linguam. Huius nepos fuit Alexander, qui lanceam in conuiuas suos torquebat, qui ex duobus amicis quos paullo ante retuli, alterum ferræ obiecit, alterum sibi. Ex his duobus tamen, qui leoni obiectus est, vixit.

CAP. XXIII. Non habuit hoc auitum ille vitium, ne paternum quidem. Nam si qua alia in Philippo virtus, fuit & contumeliarum patientia, ingens instrumentum ad tutelam regni. Demochares ad illum, Parrhesiastes ob nimiam & procacem linguam appellatus, inter alios Atheniensium legatos venerat: audita benigne legatione, Philippus, Dicite, inquit, mihi, facere quid possum, quod sit Atheniensibus, gratum? Excepit Demochares: Te, inquit, suspendere. In-

1. Palla) Glossæ quoque veterum velum interpretantur.

digna-

dignatio circumstantium ad tam inhumanum responsum exorta est: quos Philippus conticescere iussit, & Therpsitam illum saluum incolumemque demittere. At vos, inquit, ceteri legati, nuntiate Atheniensibus, multo superbiore esse, qui ista dicunt, quam qui impune dicta audiunt. Multa & diuus Augustus digna memoria fecit, dixitque: ex quibus appareat illi iram non imperasse. Timagenes historiarum scriptor, quædam in ipsum, quædam in uxorem eius, & in totam domum dixerat, nec perdiderat dicta. 1) magis enim circumfertur, & in ore hominum est, temeraria urbanitas. Sæpe illum Cæsar monuit, ut moderatius lingua uteretur: perseveranti, domo sua interdixit. Postea Timagenes in contubernio Pollionis Asinii consenuit, a tota ciuitate direptus est. 2) nullum illi limen præclusa Cæsar's domus abstulit. Historias postea quas scripserat, recitauit, & combussit, & libros acta Cæsar's Augusti continentes in ignem posuit. Inimicitias gessit cum Cæsare. nemo amicitiam eius extimuit, nemo quasi fulguritum refugit: 3) fuit qui præberet tam alte cadenti sinum. Tulit hoc, ut dixi, Cæsar patienter, ne eo quidem motus, quod laudibus suis, rebusque gestis manus attulerat. Nunquam cum hospite inimici sui questus est: hoc duntaxat Pollioni Asinio dixit, *Ἐνταυτοῖσι*. Paranti deinde excusationem, obstitit. Et, frui, inquit, mi Pollio, frui. Et cum

1. *Nec perdiderat dicta*) h. e. non frustra & inuentum sparserat, nemine attendente, sed ore omnium illa ferebantur.

2. *Direptus est*) h. e. amplectebatur eum eiusque familiaritatem ambibat, scripta amabat tota ciuitas. Sic noster de Brev. vitæ c. 7. *diripitur ille toto foro patronus*. Auctor vitæ Perfilii: *Editum librum continuo mirari homines & deripere caperunt*: Martial. L. VII. Epigr. 75.

quod te diripiunt potentiores
per conuiuia, porticus, theatra. Gronov.

3. *Fulguritum refugit*) fulgure tactos enim sacros putabant & vitabant, vid. Senec. L. I. de Clem. c. 7. Lips.

Pollio diceret : Si iubes Cæsar , statim illi domo mea interdicam. Hoc me, inquit, putas facturum, cum ego vos in gratiam reduxerim ? Fuerat enim aliquando Timageni Pollio iratus : nec ullam aliam habuerat causam definendi, 4) quam quod Cæsar cœperat.

CAP. XXIV. Dicatitaque quisque sibi, quoties laceffitur : Nunquid potentior sum Philippo ? illi tamen impune maledictum est. Nunquid in domo mea plus possum, quam toto orbe terrarum diuus Augustus potuit ? ille tamen contentus fuit, a conuiciatore suo secedere. Quid est quare ego serui mei clarius responsum, 1) & contumaciorem vultum, & non peruenientem vsque ad me murmurationem, flagellis & compedibus expiem ? quis sum, cuius aures lædi nefas sit ? Ignouerunt multi hostibus : ego non ignoscam pigris, negligentibus, garrulis ? Puerum ætas excuset, feminam sexus, extraneum libertas, domesticum familiaritas. Nunc primum offendit ? cogitemus quamdiu placuerit. Sæpe & alias offendit ? feramus quod diu tulimus. Amicus est ? fecit quod noluit. Inimicus ? fecit quod debuit. Prudentiori cedamus : stultiori remittamus. pro quocunque, illud respondeamus nobis, sapientissimos quoque viros multa delinquere : neminem esse tam circumspectum, cuius non diligentia aliquando sibi ipsi excidat : neminem tam maturum, cuius non grauitatem in aliquod feruidius factum casus impingat : neminem tam timidum offensarum, qui non in illas, dum vitat, incidat.

CAP. XXV. Quomodo homini pusillo solatium in malis fuit, etiam magnorum virorum titubare fortunam, & æquiore animo filium in angulo fleuit, qui vidit acerba funera etiam ex regia duci : sic animo

4. *Definendi*) subintellige *irasci*.

1. *Clarius responsum*) altius & voce quoque animosum. Sic Cornific. ad Herenn. L. 4. *iste clarius eadem & alia dicere cepit*. vid. & nostrum de ira l. 16. & de Bea. VII, 28. Gronov.

æquiore feret ab aliquo lædi, ab aliquo contemni, cui-
cumque venit in mentem, nullam esse tantam poten-
tiam, in quam non incurrat iniuria. Quodsi etiam
prudentissimi peccant, cuius non error bonam caus-
sam habet? Respiciamus, quoties adolescentia nostra in
officio parum diligens fuerit, in sermone parum mo-
desta, in vino parum temperans. Si iratus est: demus
illi spatium, quo dispicere quid fecerit, possit. se ipse
castigabit. Denique debeat pœnas. non est quod cum
illo paria faciamus. Illud non venit in dubium, quin
se exemerit turbæ, & altius steterit, quisquis despexit
laceffentes. proprium est magnitudinis veræ, non se
sentire percussum. Sic immanis fera ad latratum ca-
num lenta respexit: sic irritus ingenti scopulo fluctus
assultat. Quî non irascitur, inconcussus iniuria per-
stitit: qui irascitur, motus est. At ille quem modo
altiore omni incommodo posui, tenet quodam 1)
amplexu summum bonum. nec homini tantum, sed
ipsi fortunæ respondet: Omnia licet facias, minor es,
quam ut serenitatem meam obducas. Vetat hoc ratio,
cui vitam regendam dedi. plus mihi nocitura est ira,
quam iniuria. Quid ni plus? illius modus certus est:
ista quousque me latura sit, incertum est.

CAP. XXVI. Non possum, inquis, pati grave
est, iniuriam sustinere. Mentiris, quis enim iniuri-
am non potest ferre, qui potest iram? 1) Adice nunc,
quod id agis ut & iram feras, & iniuriam. Quare fers
ægri rabiem, & phrenetici verba? puerorum proter-
vas manus? nempe quia videntur nescire, quid faciant.
Quid interest, quo quisque vitio fiat imprudens? im-
prudencia par in omnibus patrociniū est. Quid er-
go? inquis, impune illi erit? Puta, te velle: tamen non
erit. Maxima est enim factæ iniuriæ pœna, fecisse:
nec quisquam gravius afficitur, quam qui ad suppli-

1. Quodam) rectius t. quodammodo. Lips.

1. Qui potest iram) quæ magis torquet quam iniuria.

cium pœnitentiæ traditur. Danique ad conditionem rerum humanarum respiciendum est, ut omnium accidentium æqui iudices simus: iniquus autem est, qui commune vitium singulis obiecit. Non est Æthiopis inter suos insignitus color: nec ruffus crinis & coactus in nodum apud Germanos virum dedecet. Nihil in vno iudicabis notabile aut scœdum, quod genti suæ publicum est. At ista quæ retuli, vnius regionis atque anguli consuetudo defendit: vide nunc quanto in his iustior venia sit, quæ per totum genus humanum vulgata sunt. Omnes inconsulti & improvidi sumus, omnes incerti, queruli, ambitiosi. Quid lenioribus verbis hulus publicum abscondo? omnes mali sumus. Quicquid itaque in alio reprehenditur, id unusquisque in suo sinu inueniet. Quid illius pallorem, illius maciem notas? pestilentia est. Placidiores itaque inuicem simus, mali inter malos viuimus. Vna res nos facere potest quietos, mutux facilitatis conuentio. 2) Ille mihi iam nocuit: ego illi nondum, sed iam aliquem fortasse læsisti: sed lædes.

CAP. XXVII. Noli æstimare hanc horam, aut hunc diem; totum inspicere mentis tuæ habitum. etiamsi nihil mali fecisti, potes facere. Quanto satius est, sanari iniuriam, quam vlcersci? Multum temporis ultio absumit. multis se iniuriis obiiicit, dum una dolet. Diutius irascimur omnes, quam lædimur, quanto melius est, abire in diuersum, nec vitia vitiis componere? Num quis satis constare sibi videatur, si mulam calcibus repetat, & canem morsu? Ista, inquis, peccare se nesciunt. Primum, quam iniquus est, apud quem hominem esse, ad impetrandam veniam nocet? deinde, si cetera animalia iræ tuæ subducit, quod consilio carent: eo loco tibi sit, quisquis consilio caret. Quid

2. *Mutux facilitatis conuentio*) quali iactum ut mutuo faciles simus in ignoscendo. *Lips.*

enim

enim refert, an alia mutis diffimilia habeat, si hoc quod in omni peccato muta defendit, simile habet, caliginem mentis? Peccauit. hoc enim primum, hoc enim extremum. Non est quod illi credas, etiam si dixit: Iterum non faciam. Et iste peccabit, & in istum alius, & tota vita inter errores volutabitur. Mansuete immanueta tractanda sunt. Quod in luctu dici solet, efficacissime & in ira dicetur: Vtrum aliquando desines, an nunquam? si aliquando, quanto satius est iram relinquere, quam ab ira relinqui? Sin semper hæc cogitatio durabit; vides quam impacatam tibi denunties vitam, qualis enim erit semper tumentis?

CAP. XXVIII. Adiice nunc, quod nisi bene te ipse succenderis, & subinde causas quibus stimuleris, renouaueris, sua sponte ira discedet, & vires illi dies subtrahet. quanto satius est a te illam vinci, quam a se? Huic irasceris, deinde illi: seruis, deinde libertis: parentibus, deinde liberis: notis, deinde ignotis. Vbi que enim causæ supersunt, nisi deprecator animus accessit. Hinc te illo furor rapiet, illinc alio: & novis subinde irritamentis orientibus, continuabitur rabies. Age infelix, & quando amabis? O quam bonum tempus in re mala perdis! Quanto nunc satius erat, amicos parare, inimicos mitigare, Rempublicam administrare, transferre in res domesticas operam: quam circumspicere quid alicui possis facere mali? quod aut dignitati eius, aut patrimonio, aut corpori vulnus infligas? cum id tibi contingere sine certamine ac periculo non possit, etiam si cum inferiore concurses. Vinctum licet accipias, & ad arbitrium tuum omni patientiæ expositum: sæpe nimia vis cadentis aut articulum loco movit, aut neruum in his quos fregerat, dentibus fixit. Multos iracundia mancos, multos debiles fecit, etiam ubi patientiæ est nata materiam. Adiice nunc, quod nihil tam imbecille natum est, ut sine elidentis periculo pereat. imbecillos valentissimis alias

dolor, alias casus exæquat. Quid, quod pleraque eorum, propter quæ irascimur, offendunt nos magis, quam lædunt? multum autem interest, vtrum aliquis voluntati meæ obstet, an desit: 1) eripiat, an non det. Atqui in æquo ponimus, vtrum aliquis auferat, an neget: vtrum spem nostram præcidat, an differat: vtrum contra nos faciat, an pro se: amore alterius, an odio nostri. Quidam vero non tantum iustas causas standi contra nos, sed etiam honestas habent. Alius patrem tuetur, alius fratrem, alius patrum, alius amicum, his tamen non ignoscimus id facientibus; quod nisi facerent, improbaremus, imo, quod est incredibile, sæpe de facto bene existimamus, de faciente male.

CAP. XXIX. At mehercules vir magnus ac iustus, fortissimum quemque ex hostibus suis, & pro libertate ac salute patriæ pertinacissimum suspicit, & talem sibi ciuem, talem militem contingere optat. Turpe est, odisse quem laudes: quanto vero turpius, ob id aliquem odisse, propter quod misericordia dignus est? Si captiuus in seruitutem subito depressus reliquias libertatis tenet, nec ad sordida ac laboriosa ministeria agilis occurrit, si ex otio piger equum vehiculumque domini cursu non exæquat, si inter quotidianas vigiliæ fessum somnus oppressit, si rusticum laborem recusat, aut non fortiter obit, a seruitute urbana & feriata translatus ad durum opus. Distinguamus, vtrum aliquis non possit, an nolit. multos absoluemus, si cœperimus ante iudicare, quam irasci. Nunc autem primum impetum sequimur. deinde quamuis vana nos concitauerint, perseveramus, ne videamur cœpisse sine causa: & quod iniquissimum est, pertinaciores nos facit iniquitas iræ. Retinemus enim illam, & augemus: quasi argumentum sit iuste irascentis,

1. *Obstet an desit*) obstet scilicet malitia & me lædendi animo, desit negligentia & infirmitate.

graviter irasci, Quanto melius est, initia ipsa perspicere, quam levia sint, quam innoxia? Quod accidere vides in animalibus mutis, idem in homine deprehendes: frivolis turbamur, & inanibus.

CAP. XXX. Taurum color rubicundus excitat, ad umbram aspis exsurgit, vrsos leonesque mappa 1) proritat. Omnia, quæ natura fera ac rabida sunt, consternantur ad vana. Idem inquietis & stolidis ingeniis evenit: rerum suspicione feriuntur. adeo quidem, ut interdum iniurias vocent modica beneficia: in quibus frequentissima, certe acerbissima iracundiæ materia est. Carissimis enim irascimur, quod minora nobis præstiterint, quam mente concepimus, quam quæ alii tulerint: cum utriusque rei paratum remedium sit. Magis alteri indulgit? nostra nos sine comparatione delectent. nunquam erit felix, quem torquebit felicior. Minus habeo quam speravi? sed fortasse plus speravi, quam debui. Hæc pars maxime metuenda est: hinc perniciosissimæ iræ nascuntur, & sanctissima quæque inuasuræ. Diuum Iulium plures amici confecerunt, quam inimici, quorum non expleuerat spes inexplebiles. Voluit quidem ille: neque enim quisquam liberalius victoria usus est, ex qua nihil sibi vindicavit, nisi dispensandi potestatem: sed quemadmodum sufficere tam improbis desideriis posset, cum tantum omnes concupiscerent, quantum poterat vnus? Vidit itaque strictis circa sellam suam gladiis commilitones suos, Cimbrum Tullium acerrimum paullo ante suarum partium defensorem, aliosque post Pompeium denuo Pompeianos. 2)

CAP. XXXI. Hæc res sua in reges arma conuertit, fidissimosque eo compulit, ut de morte eorum cogitarent, pro quibus & ante quos mori, votum habuerant.

1. Mappa) candicans nimirum & mota ac reciproca. Lips.

2. Post Pompeium denuo Pompeianos) cum ille non esset amplius partes eius sequentes.

Nulli ad aliena respicienti, sua placent. Inde diis quoque irascimur, quod aliquis nos antecedit, obliti quantum hominum retro sit, & paucis invidentes quantum sequatur a tergo ingentis invidiæ. 1) Tanta tamen importunitas hominum est, ut quamvis multum acceperint, iniuriæ loco sit, plus accipere potuisse. Dedit mihi præturam? sed consulatum speraueram. Dedit duodecim fasces? sed non fecit ordinarium consulem. 2) A me numerari voluit annum? sed deest mihi ad sacerdotium. Cooptatus in collegium sum? sed cur in vnum? Consummauit dignitatem meam? sed patrimonio nihil contulit. Ea dedit mihi, quæ debebat alicui dare. 3) de suo nihil protulit. Age potius gratias, pro his quæ accepisti: reliqua exspecta, & nondum plenum te esse gaude. Inter voluptates est, superesse quod speres. Omnes vicisti? primum te esse in animo amici tui lætare, multi te vincunt? considera; quanto antecedas plures, quam sequaris.

CAP. XXXII. Quod sit in te maximum vitium, quæris? falsas rationes conficis: data magno æstimas, accepta paruo. Aliud in alio nos deterreat, quibusdam timeamus irasci, quibusdam vereamur, quibusdam fastidiamus. Magnam rem sine dubio fecerimus, si seruulum infelicem in ergastulum miserimus. Quid properamus verberare statim, crura protinus frangere? non peribit potestas ista, si differetur. Sine id tempus veniat, quo ipsi iubeamus: nunc ex imperio iræ loquimur. cum illa abierit, tunc videbimus, quanti sit ista lis æstimanda. In hoc enim præcipue fallimur.

1. *Et paucis invidentes quantum a tergo sequatur invidiæ*) h. e. quantum nos ipsos invidiæ sequatur, a pluribus sc. illis qui retro sunt deterioriisque fortunæ quam nos, dum paucis quibusdam melioris conditionis invidemus ipsi.

2. *Ordinarium consulem*) h. e. non consulem qui annum iachoaret, sed suffectum.

3. *Debebat alicui dare*) cum sc. omnes honores sibi soli servare non posset.

ad ferrum venimus, ad capitalia supplicia: & vinculis, carcere, fame vindicamus rem, castigandam flagris leuioribus. Quomodo, inquis, nos iubet intueri, quam omnia per quæ lædi videamur, exigua, misera, puerilia sint? Ego vero nihil magis suaferim, quam fumere ingentem animum, & hæc propter quæ litigamus, discurremus, anhelamus, videre quam humilia & abiecta sint, nulli qui altum quiddam aut magnificum cogitat, respicienda, Circa pecuniam plurimum vociferationis est: hæc, fora defatigat, patres liberosque committit, venena miscet, gladios tam percussoribus quam legionibus tradit. hæc est sanguine nostro delibuta. propter hanc vxorum maritorumque noctes strepunt litibus, & tribunalia magistratuum premit turba: reges sæuiunt, rapiuntque, & ciuitates longo sæculorum labore constructas euertunt, vt aurum argentumque in cinere vrbum scrutentur.

CAP. XXXIII. Libet intueri fiscos 1) in angulo iacentes. Hi sunt, propter quos oculi clamore exprimuntur: fremitu iudiciorum basilicæ resonant: euocati ex longinquis regionibus iudices sedent, iudicaturi, vtrius iustior avaritia sit. Quid si ne propter fiscum quidem, sed pugnum æris, aut imputatum 2) a seruo denarium, senex sine herede moriturus stomacho dirumpitur? Quid si propter vsuram haut inillesimam, valetudinarius fenerator distortis pedibus, & manibus ad computandum modo 3) relictis, clamat, ac per vadimonia asses suos in ipsis morbi accessionibus vindicat? Si totam mihi ex omnibus metallis, quæ cum maxime depromimus, pecuniam proferas, si in medium proiicias quidquid thesauri tegunt, avaritia

1. *Fiscos*) Sportas, in quibus pecuniæ. *Lips.*

2. *Imputatum*) quem dicat seruus de peculio in rem Domini erogasse & reposcat. *Gruter.*

3. *Ad computandum modo*) quemadmodum nimirum solebant feneratores digitis assidue computare. *Lips.*

iterum

iterum sub terras referente quæ male egresserat; omnem istam congeriem dignam non putem, quæ frontem viæ boni contrahat. Quanto risu prosequenda sunt, quæ nobis lacrimas educunt?

CAP. XXXIV. Cedo nunc, persequere cetera, cibos, potiones, horumque causa 1) paratam ambitionem, munditias, verba, contumelias, & motus corporum parum honorificos, & suspiciones, & contumacia iumenta, & pigra mancipia, interpretationes malignas vocis alienæ: quibus efficitur, ut inter iniurias naturæ numeretur sermo homini datus. Crede mihi, leuia sunt: propter quæ non leuiter excandescimus, qualia quæ pueros in rixam & iurgium concitant. Nihil ex his, quæ tam tristes agimus, serium est, nihil magnum. Inde, inquam, vobis ira & insania est, quod exigua magno æstimatis. Auferre hic mihi hereditatem voluit: hic me diu spe suprema captatum 2) criminatus est: hic scortum meum concupiuit. Quod vinculum amoris esse debebat, seditionis atque odii causa est, idem velle.

CAP. XXXV. Iter angustum rixas transcuntium concitat: diffusa & late patens via ne populos quidem collidit. Ista quæ appetitis, quia exigua sunt, nec possunt ad alterum, nisi alteri erepta, transferri: eadem affectantibus pugnam & iurgia excitant. Respondisse tibi seruum indignaris liberumque & uxorem, & clientam: deinde idem de republica libertatem sublatam quereris, quam domi sustulisti. Rursus si tacuit interrogatus, contumaciam vocas. Et loquatur, & taceat, & rideat. coram domino? inquis. imo coram patrefamiliis. Quid clamas? quid voci-

1. *Causa*) f. legendum *cura* hoc sensu ambitionem paratam ad curam itorum suscipiendam, qualis est eorum qui talibus gratiam captant.

2. *Captatum*) rectius f. *captato*, ut loquatur de illo qui captatori apud orbem frigidam suffudit. Gronov.

feratis? quid flagella media cœna potis, quod serui loquuntur, quod non eodem loco turba concionis est, & silentium solitudinis? In hoc habes aures, ut nisi modulata tantum & mollia, & ex dulci tracta compositaque accipiant? Et risum audias oportet, & fletum, & blanditias, & lites, & prospera, & tristia, & hominum voces, & fremitus animalium latratusque. Quid miser expauescis ad clamorem serui, ad tinnitum æris, ad ianuz impulsus? cum tam delicatus fueris, tonitrua audienda sunt. Hoc quod de auribus dictum est, transfer ad oculos: qui non minus fastidio laborant, si male instituti sunt. macula offendantur & sordibus, & argento parum splendido, & stagno 1) non ad solem perlucerate. Hi nempe oculi, qui non ferunt nisi varium, ac recenti cura nitens marmor, qui mensam nisi crebris distinctam venis, qui nolunt domi nisi auro pretiosa calcare: æquissimo animo foris & scabras lutosasque semitas spectant, & maiorem partem occurrentium squalidam, parietes insularum exesos, ruinosos, inæquales.

CAP. XXXVI. Quid ergo aliud est quod illos in publico non offendat, domi moueat, quam opinio illic æqua & patiens, domi morosa & querula? Omnes sensus perducendi sunt ad firmitatem. natura patientes sunt, si animus illos desit 1) corrumpere: qui quotidie ad rationem reddendam vocandus est. Faciebat hoc Sextius, ut consummato die cum se ad nocturnam quietem recepisset, interrogaret animum suum: Quod hodie malum tuum sanasti? cui vitio obstitisti? qua parte melior es? Desinet ira, & erit moderatior, quæ sciet sibi quotidie ad iudicem esse veniendum. Quid ergo pulchrius hac consuetudine excutiendi totum diem? qualis ille somnus post recognitionem sui sequi-

1. Stagno) f. rectius stanno. Lips.

1. Desit) Sic Propertius: *Est mihi non desunt molles pendere corollæ.*

tur? quam tranquillus, altus ac liber, cum aut laudatus est animus, aut admonitus, & speculator sui censorque secretus cognoscit de moribus suis? Vtor hac potestate, & quotidie apud me causam dico, cum sublatum e conspectu lumen est, & conticuit vxor moris iam mei conscia, totum diem meum scrutor, facta ac dicta mea remetior. Nihil mihi ipse abscondo, mihi transeo: quare enim quicquam ex erroribus meis timeam, cum possim dicere: Vide ne istud amplius facias, nunc tibi ignosco. In illa disputatione pugnacius locutus es: noli postea congregi cum imperitis. nolunt discere, qui nunquam didicerunt. Illum liberius admonuisti, quam debebas. itaque non emendasti, sed offendisti. de cetero vide, non tantum an verum sit quod dicis, sed an ille cui dicitur, veri patiens sit.

CAP. XXXVII. Admoneri bonus gaudet: pessimus quisque correptorum asperrime patitur. In convivio quorundam te sales, & in dolorem tuum iacta verba tetigerunt: vitare vulgares conuictus memento, solutior est post vinum licentia, quia ne sobriis quidem pudor est. Iratum vidisti amicum tuum ostiario caudidici alicuius, aut diuitis, quod intrantem submoverat: & ipse pro illo iratus extremo 1) mancipio fuisti. Irasceris ergo catenario cani? & hic cum multum laetravit, obiecto cibo mansuescit. recede longius, & ride. Nunc iste aliquem se putat, quod custodit litigatorum turba limen obsessum. nunc ille qui intra iacet, felix fortunatusque est: & beati hominis iudicat ac potentis indicium, difficilem ianuam. nescit durissimum esse ostium carceris. Præsume animo, multa esse tibi patienda. Numquis se hieme algere miratur? numquis in mari nauscare, in via concuti? Fortis est animus, ad quæ præparatus venit. Minus

1. *Extremo*) nam villissimi huic muneri destinabatur.

honorato loco positus, irasci cœpisti conuiuatori, vocatori, ipsi qui tibi præferebatur. Demens, quid interest, quam lecti premas partem? honestiorem te, aut turpiorem, potest facere puluinus? Non æquis quendam oculis vidisti, quia de ingenio tuo male locutus est. Recipis hanc legem? ergo te Ennius, quo non delectaris, odisset: & Hortensius similtates tibi indiceret: & Cicero, si derideres carmina eius, inimicus esset.

CAP. XXXVIII. Vis tu 1) æquo animo pati candidatus suffragia? Contumeliam tibi fecit aliquis, nunquid maiorem quam Diogeni, philosopho Stoico? cui de ira cum maxime differenti, adolescens proteruus inspuat, tulit hoc ille leniter ac sapienter. Non quidem, inquit, irascor: sed dubito tamen, an irasci oporteat. Cato noster melius, cui cum causam agentis, in frontem mediam quantum poterat attracta pingui salua, inspuisset Lentulus, ille patrum nostrorum memoria factiosus & impotens, absterfit faciem, & Affirmabo, inquit, omnibus, Lentule, falli eos, qui te negant os habere.

CAP. XXXIX. Contigit iam nobis, Nouate, bene componere animum, si aut non sentit iracundiam, aut superior est: videamus quomodo alienam iram leniamus. nec enim sani esse tantum volumus, sed sanare. Primam iram non audebimus oratione mulcere, furda est & amens: dabimus illi spatium, remedia in remissionibus 1) profunt. nec oculos tumentes tentabimus, vim rigentem mouendo incitaturi, nec cetera vitia dum feruent. Initia morborum quies curat. Quantum, inquis, prodest remedium tuum, si sua sponte definentem iram placat? Primum, vt citius desinat,

1. Vis tu) idem est ac annon vis? vt multis exemplis probat Grenou.

1. In remissionibus) Sic Medici loquantur: oppositum accessiones morborum,

efficit:

efficit: deinde custodiet, ne recidat: ipsum quoque impetum, quem non audet lenire, fallat. Remouebit omnia ultionis instrumenta. simulabit iram, ut tanquam adiutor, & doloris comes plus auctoritatis in consiliis habeat. moras neget: & dum maiorem querit poenam, praesentem differet: omni arte requiem furori dabit. Si vehementior erit; aut pudorem illi cui non resistat, incutiet, aut metum. Si infirmior; sermones inferet, vel gratos, vel nouos, & cupiditate cognoscendi auocabit. Medicum aiunt, cum regis filiam curare deberet, nec sine ferro posset; dum tuentem mammam leuiter fouet, scalpellum spongia testum induxisse. Repugnasset puella remedio palam admoto: eadem, quia non exspectauit, dolorem tulit.

CAP. XL. Quaedam non nisi decepta sanantur. Alteri dices: Vide ne inimicis iracundia tua voluptati sit. Alteri: Vide ne magnitudo animi tui, creditumque apud plerosque robur, cadat. Indignor mehercule, & non inuenio dolendi modum: sed tempus exspectandum est. dabit poenas. Serua istud in animo tuo: cum potueris, & pro mora reddes. Castigare vero irascentem, & ultro obirasci, incitare est. Varie agredieris, blandeque: nisi forte tanta persona eris, ut possis iram comminuere: quemadmodum fecit diuus Augustus, cum cenaret apud Vedium Pollionem. Fregerat vnus ex seruis eius crystallinum. rapi eum Veditus iussit, nec vulgari quidem periturum morte: muranis obiici iubebatur, quas ingentes in piscina continebat. Quis non hoc illum putaret luxuriae causa facere? scuitia erat. Euasit e manibus puer, & confugit ad Caesaris pedes: nihil aliud petiturus, quam ut aliter periret, nec esca fieret. Motus est nouitate crudelitatis Caesar, & illum quidem mitti, crystallina autem omnia coram se frangi iussit, complerique piscinam. 1)

1. *Complerique piscinam*) terra sc. congeita, ut pisces in ea non amplius ali possent.

Fuit Cæsari sic castigandus amicus: bene usus est viribus suis. E conuiuio rapi homines imperas, & noui generis pœnis lancinari? si calix tuus fractus est, viscera hominis distraherentur? tantum tibi placebis, vt ibi aliquem duci iubeas, vbi Cæsar est?

CAP. XLI. Si cui tantum potentiae est, vt iram ex superiori loco aggredi possit, male tractet, talem duntaxat, qualem modo retuli, feram, immanem, sanguinariam, quæ iam insanabilis est, nisi maius aliquid extimuit. Pacem demus animo, quam dabit præceptorum salutarium assidua meditatio, actusque rerum boni, & intenta mens ad vnius honesti cupiditatem. Conscientiæ satis fiat, nil in famam laboremus: sequatur vel mala, dum bene merentes. At vulgus animosa miratur, & audaces in honore sunt: placidi pro inertibus habentur. Primo forsitan aspectu: sed simul æqualitas vitæ fidem facit, non segnitiam illam animi esse, sed pacem, veneratur idem illos populus colitque. Nihil ergo habet in se vile teter ille & hostilis affectus; at omnia e contrario, mala, ferrum, ignes: pudore calcato, cædibus inquinavit manus, membra liberorum disperfit. Nihil vacuum reliquit a scelere, non gloriæ memor, non infamiæ metuens, inemendabilis cum ex ira in odium occalluit.

CAP. XLII. Careamus hoc malo, purgemusque mentem, & exstirpemus radicitus ea vitia, quæ quamvis tenuia vndecumque exierint, renascuntur: & iram non temperemus, sed ex toto remoueamus. Quod enim malæ rei temperamentum est? poterimus autem, adnitamur modo. Nec vlla res magis proderit, quam cogitatio mortalitatis. sibi quisque vt alteri dicat: Quid iuuat, tanquam in æternum genitos iras indicare, & breuissimam ætatem dissipare? quid iuuat, dies quos in voluptatem honestam impendere licet, in dolorem alicuius tormentumque transferre? Non

capiunt res istæ 1) iacturam, nec tempus vacat perdere. Quid ruimus in pugnam? quid certamina nobis arcesimus? quid imbecillitatis obliti, ingentia odia suscipimus, & ad frangendum fragiles confurgimus? iam istas inimicitias, quas implacabili gerimus animo, febris aut aliud malum corporis vetabit geri. iam par acerrimum media mors dirimet. Quid tumultuamur, & vitam feditiosi conturbamus? stat super caput factum, & pereuntes dies imputat, 2) propiusque, ac propius accedit. Istud tempus, quod alienæ destinæ morti, fortasse circa tuam est.

. CAP. XLIII. Quin potius vitam breuem colligis, placidamque & tibi & ceteris præstas? quin potius amabilem te, dum viuis, omnibus: desiderabilem, cum excefferis, reddis? Et quid illum, nimis ex alto 1) tecum agentem, detrahare cupis? quid illum oblatrantem tibi, humilem quidem & contemptum, sed superioribus acidum ac molestum, exterrere viribus tuis tentas? Quid seruo? quid domino? quid regi? quid clienti tuo irasceris? sustine paulum. venit ecce mors, quæ nos pares faciat. Ridere solemus inter matutinas harenæ spectacula, tauri & vrsi pugnam inter se colligatorum: quos, cum alter alterum vexarit, 2) suus confector 3) expectat. Idem facimus: aliquem nobiscum alligatum laceessimus: cum victo victorique finis, & quidem matutinus, 4) immineat. Quieti potius, pacatique, quantulumcumque superest, exigamus. nulli cadaver nostrum iaceat inuisum. Sæpe rixam conclamatum in vicino incendium soluit: & interventus feræ, latronem viatoremque diducit. Col-

1. Res istæ) i. e. humanæ.

2. Pereuntes dies imputat) quos perire nobis & excidere tribus & pravis curis patimur, eos fatum colligit tamen, & in expensis tabulis ponit. Lips.

1. Ex alto) in fortuna & loco altiore. Lips.

2. Vexaris) i. e. ludiorum pugna defatigatis.

3. Sui confector) bestiarius.

4. Matutinus) rectius f. matutua.

Iuctari cum minoribus malis non vacat, vbi metus maior apparuit. Quid nobis cum dimicatione & insidiis? numquid amplius isti cui irasceris, quam mortem optas? etiam te quiescente morietur. perdis operam: facere vis, quod futurum est. Nolo, inquis, utique occidere, sed exsilio, sed ignominia, sed damno afficere. Magis ignosco ei, qui vulnus inimici, quam qui pusulam 5) concupiscit. hic enim non tantum mali animi est, sed pusilli. Siue de ultimis suppliciis cogitas, siue de leuioribus; quantum est temporis, quo aut ille poena sua torqueatur, aut tu malum gaudium ex aliena percipias? Iam ipsum spiritum exspuimus, interim dum trahimus. 6) Dum inter homines sumus, colamus humanitatem: non timori cuiquam, non periculo simus: detrimenta, iniurias, conuicia, vellicationes contemnimus, & magno animo breuia feramus incommoda. Dum respicimus, quod aiunt, versamusque nos, iam mortalitas aderit.

L. ANNAEI SENECAE

AD HELVIAM MATREM DE CONSOLATIONE

LIBER VNVS.

Argumentum & Ordo.

Scriptus hic libellus in exsilio, quod primo imperii Claudiani anno (Vrbis dcccxciv.) subiit, faciente impu-

5. *Pusulam*) pusula apud Columellam est Erysipelas, siue facer ignis, quem hodieque imprecari mos est. *Lips.*

6. *Iam ipsum spiritum exspuimus, interim dum trahimus*) h. e. nullum vimus momentum, quo non aliquid vitae perdamus. Alludit vero ad expirationem quæ cum inspiratione semper coniuncta est. *Lipsius* ita distingui volebat: *Iam ipsum spiritum exspuimus. Interim dum trahimus, dum inter homines sumus, colamus &c.*

ra illa Messallina. Hæc omnium virorum mulier, adulterium Iulia Germanici filia obiecit: eique Senecam innexuit. Diximus in eius Vita. Iam ergo in Corsica relegatus, matrem solatur, & ostendit se casum hunc fortiter ferre, atque ipsam debere. Scripsit non statim initio exilii (quod Præfatio dicit) sed extremo primo anno, aut initio sequentis: ac scripsit iam in aui & ingenii vigore ac robore, annos natus paullo plus quadraginta. Itaque scriptum ipsum tale est, animi & eloquentia plenum, numeris & structura compositum, atque etiam ordine præter cetera dispositum. Ausim dicere, palmam inter libellos poscit. Consolationis autem duo capita facit: Neque meo nomine dolere, neque tuo debes. Non Meo. nam nihil mihi mali est. quæ vulgus putat, Locum mutatio, Paupertas, Ignominia, Contemptus, non sunt Mala: atque id ordine ostendit, ad Cap. XIV. Non etiam Tuo debes. nam duo sunt quæ adstringere te possint: Vel, quod Præsidium aliquod in me amiseris, Vel, quod Desiderium mei ferre non possis. Prius in te non cadit, quæ ambitiosa non es, nec gratiam aut potentiam filiorum unquam ostentasti. Non debet item alterum: quia supra sexum tuum fortis semper fuisti. Multa mala tolerasti, hoc etiam fer. Confer te ad Sapientia studia, quæ iuvabunt: Verte ad fratres meos, & ex his & me nepotes: non es deserta. Officia & oblectamenta isti dabunt. Verte etiam ad sororem tuam, quæ solatium erit, & exemplum. Atque in eius laudibus libelli finis.

Carmina hic visum præscribere; quæ Seneca tribuuntur, & certe exsilium eius tangunt. Siue ab ipso igitur, siue de ipso scripta, ad argumentum & lucem libelli spectant.

L. ANNAEI SENECAE

Epigrammata super exilio.

AD CORSICAM.

Corsica Phocaico tellus habitata colono,
 Corsica, quæ Graio nomine Cyrenus eras;
 Corsica

Corfica Sardinia breuior, porrectior Ilua:
Corfica piscosis peruia fluminibus;
Corfica terribilis, cum primum incanduit æstas:
Sæuior, ostendit cum ferus ora Canis:
Parce relegatis; hoc est, iam parce sepultis.
Viuorum cineri sit tua terra leuis.

II. DE EADEM.

Barbara præruptis inclusa est Corfica faxis:
Horrida, desertis vndique vasta locis.
Non poma Autumnus, segetes non educat Æstas:
Canaque Palladio munere Bruma caret:
Umbrarum nullo Ver est lætabile fœtu,
Nullaque in infauisto nascitur herba solo:
Non panis, non haustus aquæ, non vltimus ignis:
Hic sola hæc duo sunt, exsul, & exilium.

III. QVERELA.

Occisi iugulum quisquis scrutaris amici,
Tu miserum necdum me satis esse putas.
Desere confossum. victori vulnus iniquo
Mortiferum impressit mortua sæpe manus.

IV. ITEM.

Quisquis es, & nomen dicam? dolor omnia cogit,
Qui nostrum cinerem nunc, inimice, premis:
Et non contentus tantis, subitisque ruinis,
Stringis inextinctum tela cruenta caput.
Credere mihi, vires aliquas Natura sepulchris
Attribuit: tumulos vindicat umbra suos.
Ipsos crede Deos hoc nunc tibi dicere, Liur,
Hoc tibi nunc Manes dicere crede meos:
Res est sacra, miser. Noli mea tangere fata.
Sacrilegæ bustis abstinuere manus.

V. ITEM.

Carmina mortifero tua sunt suffusa veneno,
Et sunt carminibus pectora nigra magis.
Nemo tuos fugiat, non vir, non femina, dentes,
Haud puer, haud ætas vndique tuta senis.

Utque furens totas immittit saxa per vrbes:
 In populum sic tu verba maligna iacis.
 Sed solet insanos populus compefcere sanus:
 Et repetunt motum saxa remissa caput.
 In te nunc stringit nullus non carmina vates,
 Inque tuam rabiem publica Musa furit.
 Dum sua compositus nondum bene concutit arma
 Miles, & e nostra lancea torta manu:
 Bellus homo, & valide capitalia crimina ludis:
 Deque tuis manant atra venena iocis.
 Sed tu perque iocum dicis vinumque, quid ad rem,
 Si plorem? risus si tuus ista facit?
 Quare tolle iocos, non est iocos esse malignum.
 Nunquam sunt grati, qui nocuere sales.

VI.

AD AMICVM.

Crispe, meæ vires, lassarumque ancora rerum:
 Crispe vel antiquo conspiciende foro:
 Crispe potens nunquam, nisi cum prodesse volebas:
 Naufragio litus, tutaque terra meo.
 Solus honor nobis, arx & tutissima nobis:
 Et nunc afflicto sola quies animo.
 Crispe: fides dulcis: placidique acerrima virtus:
 Cuius Cecropio pectora melle madent.
 Maxima facundo vel auo, vel gloria patri:
 Quo solo careat, si quis in exilio est.
 At mea Cynææ saxis telluris adhærens
 Mens tecum est, nulla quæ cohibetur humo.

VII.

DE QUALITATE TEMPORIS.

Omnia tempus edax depascitur, omnia carpit,
 Omnia sede mouet, nil finit esse diu.
 Flumina deficiunt, profugum mare littora siccat,
 Subsident montes, & iuga celsa ruunt.
 Quid tam parua loquor? moles pulcherrima cæli
 Ardebit flammis tota repente suis.
 Omnia mors poscit. Lex est, non pœna, perire.
 Hic aliquo mundus tempore nullus erit.

VIII. VO.

VIII.

VOTVM.

Sic mihi sit frater, maiorque, minorque, superstes,

Et de me doleant nil, nisi morte mea.

Sic illos vincam, sic vincar rursus amando:

Mutuus inter nos sic bene certet amor.

Sic dulci Marcus qui nunc sermone fritinnit,

Facundo patruos prouocet ore duos.

*Hæc in schidis Pythæanis palam Seneca adscribuntur:
est & aliud, quod ob argumenti similitudinem viri docti
pariter adsignant.*

IX.

AD CORDVBAM.

Corduba solue comas, & tristes indue vultus:

Inlacrimans cineri munera mitte meo.

Nunc longinqua tuum deplora, Corduba vatem:

Corduba non alio tempore mæsta magis.

Tempore non alio, quo versis viribus Orbis,

Incubuit belli tota ruina tibi.

Cum geminis oppressa malis vtrimque peribas:

Et tibi Pompeius, Cæsar & hostis erat.

Tempore non alio, quo ter tibi funera centum

Heu nox vna dedit, quæ tibi summa fuit.

Non, Lusitanus quateret cum mœnia latro,

Figeret & portas lancea torta tuas.

Ille tuus quondam magnus, tua gloria, cuius

Infigat scopulo. Corduba solue comas,

Et gratare tibi, quod te Natura supremo

Alluit Oceano: tardius ista doles.

CAPVT I.

Sæpe iam, mater optima, impetum cepi con-
solandi te, sæpe continui. Vt auderem, mul-
ta me impellebant. primum, videbar deposi-
tus omnia incommoda, cum lacrimas tuas, etiam-
si suppressere non potuissem, interim certe abster-
sissem. deinde, plus habiturum me auctoritatis
non dubitabam ad excitandam te, si prior ipse con-
surre-

surrexissem. præterea timebam, ne a me non victa fortuna aliquem meorum vinceret. Itaque vtcunque conabar, manu super plagam meam imposita, ad obliganda vulnera vestra reptare. Hoc propositum meum, erant rursus quæ retardarent. Dolori tuo, dum recens sæuiret, sciebam occurrendum non esse, ne illum ipsa solatia irritarent, & accenderent. nam in morbis quoque nihil est perniciosius, quam immaturo medicina. Expectabam itaque dum ipse vires suas frangeret, & ad sustinenda remedia mora mitigatus, tangi se ac tractari pateretur. Præterea, cum omnia clarissimorum ingeniorum monumenta, ad compescendos moderandosque luctus composita evoluerem, non inueniebam exemplum eius qui consolatus suos esset, cum ipse ab illis comploraretur. Ita in re noua hæsitabam, verebarque, ne hæc non consolatio, sed exulceratio esset. Quid quod nouis verbis, nec ex vulgari & quotidiana sumptis allocutione, opus erat homini ad consolandos suos ex ipso rogo caput alleuanti? Omnis autem magnitudo doloris modum excedentis necesse est dilectum verborum eripiat, cum sæpe vocem quoque ipsam intercludat. Vtcunque, connitatur, non fiducia ingenii, sed quia possum instar efficacissimæ consolationis esse, consolator. Cui nihil negares, huic hoc vtiue te non esse negaturam (licet omnis mœror contumax sit, spero, ut desiderio tuo velis a me modum statui.

CAP. II. Vide quantum de indulgentia tua promiserim mihi: potentior me futurum apud te non dubito, quam dolorem tuum: quo nihil est apud miseros potentius. Itaque ne statim cum eo concurram, adero 1) prius illi, & quibus excitetur, ingeram: omnia proferam, & rescindam quæ iam obducta sunt. Dicit aliquis: Quod hoc genus est consolandi, oblite-

1. Adero) a partibus eius stabo, ipsius causam agam.

rata mala reuocare, & animum in omnium ærumnarum suarum conspectu collocare, vix vnus patientem? Sed is cogitet, quæcumque vsque eo perniciofa sunt, vt contra remedium conualuerint, plerumque contrariis curari. Omnes itaque luctus illi suos, omnia lugubria admouebo. hoc erit non molli via mederi, sed vrere ac secare. Quid consequar? vt pudeat animum, tot miseriarum victorem, ægre ferre vnum vulnus, in corpore tam cicatricoso. Fleant itaque diutius, & gemant, quorum delicatas mentes enervauit longa felicitas, & ad leuissimarum iniuriarum motus collabantur: at quorum omnes anni per calamitates transierunt, grauissima quoque forti & immobili constantia perferant. Vnum habet assidua infelicitas bonum, quod quos sæpe vexat, nouissime indurat. Nullam tibi fortuna vacationem dedit a grauissimis luctibus: ne natalem quidem tuum excepit. Amisisti matrem statim nata, imo dum nascereris: & ad vitam quodammodo exposita es. 2) Creuisti sub nouerca: quam tu quidem omni obsequio, & pietate, quanta vel in filia conspici potest, matrem fieri coegisti: nulli tamen non magno constitit & bona nouerca. Auunculum indulgentissimum, optimum ac fortissimum virum, cum aduentum eius exspectares, amisisti. Et ne scruitiæ suam fortuna leuiorem diducendo 3) faceret, intra tricesimum diem, carissimum virum tuum, ex quo mater trium liberorum eras, extulisti. Lugenti tibi luctus nuntiatus est, omnibus quidem absentibus liberis: quasi de industria in id tempus coniectis malis tuis, vt nihil esset vbi se dolor tuus reclinaret. Transeo tot pericula, tot metus, quos sine interuallo in te incurfantes pertulisti: modo in eundem sinum, ex quo

2. *Exposita es*) quasi deserta a parente & ab abeunte relicta, quod fieri solet expositis.

3. *Diducendo*) i. e. distrahendo casus grauiores, & spatium et moram inter illos concedendo.

tres nepotes miserarum, ossa trium nepotum recepisti. Intra vicesimum diem, quam filium meum in manibus & in osculis tuis mortuum funeraveras, raptum me audisti. hoc adhuc defuerat tibi, lugere viuos.

CAP. III. Grauiſſimum eſt ex omnibus, quæ vnquam in corpus tuum deſcenderunt, recens vulnus: fateor. non ſummam cutem rupit: pectus, & viſcera ipſa di- viſit. Sed quemadmodum triones leuiter ſaucii tamen vociferantur, & manus medicorum magis, quam fer- rum horrent: at veterani, quamuis conſoſſi, patien- ter ac ſine gemitu, velut aliena corpora, exſecari pa- tiuntur: ita tu nunc debes te fortiter præbere cura- tioni. Lamentationes quidem & vlulatus, & alia per quæ ferè muliebris dolor tumultuatur, amoue. per- didiſti 1) enim tot mala, ſi nondum miſera eſſe didi- ciſti. Ecquid videor tecum timide egiſſe? nil tibi ſub- duxi ex malis tuis, ſed omnia coaceruata ante te poſui. Magno id animo feci: conſtitui enim vincere dolorem tuum, non circumſcribere. 2)

CAP. IV. Vincam autem, puto. primum ſi oſten- dero nihil me pati, propter quod poſſim dici miſer, nedum propter quod miſeros etiam, quos contingo, faciam: deinde ſi ad te tranſiero, & probauero, ne tuam quidem grauem eſſe fortunam, quæ tota ex mea pendet. Hoc prius aggrediar, quod pietas tua audire geſtit, nihil mali eſſe mihi: ſi potero, ipſas res quibus me putas premi, non eſſe intolerabiles, faciam mani- feſtum. Sin id credi non potuerit: at ego mihi ipſe magis placebo, quod inter eas res beatus ero, quæ mi- ſeros ſolent facere. Non eſt quod de me aliis credas: ipſe tibi, ne quid incertis opinionibus perturberis, indico me non eſſe miſerum. Adiciam, quo ſecurior ſis, nec fieri quidem poſſe miſerum.

1. Perdidisti) incaſſum & ſine vtilitate toleraſti.

2. Circumſcribere.) per actus & ambages fallere.

CAP. V. Bona conditione conditi sumus, si eam non deseruerimus. Id egit rerum natura, ut ad bene viuendum non magno apparatu opus esset: unusquisque facere se beatum potest. Leue momentum in aduenticiis rebus est, & quod in neutram partem magnas vires habeat: nec secunda sapientem euehant, nec aduersa demittunt. Laborauit enim semper, ut in se plurimum poneret, intra se omne gaudium peteret. Quid ergo? sapientem me esse dico? minime. nam id quidem si profiteri possem, non tantum negarem miserum me esse, sed omnium fortunatissimum, & in vicium Deo perductum prædicarem. Nunc, quod satis est ad omnes miseras leniendas, sapientibus viris me dedi; & nondum in auxilium mei validos, in aliena castra confugi, eorum scilicet, qui facile se & sua tuentur. Illi me iusserunt stare assidue, velut in præsidio positum, & omnes conatus fortunæ, & omnes impetus prospicere multo ante quam incurrant. Illis grauis est, quibus est repentina: facile eam sustinet, qui semper expectat. Nam & hostium aduentus eos prosternit, quos inopinate occupauit: at qui futuro se bello ante bellum parauerunt, compositi & aptati; primum, qui tumultuosissimus est, ictum facile excipiunt. Nunquam ego fortunæ credidi, etiamsi videretur pacem agere: omnia illa, quæ in me indulgentissime conferebat, pecuniam, honores, gloriam, eo loco posui, vnde posset ea sine motu meo repetere. Interuallum inter me & illa magnum habui, itaque abstulit illa, non auulsit. Neminem aduersa fortuna comminuit, nisi quem secunda decepit. Illi qui munera eius velut sua & perpetua amauerunt, qui se propter illa suspici voluerunt, iacent & moerent cum vanos & pueriles animos, omnis solidæ voluptatis ignaros, falsa & mobilia oblectamenta destituunt. At ille qui se lætis rebus non inflauit, nec mutatis contrahit; aduersus vtrumque statum inuictum animum tenet

tenet, exploratæ iam firmitatis. nam in ipsa felicitate, quid contra infelicitatem valeret, expertus est. Itaque ego in illis quæ omnes optant, existimavi semper, nihil veri boni inesse: quin et inania, & specioso ac decepturo fucō circumlita inueni, intra nihil habentia fronti suæ simile. Nam in illis quæ mala vocantur, nihil tam terribile ac durum inuenio, quam opinio vnlgi minabatur. verbum quidem ipsum, persuasione quadam & consensu, iam asperius ad aures venit, & audientes tanquam triste, & execrabile ferit: ita enim populus iussit: sed populi scita ex magna parte sapientes abrogant.

CAP. VI. Remoto igitur iudicio plurium, quos prima rerum facies, utcumque credita est, i) aufert, videamus quid sit exsilium: nempe, loci commutatio est. Angustare ne videamur vim eius, & quicquid pessimum in se habet, subtrahere: hanc commutationem loci sequuntur incommoda, paupertas, ignominia, contemptus. Aduersus ista postea conflagam: interim primum illud intueri volo, quid acerbi afferat ipsa loci commutatio. Carere patria, intolerabile est. Aspice agedum hanc frequentiam, cui vix urbis immensæ tecta sufficiunt. maxima pars illius turbæ patria caret: ex municipiis & coloniis suis, ex toto denique orbe terrarum confluxerunt. Alios adducit ambitio, alios necessitas officii publici, alios imposita legatio, alios luxuria, opulentum & opportunum vitiis locum quærens: alios liberalium studiorum cupiditas, alios spectacula: quosdam traxit amicitia, quosdam industria, latam ostendendæ virtuti nacta materiam: quidam vāna formam attulerunt quidam vāna eloquentiam. Nullum non hominum genus concurrat in urbem, & virtutibus & vitiis magna pretia ponentem. Iube omnes istos ad nomen citari,

i. *Utrumque credita est*) i.e. fide simplici, sine examine.

& Vnde domo quisque sit, quære: videbis maiorem partem esse, quæ relictis sedibus suis, venerit in maximam quidem ac pulcherrimam urbem, non tamen suam. Deinde ab hac ciuitate discede, quæ velut communis patria potest dici: omnes vrbes circumi. nulla non magnam partem peregrinæ multitudinis habet. Nunc transi ab iis quarum amœna positio, & opportunitas regionis plures allicit: deserta loca, & asperissimas insulas, Sciathum & Seriphum, Gyarum, & Cosuram pete. nullum inuenies exsilium,¹⁾ in quo non aliquis animi causa²⁾ moretur. Quid tam nudum inueniri potest, quid tam abruptum vndique, quam hoc saxum?³⁾ quid ad copias respicienti ieiunius? quid ad homines immanfuetius? quid ad ipsum loci situm horribilius? quid ad cœli naturam intemperatius? plures tamen hic peregrini, quam ciues consistunt. Vsque eo ergo commutatio ipsa locorum gravis non est, vt hic quoque locus a patria quosdam abduxerit. Inuenio qui dicant inesse naturalem quandam animis irritationem cummutandi sedes, & transferendi domicilia. Mobilis enim & inquieta mens homini data est: nunquam se tenet: spargitur, & cogitationes suas in omnia nota atque ignota dimittit, vaga, & quietis impatiens, & nouitate rerum lætissima. Quod non miraberis, si primam eius originem adspexeris. Non ex terreno & graui concreta corpore: ex illo cœlesti spiritu descendit. cœlestium autem natura semper in motu est: fugit, & velocissimo cursu agitur. Adspice sidera mundum illustrantia: nullum eorum perstat. labitur assidue, & locum ex loco mutat: quamuis cum vniuerso vertatur, in contrarium nihilominus ipsi mundo refertur: per omnes signorum

1. *Exsilium*) hic locum exsulibus destinatum notat.

2. *Animi causa*) voluptatis causa, neminis iussa coactus.

3. *Saxum*) Corsica, quia rupibus inaccessa, vt habet Strabo. Hinc supra in Epigr. *Barbara præruptis inclusa est vndique Saxis*. Lips.

partes discurrit; perpetua eius agitatio, & aliunde alio commigratio est. Omnia voluntur semper, in transitu sunt, & ut lex & naturæ necessitas ordinavit, aliunde alio deferuntur. Cum per certa annorum spatia orbem suum explicuerint, iterum ibunt per quæ venerant. I nunc, & animum humanum, ex iisdem quibus divina constant compositum seminibus, moleste ferre puta transitum ac migrationem: cum Dei natura, assidua & citatissima commutatione, vel delectet se, vel conferuet. A cœlestibus, agedum, te ad humana conuerte, videbis gentes, populosque mutasse sedem. Quid sibi volunt in mediis Barbarorum regionibus Græcæ vrbes? quid inter Indos Persasque Mædonicus sermo? Scythia, & totus ille ferarum indomitarumque gentium tractus, ciuitates Achaïæ Ponticis impositas littoribus ostendat. Non perpetuæ hiemis sæuitia, non hominum ingenia, ad similitudinem cæli sui horrentia transferentibus domus suas-obstiterunt. Atheniensis in Asia turba est: Miletus lxxv. urbium populorum in diuersa effudit: totum Italiæ latus, quod infero mari alluitur, maior Græcia fuit. Tuscos Asia sibi vindicat: Tyrii Africam incolunt; Hispaniam Pœni: Græci se in Galliam immiserunt, in Græciam Galli: Pyrenæus Germanorum transitus non inhibuit: per inuia, per incognita versauit se humana leuitas. Liberos, coniugesque, & graues senio parentes traxerunt. Alii longo errore iactati, non iudicio elegerunt locum sed lassitudine proximum occupauerunt: alii armis sibi ius in aliena terra fecerunt: quasdam gentes, cum ignota peterent, mare hausit, quædam ibi confederunt, ubi illas rerum inopia deposuit. Nec omnibus eadem causa relinquendi quærendique patriam fuit. Alios excidia urbium suarum, hostilibus armis elapsos, in aliena, spoliatos suis, expulerunt: alios domestica seditio submouit: alios nimia superfluentis populi frequentia, ad exonerandas vires, emisit: alios pesti-

pestilentia, aut frequens terrarum hiatus, aut aliqua intoleranda infelicis soli vitia eiecerunt : quosdam fertilis oræ, & in maius laudatæ, fama corripit : alios alia caussa exciuit domibus suis. Illud itaque est manifestum, nihil eodem loco mansisse, quo genitum est. assiduus humani generis discursus est. quotidie aliquid in tam magno orbe mutatur. Noua urbium fundamenta iaciuntur : noua gentium nomina, extinctis prioribus, aut in accessionem validioris conuersis, oriuntur. Omnes autem istæ populorum transportationes, quid aliud, quam publica exilia sunt.

CAP. VII. Quid tam longo te circuitu traho ? quid interest enumerare Antenorem Patavii conditorem, & Euandrum in ripa Tiberis regna Arcadum collocantem ? quid Diomedem, aliosque quos Troianum bellum, victos simul victoresque, per alienas terras dissipauit ? Romanum imperium nempe auctorem exsulem respicit : quem profugum, capta patria, exiguas reliquias trahentem, necessitas & victoris metus, longinqua querentem, in Italiam detulit. Hic deinde populus quot colonias in omnes provincias misit ? ubicunque vicit. Romanus, habitat. Ad hanc commutationem locorum libentes nomina dabant, & relictis aris suis trans maria sequebatur colonus senex.

CAP. VIII. Res quidem non desiderat plurium enumerationem : vnum tamen adiiciam, quod in oculos se ingerit. Hæc ipsa insula sæpe iam cultores mutauit. Vt antiquiora quæ vetustas obduxit, transeam, Phocide relictæ, Graii qui nunc Massiliam colunt, prius in hac insula confederunt. Ex qua quid eos fugauerit, incertum est : vtrum cæli grauitas, an præpotentis Italiæ conspectus, an natura importuosi maris. nam in caussa non fuisse feritatem accolarum, eo apparet, quod maxime tunc trucibus & inconditis Galliæ populis se interposuerunt. Transierunt deinde Ligu-

Ligures in eam, transferunt & Hispani, quod ex similitudine ritus apparet. eadē enim tegumenta capitum, idemque genus calceamenti, quod Cantabris est, & verba quādam nam totus sermo, conuersatione Græcorum Ligurumque, a patria descivit. Deductæ deinde sunt duæ ciuium Romanorum coloniæ: altera a Mario, altera a Sylla. Tōties huius aridi & spinosi saxi mutatus est populus. Vix denique inuenies vllam terram, quam etiam nunc indigenæ colant. permixta omnia & infiticia sunt: alius alii successit. Hic concupiuit, quod alii fastidio fuit: ille vnde expulerat, eiectus est. Ita fato placuit, nullius rei eodem semper loco stare fortunam. Aduersus ipsam mutationem locorum, detractis ceteris incommodis quæ exsilio adhærent, satis hoc remedii putat Varro, doctissimua Romanorum, quod quocumque venimus, eadem rerum natura vtendum est. M. Brutus satis hoc putat, quod licet in exsilium euntibus virtutes suas ferre secum. Hæc etiam si quis singula parum iudicat efficacia ad consolandum exsulem, vtraque in vnum collata fatebitur plurimum posse. Quantulum enim est, quod perdidimus? duo quæ pulcherrima sunt, quocumque nos mouerimus, sequentur: natura communis, & propria virtus. Id actum est, mihi crede, ab illo, quisquis formator vniuersi fuit, siue ille Deus est potens omnium, siue incorporalis ratio 1) ingentium operum artifex, siue diuinus spiritus, 2) per omnia maxima minima, æquali intentione diffusus, siue fatum & immutabilis caussarum inter se cohærentium series: id, inquam, actum est, vt in alienum arbitrium, nisi vilissima quæque, non caderent. Quidquid optimum homini est, id extra humanam potentiam iacet: nec dari, nec eripi potest. Mundus hic,

1. *Incorporalis ratio*) ratio Dei, quæ incorporalis dicitur, quod ipsum Deum animal esse & corporeum crederent Stoici. Lips.

2. *Diuinus Spiritus*) virtus quādam plastica,

quo nihil neque maius, neque ornatus, rerum Natura genuit: animus contemplator, admiratorque mundi, pars eius magnificentissima, propria nobis & perpetua, tamdiu nobiscum mansura, quamdiu ipsi manebimus. Alacres itaque & erecti, quocunque res tulerit, intrepido gradu properemus.

CAP. IX. Emetiamur quascunque terras, nullam inuenire intra mundum est alienam nobis. vndecunque ex æquo ad cælum erigitur acies: 1) paribus intervallis omnia diuina ab omnibus humanis distant. Proinde dum oculi mei ab illo spectaculo, cuius insatiabiles sunt, non abducantur, dum mihi lunam solemque intueri liceat, dum ceteris inhærere sideribus, dum ortus eorum, occasus, intervallaque, & causas inuestigare velocius meandi, vel tardius, spectare tot per noctem stellas micantes, & alias immobiles, alias non in magnum spatium exeuntes, sed intra suum se circumagentes vestigium, quasdam subito erumpentes, quasdam igne fuso perstringentes aciem, quasi decedant, vel longo tractu cum luce multa præteruolantes; dum cum his sim, & cælestibus, qua homini fas est, immiscear; dum animum, ad cognatarum rerum conspectum tendentem, in sublimi semper habeam: quantum refert mea, quid calcem? At non est hæc terra frugiferarum aut lætarum arborum ferax: non magnis & nauigabilibus fluminum alueis irrigatur: nihil gignit, quod aliæ gentes petant, vix ad tutelam iaculentium fertilis: non pretiosus hic lapis cæditur, non auri argentique venæ eruuntur. Angustus animus est, quem terrena delectant. ad illa abducendus est, quæ vbique æque apparent, vbique æque splendent: & hoc cogitandum est, ista veris bonis per falsa & prauè credita 2) ob stare. Quo longiores porticus expedierint, quo

1. *Acies*) sc. oculorum.

2. *Per falsa & prauè credita*) dum deus h. c. opinionem de illis falsam arripimus.

algius turres sustulerint, quo latius vicos porrexerint, quo depressius æstiuos specus foderint, quo maiori mole fastigia cœnationum subnexerint; hoc plus erit, quod illis cælum abscondat. In eam te regionem casus eiecit, in qua latissimum receptaculum casa est. Næ tu pusilli animi es, & sordide se consolantis, si ideo id fortiter pateris, quia Romuli casam nosti. Dic illud potius: Istud humile tugurium nempe virtutes recipit, iam omnibus templis formosius erit, cum illic iustitia conspecta fuerit, cum continentia, cum prudentia, pietas, omnium officiorum recte dispensandorum ratio, humanorum diuinorumque scientia. Nullus angustus est locus qui hanc tam magnarum virtutum turbam capit: nullum exilium graue est, in quo licet cum hoc ire comitatu. Brutus in eo libro, quem de Virtute composuit, ait, se vidisse Marcellum Mitylenis exsulantem, & quantum modo natura hominis pateretur, beatissime viuentem, neque vnquam bonarum artium cupidiorum quam illo tempore. Itaque adiicit, visum sibi se magis in exilium ire, qui sine illo rediturus esset, quam illum in exilio relinqui. O fortunatiorem Marcellum, eo tempore, quo exilium suum Bruto approbavit, quam quo reipublicæ consultatum! Quantus vir ille fuit, qui effecit, vt aliquis exsul sibi videretur, quod ab exsule recederet? qui in admirationem sui abduxit hominem, etiam Catoni suo mirandum? Idem Brutus ait, C. Cæsarem Mitylenas præteruectum, quia non sustineret videre deformatum virum. Illi quidem reditum impetrauit Senatus, publicis precibus, tam sollicitus ac mœstus, vt omnes illo die Bruxi habere animum viderentur, & non pro Marcello, sed pro se deprecari, ne exsules essent, si sine illo fuissent: sed plus multo consecutus est, quod die illum exsulem Brutus relinquere non potuit, Cæsar videre. Contigit enim illi testimonium viri usque. Brutus sine Marcello reuerti se doluit: Cæsar erubuit.

Num

Num dubitas, quin ille tantus vir, sic ad tolerandum æquo animo exsilium se ipse adhortatus sit? Quod patria carere, non est miserum. Ita te disciplinis imbuisti, ut scires omnem locum sapienti viro patriam esse. Quid puorro? hic qui te expulit, non ipse per annos decem continuos patria caruit? propagandi sine dubio imperii causa: sed nempe caruit. nunc ecce trahit illum ad se Africa resurgens belli minis plena, trahit Hispania, quæ fractas & afflictas partes refouet, trahit Ægyptus infida, totus denique orbis, qui ad occasionem concussi imperii intentus est. Cui primum res occurreret? cui parti se opponet? Aget illum per omnes terras victoria sua. Illum suspiciant & colant gentes: tu vive Bruto miratore contentus. Bene ergo exsilium tulit Marcellus: nec quicquam in animo eius mutauit loci mutatio, quamuis eam paupertas sequeretur. in qua nihil mali esse, quisquis modo nondum peruenit in insaniam omnia subuertentis avaritiæ, atque luxuriæ, intelligit. Quantulum est enim, quod in tutelam homini necessarium sit? & cui deesse hoc potest, ullam modo virtutem habenti? Quod ad me quidem pertinet, intelligo me non opes, sed occupationes perdidisse. corporis exigua desideria sunt: frigus submouere vult, alimentis famem ac sitim extinguere: quicquid extra concupiscitur, vitiis, non vñibus laboratur. Non est necesse omne perscrutari profundum, nec strage animalium ventrem onerare, nec conchylia vltimi maris ex ignoto littore eruere. Dii istos deæque perdant, quorum luxuria tam inuidiosi imperii 3) fines transcendit. Ultra Phasim capi volunt, quod ambitiosam popinam instruat: nec piget a Parthis, a quibus nondum pœnas repetimus, aues petere. Vndique conuehunt omnia nota fastidienti gulæ. Quod dissolurus deliciis stomachus yix admittat, ab vltimo

3. *Tam inuidiosi imperii*) intelligit Imperium Romanum.

portatur Oceano. Vomunt vt edant, edunt vt vomant : & epulas, quas toto orbe conquirunt, nec concoquere dignantur. Ista si quis despicit, quid illi paupertas nocet? si quis concupiscit, illi paupertas etiam prodest. Inuitus enim sanatur : & si remedia ne coactus quidem recipit, interim certe dum non potest, nolenti similis est. C. Cæsar, quem mihi videtur rerum natura edidisse, vt ostenderet quid summa vitia in summa fortuna possent, centies sestertio cœnauit vno die : & in hoc omnium adiutus ingenio, vix tamen inuenit, quomodo trium prouinciarum tributum vna cœna fieret. O miserabiles, quorum palatum nisi ad pretiosos cibos non excitatur ! pretiosos autem, non eximius sapor aut aliqua faucium dulcedo, sed raritas, & difficultas parandi facit. Alioquin si ad sanam illis mentem placeat reuerti, quid opus est tot artibus ventri seruientibus? quid mercaturis? quid vastatione siluarum? quid profundi perstrutatione? passim iacent alimenta, quæ rerum natura omnibus locis deposuit, sed hæc velut cæci transeunt, & omnes regiones per-vagantur, maria traiciunt, & cum famem exiguo possint sedare, magno irritant.

CAP. X. Libet dicere: Quid deducitis naues? quid manus & aduersus feras & aduersus homines armatis? quid tanto tumultu discursitis? quid opes opibus aggeritis? non vultis cogitare, quam parua vobis corpora sint? Nonne furor & vltimus mentium error est, cum tam exiguum capias, cupere multum? Licet itaque augeatis census, promoueat is fines: nunquam tamen corpora vestra laxabitis. Cum bene cesserit negotiatio, multum militia retulerit, cum indagati vndique cibi coierint, non habebitis vbi istos apparatus vestros collocetis. Quid tam multa conquiritis? Scilicet maiores nostri, quorum virtus etiam nunc vitia nostra sustentat, infelices erant, qui sibi manu sua parabant cibum: quibus terra cubile erat: quorum tecta non-
dum

dum auro fulgebant: quorum templa nondum gemmis nitebant. Itaque tunc per fœstiles deos religiose iurabatur: qui illos inuocauerant, ad hostem morituri, ne fallerent, redibant. 1) Scilicet minus beate vivebat dictator noster, 2) qui Samnitum legatos audit, cum vilissimum cibum in foco ipse manu sua versaret, illa, qua iam sæpe hostem percusserat, laureamque in Capitolini Iouis gremio reposuerat, quam Apicius 3) nostra memoria vixit! qui in ea vrbe, ex qua aliquando philosophi, velut corruptores iuventutis, abire iussi sunt, scientiam popinæ professus, disciplina sua sæculum infecit: cuius exitum nosse, operæ pretium est. Cum sestertium millies 4) in culinam congerisset, cum tot congiaria Principum, & ingens Capitolii vœstigal singulis comestationibus exorsisset; ære alieno oppressus, rationes suas tunc primum coactus inspexit, superfuturum sibi sestertium centies computavit: & velut in vltima fame victurus, si in sestertio centies vixisset, veneno vitam finiuit. Quanta luxuria erat, cui sestertium centies egestas fuit? Inunc, & puta pecuniæ modum ad rem pertinere, non animi.

CAP. XI. Sestertium centies aliquis extimuit: & quod alii voto petunt, veneno fugit. illi vero tam prauæ mentis homini vltima potio saluberrima fuit. Tunc venena edebat, bibebatque, cum immensis epulis non delectaretur tantum, sed gloriaretur, cum vitia sua ostentaret, cum ciuitatem in luxuriam suam conuerteret, cum iuventutem ad imitationem sui sollicitaret, etiam sine malis exemplis, per se docilem.

1. *Ad hostem morituri redibant*) vt Regulus, ad Carthaginienses ob iuramenti fidem rediens, mortem licet se manere nosset.

2. *Dictator noster*) M. Curius. vid. Florum & Linium.

3. *Apicius*) tres fœere hoc nomine celebres gulones, iste Augusti ætate vixit. Lips.

4. *H S. millies*) nostro more & sermone duos milles & semis. Id.

Hæc accidunt diuitias non ad rationem reuocantibus, cuius certi sunt fines : sed ad vitiosam consuetudinem, cuius immensum & incomprehensibile arbitrium est. Cupiditati nihil satis est : naturæ satis est etiam parum. Nullum ergo paupertas exfulis incommodum habet : nullum enim tam inops exsilium est, quod non alendo homini abunde fertile sit. At vestem, an domum desideraturus est exful ? Si hæc quoque ad vsum tantum desiderabit, neque tectum ei deerit, neque velamen. æque enim exiguo tegitur corpus, quam alitur. nihil homini natura, quod necessarium faciebat, fecit operosum. Si desiderat saturatam multo conchylio purpuram, intextam auro, variisque coloribus distinctam & artibus ; non fortunæ iste vitio, sed suo pauper est. etiam si illi, quidquid amisit, restitueris, nihil ages. plus enim restituto deerit ex eo quod cupit ; quam exfuli ex eo quod habuit. Si desiderat aureis fulgentem vasis supellectilem, & antiquis nominibus artificum argentum nobile, æs paucorum infania pretiosum, & seruorum turbam quæ quamuis magnam domum angustet, iumentorum corpora differta & coacta pinguescere, & nationum omnium lapides ; ista congerantur licet, nunquam explebunt inexplebilem animum. non magis, quam vllus sufficiet humor ad satiandum eum, cuius desiderium non ex inopia, sed ex æstu ardentium viscerum oritur. non enim sitis illa, sed morbus est. Nec hoc in pecunia tantum, aut alimentis euenit : eadem natura est in omni desiderio, quod non ex inopia, sed ex vitio nascitur. quicquid illi congesseris ; non finis erit cupiditatis, sed gradus. Qui continebit itaque se intra naturalem modum, paupertatem non sentiet : qui naturalem modum excedet, eum in summis opibus quoque paupertas sequetur. Necessariis rebus & exsilia sufficiunt ; superuacuis nec regna. Animus est qui diuites facit. hic in exsilia sequitur, & in solitudinibus asperrimis, cum quantum
satis

fatis est sustinendo corpori, inuenit, ipse bonis suis abundat & fruitur. Pecunia nihil ad animum pertinet, non magis, quam ad deos immortales omnia ista, quæ imperita ingenia, & nimis corporibus suis addicta, suspiciunt. Lapidēs, aurum & argentum, & magni læuatique mensarum orbes, terrena sunt pondera: quæ non potest amare sincerus animus, ac naturæ suæ memor; leuis ipse, & exsertus, & quandoque emissus fuerit, ad summa emicaturus. interim, quantum per moras membrorum, & hanc circumfusam grauem sarcinam licet, celeri & voluceri cogitatione diuina perlustrat. Ideoque nec exfulare vnquam potest liber, & diis cognatus, & omni mundo omnique æuo par. Nam cogitatio eius circa omne cælum, & in omne præteritum futurumque tempus immittitur. Corpusculum hoc, custodia & vinculum animi, huc atque illic iactatur: in hoc supplicis, in hoc latrocinia, in hoc morbi exercentur. animus quidem ipse sacer & æternus est, & cui non possunt iniici manus.

CAP. XII. Nec ine putes ad eleuanda incommoda paupertatis, quam nemo grauem sentit nisi qui putat, vti tantum præceptis sapientum. Primum aspice, quanto maior pars sit pauperum, quos nihilo notabius tristiores sollicitioresque diuinibus: imo nescis an eolatiores sint, quo animus eorum in pauciora distringitur. Transeamus a pauperibus: veniamus ad locupletes. quam multa sunt tempora, quibus pauperibus similes sunt? Circumcissæ sunt peregrinantium sarcinæ: & quotiescunque festinationem necessitas itineris exigit, comitum turba dimittitur. Militantes quotam partem rerum suarum secum habent? cum omnem apparatus castrensis disciplina subinoueat. Nec tantum conditio illos temporum, aut locorum inopia, pauperibus exæquat: sumunt quosdam dies, 1) cum

1. Sumunt quosdam dies) vid. de hoc more Senec. ep. 18.

iam illos diuitiarum tedium cepit, quibus humi cœ-
nent, & reinoto auro, argentoque, fictilibus utantur.
Deincentes! hoc quod aliquando concupiscunt, semper
timent. O quanta illos caligo mentium, quanta igno-
rantia veritatis exercet, qui fugiunt quod voluptatis
caussa imitantur! Me quidem, quoties antiqua exem-
pla respexi, paupertatis vti solatiis pudet. quoniam
quidem eo temporum luxuria prolapsa est, ut maius
viaticum exsulum sit, quam olim patrimonium prin-
cipum fuit. Vnum fuisse Homero seruum, tres
Platoni, nullum Zenoni, a quo cœpit Stoicorum ri-
gida ac virilis sapientia, satis constat. num ergo quis-
quam eos miseros vixisse dicet, ut non ipse miserri-
mus ob hoc omnibus videatur? Menenius Agrippa,
qui inter patres ac plebem publicæ gratiæ sequester
fuit, ære collato funeratus est. Attilius Regulus,
cum Pœnos in Africa funderet, ad Senatum scripsit,
mercenarium suum discessisse, & ab eo desertum esse
rus: quod Senatui publicè curari, dum abesset Re-
gulus, placuit. Fuit nã tanti, seruum non habere,
ut colonus eius populus Rom. esset. Scipionis filiæ
ex ærario dotem acceperunt: quia nihil illis reli-
querat pater. Æquum mehercules erat populum
Rom. tributum Scipioni semel conferre, cum a Car-
thagine semper exigeret. O felices viros puellarum,
quibus populus Rom. loco soceri fuit! Beatiorene
istos putas, quorum pantomimæ decies sestertio nu-
bunt, quam Scipionem, cuius liberi a senatu tutore
suo, in dotem æs graue acceperunt? Dedignatur ali-
quis paupertatem, cuius tam clare imagines sunt?
indignatur exsul aliquid sibi deesse, cum defuerit
Scipioni dos, Regulo mercenarius, Menenio funus?
cum omnibus illis, id quod decrat, ideo honestius
suppletum sit, quia defuerat? His ergo aduocatis
non tantum tuta est, sed etiam gratiosa paupertas.

CAP. XIII. Responderi potest : Quid artificiose ista diducis, quæ singula sustineri possunt, collata non possunt? Commutatio loci tolerabilis est, si tantum locum mutes : paupertas tolerabilis est, si ignominia absit, quæ vel sola opprimere animos solet. Aduersus hunc, quisquis me malorum turba terrebit, his verbis utendum erit. Si contra vnamquamlibet partem fortunæ satis tibi roboris est, idem aduersus omnes erit. cum semel animum virtus indurauit, vndique inuulnerabilem præstat. Si auaritia dimisit, vehementissima generis humani pestis ; moram tibi ambitio non faciet. Si vltimum diem non quasi pœnam, sed quasi naturæ legem adspicis ; ex quo pectore mortis metum eieceris, in id nullius rei timor audebit intrare. Si cogitas, libidinem non voluptatis causa homini datam, sed propagandi generis ; quem non violauerit hoc secretum & infixum visceribus ipsis exitium, omnis alia cupiditas intactum præteribit. Non singula vitia ratio, sed pariter omnia prostermit : in vniuersum semel vincitur. Ignominia tu putas quemquam sapientem moueri posse, qui omnia in se reposuit, qui ab opinionibus vulgi secessit ? Plus etiam quam ignominia, est mors ignominiosa. Socrates tamen eodem illo vultu, quo aliquando solus triginta tyrannos in ordinem redegerat, carcerem intrauit, ignominiam ipsi loco detracturus. neque enim poterat carcer videri, in quo Socrates erat. Quis usque eo ad conspiciendam veritatem excæcatus est, ut ignominiam putet M. Catonis fuisse, duplicem in petitione præturæ & consulatus repulsam ? ignominia illa præturæ & consulatus fuit, quibus ex Catone honor habebatur. Nemo ab alio contemnitur, nisi a se ante contemptus est. Humilis & proiectus animus sit isti contumeliæ opportunus : qui vero aduersus sæuissimos casus se extollit, & ea mala quibus alii opprimuntur,

H 5

eucr-

euerit, ipsas miseras infularum loco) habet; quando ita affecti sumus, ut nihil æque magnam apud nos admirationem occupet, quam homo fortiter miser. Ducebatur Athenis ad supplicium Aristides: cui quisquis occurrerat, deiiciebat oculos, & ingemiscebat, non tanquam in hominem iustum, sed tanquam in ipsam iustitiam animaduerneretur. Inuentus est tamen, qui in faciem eius inspueret. poterat ob hoc moleste ferre, quod sciebat neminem id ausurum puri oris. At ille absterxit faciem, & subridens ait comitanti se magistratui: Admone istum, ne postea tam improbe oscitet. Hoc fuit contumeliæ ipsi contumeliam facere. Scio quosdam dicere, contemptu nihil esse grauius; mortem ipsis potiore videri. His ego respondebo, & exilium sæpe contemptione omni carere. Si magnus vir cecidit, magnus iacuit. non magis illum contemni, quam cum ædium sacrarum ruinæ calcantur, quas religiosi æque ac stantes adorant.

CAP. XIV. Quoniam meo nomine nihil habes, mater carissima, quod te in infinitas lacrimas agar, sequitur ut causæ tuæ te stimulent. Sunt autem duæ: nam aut illud te mouet, quod præsidium aliquod videris amisisse: aut, quod desiderium ipsum per se pati non potes. Prior pars mihi leuiter perstringenda est. noui enim animum tuum, nihil in suis præter ipsos amantem. Viderint illæ matres, quæ potentiam liberorum muliebri impotentia exercent, quæ, quia feminis honores non licet gerere, per illos ambitiosæ sunt; quæ patrimonia filiorum & exhauriunt, & captant; quæ eloquentiam commodando aliis fatigant. Tu liberorum tuorum bonis plurimum gaudia es, minimum vsa: tu liberalitati nostræ semper imposuisti modum, cum tuæ non imponeres: tu filias familias,

1. *Infularum loco*) Insulæ propriæ sacerdotibus, victimis & rebus sacris. Hi tales & hæc talia sacrosancta censentur & venerationem habent. *Lips.*

locupletibus filiis ultro contulisti, tu patrimonia nostra sic administrasti, ut tanquam in tuis laborares, tanquam alienis abstineres: tu gratiæ nostræ, tanquam alienis rebus vtereris, pepercisti, & ex honoribus nostris nihil ad te nisi voluptas & impensa pertinuit. nunquam indulgentia ad utilitatem respexit. Non potes itaque erepto filio desiderare, quæ incolumi nunquam ad te pertinere duxisti.

CAP. XV. Illo omnis consolatio mihi vertenda est, unde vera vis materni doloris oritur. Ego complexu filii carissimi careo, non conspectu eius, non sermone fruor. ubi est ille, quo viso tristem vultum relaxavi, in quo omnes sollicitudines meas deposui? ubi colloquia, quorum inexplibilis eram? ubi studia, quibus libentius quam femina, familiarius quam mater, inteream? ubi ille occursum? ubi matre visa semper puerilis hilaritas? 1) Adiciis istis loca ipsa gratulationum & convictuum, & ut necesse est, efficacissimas ad vexandos animos recentis conuersationis notas. Nam hoc quoque aduersus te crudeliter fortuna molita est, quod te ante tertium demum diem 2) quam percussus sum, securam, nec quicquam tale metuentem, regredi voluit. bene nos longinquitas locorum diuiserat: bene aliquot annorum absentia huic te malo præparauerat: redisti, non ut voluptatem ex filio perciperes, sed ne consuetudinem desiderii perderes. Si multo ante abfuisses, fortius tulisses, ipso intervallo desiderium molliente: si non recessisses, ultimum certe fructum biduo diutius videndi filium tulisses. Nunc crudele fatum ita composuit, ut nec fortunæ

1. *Puerilis hilaritas*) hoc est simplex & non affectata, qualis puerorum esse solet, hilaritas atque blanditiæ.

2. *Ante tertium demum diem*) Res ita fuit. Romam ex Hispania rediit, interfuit morti & funerali nepotuli sui: iterumque abiit, & in via de fato filii & exilio audiuit. In via inquam cum biduum iam abfuisset. Venit igitur abiitque, iterumque rediit, hoc casu excita & ex via retracta, Lips.

meæ interesses, nec absentiae assuesceres. Sed quanto isto duriora sunt, tanto maior tibi virtus aduocanda est & velut cum hoste noto, ac saepe iam victo, acrius est congrediendum. Non ex intacto corpore 3) tuus sanguis hic fluxit: per ipsas cicatrices percussa es.

CAP. XVI. Non est quod vtaris excusatione nominis muliebris, cui pæne concessum est immoderatum in lacrimas ius, non immensum tamen: & ideo maiores decem mensium spatium lugentibus viros deciderunt, ut cum pertinacia muliebris mœroris publica constitutione deciderent. 1) non prohibuerunt luctus, sed finierunt. Nam & infinito dolore, cum aliquem ex carissimis amiseris, affici, stulta indulgentia est: & nullo, inhumana duritia. Optimum inter pietatem & rationem temperamentum est, & sentire desiderium, & opprimere. Non est quod ad quasdam feminas respicias; quarum tristitiam semel sumptam mors finivit. nosti quasdam, quæ amissis filiis, imposita lugubria nunquam exuerunt. a te plus exigit vita ab initio fortior. non potest muliebris excusatio contingere ei, a qua omnia vitia muliebria abfuerunt. Non te maximum sæculi malum, impudicitia, in numerum plurium adduxit. non gemmæ te, non margaritæ flexerunt: non tibi diuitiæ, velut maximum generis humani bonum, refulserunt: non te bene in antiqua & seuera institutam domo, periculosa etiam probis peiorum detorsit imitatio. Nunquam te fecunditatis tuæ, quasi exprobraret ætatem, puduit: nunquam more aliarum, quibus omnis commendatio ex forma petitur, tumescentem vterum abscondisti, quasi indecens onus; nec intra viscera tua conceptas spes liberorum elisisti. Non faciem lenociniis ac coloribus polluisti.

3. Non ex intacto corpore) nimirum malum malo superuenit, vulnere vulnus. Vide enim de continnis huius feminae lactibus supra cap. 2.

1. Deciderent) quasi pacto & lege transigerent. Lips.
nun-

nunquam tibi placuit vestis, quæ nihil amplius nudaret, cum poneretur : vnicum tibi ornamentum, pulcherrima & nulli obnoxia ætati 2) forma, maximum decus, visa est pudicitia. Non potes itaque, ad obtinendum dolorem, muliebri nomen prætere, ex quo te virtutes tuæ seduxerunt. tantum debes a feminarum lacrimis abesse, quantum a vitiis. Ne feminæ quidem te finent intabescere vulnere tuo, sed leuiori necessario mœrore cito defunctam, iubebunt exsurgere : si modo illas intueri voles feminas, quas conspecta virtus inter magnos viros posuit. Corneliam ex duodecim liberis ad duos fortuna redegerat. Si numerare funera Corneliæ velles, amiserat decem : si æstimare, amiserat Gracchos. Flentibus tamen circa se, & fatum eius execrantibus interdixit, Ne fortunam accusarent, quæ sibi filios Gracchos dedisset. Ex hac femina debuit nasci, qui diceret in concione : Tu matri meæ maledicas, quæ me peperit? Multo mihi videtur animosior vox matris. Filius magno æstimabat Gracchorum natales : mater & funera. Rutilia Cottam filium secuta est in exsilium, & vsque eo fuit indulgentia constricta, vt mallet exsilium pati, quam desiderium : nec ante in patriam, quam cum filio rediit. Eundem iam reducem, & in Rep. florentem tam fortiter amisit, quam secuta est : nec quisquam lacrimas eius post elatum filium notauit. In expulso virtutem ostendit, in amisso prudentiam. nam & nihil illam a pietate deterruit, & nihil in tristitia super-
vacua stultaque detinuit. Cum his te numerari feminis volo, quarum vitam semper imitata es : earum in coercenda comprimendaque ægritudine optime sequeris exemplum. Scio rem non esse in nostra potestate, nec vllum affectum seruire : minime vero eum, qui ex dolore nascitur. Ferox enim, & aduersus omne

2. *Ætati*) s. rectius *arti*. Gronov.

remedium contumax est. volumus eum interim ob-
ruere, & deuorare gemitus : per ipsum tamen compo-
situm fictumque vultum lacrimæ profunduntur. Ludis
interim aut gladiatoribus animum occupamus : at
illum inter ipsa, quibus auocatur, spectacula, leuis
aliqua desiderii nota subruit. Ideo melius est, illum
vincere, quam fallere. Nam qui aut delusus volupta-
tibus, aut occupationibus abductus est, resurgit, &
ipsa quiete impetum ad sauiendum colligit : at quis-
quis rationi cessit, in perpetuum componitur. Non
sum itaque tibi monstraturus illa, quibus vsos multos
esse scio, vt peregrinatione te vel longa detineas, vel
amœna delectes ; vt rationum accipiendarum diligen-
tia, patrimonii administratione multum occupa-
stis ; vt semper nouo te aliquo negotio implices :
omnia ista ad exiguum momentum prosunt, nec re-
media doloris, sed impedimenta sunt : ego autem
malo illum desinere, quam decipi. Itaque illo te duco,
quo omnibus qui fortunam fugiunt, confugiendum
est, ad liberalia studia, illa sanabunt vulnus tuum,
illa omnem tristitiam tibi euellent. His etsi nunquam
assuesses, nunc vtendum erat : sed quantum tibi patris
mei antiquus rigor permisit, omnes bonas artes non
quidem comprehendisti, attigisti tamen. Vtinam
quidem virorum optimus, pater meus, nimis maio-
rum consuetudini deditus, voluisset te sapientum præ-
ceptis erudiri potius, quam imbui ! non parandum
tibi nunc contra fortunam esset auxilium, sed profe-
rendum. Propter istas quæ litteris non ad sapientiam
vtuntur, sed ad luxuriam instruuntur, minus est in-
dulgere studiis passus. beneficio tamen rapacis ingenii
plus, quam pro tempore, hausisti : iacta sunt discipli-
narum omnium fundamenta. Nunc ad illas reuertere :
tutam te præstabunt. illæ consolabantur, illæ delecta-
bunt, illæ si bona fide animum tuum intrauerunt,
nunquam amplius intrabit dolor, nunquam sollicitudo,
nun-

nunquam afflictionis irritæ superuacua vexatio : nulli horum patebit pectus tuum : nam ceteris vitiis iam pridem clusum est. Hæc quidem certissima præsidia sunt, & quæ sola te fortunæ eripere possint : sed quis dum in illum portum, quem studia promittunt, perueneris, adminiculis quibus innitaris opus est, volo interim solatia tua tibi ostendere. Respice fratres meos : quibus saluis, fas tibi non est accusare fortunam. in utroque habes quod te diuersa virtute delectet : alter honores industria consecutus est, alter sapienter contempsit. Acquiesce alterius filii dignitate, alterius quiete, utriusque pietate. noui fratrum meorum intimos affectus. alter in hoc dignitatem excolit, ut tibi ornamento sit : alter in hoc se ad tranquillam quietamque vitam recepit, ut tibi vacet. Bene liberos tuos & in auxilium, & in oblectamentum, fortuna disposuit : potes alterius dignitate defendi, alterius otio frui. Certabunt in te officiis : & vnius desiderium, duorum pietate supplebitur. Audacter possum promittere : nihil tibi deerit, præter numerum. Ab his ad nepotes quoque respice; Marcum blandissimum puerum, ad cuius conspectum nulla potest durare tristitia : nihil tam magnum, nihil tam recens in cuiusquam pectore fuerit, quod non circumfusus ille permulceat. Cuius non lacrimas illius hilaritas supprimat ? cuius non contractum solitudine animum illius argutiæ soluant ? quem non in iocos vocabit illa lasciuia ? quem non in se conuertet, & abducet infixum cogitationibus, illa neminem satiatura garrulitas ? Deos oro, contingat hunc habere nobis superstitem. In me omnis fatorum crudelitas lassata consistat : quicquid matri dolendum fuit, in me transierit : quicquid auix, in me. Floreat reliqua in suo statu turba : nihil de orbitate, nihil de conditione mea querar. Fuerim tantum, nihil amplius, dolituræ domus pamentum. Tene in gremio tuo cito tibi naturum pronepotes Nouatillam ; quam sic

sic in me transtuleram, sic mihi adscripseram, ut possit videri, quod me amisit, quamuis salvo patre, pupilla. hanc & pro me dilige. Abstulit illi nuper fortuna matrem: tua potest efficere pietas, ut perdidisse se matrem doleat tantum, non & sentiat. Nunc mores eius compone, nunc formam: altius præcepta descendunt, quæ teneris imprimuntur ætatibus. Tuis assuescat sermonibus: ad tuum fingatur arbitrium. multum illi dabis, etiamsi nihil dederis præter exemplum. Hoc iam tibi sollemne officium pro remedio erit. non potest animum pie dolentem a solitudine auertere, nisi aut ratio, aut honesta occupatio. Numerarem inter magna solatia patrem quoque tuum, nisi abesset. nunc tamen ex affectu tuo, quid illius interfit, cogita: intelliges, quanto iustius sit, te illi seruari, quam mihi impendi. quoties te immodica vis doloris inuasit, & sequi se iubebit, patrem cogita. cui tu quidem tot nepotes pronepotesque dando effecisti ne vnica esses: consummatio tamen ætatis actæ feliciter, in te vertitur. Illo vino, nefas est, te, quod vixeris, queri.

CAP. XVII. Maximum adhuc solatium tuum tacueram, sororem tuam: illud fidelissimum pectus tibi, in quod omnes curæ tuæ pro indiuiso transferuntur: illum animum omnibus nobis maternum. Cum hac tu lacrimas tuas miscuisti, in huius primum respirasti sinus. Illa quidem affectus tuos semper sequitur. in mea tamen persona, non tantum pro te dolet. Illius manibus in urbem perlatus sum, illius pio maternoque nutricio 1) per longum tempus æger conualui: illa pro quæstura mea gratiam suam extendit: & quæ non sermonis quidem, aut claræ salutationis sustinuit audaciam, pro me vicit indulgentia verecundiam. Nihil illi seductum 2) vitæ genus, nihil modestia, in tanta

1. Nutricio) pro nutritu, sic & Columella. Lips.

2. Seductum) i. e. priuatum, a turba remotum,

feminarum petulantia, rustica, 3) nihil quies, nihil secreti & ad otium repositi mores obstituerunt, quo minus pro me etiam ambitiosa fieret. Hæc est, mater carissima, solatium, quo reficiaris: illi quantum potes te iunge, illius arctissimis amplexibus alliga. Solent mœrentes, ea quæ maxime diligunt, fugere, & libertatem dolori suo quærere: tu ad illam te, & quicquid cogitaueris, confer. siue seruare habitum istum voles, siue deponere, apud illam inuenies vel finem dolori tuo, vel comitem. Sed si prudentiam perfectissimæ feminae noui, non patietur te nihil profuturo mœrore consumi, & exemplum tibi suum, cuius ego etiam spectator fui, narrabit. Carissimum virum amiserat, auunculum nostrum, cui virgo nupserat, in ipsa navigatione: tulit tamen eodem tempore & luctum, & metum, cuiusque tempestatibus corpus eius naufraga euexit. O quam multarum egregia opera in obscuro iacent! Si huic illa simplex admirandis virtutibus contigisset antiquitas: quanto ingeniorum certamine celebraretur vxor, quæ oblita imbecillitatis, oblita etiam, firmissimis metuendi maris, caput suum periculis pro sepultura obiecit, & dum cogitat de viri funere, nihil de suo timuit? Nobilitatur carminibus omnium, quæ se pro coniuge vicariam 4) dedit. hoc amplius est, discrimine vitæ sepulcrum viro quærere: maior est amor, qui pari periculo minus redimit. Post hoc nemo miratur, quod per sedecim annos, quibus maritus eius 5) Ægyptum obtinuit, nunquam in publico conspecta est, neminem prouincialem domum suam admisit: nihil a viro petiit, nihil a se peti passa est. Itaque loquax, & ingeniosa in contumelias præfectorum prouincia, in qua etiam qui vitauerunt

3. Rustica) modestia rustica, id est simplex & non affectata.

4. Pro coniuge vicariam) Ea Alcestis fuit Poëtarum scriptis nobilitata. Lips.

5. Maritus eius) Vetradius Pollio, ut ostendit Lipsius.

culpam, non effugerunt infamiam, velut vnicum sanctitatis exemplum suspexit: & quod illi difficillimum est, cui etiam periculosi sales placent, omnem verborum licentiam continuit, & hodie similem illi, quauis nunquam speret, semper optat. Multum erat, si per sedecim annos illam prouincia probasset: plus est, quod ignorauit. Hæc non ideo refero, vt eius laudes exsequar; quas circumscribere est, tam parces transcurrere: sed vt intelligas, magni animi esse feminam, quam non ambitio, non auaritia, comites omnis potentia & pestes, vicerunt: non metus mortis eam, exarmata naui naufragium suum spectantem, deterruit, quo minus exanimi viro hærens, quæreret, non quemadmodum inde exiret, sed quemadmodum efferret. Huic parem virtutem exhibeas oportet, & animum a luctu recipias, & id agas, ne quis te putet partus tui pœnitere. Ceterum quia necesse est, cum omnia feceris, cogitationes tamen tuas subinde ad me recurrere, nec quemquam nunc ex liberis tuis frequentius tibi obuersari: non quia illi minus cari sint, sed quia naturale est, manum sapius ad id referre quod doleat: qualem me cogites, accipe. Latum & alacrem, velut optimis rebus, sunt autem optimæ, quum animus omnis cogitationis expers operibus suis vacat; & modo se leuioribus studiis oblectat, inodo ad considerandam suam vniuersique naturam, veridicus insurgit. Terras primum, situmque earum quærit. deinde conditionem circumfusi maris, cursusque eius alternos & recursus: tunc quicquid inter cælum terrasque plenum formidinis interiacet, perspicit, & hoc tonitribus, fulminibus, ventorum flatibus, ac nimborum niuisque & grandinis iactu tumultuosum spatium: tum peragratis humilioribus, ad summa prorumpit, & pulcherrimo diuinorum spectaculo fruitur, æternitatisque suæ memor, in omne quod fuit, futurumque est omnibus sæculis, vadit.

L. AN.

L. ANNAEI SENECAE
AD POLYBIUM DE CON-
SOLATIONE LIBER

ΑΚΕΦΑΛΟΣ.

Argumentum & Ordo.

Scriptum in exilio est, dum animo & corpore iacet (fatendum est, & scriptio clamat) anno circiter exilii eius tertio. Nam palam meminit Britanniae apertae, quod circa id tempus fuit. Polybius autem, inter prapotentes Claudii liberos, a studiis titulum habuit, & Graece Latineque dicat eruditum; ex laudibus quidem quas Seneca accumulatur, eminenter. Solatur eum in fraterna morte: & Dispositio tota latet, quia principium, & plucula, desunt. In iis quae sunt, haec est. Negat dolendum in unius morte, quoniam mundus ipse, & quidquid in eo, hac lege damnantur. Item, quia vanus dolor, & sine fructu. Tertio, Natos nos esse ad tristitia; eoque adsuescendum. Quarto, Voluptatem defuncti aduocat, illum nolle. Quinto, Constantia & exemplo praere aliis fratribus debere: quia persona illustris, & oculi in eam versi. Sexto, & a studiis solatium petere vult, quae semper adamauit. Haec & talia usque ad Cap. XXXI. Ab eo deinde Exempla spargit eorum, qui fortiter tulere: inter hos (non sine vili adulatione) ipsius Caesaris, quem & mire laudat: & denique Polybium iterum ad studia & libros mittit, remedium in dolorem. Seneca hoc scriptum esse, negare non licet: editioni destinatum ab eo, non arbitror, sed pro praesenti fortuna abiecte & demisse scriptum, ad seruulum, seu, quos laudibus exornatum. Pudet, pudet, inimicum Seneca fuit & gloria eius, quicquid vulgavit.

EX CAPITE XX. 1)

*** nostra corpora compares, 2) firma sunt: si redigas ad conditionem naturæ omnia destruētis, & vnde edidit eodem reuocantis, caduca sunt. Quid enim immortale manus mortales fecerint? Septem illa miracula, & si qua his multo mirabilia sequentium annorum exstruxit ambitio, aliquando solo æquata visentur. Ita est. nihil perpetuum, pauca diuturna sunt. aliud alio modo fragile est: rerum exitus variantur: ceterum quicquid cœpit, & definit. Mundo quidam minantur interitum, & hoc vniuersum, quod omnia diuina humanaque complectitur, si fas putas credere, dies aliquis dissipabit, & in confusionem veterem tenebrasque demerget. Eat nunc aliquis, & singulas compleret animas: Carthaginis ac Numantie Corinthique cinerem, & si quid altius cecidit, lamentetur: cum etiam hoc, quod non habet quo cadat, 3) sit interiturum. Eat aliquis, & fata, tantum aliquando nefas ausura, sibi non pepercisse conqueratur.

CAP. XXI. Quis tam superbæ impotentisque arrogantiae est, ut in hac naturæ necessitate, omnia ad eundem finem reuocantis, se vnum ac suos seponi velit: ruinæque, etiam ipsi mundo imminenti, aliquam domum subtrahat? Maximum ergo solatium est, cogitare id sibi accidisse, quod ante se passi sunt omnes, omnesque passuri: & ideo mihi videtur rerum natura, quod grauissimum fecit, commune fecisse, ut crudelitatem fati consolaretur æqualitas. Illud quoque te

1.) pauca deesse, non capita XIX, erroremque inde esse, quod liber hic libro de breuitate vitæ, cuius capita XX sunt, subiunctus fuerit, docet *Lipsius*.

2. *Nostra corpora compares*) de operibus magnis mirandisque locutus videtur: & illis inquit si corpora hæc compares caduca & fragilia, dicas firma illa esse, at non sunt si ad naturam communem legem. *Lips.*

3. *Quo cadat*) nihil enim extra mundum, sed ut ille canit, in se magna ruunt. *Lips.*

non minimum adiuuerit, si cogitaueris nihil profuturum dolorem tuum, nec illi quem desideras, nec tibi. noles enim longum esse, quod irritum est. Nam si quicquam tristitia profecturi sumus, non recusò, quicquid lacrimarum fortunæ meæ superfuit, tuæ fundere. inueniam etiam nunc, per hos exhaustos iam fletibus domesticis oculos quod effluat, si modo id tibi futurum bono est. Quid cessas? conqueramur. atque adeo ipse hanc litem meam faciam. Iniquissima omnium iudicio fortuna, adhuc videbaris ab eo homine te continuisse, qui munere tuo tantam venerationem receperat, ut, quod raro ulli contingit, felicitas eius effugeret inuidiam. Ecce cum dolorem illi, quem saluo Cæsare accipere maximum poterat, impressisti: & cum bene illum vndique circumisses, intellexisti hanc partem tantummodo patere ictibus tuis. Quid enim illi aliud faceres? pecuniam eriperes? nunquam illi obnoxius fuit, nunc quoque quantum potest, illam a se abiicit, & in tanta felicitate acquirendi, nullum maiorem ex ea fructum; quam contemptum eius petit. Eriperes illi amicòs? sciebas tam amabilem esse, ut facile in locum amissorum posset alios substituere. Vnum enim hunc ex his quos in Principali domo potentes vidi, cognouisse videor: quem omnibus amicum habere cum expediat, magis tamen etiam libet. Eriperes illi bonam opinionem? solidior est hæc apud eum, quam ut a te quoque ipsa concuti posset. Eriperes bonam valetudinem? sciebas animum eius liberalibus disciplinis, quibus non innutritus tantum, sed innatus est, sic esse fundatum, ut supra omnes corporis dolores emereret. Eriperes spiritum? quantum nocuisses? longissimum illi æuum ingenii fama promisit. Id egit ipse, ut meliore sui parte duraret, & compositis eloquentiæ præclaris operibus, a mortalitate se vindicaret. Quamdiu fuerit ullus litteris honor, quamdiu steterit aut Latinæ linguæ potentia, aut

Græcæ gratia, vigeat cum maximis viris: quorum se ingeniis vel contulit, vel, si hoc verecundia eius recusat, applicuit. 1)

CAP. XXII. Hoc ergo vnum excogitasti, quomodo illi maxime posses nocere. Quo melior enim est quisque, hoc sapius ferre te consuevit, sine vilo delectu furem, & inter ipsa beneficia metuendam. Quantulum erat, tibi immunem ab hac iniuria præstare eum hominem, in quem videbatur indulgentia tua ratione certa peruenisse, & non ex tuo more temere incidisse? Adiciamus, si vis, ad has querelas, ipsius adolescentis interceptam inter prima incrementa indolem. Dignus fuit ille te fratre: tu certe eras dignissimus, qui nec ex indigno quidem quicquam doleres fratre. Redditur illi testimonium æquale omnium hominum. desideratur in tuum honorem, laudatur in suum: nihil in illo fuit, quod non libenter agnosceres. Tu quidem etiam minus bono fratri fuisses bonus: sed in illo pietas tua idoneam nata materiam, multo se liberius exercuit. Nemo potentiam eius iniuria sensit, nunquam ille te fratrem ulli minatus est. Ad exemplum se modestiæ tuæ formauerat, cogitabatque quantum tu & ornamentum tuorum esses, & onus. 1) Suffecit ille huic farcinæ. O dura fata, & nullis æqua virtutibus! antequam felicitatem suam nosset frater tuus, exemptus est. Parum autem me indignari scio: nihil est enim difficilius quam magno dolori paria verba reperire. Iam nunc tamen si quid proficere possumus, conqueramur. Quid tibi voluisti tam iniusta, & tam violenta fortuna? Tam cito indulgentiæ tuæ te pœnituit? quæ ista crudelitas est? in medios fratres impetum facere, & tam cruenta rapina concordissimam turbam imminuere, tam

1. *Applicuit*) i. e. quam proxime ad ea accessit.

1. *Et onus*) quem scilicet imitari & eo se dignum reddere, difficile erat.

bene stipatam optimorum adolescentium domum, in nullo fratre degenerantem, turbare, & sine vlla causa delibare voluisti? Nihil ergo prodest innocentia ad omnem legem exacta, nihil antiqua frugalitas, nihil felicitatis summæ potentia summa conseruata abstinentia, nihil sincerus & tutus literarum amor, nihil ab omni labe mens vacans? Luget Polybius, & in vno fratre, quid de reliquis possis, admonitus, etiam de ipsis doloris sui solatiis timet, facinus indignum! luget Polybius, & aliquid propicio dolet Cæsare. hoc sine dubio impotens fortuna captasti, vt ostenderes neminem contra te, ne a Cæsare quidem, posse defendi.

CAP. XXIII. Diutius accusare fata possumus, mutare non possumus. stant dura & inexorabilia. nemo illa conuicio, nemo fletu, nemo causa mouet: nihil vnquam parcut vlli, nec remittunt. Proinde parcamus lacrimis, nihil proficientibus. facilius enim nos illi dolor iste adiiciet, ¹⁾ quam illum nobis reducet. Qui si nos torquet, non adiuuat, primo quoque tempore deponendus est: & ab inanibus solatiis, atque amara quadam libidine dolendi, animus recipiendus. Nam lacrimis nostris, ni ratio finem fecerit, fortuna non faciet. Omnes ægedum mortales circumspice: larga vbique flendi, & assidua materia, alium ad quotidianum opus laboriosa egestas vocat: alium ambitio nunquam quieta sollicitat: alius diuitias, quas optauerat, metuit, & voto laborat suo: alium sollicitudo, alium labor torquet, alium semper vestibulum obsidens turba: hic habere se dolet liberos, hic perdidisse. Lacrimæ nobis deerunt, ante quam causæ dolendi. Non vides qualem vitam nobis rerum natura promiserit, quæ primum nascentium omen fletum esse voluit? Hoc principio edimur, huic omnis sequentium annorum ordo consentit. sic vitam agimus: ideoque moderate id fieri debet a nobis

1. Nos illi dolor iste adiiciet) h. e. efficiet vt ipsi quoque sicut ille quem lugemus, moriamur.

quod saepe faciendum est : & respicientes , quantum a tergo rerum tristium immineat , si non finire lacrimas , at certe reservare debemus. Nulli parcendum est rei magis quam huic , cuius tam frequens usus est. Illud quoque te non minimum adiunxit , si cogitaveris , nulli minus gratum esse dolorem tuum , quam ei cui praestari videtur. Torqueri ille te aut non vult , aut non intelligit. nulla itaque eius officii ratio est , quod ei cui praestatur , si nihil sentit , superuacuum est : si sentit , ingratum.

CAP. XXIV. Neminem toto orbe terrarum esse , qui delectetur lacrimis tuis , audacter dixerim. Quid ergo ? quem nemo aduersus te animum gerit , eum esse tu credis fratris tui , ut cruciatu tuo noceat tibi : ut te velit abducere ab occupationibus tuis , id est , a studio , & a Caesare ? Non est hoc simile veri. Ille enim indulgentiam tibi tanquam fratri praestitit , venerationem tanquam parenti , cultum tanquam superiori , ille desiderio tibi esse vult , tormento esse non vult. Quid itaque iuvat dolori intabescere : quem , si quis defuncti sensus est , finire frater tuus cupit ? De alio fratre , cuius incerta posset voluntas videri , omnia haec dubie ponerem , & dicerem : Siue te torqueri lacrimis nunquam desinentibus frater tuus cupit , indignus hoc affectu tuo est : siue non vult , utrique vestrum inertem dolorem dimitte. nec impius frater sic desiderari debet , nec pius sic velit. In hoc vero , cuius tam explorata pietas , pro certo habendum est , nihil esse illi posse acerbius , quam hic si tibi casus eius acerbus est , si te villo modo torquet. si oculos tuos , indignissimos hoc malo , sine villo flendi sine & conturbat idem & exhaurit. Pietatem tuam tamen nihil aequè a lacrimis tam inutilibus abducat , quam si cogitaveris , fratribus te tuis exemplo esse debere , fortiter hanc fortunæ iniuriam sustinendi. Quod duces magni faciunt , rebus affectis , ut hilaritatem de industria simul

simulent, & aduersas res adumbrata latitia abscondant, ne militum animi, si fractam ducis sui mentem viderint, & ipsi collabantur: id nunc tibi quoque faciendum est. Indue dissimilem animo tuo vultum, & si potes, proiice omnem ex toto dolorem: sin minus, ipse trorsus abde & contine, ne appareat, & da operam, vt fratres tui te imitentur: qui honestum putabunt, quodcumque facientem viderint, animumque ex vultu tuo sument. Et solatium debes esse, & consolator illorum: nunc poteris autem horum mœrori obstare, si tuo indulseris.

CAP. XXV. Potest & illa res a luctu te prohibere nimio, si tibi ipse renuntiaueris, nihil horum quæ facis posse subduci. Magnam tibi partem 1) hominum consensus imposuit: hæc tibi tuenda est. Circumstat te omnis ista consolantium frequentia, & in animum tuum inquit, ac perspicit quantum roboris ille aduersus dolorem habeat, & vtrumne tu tantum rebus secundis dextere vti scias, an & aduersas possis viriliter ferre. obseruantur oculi tui. Liberiora omnia sunt iis, quorum affectus regi possunt: tibi nullam secretum liberum est in multa luce fortuna te posuit. omnes scient, quomodo te in isto tuo gesseris vulnere: vtrumne statim percussus arma submiseris, an in gradu steteris. 2) Olim te in altiore ordinem & amor Cæsaris extulit, & tua studia deduxerunt: nihil te plebeium decet, nihil humile. Quid autem tam humile ac muliebne est, quam consumendum se dolori committere? Non idem tibi in luctu pari, quod tuis fratribus licet. multa tibi non permittit opinio de studiis ac moribus tuis recepta: multum a te homines exigunt, multum expectant. Si volebas tibi omnia licere; ne conuer-

1. Magnam tibi partem) ad scenicas partes respicit. Lips. & Gronov.

2. Arma submiseris, an in gradu steteris) a gladitoribus. Lips.

tisses in te ora omnium. nunc autem tibi præstandum est, quantum promissisti omnibus illis, qui opera ingenii tui laudant, qui describunt: quibus, cum fortuna tua opus non sit, ingenio opus est. Custodes animi tui sunt, nihil vnquam itaque potest indignum facere perfecti & eruditi viri professione, vt non multos admirationis de te suæ pœniteat. Non licet tibi flere immodice: nec hoc tantummodo non licet, nec somnum quidem extendere in partem diei licet, aut a tumultu rerum in otium ruris quieti confugere aut assidua laboriosi officii statione fatigatum corpus voluptaria peregrinatione recreare, aut spectaculorum varietate animum detinere, aut tuo arbitrio diem disponere.

CAP. XXVI. Multa tibi non licent, quæ humillimis & in angulo iacentibus licent. Magna seruitus est, magna fortuna. Non licet tibi quicquam arbitrio tuo facere. audienda sunt tot hominum millia, tot disponendi libelli, tantus rerum ex orbe toto cœuntium congestus, vt possit per ordinem suum principis maximi animo subiici, erigendus tuus est. Non licet tibi, inquam, flere: vt multos flentes audire possis, vt periclitantium, & ad misericordiam mitissimi Cæsaris peruenire cupientium lacrimæ, tibi tuæ assiccandæ sunt. Hoc tamen etiam non in leuioribus remediis ¹⁾ adiuuabit. cum voles omnium rerum obliuisci, cogita Cæsarem: vide quantam huius in te indulgentiæ fidem, quantam industriam debeas. intelliges non magis tibi incuruari licere, quam illi, si quis modo est fabulis traditus, cuius humeris mundus innititur. Cæsari quoque ipsi, cui omnia licent, propter hoc ipsum multa non licent. Omnium domos illius vigilia defendit, omnium otium illius labor, omnium delicias illius industria, omnium vacationem illius occupatio. Ex quo se Cæsar orbi terrarum dedicauit, sibi eripuit:

1. Non in leuioribus remediis) i. e. inter præcipua remedia quæ iuuare te possint, hoc quoque erit.

& siderum modo, quæ irrequieta semper cursus suos explicant, nunquam illi licet nec subsistere, nec quicquam suum facere. Ad quendam itaque modum tibi quoque eadem necessitas iniungitur: non licet tibi ad utilitates tuas, ad studia tua respicere. Cæsare orbem terrarum possidente, impartiri te nec voluptati, nec dolori, nec ulli alii rei potes: totum te Cæsari debes. Adiice nunc, quod cum semper prædices cariorem tibi spiritu tuo Cæsarem esse; fas tibi non est, saluo Cæsare, de fortuna queri. Hoc incolumi, salui tibi sunt tui: nihil perdidisti: non tantum siccos oculos tuos esse, sed etiam latos oportet. in hoc tibi omnia sunt: hic pro omnibus est. Quod longe a sensibus tuis prudentissimis piissimisque abest, aduersus felicitatem tuam parum gratus est, si tibi quicquam, hoc saluo, flere permittis. Monstrabo etiamnum, non quidem firmitus remedium, sed familiarius. Si quando te domum receperis, tunc erit tibi metuenda tristitia. nam quamdiu numen tuum intrueberis, nullum illa ad te inueniet accessum: omnia in te Cæsar tenebit: cum ab illo discesseris, tunc, velut occasione data, insidiabitur solitudini tuæ dolor, & quiescenti animo tuo paulatim irrepet. Itaque non est, quod ullum tempus vacare patiaris a studiis. tunc tibi litteræ, tuæ, tam diu ac tam fideliter amatæ, gratiam referant: tunc te illæ antistitem & cultorem suum vindicent: tunc Homerus & Virgilius, tam bene de humano genere meriti, quam tu de omnibus & de illis meruisti, quos pluribus notos esse voluisti quam scripserant, 2) multum tecum morentur. tutum id erit omne tempus, quod illis tuendum commiseris. Tunc Cæsaris tui opera, ut per omnia sæcula domestico narrentur præconio, quantum potes

2. Quos pluribus notos esse voluisti quam scripserant) h. e. quam quibus scripserant, vnde Homerum Latine, Virgilium Græce conuersum a Polybio fuisse patet, Lips. vide & cap. XXXI.

componere: nam ipse tibi optime formandi condendique res gestas, & materiam dabit, & exemplum.

CAP. XXVII. Non audeo te usque eo producere, ut fabellas quoque & Æsopæos logos, intentatum Romanis ingeniis opus, solita tibi venustate connectas. difficile est quidem, ut ad hæc hilariora studia tam vehementer perculsus animus, tam cito possit accedere: hoc tamen argumentum habeto iam corroborati eius, & redditum tibi, si poterit se a severioribus scriptis ad hæc solutiora producere. In illis enim quamvis ægrum cum adhuc, & secum reluctantem, auocabit ipsa rerum quas tractabit austeritas: hæc quæ remissa fronte commentanda sunt, non feret, nisi cum iam sibi ab omni parte constiterit. Itaque debebis cum severiore materia primum exercere, deinde hilariore temperare. Illud quoque magno tibi erit lenamento, si sæpe te sic interrogaueris: Vtrumne meo nomine doleo, an eius qui decessit? Si meo, perit meæ indulgentiæ iactatio, & incipit dolor, hoc vno excusatus quod honestus est, cum ad utilitatem respicit, a pietate desistere. 1) Nihil autem minus bono viro convenit, quam in fratris luctu calculos ponere. Si illius nomine doleo; necesse est, alterutrum ex his duobus esse iudicem. Nam si nullus defunctis sensus superest, evasit omnia frater meus vitæ incommoda, & in eum restitutus est locus, in quo fuerat antequam nasceretur, & expertus omnis mali, nihil timet, nihil cupit, nihil patitur. Quis iste est furor, pro eo me nunquam dolore definere, qui nunquam doliturus est? Si est aliquis defunctis sensus; nunc animus fratris mei, velut ex diutino carcere emissus, tandem sui iuris & arbitrii gestit, & rerum naturæ spectaculo fruitur, & humana omnia ex superiore loco despicit; diuina vero, quorum rationem tamdiu frustra quæsierat, propius intuetur. Quid

1. Desistere) malim desiscens.

itaque eius desiderio maceror, qui aut beatus, aut nullus est? beatum deffere, inuidia est: nullum, dementia.

CAP. XXVIII. An hoc te mouet, quod videtur ingentibus, & cum maxime circumfufis, bonis caruisse? cum cogitaueris multa esse quæ perdidit, cogita plura esse quæ non timet. Non ira cum torquebit, non morbus affliget, non suspicio laceffet, non edax & inimica semper alienis proecessibus inuidia confectabitur, non metus sollicitabit, non leuitas fortunæ cito munera sua transferentis inquietabit. Si bene computes, plus illi remissum, quam ereptum est. Non opibus fruetur, non tua simul ac sua gratia; non accipiet beneficia, non dabit. Miserum putas quod ista amisit, an beatum quod non desiderat? mihi crede, is beator est, cui fortuna superuacua est, quam is cui parata est. Omnia ista bona, quæ nos speciosa, sed fallaci voluptate delectant; pecunia, dignitas, potentia, aliaque complura, ad quæ generis humani cæca cupiditas opstufescit, cum labore possidentur, cum inuidia conspiciuntur; eosque ipsos quos exornant, & premunt; plus minantur, quam profunt. lubrica & incerta sunt; nunquam bene tenentur. nam vt nihil de tempore futuro timeatur, ipsa tamen magnæ felicitatis tutela sollicita est. Si velis credere altius veritatem intuentibus, omnis vita supplicium est. In hoc profundum inquietumque proiecti mare, alternis æstibus reciprocum, & modo alleuans nos subitis incrementis, modo maioribus damnis deferens, assidueque iactans, nunquam stabili consistimus loco: pendemus & fluctuamur, & alter in alterum illidimur, & aliquando naufragium facimus, semper tinemus. In hoc tam procelloso, & in omnes tempestates exposito mari nauigantibus, nullus portus nisi mortis est. Ne itaque inuideris fratri tuo: quiescit, tandem liber, tandem tutus, tandem æternus est: superstitem Cæsarem, omnem.

omnemque eius prolem, superstitem te cum omnibus habet fratribus. Antequam quicquam ex suo favore fortuna mutaret, stantem adhuc illam, 1) & munera plena manu congerentem reliquit. Fruitur nunc aperto & libero caelo, ex humili atque depresso in eum emicuit locum, quisquis ille est, qui solutus vinculis animas beato recipit sinu : & nunc libere vagatur, omniaque rerum naturas bonis cum summa voluptate perspicit. Erras, non perdidit lucem frater tuus, sed securiorem sortitus est. omnibus illo nobis commune est iter. Quid fata desilemus ? non reliquit ille nos, sed antecessit.

CAP. XXIX. Est, mihi crede, magna felicitas in ipsa felicitate moriendi. Nihil ne in totum quidem diem certi est. quis in tam obscura & inuoluta veritate diuinat, vtrumne fratri tuo mors inuiderit, an consuluerit ? Illud quoque, quæ iustitia in omnibus rebus es, necesse est te adiunget cogitantem, non iniuriam tibi factam, quod talem fratrem amisisti, sed beneficium datum, quod tamdiu pietate eius uti fruique licuit. Iniquus est, qui muneris sui arbitrium danti non relinquit : auidus, qui non lucri loco habet quod accepit, sed damni, quod reddidit. Ingratus est, qui iniuriam vocat finem voluptatis : stultus, qui nulum fructum esse putat bonorum, nisi præsentium. qui non & in præteritis acquiescit, & ea iudicat certiora quæ abierunt, quia de illis, ne desinant, non est timendum. Nimis angustat gaudia sua, qui eis tantummodo quæ habet ac videt, frui se putat, & habuisse eadem pro nihilo ducit. cito enim nos omnis voluptas relinquit, quæ fluit & transit, & pæne antequam veniat, aufertur. Itaque in præteritum tempus animus mittendus est, & quicquid nos vnquam

1. *Stantem adhuc illam*) nondum se auertentem & abentem. *Lips.*

delectauit, reducendum, ac frequenti cogitatione pertractandum est. Longior fideliorque est memoria voluptatum, quam presentia. Quod habuisti ergo optimum fratrem, in summis bonis pone. Non est quod cogites, quanto diutius habere potueris, sed quamdiu habueris. Rerum natura illum tibi, sicut ceteris fratribus, non mancipio dedit, sed commodauit: cum visum est deinde, repetiit, nec tuam in eo satietatem secuta est, sed suam legem. Si quis pecuniam creditam soluisse se moleste ferat, eam praesertim cuius usum gratuitum acceperit, nonne iniustus habebitur? Dedit natura fratri tuo vitam, dedit & tibi: quæ suo iure vsa, a quo voluit debitum suum citius exegit, non illa in culpa est, cuius nota erat conditio, sed mortalis animi spes auda, quæ subinde quid rerum natura sit obliuiscitur, nec vnquam fortis suæ meminit, nisi cum admonetur. Gaude itaque habuisse te tam bonum fratrem, & usum fructum eius, quamuis breuior voto tuo fuerit, boni consule. Cogita iucundissimum esse, quod habuisti, humanum, quod perdidisti. Nec enim quiequam minus inter se consentaneum est, quam aliquem moueri, quod sibi talis frater parum diu contigerit: non gaudere, quod tamen contigerit. At inopinanti ereptus est. Sua quemque credulitas decipit: & in eis quæ diligit, voluntaria mortalitatis obliuio. Natura nulli se necessitatis suæ gratiam facturam esse testata est. Quotidie præter oculos nostros transeunt notorum ignotorumque funera: nos tamen aliud agimus, & subitum id putamus esse, quod nobis tota vita deantiatur futurum. Non est itaque ista factorum iniquitas, sed mentis humanæ prauitas, insatiabilis rerum omnium: quæ indignatur inde se exire, quo admissa est precario.

CAP. XXX. Quanto ille iustior, 1) qui nuntiata

1. *Quanto ille iustior*) Xenophontem intelligit, ut ex sequentibus patet.

fili

filiū morte, dignam magno viro vocem emisit? Ego cum genui, tum moriturum scīui. Prorsus non mireris ex hoc natum esse, qui fortiter mori posset. 2) Non accepit tanquam nouum nuntium, filiū mortem. quid est enim noui, hominem mori, cuius tota vita nihil aliud quam ad mortem iter est? Ego cum genui, tum moriturum scīui. Deinde adiecit rem maioris & prudentiæ & animi: Huic rei sustuli. Omnes huic rei tollimur: quisquis ad vitam editur, ad mortem destinatur. Gaudeamus ergo omnes eo quod datur, reddamusque id cum repositumur. alium alio tempore fata comprehendent, neminem præteribunt. In prociuctu stet animus: & id quod necesse est, nunquam timeat: quod incertum est, semper exspectet. Quid dicam duces, ducūque progenies, & multis aut consulatibus conspicuos, aut triumphis, forte defunctos inexorabili? tota cum regibus regna, populique cum gentibus tulere fatum suum. Omnes, imo omnia in vltimum diem spectant. non idem vniuersis finis est. Alium in medio cursu vita deserit, alium in ipso aditu relinquit, alium in extrema senectute fatigatum iam & exire cupientem vix emittit: alio quidem atque alio tempore, omnes tamen in eundem locum tendimus. Vtrumne stultius sit nescio, mortalitatis legem ignorare, an impudentius, recusare. Agedum illa quæ multo ingenii tui labore celebrata sunt, in manus sume, vtriuslibet) auctoris carmina: quæ tu ita resoluiſti, vt quamuis structura illorum recesserit, permaneat tamen gratia. Sic enim illa ex alia lingua in aliam tranſtulisti, vt (quod difficillimum erat) omnes virtutes in alienam te orationem secutæ sint. Nullus erit in illis scriptis

2. *Qui fortior mori posset*) nam Gryllus Xenophontis filius fortiter dimicans inter equites occubuit.

3. *Vtriuslibet*) Homeri scilicet & Virgilii. Vide supra c. XXVI.

liber, qui non plurima varietatis humanæ incertorum-
que casuum & lacrimarum, ex alia atque alia causa
fluentium, exempla tibi suggerat. Lege, quanto spiritus
ingentibus intonueris rebus: pudebit te subito deficere,
& ex tanta orationis magnitudine decidere. Ne
commiseris, ut quisquis ex templo ac modo scripta
tua mirabatur, quærat quomodo tam grandia, tam-
que solida, tam fragilis animus conceperit. Potius
ab istis quæ te torquent, ad hæc tot & tanta quæ
consolantur, conuerte, ac respice optimos fratres,
respice uxorem, filium respice. Pro omnium horum
salute, hac tecum portione fortuna decidit. Multos
habet in quibus acquiescas.

CAP. XXXI. Ab hac de infamia vindica, ne vi-
deatur omnibus plus apud de valere vnus dolor, quam
hæc tam multa solatia. Omnes istos vna tecum per-
cussos vides, nec posse tibi subuenire, imo etiam, vltro
expectare ut a te subleuentur, intelligis: & ideo quanto
minus in illis doctrinæ minusque ingenii est, tanto ma-
gis resistere te necesse est communi malo. Est autem
hoc ipsum solatii loco, inter multos dolorem suum
diuidere: qui quia dispensatur inter plures, exigua
debet apud te parte subsidere. Non desinam totiens
tibi offerre Cæsarem, illo moderante terras, & osten-
dente, quanto melius beneficiis imperium custodia-
tur, quam armis, illo rebus humanis præside, non est
periculum, ne quid perdidisse te sentias. in hoc vno tibi
satis præsidii, satis solatii est. Attolle te, & quotiens
lacrimæ suboriuntur oculis tuis, totiens illos in Cæsa-
rem dirige; siccabuntur maximi & clarissimi conspe-
ctu numinis. Fulgor eius illos, ut nihil aliud possint
adspicere, præstringet, in se hærentes detinebit. Hic
tibi, quem tu diebus intueris ac noctibus, a quo nun-
quam deiicis animum, cogitandus est, hic contra
fortunam aduocandus; nec dubito, cum tanta illi ad-
uersus omnes suos sit mansuetudo, tantaque indul-
tom. I. K gentia

gentia, quin multis iam solatiis tuum istud vulnus obduxerit, nonnulla quæ dolori obstarent tuo, congesterit. Quid porro? ut nihil horum fecerit, nonne protinus ipse conspectus per se tantummodo, cogitatusque Cæsar, inaximo solatio tibi est? Dii illum Deæque omnes terris diu commodent. acta hic D. Augusti æquet, annos vincat, ac, quam diu inter mortales erit, nihil ex domo sua mortale esse sentiat. Rectorem Romano imperio filium longa fide 1) approbet, & ante illum consortem patris, quam successorem accipiat. Sera, & nepotibus demum nostris dies nota sit, qua illum gens sua 2) cælo asserat.

CAP. XXXII. Abstine ab hoc manus tuas, fortuna, nec in isto potentiam tuam, nisi ea parte qua prodes, ostenderis. patere illum generi humano iam diu ægro & affecto mederi: patere, quicquid prioris Principis furor concussit, in locum suum restituere ac reponere. Sidus hoc, quod præcipitato in profundum, ac demerso in tenebras orbi refulsit, semper luceat. Hic Germaniam pacet, Britanniam aperiat, & patrios triumphos ducat, & novos: quorum me quoque spectatorem futurum, quæ primum obtinet locum ex virtutibus eius, promittit clementia. nec enim sic me deiecit, ut nollet erigere: imo ne deiecit quidem, sed impulsus a fortuna & cadentem sustinuit, & in præceps euntem leniter diuinæ manus usus moderatione deposuit. Deprecatus est pro me senatum, & vitam mihi non tantum dedit, sed etiam petiit. Viderit, qualem volet æstimari causam meam. vel iustitia eius bonam perspiciet, vel clementia faciet, vtrumque in æquo mihi eius beneficium erit, siue innocentem me scierit esse, siue voluerit. Interim magnum

1. *Longa fide*) quia diu nimirum cum ipso imperaturus. *Lips.*

2. *Gens sua*) Claudiam & Imperatoriam stirpem intelligit *Lipsius*, f. rectius intelliguntur dii in numerum suum Cæsarem cooperaturi.

miseriarum mearum solatium est, videre misericordiam eius totum orbem peruagantem: quæ cum ex ipso angulo, in quo ego defossus sum, complures multorum iam annorum ruina obrutos effoderit, & in lucem reduxerit, non vereor ne me viuum transeat. Ipse autem optime nouit tempus, quo cuique debeat succurrere: ego omnem operam dabo, ne peruenire ad me erubescat. O felicem clementiam tuam, Cæsar! quæ efficit, vt quietiorem sub te agant vitam exsules, quam nuper sub Caio egere principes. Non trepidant, nec per singulas horas gladium expectant, nec ad omnem nauium conspectum pauent. Per te habent, vt fortunæ saeuientis modum, ita spem quoque melioris eiusdem, ac præsentis quietem. Scias licet ea demum fulmina esse iustissima, quæ etiam percussi colunt.

CAP. XXXIII. Hic itaque princeps, qui publicum omnium hominum solatium est, aut me omnia fallunt, aut iam recreauit animum tuum, & tam magno vulnere maiora adhibuit remedia: iam te omni confirmauit modo: iam omnia exempla, quibus ad animi æquitatem compellereris, tenacissima memoria retulit: iam omnium præcepta sapientum assueta sibi **facundia explicuit.** Nullus itaque melius has alloquendi partes occupauerit. aliud habebunt hoc dicente pondus verba, velut ab Oraculo missa. omnem vim doloris tui diuina eius contundet auctoritas. Hunc itaque tibi puta dicere: Non te solum fortuna desumpsit sibi, quem tam graui afficeret iniuria. nulla domus in toto orbe terrarum aut est, aut fuit sine aliqua comploratione. Transibo exempla vulgaris, quæ etiam si minora, tamen mira sunt: ad fastos te, & annales perducam publicos. Vides omnes has imagines, quæ impleuere Cæsareum atrium? nulla non harum aliquo suorum incommodo insignis est: nemo non ex istis, in ornamentum sæculorum resurgens viris, aut

K 2

deside-

desiderio suorum tortus est, aut a suis cum maximo animi cruciatu desideratus est. Quid tibi referam Scipionem Africanum, cui mors fratris in exilio nuntiata est? Is frater qui eripuit fratrem carcere, non potuit eripere fato: & quam iuris æqui 1) impatiens pietas Africani fuerit, cunctis apparuit. eodem enim die, quo viatoris manibus fratrem abstulerat, tribuno quoque plebis priuatus intercessit. tam magno tamen fratrem desiderauit hic animo, quam defenderat. Quid referam Æmilianum Scipionem, qui vno pæno eodemque tempore, spectauit patris triumphum, duorumque fratrum funera? adolescentulus tamen, ac propemodum puer, tanto animo tulit illam familiæ suæ, super ipsum Paulli triumphum concidentis, subitam vastitatem, quanto debuit ferre vir in hoc natus, ne vrbi Romanæ aut Scipio deesset, aut Carthago superesset.

CAP. XXXIV. Quid referam duorum Lucullo-
rum direptam morte concordiam? Quid Pompeios?
quibus ne hoc quidem sæuiens reliquit fortuna, vt vna
denique conciderent ruina. Vixit Sextus Pompeius,
primum forori superstes, cuius morte 1) optime co-
hærentis Romanæ pacis vincula resoluta sunt. Idem-
que vixit superstes optimo fratri: quem fortuna in hoc
crexerat, ne minus alte eum deiiceret, quam patrem
deiecerat: & post hunc tamen casum non tantum do-
lori, sed bello suffecit. Innumerabilia vndique exem-
pla seperatorum morte fratrum succurrunt, imo con-
tra, vix vlla vnquam horum paria conspecta sunt vna
senescentia: sed contentus nostræ domus exemplis ero.
Nemo enim tam expertus erit sensus ac sanitatis, vt for-

1. *Iuris æqui*) i. e. tribunitiæ potestatis & legum publica-
rum, quas fratrem defendens præseruide violabat.

2. *Cuius morte* &c.) videtur hic Seneca Pompeiam confudif-
se cum Cæsaris filia Pompeio M. nupta, qua mortua pacis vin-
cula resoluta esse constat.

tunam vlli queratur luctum intulisse: quam sciet etiam Cæsarum lacrimas concupisse. Diuus Augustus amisit Octauiam sororem carissimam, & ne ei quidem rerum natura lugendi necessitatem abstulit, cui cælum destinauerat: imo vero idem omni genere orbitatis vexatus, sororis filium successioni præparatum suæ perdidit. Denique ne singulos eius luctus enumerem, & generos ille amisit, & liberos, & nepotes: ac nemo magis ex omnibus mortalibus hominem esse se, dum inter homines erat, sensit. Tamen tot tantosque luctus cepit rerum omnium capacissimum eius pectus, victorque diuus Augustus non gentium tantummodo externarum, sed etiam dolorum fuit. Caius Cæsar, diui Augusti auunculi mei filius ac nepos, circa primos iuuentæ suæ annos Lucium fratrem carissimum sibi, princeps iuuentutis principem eiusdem iuuentutis amisit, in apparatu Parthici belli, & grauiore multo animi vulnere, quam postea corporis, ictus est: quod vtrumque piissime idem, & fortissime tulit. Cæsar patruus meus, Drusum Germanicum patrem meum, minorem natu quam ipse erat fratrem, intima Germaniæ recludentem, & gentes ferocissimas Romano subiicientem imperio, in complexu & osculis suis amisit: modum tamen lugendi non sibi tantum, sed etiam aliis fecit: ac totum exercitum, non solum mœstum, sed etiam attonitum, corpus Drusi sui sibi vindicantem, ad morem Romani luctus redegit: iudicauitque non militandi tantum disciplinam esse seruandam, sed etiam dolendi. Non potuisset ille lacrimas alienas compescere, nisi prius pressisset suas.

CAP. XXXV. M. Antonius auus meus, nullo minor nisi eo a quo victus est, tunc cum Remp. constitueret, & triumvirali potestate præditus, nihil supra se, exceptis vero duobus collegis, omnia infra se cerneret, fratrem 1) interfectum audiuit. Fortuna im-

1. Fratrem) C. Antonium, qui iussu Bruti in Macedonia in-

potens, quales ex humanis malis tibi ipsa ludos facis !
 Eo ipso tempore, quo M. Antonius civium suorum
 vitæ sedebat mortisque arbiter, M. Antonii frater duci
 iuebatur ad supplicium. Tulit hoc tamen tam triste
 vulnus eadem magnitudine animi, qua omnia alia
 aduersa tolerauerat : & hoc fuit ei lugere, viginti le-
 gionum 2) sanguine fratri parentare. Sed ut omnia
 alia exempla præteream, ut in me quoque ipso alia
 taceam funera, bis me fraterno luctu fortuna aggressa
 est : bis intellexit lædi me posse, vinci non posse. Amisi
 Germanicum fratrem : quem quomodo amaue-
 rim, intelligit profecto, quisquis cogitat quomodo
 suos fratres pii fratres ament. Sic tamen affectum
 meum rexi, ut nec relinquerem quicquam quod exigi
 deberet a bono fratre, nec facerem quod reprehendi
 posset in Principe. 3) Hæc ergo puta tibi parentem
 publicum referre exempla, eundem ostendere quæ
 nihil sacrum intactumque sit fortunæ, quæ ex his pe-
 natibus ausa est funera ducere, ex quibus erat deos
 petitura. Nemo itaque miretur, aliquid ab illa aut
 crudeliter fieri, aut inique. Potest enim hæc aduer-
 sus priuatas domos vllam æquitatem nosse, aut vllam
 modestiam, cuius implacabilis sæuitia totiens ipsa fu-
 nestauit puluina 4) Faciamus licet illi conuicium,
 non nostro tantum ore, sed etiam publico : non tamen
 mutabitur : aduersus omnes se preces, omnesque cere-
 monias erigit. Hoc fuit in rebus humanis fortuna,
 hoc erit ; nihil inausum sibi reliquit : nihil intactum
 relinquet. Ibit violentior per omnia, sicut semper
 est solita, eas quoque domos ausa iniuriæ causâ intrare,
 ceterfectus est, ut est apud Plutarchum in vita Bruti, & Dionem
 L. 47.

2. *Viginti legionum*) quæ nimirum erant in Bruti & Cassii
 partibus, cum ab Antonio & Octavio Cæsare vincerentur.

3. *Principe*) h. e. primario viro.

4. *Puluina*) quæ deorum sunt ut lecti priuatorum.

in quas per templa aditur, 5) & atram laureatis foribus induet vestem.

CAP. XXXVI. Hoc vnum obtineamus ab illo votis ac precibus publicis, si nondum illi genus humanum placuit consumere, si Romanum adhuc nomen propitia respicit, hunc Principem, lapsis hominum rebus datum, sicut omnibus mortalibus, sibi esse sacrosanctum velit. discat ab illo clementiam, atque sit mitissimo omnium Principum mitis. Debes itaque omnes intueri eos, quos paullo ante retuli, aut adscitos cælo, aut proximos, & ferre æquo animo fortunam, ad te quoque porrigentem inanus: quas ne ab eis quidem, per quos vivimus, abstinet. Debes illorum imitari firmitatem in perferendis & euincendis doloribus, & in quantum modo homini fas est, per diuina ire vestigia. Quamuis in aliis rebus dignitatum ac nobilitatum magna discrimina sint, virtus in medio posita est: neminem dedignatur, qui modo dignum se illa iudicet. Optime certe illos imitaberis, qui cum indignari possent non esse ipsos expertes huius mali, tamen in hoc vno se ceteris exæquari hominibus, non iniuriam, sed ius mortalitatis iudicauerunt; tuleruntque nec nimis acerbe & aspere quod acciderat, nec molliter & effeminate. Nam & non sentire mala sua, non est hominis: & non ferre, non est viri. Non possum tamen, cum omnes circumiuerim Cæsares, quibus fortuna fratres & sorores eripuit, hunc præterire ex omni Cæsarum numero excerpendum: quem rerum natura in exitium opprobriumq, humani generis edidit, a quo imperium euersum funditus, Principis piissimi recreat clementia. C. Cæsar, amissa sorore Drusilla, is homo qui non magis dolore quam

5. In quas per templa aditur) palatium respicere videtur, in cuius limine complura templa, quibus salutatis ad palatium accedere solebant, vt docent aliquam multa veterum loca, Suetonii in Calig. c. 23. Martialis in præf. L. 4. Epigr. & aliorum.

gaudere principaliter posset, conspectum conuersationemque ciuium suorum profugit, exequisque sororis suae non interfuit, iusta sorori non praestitit, sed in Albano suo tesseris ac foro 1) & prouocatis 2) huiusmodi aliis occupationibus acerbissimi funeris lenabat mala. Pro pudor imperii! principis Romani lugentis sororem, alea solatium animi fuit. Idem ille Caius furiosa inconstantia, modo barbaram capillumque submittens, modo Italiae ac Siciliae oras errabundus perueniens, & nunquam satis certus vtrum lugeri vellet, an coli sororem. Eodem enim tempore, quo templum illi constituebat ac puluinarium, eos qui parum moestifuerant, crudelissima afficiebat animaduersione. Eadem enim intemperie animi aduersarum rerum ictus ferebat, quae secundarum elatus euentu, supra humanum intumescerebat modum. Procul istud exemplum ab Romano viro, luctum suum aut intempestiuum auocare lufibus, aut sordium ac squaloris sorditate irritare, aut alienis malis oblectare, minime humano solatio. Tibi vero nihil ex consuetudine mutandum tua. quoniam quidem ea instituisti amare studia, quae & optime felicitatem extollunt, & facillime minuunt calamitatem: eademque & ornamenta hominum maxima sunt, & solatia.

CAP. XXXVII. Nunc itaque te studiis tuis immerge altius, nunc illa tibi velut munimenta animi circumdanda, nec ex vlla tui parte inueniat introitum dolor. Fratris quoque tui produci memoriam aliquo scriptorum monumento tuorum. hoc enim vnum est rebus humanis opus, cui nulla tempestas noceat, quod nulla consumat vetustas: cetera, quae per constructionem lapidum, & marmoreas moles, aut terrenos tumulos

1. *Foro*) forus est tabula ludoria sine alueus, quem vocis significatum ex Suetonii loco in Augusto, primus eruit Cl. Sal-massius.

2. *Prouocatis*) i. e. laceratis, arcessitis, questis.

in magnam eductos altitudinem constant, non propagabunt longam diem: quippe & ipsa intereunt. Immortalis est ingenii memoria: hanc tuo fratri largire, in hac eum colloca, melius illum duraturo semper consecrabis ingenio, quam irrita dolore lugebis. Quod ad ipsam fortunam pertinet, etiamsi nunc agi apud te causa eius non potest: omnia enim illa quæ nobis dedit, ob hoc ipsum, quod aliquid eripuit, inuisa sunt: tunc tamen erit agenda, cum primum æquiores te illi iudicem dies fecerit: tunc enim poteris in gratiam cum illa redire. Nam multa prouidit, quibus hanc emendaret iniuriam: multa etiam nunc dabit quibus redimat: denique ipsum quod abstulit, ipsa dederat tibi. Noli ergo contra te ingenio uti tuo, noli adesse dolori tuo. Potest quidem eloquentia tua, quæ parua sunt approbare pro magnis: rursus magna attenuare, & ad minima deducere: sed alio ista vires seruet suas, nunc tota se in solatium tuum conferat. Sed tamen dispice, ne hoc iam quoque ipsum sit superuacuum. aliquid enim a nobis natura exigitur: plus vanitate contrahitur. Nunquam autem ego a te, ne ex toto incercas, exigam. Et scio inueniri quosdam duræ magis quam fortis prudentiæ viros, qui negent doliturum esse sapientem. Hi vero videntur nunquam in huiusmodi casum incidisse. alioquin excussisset illis fortuna superbam sapientiam, & ad confessionem eos veri etiam inuitos compulisset. Satis præstiterit ratio, si id vnum ex dolore, quod & superest & abundat, exciderit. ut quidem nullum omnino esse eum patiat, nec sperandum vlli, nec concupiscendum est. Hunc potius modum seruet, qui nec impietatem inuitetur, nec insaniam: & nos in eo teneat habitu, qui & pietatis est, nec emotæ. Fluant lacrimæ, sed eadem desinant: trahantur ex imo pectore gemitus, sed iidem & finiantur. Sic rege animum tuum, ut & sapientibus te approbare possis, & fratribus. Effice, ut fre-

quenter fratris tui memoriam tibi velis occurrere, ut illum & sermonibus celebres, & assiduas recordatione repræsentes tibi. Quod ita denique consequi poteris, si tibi memoriam eius incundam magis, quam flebilem feceris. natutale est enim, ut semper animus ab eo refugiat, ad quod cum tristitia reuertitur. Cogita modestiam eius, cogita in rebus agendis solertiam, in exsequendis industriam, in promissis constantiam. Omnia dicta eius ac facta & aliis expone, & tibimet ipse commemora. Qualis fuerit cogita, qualisque sperari potuerit. quid enim de illo non tuto sponderi fratre posset? Hæc, utcumque potui, longo iam situ obsoleto & hebetato animo composui: quæ si aut parum respondere ingenio tuo, aut parum mederi dolori videbuntur, cogita quam non possit alienæ vacare consolationi, quem sua mala occupatum tenent; quem non facile Latina ei verba homini succurrant, quem Barbarorum inconditus & barbaris quoque humanioribus grauis fremitus circumsonat.



L. ANNAEI SENECAE

AD MARCIAM DE
CONSOLATIONE

LIBER VNVS.

Argumentum & Ordo.

Marcia gratiosa & diues matrona, & apparet: filia A. Cremutii Cordi, viri a studiis scriptisque etiam inclyti. Filium habuit, qui iam grandior obiit, maritus, pater & sacerdos: triennium autem iam ibat (ex Cap. I. in fine) ab eius morte. Itaque argumentor, hoc Scriptum editum initio Claudiani temporis, nec ante. Nam sub Tiberio auctum Metilium hunc (ita vocabatur) honoribus, vix probabile: sub Caio igitur, qui & alia acta Tiberii rescidit, & nominatim A. Cremutii Cordi scripta lectitari permisit. Quod eodem isto Cap. I. quoque tangitur: neque igitur ante potuit hac Consolatio edi, praesertim inueterato dolore, & loquitur, & triennali illo lapsu. Imo bene consideranti, sub Claudio, & post exsilium fortasse hac scripta censeantur. In paruo est. ipse libellus inter insignes, etsi adulatione feminea haud expers. Duae partes sunt. Priore laudat illam, & a suo atque alienis deinde Exemplis solatur: usque ad Cap. VI. Posteriore ad Rationes transit, & primam illam communem, luctu nihil profici: tum secundum Naturam eum non esse, sed a mollicie nostra, & incogitantia, quod quae fieri possunt futura non providemus. Iterum deinde Exempla virorum, & mulierum. Tum ad sortem conditionemque nascendi transit, cui mors annexa: usque ad Cap. XIX. Ibi Dilemma inserit, Nec matri, nec ipsi male factum. De matre, breuiter: gratiosa est, nec nisi opinione vexatur. De filio, pluribus: in quiete est, & casibus, vitisque creptus. Quid si ad ista in tam corrupta ciuitate inisset?

Tem-

Tempestive igitur subductus : & Patris deinde (Cremutii) persona inducitur filiam solantis & erigentis, & magno ore, ad supera illa & celi spectacula, vocantis.

CAPUT I.

Nisi te, Marcia, scirem tam longe ab infirmitate muliebris animi, quam a ceteris vitiis recessisse, & mores tuos velut antiquum aliquod exemplar aspici: non auderem obuiam ire dolori tuo, cui viri quoque libenter hærent & incubant. nec spem concepissem, tam iniquo tempore, 1) tam inimico iudice, 2) tam inuidioso crimine, 3) posse me efficere, ut fortunam tuam absolueres. Fiduciam mihi dedit exploratum iam robur animi, & magno experimento approbata virtus tua. Non est ignotum, qualem te in personam patris tui gesseris: quem non minus quam liberos dilexisti: excepto eo, quod non optabas superstitem. nec scio an & optaueris. Permittit enim sibi quædam & contra bonum morem magna pietas. Mortem 4) A. Cremutii Cordi, parentis tui, quantum poterat, inhibuisti. Postquam tibi aperuit, inter Scianianos satellites illam vnam patere fœnituris fugam, non fauisti consilio eius, sed dedisti manus victa, fudisti que lacrimas palam, & gemitus deuorasti quidem, non tamen hilari fronte texisti: & hoc illo sæculo, 5) quo magna pietas erat, nihil impie facere. Ut vero aliquam occasionem mutatio temporum dedit: ingenium patris tui, de quo sumptum erat supplicium, in vsum hominum reduxisti, & a vera illum vindicasti

1. *Iniquo tempore*) quia inueteratus dolor in alteram naturam iam abierat. *Lips.*

2. *Inimico iudice*) ipsa te quæ odisti & aduersaris solantes.

3. *Tam inuidioso crimine*) ablati talis filii & in tali ætate.

4. *Mortem*) quam sponte sumebat, vid. inf. c. 22.

5. *Et hoc illo sæculo*) Tiberii scilicet, quo multi parentes ipsi siue palam accusarunt, siue clam detulerunt.

morte,

morte, ac restituiſti in publica monumenta 6) libros,
 quos vir ille fortiſſimus ſanguine ſuo 7) ſcripſerat.
 Optime meruiſti de Romanis ſtudiis: magna illorum
 pars arſerat. optime de poſteris: ad quos veniet in-
 corrupta rerum fides, auctori ſuo magno imputata.
 optime de ipſo: cuius viget vigebitque memoria,
 quamdiu fuerit in pretio Romana cognosci; quamdiu
 quisquam erit, qui reuerti velit ad acta maiorum;
 quamdiu quisquam, qui velit ſcire, quid ſit vir Roma-
 nus; quid ſubactis iam cernicibus omnium, & ad Scia-
 nianum iugum adaſtis, indomitus ſit homo, ingenio,
 animo, manu liber. 8) Magnum mehercule detri-
 mentum respublica ceperat, ſi illum ob duas partes
 pulcherrimas in obliuionem coniectum, eloquentiam
 & libertatem, non eruiſſes. Legitur, floret, in ma-
 nus hominum, in peſtora receptus, vetuſtatem nul-
 lam timet. At illorum carnificum cito ſcelera quoque,
 quibus ſolis memoriam meruerunt, tacebunt. Hæc
 magnitudo animi tui vetuit me ad ſexum tuum reſpi-
 cere: vetuit ad vultum, quem tot annorum continua
 triſtitia, vt ſemel obduxit, tenet. Et vide quam non
 ſurreptam tibi, nec ſacum facere affectibus tuis cogi-
 tem. Antiqua mala in memoriam reduxi. & vis ſcire
 hanc quoque plagam eſſe ſanandam? aſtendi tibi æque
 magni vulneris cicatricem. Alii itaque molliter agant,
 & blandiantur: ego condigere cum tuo mœrore con-
 ſtitui, & deſeſſos exhaustosque oculos, ſi verum au-
 dire vis, magis iam ex conſuetudine, quam ex deſide-
 rio fluentes, continebo, ſi fieri potuerit, te fauente
 remediis tuis; ſin minus, vel inuita. teneas licet &
 amplexeris dolorem tuum, quem tibi in filii locum

6. In publica monumenta) i. e. Bibliothecas.

7. Sanguine ſuo) quo nimirum laus quod eos ſcripſiſſet, lau-
 dauerat nimirum in opere de bellis civilibus Brutum & Caſſium
 tanquam vltimos Romanorum, quod in perniciam ipſi ceſſit.

8. Mann liber) ſcriptione & ſtylo. Lipſ.

superstitem fecisti. Quis enim erit finis? omnia in superuacuum tentata sunt. fatigatæ allocutiones amicorum; auctoritates magnorum & affinium tibi viro- rum; studia, hereditarium & paternum bonum, surdas aures, irritò ac vix ad breuem occupationem proficiente solatio, transeunt. Illud ipsum naturale remedium temporis, quod maximas ærumnas quoque componit, in te vna vim suam perdidit. Tertius iam præterit annus cum interim nihil ex primo illo impetu cecidit: renouat se, & corroborat quotidie luctus: & iam sibi ius mora fecit, eoque adductus est, vt putet turpe desinere. Quemadmodum omnia vitia penitus insidunt, nisi, dum surgunt, oppressa sint: ita quoque hæc tristitia & misera, & in se sæuientia, ipsa nouissime acerbitate pascuntur, & sit infelicia animi praua voluptas dolor. Cupissem itaque primis temporibus ad istam curationem accedere. leuiore medicina fuisset oriens adhuc restringenda vis: vehementius contra inueterata pugnandum est. Nam vuln- erum quoque sanitas facilis est, dum a sanguine recen- tia sunt: tunc & vruntur, & in altum reuocantur, 9) & digitos scrutantium recipiant. vbi corrupta in ma- lum vlcus veterarunt, difficilius curantur. Non pos- sum nunc per obsequium, nec molliter assequi tam durum dolorem: frangendus est.

CAP. II. Scio, a præceptis incipere omnes qui mo- nere aliquem volunt, & in exempla desinere: mutari hunc iuterim morem expedit. Aliter enim cum alio agendum est. Quosdam ratio ducit: quibusdam nomi- na clara opponenda sunt, & auctoritas, quæ liberum non relinquat animum ad speciosa stupentem. Duo tibi ponam ante oculos maxima, & sexus & sæcu- li tui, exempla: alterius, feminae, quæ se tradidit

9. In altum reuocantur) tentando & explorando. Vide- tur enim repeti & renouari vulnus, dum Nilus immittitur. Lips.

ferendam dolori: 1) alterius quæ pari affecta casu, maiore damno, non tamen dedit longum in se malis suis dominium, sed cito animum in sedem suam reposuit. Octavia & Liuvia, altera soror Augusti, altera vxor, amiserunt filios inuenes, vtraque spe futuri principis certa Octauia Marcellum, cui & auunculus & socer incumbere 2) cœperat, in quem onus imperii reclinare. adollescentem animo alacrem, ingenio potentem; sed & frugalitatis continentia quæ 3) in illis aut annis aut opibus non mediocriter admirandum; patientem laboris, voluptatibus alienum; quantumcumque imponere illi auunculus, & (vt ita dicam) inædificare voluisset, laturum. Bene legerat 4) nulli cessura ponderi fundamenta. Nullum finem, per omne vitæ suæ tempus, flendi gemendique fecit: nec vllas admisit voces, salutare aliquid afferentes. Ne auocari quidem se passa est. Intenta in vnam rem, & toto animo affixa, talis per omnem vitam fuit, qualis in funere. non dico non ausa consurgere, sed alleuari recusans; secundam orbitatem iudicans, lacrimas mittere. Nullam habere imaginem filii carissimi voluit, nullam sibi fieri de illo mentionem. Oderat omnes matres, & in Liuiam maxime furebat: quia videbatur ad illius filium transfisse, sibi promissa felicitas. Tenebris & solitudini familiarissima, ne ad fratrem quidem respiciens, carmina celebrandæ Marcelli memoriæ composita, aliosque studiorum honores reiecit, & aures suas aduersus omne solatium clausit: a solemnibus officiis seducta, & ipsam magnitudinis fraternæ nimis circumlucentem fortunam exosa, defodit se, & abdidit. Assidentibus liberis, nepotibus, lugubrem vestem non deposuit: non sine contumelia omnium suorum, quibus saluis orba sibi videbatur.

1. Ferendam dolori) omittis habenis illi regimen dedit. Lips.

2. Incumbere) vt in sulcrum.

3. Frugalitatis continentia quæ) subintellige causa.

4. Bene legerat) enim, Octauia, mater eius.

CAP. III. Livia amiserat filium Drusum, magnum futurum principem, iam magnum ducem. Intrauerat penitus Germaniam, & tibi signa Romana fixerat, ubi vix illos esse Romanos notum erat. In expeditione decesserat, ipsis illum hostibus ægrum cum veneratione & pace mutua prosequentibus, nec optare quod expediebat audentibus. Accedebat ad hanc mortem, quam ille pro republica obierat, ingens ciuium provinciarumque, & totius Italiæ desiderium, per quam effusis in officium lugubre municipiis coloniisque. usque in urbem ductum erat funus triumpho simillimum. Non licuerat matri vltima filii oscula, gratumque extremi sermonem oris haurire. Longo itinere reliquias Drusi sui prosecuta, tot per omnem Italiam ardentibus rogis, quasi totiens illum amitteret, irritata, vt primum tamen intulit tumulo, simul & illum, & dolorem suum posuit: nec plus doluit quam aut honestum erat Cæsari, aut æquum matri. Non desit itaque Drusi sui celebrare nomen, vbique illum sibi priuatim publiceque repræsentare, & libentissime de illo loqui, de illo audire: cum memoriam alterius 1) nemo posset retinere ac frequentare, 2) quin illam tristem sibi redderet. Elige itaque, vtrum exemplum putas probabilius. 3) si illud prius sequi vis, eximis te numero viuorum; auersaberis & alienos liberos, & tuos ipsumque desiderans, 4) triste matribus omen occurreris. 5) Voluptates honestas, permissas, tanquam

1. *Alterius*) Marcelli, quem mater Octavia nunquam sine tristitia commemorari audiuit.

2. *Frequentare*) memoriam alicuius frequentare est frequenter eius meminisse.

3. *Probabilius*) h. e. magis probandum & laudandum.

4. *Ipsamque desiderans*) sensus est: auersaberis alienos & tuos, imo & ipsum, tum maxime, cum immoderate illum desideras: dum præ ingenti desiderio hucus modum non facis, nam de quo audire refugit, eum & auersari videtur. *Ruben.*

5. *Triste matribus omen occurreris*) pro superstitione veterum, qui omnia ex occurso captabant. Tu igitur orbitate sic tristis matribus eam præfigies. *Lips.* parum

parum decoras fortunæ tuæ reicies, inuisam habebis lucem: & ætati tuæ, quod non præcipitet te quamprimum, & finiat, infestissima eris: quod turpissimum alienissimumque est animo tuo, in meliorem noto partem, ostendes te viuere nolle, mori non posse. Si ad hoc maximæ feminae te exemplum applicueris; moderatius ac mitius eris in ærumnis, nec te tormentis macerabis. Quæ enim, malum, amentia est, pœnas a se infelicitatis exigere: & mala sua augere? Quam in omni vita seruasti, morum probitatem & verecundiam, in hac quoque re præstabis. est enim quædam & dolendi modestia. Illum ipsum iuuenem dignissime quietum semper nominans cogitansque, 6) facies, & meliorem pones loco, si matri suæ, qualis uiuus solebat, hilares, & cum gaudio occurrat.

CAP. IV. Nec te ad fortiora ducam præcepta, ut inhumano ferre humana iubeam modo, ut ipso funebri die oculos matris exsiccem: ad arbitrium tecum veniam: hoc inter nos quæretur, utrum magnus esse debeat, an perpetuus dolor. Non dubito, quin Liviæ Augustæ, quam familiariter coluisti, magis tibi placeat exemplum. Illa te ad suum consilium vocat: illa in primo seruiore, cum maxime impatientes ferocesque sunt miseriæ, se consolandam Areo philosopho viri sui præbuit. & multum eam rem profuisse sibi confessa est: plus quam populum Romanum, quem nolebat tristem tristitia sua facere: plus quam Augustum, qui subducto altero ad miniculo 1) titubabat, nec luctu suorum inclinandus erat: plus quam Tiberium filium, cuius pietas efficiebat, ut in illo acerbo & defleto gen-

6. *Dignissime quietum semper nominans cogitansque facies*) sensus planus est, si quietum accipiat quasi bis positum. hoc sensu: qui dignissime quietus est, eum tu quoque talem efficies, si amoto querulo luctu memoriam eius serues.

1. *Altero adminiculo*) Drufo, supererat autem adhuc Tiberius.

tom. I.

L

tibus

tibus funere, nihil sibi nisi numerum deesse sentiret. Hic, ut opinor, aditus illi fuit, hoc principium apud feminam opinionis suae custodem diligentissimam.

Vsque in hunc diem Livia (quantum quidem ego sciam, assiduus viri tui comes, cui non tantum quæ in publicum emittuntur, nota sunt, sed omnes quoque secretiores animorum vestrorum motus) dedisti operam ne quid esset, quod in te quisquam reprehenderet. Nec id in maioribus modo observasti, sed in minimis, ne quid faceres, cui famam, liberrimam Principum iudicem, velles ignoscere. Nec quicquam pulchrius existimo in fastigio collocatis, quam multarum rerum veniam dare, nullius petere. Seruandus itaque tibi in hac re tuus mos est, ne quid committas, quod minus aliterve factum velis.

CAP. V. Deinde oro atque obsecro, ne te difficilem amicis, & intractabilem præstes. Non est enim quod ignores, omnes hos nescire quemadmodum se gerant: loquantur aliquid coram te de Druso, an nihil: ne aut obliuio clarissimi iuuenis illi faciat iniuriam, aut inentio tibi. Cum secessimus, & in vnum conuenimus, facta eius dictaque quanto meruit suspectu 1) celebramus: coram te altum nobis de illo silentium est. Cares itaque maxima voluptate, filii tui laudibus, quas non dubito quin vel impendio vitæ, si potestas detur, in æuum omne sis prorogatura. Quare patere, imo arcesse sermones, quibus ille narretur & apertas aures præbe ad nomen memoriamque filii tui: nec hoc graue duxeris, ceterorum more, qui in eiusmodi casibus partem mali putant, audire solatia. Nunc incubuisti tota in alteram partem, & oblita meliorum, fortunam tuam, qua deterior est, aspicias. Non conuertis te ad conuietus filii tui, occursumque iucundos, non ad pueriles dulcesque blandicias, non

1. *Suspectu*) admiratione.

ad incrementa studiorum: ultimam illam faciem rerum premis. Illi, tanquam parum ipsa per se horrida sit, quicquid potes congeris. Ne, obsecro te, concupieris, peruersissimam gloriam infelicissimam 2) videri.

CAP. VI. Simul cogita, non esse magnum, se rebus prosperis fortem gerere, vbi secundo cursu vita procedit: nec gubernatoris quidem artem tranquillum mare & obsequens ventus ostendit: aduersi aliquid incurrat oportet, quod animum probet. Proinde ne submiseris te, imo contra fige stabilem gradum: & quicquid onerum supra cecidit, sustine, primo duntaxat strepitu conterrita. Nulla re maior invidia fortunæ fit, quam æquo animo. Post hoc ostendit 1) illi filium incolumem, ostendit ex amisso nepotes. Tuum illic Marcia negotium actum, tibi Arcus affedit: te mutata persona consolatus est. Sed puta, Marcia, ereptum tibi amplius quam vlla vniquam mater amiserit. (non permulceo te, nec extenuo calamitatem tuam,) si fletibus fata vincuntur, conferamus: eat omnis inter luctus dies: noctem sine somno tristitia consumat: ingerantur lacerato pectori manus, & in ipsam faciem impetus fiat: atque omni se genere læuitiæ profecturus mœror exerceat. Sed si nullis planctibus defuncta reuocantur; si fors immota, & in æternum fixa, nulla miseria mutatur, & mors tenet quicquid abstulit; desinat dolor, qui perit. Quare regamus: nec nos ista vis transuersos auferat. Turpis est nauigii rector, cui gubernacula fluctus eripuit, qui fluctuantia vela deseruit, permisit tempe-

2. Infelicissimam) s. legendum infelicissima hoc sensu: ne concupieris peruersissimam gloriam, quæ est vt infelicissima videaris. ferri tamen etiam accusatiuus potest verbi substantiui infinitiui subintellecto.

1. Ostendit) Philosophus nempe eam solaturus ipsi in animum reuocauit; tanquam solatii argumenta alterum filium, Tiberium, & nepotes incolumes.

stati ratem : at ille vel in naufragio laudandus, quem obruit mare clauum tenentem & obnixum.

CAP. VII. At enim naturale desiderium suorum est. Quis negat, quamdiu modicum est? nam ex discessu, non solum amissione, carissimorum necessarius morsus est, & firmissimorum quoque animorum contractio. Sed plus est quod opinio adiicit, quam quod natura imperauit. Adspice mutorum animalium quam concitata sint desideria, & tamen quam breuia. Vaccarum vno die alteroue mugitus auditur : nec diutius equarum vagus ille amensque discursus est. Feræ cum vestigia catulorum consecratae sunt, & siluas per vagatae : cum sæpe ad cubilia expilata redierint, rabiem intra exiguum tempus extinguunt. Aues cum stridore magno inanes nidos circumfremunt : intra momentum tamen quietæ, volatus suos repetunt. Nec ulli animali longum fœtus sui desiderium est, nisi homini : qui adest dolori suo, nec tantum quantum sentit, sed quantum constituit, afficitur. Vt scias autem non esse hoc naturale, luctibus frangi, primum magis feminas quam viros, magis barbaros quam placidos eruditæque gentis homines, magis indoctos quam doctos, eadem orbitas vulnerat. Atqui ea, quæ a natura vim acceperunt, eandem in omnibus seruant. Apparet non esse naturale, quod varium est. Ignis omnes ætates, omnium vrbium ciues, tam viros quam feminas, vret : ferrum in omni corpore exhibebit : secandi potentiam : quare? quia vires illi a natura datae sunt, quæ nihil in personam constituit. Paupertatem, luctum, ambitionem alius aliter sentit, prout illi um consuetudo infecit : & imbecillum impatientem que reddit præsumpta opinio de non timendis terribilibus.

CAP. VIII. Deinde quod naturale est, non decrescit mora : dolorem dies consumit. licet contumacissimum, quotidie insurgentem, & contra rem diu efferuescentem; tamen illum, efficacissimum non ita
gaude

gandæ ferociæ, tempus eneruat. Manet quidem tibi, Marcia, etiamnum ingens tristiſtia, & iam videtur duxiſſe callum, non illa concitata, qualis initio fuit, ſed pertinax & obſtinata: tamen hanc quoque ætas tibi minutatim eximet. Quoties aliud egeris, animus relaxabitur: nunc de ipſa cuſtodis. multum autem intereſt, vtrum tibi permittas mœrere, an imperes. Quanto magis hoc morum tuorum elegantia conuenit, finem luſtus potius facere, quam exſpectare: nec illum opperiri diem, quo te inuita dolor deſinat? ipſa illi renuntia.

CAP. IX. Vnde ergo tantâ nobis pertinacia in deſolatione noſtri, ſi id non ſit naturæ iuſſu? quod nihil nobis mali, antequam eueniat, proponimus, ſed vt immunes ipſi, & aliud pacatius ingreſſi iter, alienis non admonemur caſibus, illos eſſe communes. Tot præter domum noſtram ducuntur exſequiæ: de morte non cogitamus. tot acerba funera: nos togam noſtrorum infantium, nos militiam, & paternæ hæreditatis ſucceſſionem animo agitamus. tot diuitum ſubita paupertas in oculos incidit: & nobis nunquam in mentem venit, noſtras quoque opes æque in lubrico poſitas. Neceſſe eſt itaque magis corruamus, qui quaſi ex inopinato ferimur. Quæ multo ante præuiſa ſunt, languidiuſ incurrunt. Viſ tu ſciro te ad omnes expoſitam iſtus ſtare, & illa quæ alios tela fixerunt, circa te vibraſſe? velut murum aliquem, aut obſeſſum multo hoſte locum, & arduum adſcenſu, inerimis adeas, exſpecta vulnus, & illa ſuperne volantia cum ſagittis pilisque ſaxe puta in tuum librata corpus. Quoties aut ad latus, aut pone tergum ceciderint, exclama: Non decipies me, fortuna, nec ſecuram aut negligentem opprimes. ſcio quid pares. alium percuſſiſti, me pe-tiſti. Quis vnquam res ſuas, quaſi periturus, adſpexit? quis vnquam noſtrum de exilio, de egeſtate, de luſtu cogitare auſus eſt? quis non, ſi admonetur vt

L 3

cogi-

cogitet, tanquam dirum omen respuat, & in capita inimicorum aut ipsius intempestivi monitoris abire illa iubeat? Non putavi futurum. Quicquam tu putas non futurum, quod multis seis posse fieri, quod multis vides euenisse? Egregium verum & dignum, qui non e Publio 1) exiret:

Cuius potest accidere, quod cuiquam potest.

Ille amisit liberos: & tu amittere potes. Ille damnatus est: & tua innocentia sub ictu est. Hic nos error decipit, hic effeminat, dum patimur, quæ nunquam pati nos posse præuidimus. Aufert vim præsentibus malis, qui futura prospexit.

CAP. X. Quicquid est hoc, Marcia, quod circa nos ex aduenticio fulget; liberi, honores, opes, ampliatia, & exclusorum clientium turba referta vestibula, clara, nobilis, aut formosa coniux, ceteraque ex incerta & mobili sorte pendentia: alieni commodatique apparatus sunt. nihil horum dono datur: colatitiis, & ad dominoz redituris instrumentis scena adornatur. Alia ex his primo die, alia secundo referentur; pauca vsque ad finem perseverabunt. Ita non est quod nos suspiciamus, tanquam inter nostra positi: mutuo accepimus. Vtusfructus noster est, cuius tempus ille arbiter muneris sui temperat: nos oportet in promptu habere, quæ in incertum diem data sunt, & appellatos, sine querela reddere. Pessimi est debitoris, creditori facere conuicium. Omnes ergo nostros, & quos superstites lege nascendi optamus, & quos præcedere iustissimum ipsorum votum est, sic amare debemus, tanquam nihil nobis de perpetuitate, imo nihil de diuturnitate eorum promissum sit. Sæpe admonendus est animus, amet ut recessura, imo tanquam recedentia. quicquid a fortuna datum est, tan-

1. Publio) mimographo, quem ob mores & vitæ genus improbat Seneca,

quam

quam ex templo abiturum possideat. Rapite ex liberis voluptates, fruendos vos inuicem liberis datæ, & sine dilatione omne gaudium haurite. nihil de hodierna die promittitur. nimis magnam aduocationem ¹⁾ dedi: nihil de hac hora. Festinandum est. instat a tergo mors: iam disiicietur iste comitatus: iam contubernia ista sublato clamore soluentur. Rapina rerum omnium est, (miseri, nescitis?) & fuga, vivere. Si mortuum tibi filium doles, eius temporis quo natus est, crimen est. mors enim illi nascenti determinata est. In hanc legem datus; hoc fatum ab vtero statim prosequetur. In regnum fortunæ, & quidem durum atque inuictum peruenimus, illius arbitrio digna atque indigna passuri. corporibus nostris impotenter, contumeliose, crudeliter abutetur: alios ignibus peruret, vel in pœnam admotis, vel in remedium: alios vinciet; id nunc hosti licebit, nunc civi: alios per incerta nudos maria iactabit, & luctatos cum fluctibus, ne in harenam quidem aut littus explodet, sed in alicuius ventrem immensæ beluæ decondet; alios morborum variis generibus emaceratos, diu inter vitam mortemque medios detinebit. Ut varia & libidinosa, mancipiorumque suorum negligens domina, & pœnis & muneribus errabit. Quid opus est partes desistere? tota vita flebilis est. Urgebunt noua incommoda, priusquam veteribus satisfeceris. Moderandum est itaque, vobis maxime, quæ immoderate fertis: & in metus, & in dolores humanum pectus dispensandum.

CAP. XI. Quæ demum ista tuæ publicæque con-

1. *Aduocationem*) spatium & moram. Verbi notio a iudiciis manauit: nam qui parum instructi ad respondendum aduocationem a iudice solent petere, i. e. spatium deliberandi aduocandique amicos & peritos. Cicero: *Omnibus unde petitur hoc consilii dederim, ut binas aduocationes postulent.* Inde translatum ad omnem moram & tergiuersationem. Vetus Poëta:

Cur differt mea lux rogata semper,

Cur longam petis aduocationem? Gronov.

ditionis obliuio est? Mortalis nata es, mortales peperisti: putre ipsa fluidumque corpus, & causis 1) morbisque repetita, sperasti tam imbecilla materia solida & æterna gestasse? Decessit filius tuus, id est, decucurrit ad hunc finem, ad quem, quæ feliciora partu tuo putas, properant. Huc omnis ista quæ in foro litigat, in theatris desidet, in templis precatur turba, dispari gradu vadit. Et quæ veneraris, & quæ despicias, vnus exæquabit cinis. Hoc iubet illa Pythicis oraculis adscripta vox, nosce te. Quid est homo? quodlibet quassum vas, & quodlibet fragile: iactatu, non tempestate magna, vt dissiperis, est opus. Vbi cumque arictaueris, solueris. Quid est homo? imbecillum corpus, & fragile, nudum, suapte natura inerme, alienæ opis indigens, ad omnem fortunæ contumeliam proiectum: cum bene lacertos exercuit, cuiuslibet feræ pabulum, cuiuslibet victima, ex infirmis fluidisque contextum, & lineamentis exterioribus nitidum, frigoris, æstus, laboris impatiens: ipso rursus situ & otio iturum in tabem, alimenta metuens sua, quorum modo inopia, modo copia rumpitur: anxie sollicitæque tutelæ, præcarii spiritus, & male hærentis, quem pavor repentinus adiectusue ex improviso sonus auribus grauis excutit: soli semper sibi nutrimentum vitiosum & inutile. Miramur in hoc mortem vnus, qua singulis opus est? Nunquid enim vt concidat, res magni molimenti est? Odor illi saporque, & lassitudo, & vigilia, & humor, & cibus, & sine quibus viuere non potest, mortifera sunt. Quocunque se mouet, infirmitatis suæ statim conscium, non omne cælum ferens, aquarum nouitatibus, flatuque non familiaris auræ, & tenuissimis causis atque offensionibus mor-

1. *Causis*) causa idem quod morbus, sicut & Græc. *αἰτία*. Hinc Tibullus El. IX. L. I. *Non illi fontica causa* h. e. morbus fonticus, hinc *causarium* quod paullo post pro morbido Seneca posuit.

bidum, putre, caussarium, 2) fletu vitam auspicatum: cum interim quantos tumultus hoc tam contemptum animal mouet? in quantas cogitationes oblitum conditionis suæ venit? Immortalia, æterna volutat animo, & in nepotes pronepotesque disponit: cum interim longa conantem eum mors opprimit: & hoc quod senectus vocatur, pauci sunt circuitus annorum.

CAP. XII. Dolor tuus, o Marcia, si modo illi vlla ratio est, vtrum sua spectat incommoda, an eius qui decessit? Vtrumne amisso filio mouet, quod nullas ex illo voluptates cepisti: an quod maiores, si diutius vixisset, percipere potuisti? Si nullas te percepisse dixeris; tolerabilius efficies detrimentum tuum. minus enim homines desiderant ea, ex quibus nihil gaudii lætitiæque perceperunt. Si confessa fueris percepisse magnas voluptates; oportet te non de eo quod detractum est queri, sed de eo gratias agere quod collegisti. Prouenerunt enim satis magni fructus laborum tuorum ex ipsa educatione: nisi forte hi, qui catulos auesque, & friuola animorum oblectamenta, summa diligentia nutriunt, fruuntur aliqua voluptate ex visu tactuque & blanda adulatione mutorum; liberos nutriendibus, non fructus educationis, ipsa educatio est. Licet itaque tibi nihil industria eius contulerit, nihil diligentia custodierit nihil prudentia quæsierit: ipsum quod habuisti, quod amasti, fructus est. At potuit longior esse, & maior. Melius tamen tecum actum est, quam si omnino non contigisset. quoniam si ponatur electio, vtrum satius sit non diu felicem esse, an nunquam: melius est, discessura nobis bona, quam nulla contingere. Vtrumne malles degenerem aliquem, & numerum tantum nomenque filii expleturum habuisse, an tantæ indolis, quantæ tuus fuit? Iuuenis citò prudens, cito pius, cito maritus, cito pater, cito

a. *Causarum*) idem ac morbidum vide paullo ante.

L 5

omnis

omnis officii curiosus, cito sacerdos, omnia tam prospera. Nullifere & magna bona, & diuturna, contingunt, non durat, nec ad ultimum exit, nisi lenta felicitas. Filium tibi dii immortales non diu daturi, statim talem dederunt, qualis diu effici potest. Ne illud quidem dicere potes, electam te a diis, cui frui non liceret filio. Circui per omnem notorum & ignotorum frequentiam oculis: occurrent tibi passi ubique maiora. Senferunt ista magni duces, senferunt principes. ne deos quidem fabulae immunes reliquerunt: puto ut nostrorum funerum leuamentum esset, etiam diuina concidere. Circumspice, inquam, omnes, nullam tam miseram nominabis domum, quae non inueniat in miseriore solatium. Non, mehercule, tam male de moribus tuis sentio, ut puteim posse te leuius pati casum tuum, si tibi ingentem numerum lugentium produxero. maliuoli solatii genus est, turba miserorum. Quosdam tamen referam: non ut scias, hoc solere hominibus accidere: ridiculum est enim, mortalitatis exempla colligere: sed ut scias fuisse multos, qui lenierunt aspera, ferendo placide. A felicissimo incipiam. L. Sylla filium amisit: nec ea res aut militiam eius, & acerrimam virtutem in hostes ciuesque, contudit: aut effecit, ut cognomen illud usurpasse saluo videretur, quod amisso filio assumpsit: nec odia hominum veritus, quorum inalis, illius nimis secundae res constabant: nec inuidiam deorum, quorum illud crimen erat, Sylla tam felix. Sed istud inter res nondum iudicatas habeatur, qualis Sylla fuerit: etiam inimici fatebuntur, bene illum arma sumpsisse, bene posuisse: hoc de quo agitur constabit, non esse maximum malum quod etiam ad felicissimos peruenit.

CAP. XIII. Ne nimis admiretur Græcia illum patrem, 1) qui in ipso sacrificio nuntiata filii morte,

1. Patrem) Xenophontem.

tibi-

tibi cinem tantum tacere iussit, & coronam capiti detraxit, cetera rite perfecit, Pulvillus effecit pontifex, cui postem tenenti, & Capitolium dedicanti, mors filii nuntiata est: quam ille exaudisse dissimulans, & sollemnia pontificalis carminis verba concepit, gemitu non interrompente precationem, & ad filii sui nomen. 2) Ioue propitiato. Putasses eius luctus aliquem finem esse debere, cuius primus dies, primus impetus ab altaribus publicis, & fausta nuncupatione, non abduxit patrem. Dignus mehercule fuit memorabili dedicatione, dignus amplissimo sacerdotio, qui colere deos ne iratos quidem destitit. Idem tamen, ut rediit domum, & implevit oculos, & aliquas voces flebiles misit: & peractis, quæ mos erat præstare defunctis, ad Capitolinum 3) illum rediit vultum. Paulus circa illos nobilissimi triumphi dies, quo victum ante currum egit Persen, inclyti regis nomen, duos filios in adoptionem dedit: quos sibi servauerat, extulit. Quales retentos putas, cum inter commodatos Scipio fuisset? Non sine motu vacuum Paulli currum 4) populus Romanus aspexit, concionatus est tamen, & egit diis gratias, quod compos voti factus esset. Precatum enim se, ut si quid ob ingentem victoriam invidiæ dandum esset, 5) id suo potius, quam publico damno solueretur. Vides quam magno animo tulerit?

2. *Et ad filii sui nomen*) i. e. dum filium appellaret, qui triste de morte eius nuntium afferebat.

3. *Capitolinum*) eleganter: posito vultu tristiore, lætiorum rursus sumit, & quem in Capitolio habuerat. *Lips.*

4. *Vacuum Paulli currum*) minores enim liberi cum parente triumphante in currum collocabantur.

5. *Si quid invidiæ dandum esset*) Superstitio veterum erat, φθόρος, invidiam, rebus magnis insidiari, h. e. Deos prosperis miscere acerba, unde φθόρος το δαιμόνιον dicebant. Invidiæ itaque isti placandæ gratia ipsi se quandoque casui cuidam ultro submittebant, ut minore malo maius redimerent. Notum Polycratis exemplum.

orbi.

orbitati suæ gratulatus est. Ecquem magis poterat mouere tanta mutatio? solatia simul atque auxilia perdidit: non contigit tamen tristem Paullum Persi videre.

CAP. XIV. Quid nunc te per innumerabilia magnorum virorum exempla ducam, & quæram mi-feros? quasi non difficilior sit, inuenire felices. Quota quæque domus vaeque ad exitum omnibus partibus suis constitit, in qua non aliquid turbatum sit? Vnum quemlibet annum occupa: & ex eo magistratus cita. Lucium, si vis, Bibulum, & C. Cæsarem. videbis inter collegas inimicissimos concordem fortunam. L. Bibuli, melioris quam fortioris viri, duo simul filii interfecti sunt: Ægyptio quidem militi ludibrio habiti: vt non minus ipsa orbitate, auctor eius, 1) digna res lacrimis esset. Bibulus tamen, qui, toto honoris sui anno ob inuidiam collegæ, domi latuerat, postero die quam geminum funus renunciatum est, processit ad solita & publica officia. Quid minus poterat, quam vnum diem duobus filiis dare? tam cito liberorum luctum finiuit, qui consulatum anno luxerat. C. Cæsar cum Britanniam peragraret, nec Oceano felicitatem suam continere posset, audiuit decessisse filiam, publica secum fata ducentem. 2) In oculis erat iam Cn. Pompeius, non æquo laturus animo quemquam alium esse in Rep. magnum, & modum impositurus incrementis, quæ graua illi videbantur, etiam cum in commune crescerent: tamen intra tertium diem imperatoria obiit munia, & tam cito dolorem vicit, quam omnia solebat.

1. *Auctor eius*) Lipsius legit *auctores*. hoc sensu: Interfecti sunt filii Bibuli & ludibrio habiti ab Ægyptiis, contemptissimo hominum inter Romanos genere, vt adeo non minus ob orbitatem, quam auctores, homines abiectissimos, digna lacrymis res esset.

2. *Publica secum fata ducentem*) nam eius morte sublata concordia fuit.

CAP. XV. Quid aliorum tibi funera Caesarum referam? quos in hoc mihi interim videtur violare fortuna, ut sic quoque generi humano profint, ostendentes, ne eos quidem, qui diis geniti deosque genituri dicantur, sic suam fortunam in potestate habere, quemadmodum alienam. Divus Augustus amissis liberis, nepotibus, exhausta Caesarum turba, adoptione desertam domum fulsit. Tulit tamen fortiter: tanquam eius iam res ageretur, cuius cum maxime intererat, de diis neminem queri. Tib. Caesar & quem genuerat, & quem adoptauerat, amisit: ipse tamen pro rostris laudavit filium, stetitque in conspectu posito corpore, interiecto tantummodo velamento, quod pontificis oculos a funere arceret, & flente populo Romano non flexit vultum: experiendum se dedit Sciano ad latus stanti, quam patienter posset suos perdere. Videsne quanta copia virorum maximorum sit, quos non excepit hic omnia prosterbens casus, in quos tot animi bona, tot ornamenta publice privatumque congesta, erant? Sed videlicet it in orbem ista tempestas; & sine dilectu vastat omnia, agitque ut sua. Iube singulos conferre rationem; nulli contigit impune nasci.

CAP. XVI. Scio quid dicas: Oblitus es feminam te consolari: virorum refers exempla. Quis autem dixerit naturam maligne cum muliebribus ingeniis egisse, & virtutes illarum in arcum retraxisse? Par illis, mihi crede, vigor, par ad honesta (libeat) facultas est: laborem doloremque ex æquo, si consuevere, patiuntur. In qua istud vrbe, dii boni, loquimur? In qua regem Romanis capitibus Lucretia & Brutus deiecerunt, Bruto libertatem debemus, Lucretiæ Brutum. In qua Clæliam, contempto hoste & flumine, ob insignem audaciam tantum non in viros transcripsimus. Equestri insidens statuae, in sacra via, celeberrimo loco, Clælia exprobrat iuuenibus nostris

nostris puluinum 1) ascendentibus, in ea illos vrbe sic ingredi, in qua etiam feminas equo donauimus. Quod tibi si vis exempla referri feminarum, quæ suos fortiter desiderauerunt, non ostiatim quæram: ex vna tibi familia duas Cornelias dabo. Primam Scipionis filiam, Gracchorum matrem. duodecim illa partus, totidem funeribus recognouit, & de ceteris facile est, quos nec editos, nec amissos ciuitas sensit. 2) Ti. Gracchum, & Caium, quos etiam qui bonos viros negauerit, magnos fatebitur, & occisos vidit & insepultos. consolantibus tamen miseramque dicentibus. Nunquam, inquit, non felicem me dicam, quæ Gracchos peperit. Cornelia Liuium Drusum, clarissimum iuuenem, illustris ingenii, vadentem per Gracchana vestigia, imperfectis tot rogationibus, intra penates interemptum suos amiserat, incerto cædis auctore: tamen & acerbam mortem filii, & inultam, tam magno animo tulit, quam ipse leges tulerat. Iam cum fortuna in gratiam, Marcia, reuerteris, si tela, quæ in Scipiones, Scipionumque matres ac filios exegit, quibus Cæsares petiit, ne a te quidem continuit. Plena & infesta variis casibus vita est: a quibus nulli longa pax, vix induciæ sunt. Quatuor liberos sustuleras, Marcia. nullum aiunt frustra cadere telum, quod in confertum agmen immissum est. Mirum est, tantam turbam non potuisse sine inuidia damnoue præteruehi? At hoc iniquior fortuna fuit, quod non tantum filios eripuit, sed elegit. Nunquam tamen iniuriam dixeris, ex æquo cum potentiore diuidere: duas tibi reliquit filias, & harum nepotes: & ipsum quem maxime luges, prioris 3) oblita, non ex toto abstulit. Habes ex illo duas filias. si male fers, magna onera: si bene, magna solatia. Ira hoc de perduxit, vt illas cum videris, admonearis filii,

1. Puluinum) i. e. lecticam in qua puluinus.

2. Nec editor nec amissos cinisas sensit) h. e. qui in tenera ætate vita sunt functi.

3. Prioris) filii alterius qui antea obierat.

non doloris. Agricola, euersis arboribus, quas aut ventus radicitus euulsit, aut contortus repentino impetu turbo perfregit, sobolem ex illis residuam fouet, & amissarum semina statim plantasque disponit: & momento (nam ut in damna, ita ad incrementa rapidum veloxque tempus est) adolefcunt amissis lætiora. Has nunc Metilii tui filias in eius vicem substitue, & vacantein locuin exple. Vnum dolorem geminato solatio leua. Hæc quidem natura mortalium est, ut nihil magis placeat, quam quod amissum est, iniquiores sumus aduersus relictæ, ereptorum desiderio, sed si æstimare volueris; quam tibi valde fortuna, etiam cum seuerit, pepercerit, scies te habere plus quam solatia. Respice tot nepotes, duas filias.

CAP. XVII. Dic illud quoque, Marcia; Moueret me, si esset cuique pro moribus fortuna, nunquam mala bonos sequerentur: nunc video, exempto discrimine, & eodem modo, malos bonosque iactari. Graue est tamen, quem educaueris iuuenem, iam matri, iam patri præsidium ac decus, amittere. Quis negat graue esse? sed humanum est. Ad hoc genita es ut perderes, ut perires, ut sperares, metueres, alios teque inquietares, mortem & timeres & optares, & quod est pessimum, nunquam scires cuius esses status. Si quis Syracusas petenti diceret: Omnia incommoda, omnes voluptates futuræ peregrinationis tuæ ante cognosce, deinde ita nauiga. Hæc sunt quæ mirari possis. videbis primum ipsam insulam ab Italia angusto intercisam freto, quam continenti quondam cohæsisse constat: subitum illo mare irrupit, &

Hesperium; Siculo latus abscidit:

deinde videbis (hæc enim tibi audissimum maris verticem stringere) stratam illam fabulosam Charybdim, quamdiu ab Austro vacat, 1) at si quid inde vehemen-

1. *Quamdiu ab Austro vacat*) h. e. quamdiu ab austro ventus non spirat, tum enim strata & tranquilla est charybdis.

tus

tius spirauit, magno hiatu profundoque nauigia for-
bentem. Videbis celebratissimum carminibus fon-
tem Arethusam, nitidissimi ac perlucidi ad intum
stagni, gelidissimas aquas profundentem: siue illas
ibi primum nascentes inuenit, siue immersum terris
flumen integrum subter tot maria, & a confusione
peioris vndæ seruatum, reddidit. Videbis portum 2)
quietissimum omnium, quos aut natura posuit in tu-
telam classium, aut adiuuit manus, sic tutum, vt ne
maximarum quidem tempestatum furori locus sit. Vi-
debis vbi Athenarum potentia fracta: 3) vbi tot millia
captiuorum, ille excisis in infinitam altitudinem saxi,
lautumius 4) carcer incluserat: ipsam ingentem ciui-
tatem, & laxius turritam, quam multarum vrbium
fines sint: tepidissima hiberna, & nullum diem sine
iuteruenta solis. Sed cum omnia ista cognoueris,
grauis & insalubris æstas hiberni cæli beneficia cor-
rumpet. Erit Dionysius illic tyrannus, libertatis,
iustitiæ, legum exitium, dominationis cupidus etiam
post Platonem, vitæ etiam post exilium: alios vret,
alios verberabit, alios ob leuem offensam iubebit de-
truncari: arcesset ad libidinem mares feminasque, &
inter sædos regiæ intemperantiæ greges parum erit
simul binis coire. Audisti quid te inuitare possit, quid
absterrere: proinde aut nauiga, aut resiste. Post hanc
denuntiationem, si quis dixisset intrare se Syracusas
velle, satisne iustam querelam de vlllo, nisi de se, ha-
bere posset, qui non incidisset in illa, sed prudens
sciensque venisset? Dicit omnibus nobis natura: Ne-
minem decipio, tu si filios sustuleris, poteris habere
formosos, poteris & deformes: & si fortasse tibi multi

2. Portum) Syracusanum.

3. Vbi Athenarum potentia fracta) prope Syracusas Nicia
& Demosthene ducibus.

4. Lautumius) Latomias Syracusanas memorat Cic. in Ver-
riniis.

nascuntur, esse ex illis aliquis tam seruator patriæ, quam proditor poterit. Non est quod desperes tantæ dignationis futuros, vt nemo tibi propter illos maledicere audeat: propone tamen & tantæ futuros turpitudinis, vt ipsi maledictum sit. Nihil vetat illos tibi suprema præstare, & laudari te a liberis tuis: sed sic te para, tanquam in ignem positura, vel puerum, vel iuuenem, vel senem. Nil enim ad rem pertinent anni: quoniam nullum non acerbum funus est, quod parens sequitur. Post has leges propositas, si liberos tollis, omni deos inuidia liberas, qui tibi nihil spondiderunt.

CAP. XVIII. Ad hanc imaginem agedum totius vitæ introitum referamus. Syracusas visere deliberanti tibi, quicquid delectare poterat, quicquid offendere, exposui: puta nascenti me tibi venire in consilium. intratura es urbem diis hominibusque communem, omnia complexam, certis legibus æternisque deuinctam, indefatigata cælestium officia voluentem. Videbis illic innumerabiles stellas, miraberis vno sidere omnia impleri, solem quotidiano cursu diei noctisque spatia signantem, annuo æstates hiemesque æqualiter diuidentem. Videbis nocturnam lunæ successionem, a fraternis occurribus lenè remissumque lumen mutantem, & modo occultam, modo toto ore terris imminuentem, accessionibus damnisque mutabilem, semper proximæ dissimilem. Videbis quinque sidera diuersas agentia vias, & in contrarium¹⁾ præcipiti mundo nitentia: ex horum leuissimis motibus fortunæ populorum dependent, & maxima ac minima perinde formantur, prout æquum iniquumue sidus incessit. Miraberis conlecta nubila, & cadentes aquas, & obliqua fulmina, & cæli fragorem. Cum satiatos spectaculo supernorum in terram oculos deieceris, excipies

1. Et in contrarium) proprio suo motu lata contra primam illum motum. *Lips.*

te alia fortuna rerum, aliterque mirabilis. Hinc camporum in infinitum patentium fusa planities; hinc montium magnis & nivalibus surgentium iugis erecti in sublime vertex: deiectus fluminum, & ex vno fonte in Orientem Occidentemque defusi amnes; & summis cacuminibus nemora nutantia, & tantum silvarum cum suis animalibus auiumque concentu dissona. Varii urbium situs, & secluse nationes locorum difficultate. quarum alie se in erectos subtrahunt montes, alie ripis, lacu, vallibus, palude circumfunduntur: adiuta cultu seges, & arbuta sine cultore fertilia, & riuorum lenis inter prata discursus, & amœni sinus, & littora in portum recedentia, sparsæ tot per vastum insulæ, quæ interuentu suo maria distinguunt. Quid lapidum gemmarumque fulgor, & inter rapidorum cursum torrentium aurum arenis interfluens, & in mediis terris, medioque rursus mari nitentes ignium facès, & vinculum terrarum Oceanus, continuationem gentium triplici sinu 2) scindens, & ingenti licentia exæstuans? Videbis his inquietis, & sine vento fluctuantibus aquis immani, & excedenti terrestria magnitudine animalia, quædam grauiæ & alieno se magisterio mouentia, quædam velocia, concitatis perniciores remigiis, quædam haurientia vndas, & magno prænaugantium periculo efflantia. Videbis hic nauigia, quas non mouere terras quærentia. Videbis nihil humanæ audaciæ intentatum, crisque & spectatrix, & ipsa pars magna conantium: discès, docebisque artes, alias quæ vitam instruant, alias quæ ornent, alias quæ regant. Sed istic erunt mille corporum & animorum pestes, & bella, & latrocinia, & venena, & naufragia, & intemperies cæli corporisque,

2. *Triplici sinu*) in quatuor enim partes terram scindi, & quamuis eam chlamydem referre, quæ a tribus partibus Oceano cingatur, veteres suspicati, nec inepte, fuerunt. vid. Lips. Physiol. Stoic. L. 2. Diff. 17.

& carissimorum acerba desideria, & mors, incertum facilis, an per pœnam cruciatumque. Delibera tecum, & perpende quid velis. vt in illa venias per ista exeundum est. Respondebis, velle te viuere quidni? Imo, puto, ad id non accedes, ex quo tibi aliquid detrahi doles. Viue ergo vt conuenit. Nemo, inquis, nos consuluit. Consulti sunt de nobis parentes nostri: qui cum conditionem vitæ nossent, in hanc nos sustulerunt.

CAP. XIX. Sed vt ad solatia veniam, videamus primum quid curandum sit, deinde quemadmodum. Mouet lugentem desiderium eius, quem dilexit. Id per se tolerabile apparet. Absentes enim abfuturosque, dum viuerent, non flemus, quauis omnis vsus illorum nobis & conspectus ereptus sit. Opinio est ergo, quæ nos cruciat: & tanti quodque malum est, quanti illud taxauimus. In nostra potestate remedium habemus. Iudicemus illos abesse, & nosmet ipsi fallamus: dimisimus illos, imo consecuturi præmisimus. Mouet & illud lugentem: Non erit qui me defendat, qui a contemptu vindicet. Vt minime probabili, sed vero solatio utar: in ciuitate nostra plus gratiæ orbitas confert, quam eripit. Adeoque senectutem solitudo, quæ solebat destruere, ad potentiam ducit, vt quidam odia filiorum simulent, & liberos ciurent, & orbitatem manu faciant. 1) Scio quid dicas: Non mouent me detrimenta mea. etenim non est dignus solatio, qui filium sibi decessisse, sicut mancipium, moleste fert: cui quicquam in filio respicere, præter ipsum, vacat. Quid igitur te, Marcia, mouet? vtrum, quod filius tuus decessit: an quod non diu vixit? Si, quod decessit, semper debuisti dolere: semper enim scissi mori. Cogita, nullis defunctum malis affici. illa quæ nobis inferos faciunt terribiles, fabulam esse.

1. *Manu faciant*) sponte & vltro se faciant orbatos, sic passim Seneca loquitur,

Nullas imminere mortuis tenebras, nec carcerem, nec flumina flagrantia igne, nec obliuionis amnem, nec tribunalia, & reos, & in illa libertate tam laxa vltos iterum tyrannos. Luserunt ista poëtae, & vanis nos agitauiere terroribus. Mors omnium dolorum & solutio est & finis: vltra quam mala nostra non exeunt, quæ nos in illam tranquillitatem in qua antequam nasceremur iacimus, reponit. Si mortuorum aliquis miseretur, & non natorum misereatur. Mors nec bonum nec malum est. Id enim potest aut bonum aut malum esse, quod aliquid est: quod vero ipsum nihil est, & omnia in nihilum redigit, nulli nos fortunæ tradit. Mala enim bonaque circa aliquam versantur materiam. Non potest id fortuna tenere, quod natura dimisit: nec potest miser esse, qui nullus est. Excessit filius tuus terminos, intra quos seruitur. Excepit illum magna & æterna pax: non paupertatis metu, non diuitiarum cura, non libidinis per voluptatem animos carpentis stimulis incessitur, non inuidia felicitatis alienæ tangitur, nec suæ premitur, nec conuiciis quidem vllis verecundæ aures verberantur: nulla publica clades prospicitur, nulla priuata: non sollicitus futuri pendet ex euentu, semper incertiora rependenti. Tandem ibi constitit, vnde nil eum pellat, vbi nil terreat.

CAP. XX. O ignaros malorum suorum, quibus non mors vt optimum inuentum naturæ laudatur! quæ siue felicitatem includit, siue calamitatem repellit, siue satietatem aut lassitudinem senis terminat, siue iuvenile æuum, dum meliora sperantur, in flore deducit, 1) siue pueritiam ante duriores gradus reuocat: omnibus finis, multis remedium, quibusdam votum, de nullis melius merita, quam de his ad quos venit antequam inuocaretur. Hæc seruitutem inuito domino remittit: hæc captiuorum catenas leuat: hæc e carcere educit,

1. In flore deducit) h. e. dum adhuc floret finit, atque exitum ei parat,

quos exire imperium impotens vetuerat. hæc exsuli-
bus in patriam semper animum oculosque tendenti-
bus, ostendit, nihil interesse inter quos quisque iaceat.
hæc, vbi res communes fortuna male diuifit, & æquo
iure genitos alium alii donauit, exæquat omnia. hæc
est, quæ nihil quicquam alieno fecit arbitrio. hæc est,
in qua nemo humilitatem suam sensit. hæc est, quæ
nulli paruit. hæc est, Marcia, quam pater tuus concu-
puit. Hæc est, inquam, quæ effecit, vt nasci non
sit supplicium: quæ efficit, vt non concidam aduersus
minas casuum, vt seruare animum saluum ac poten-
tem sui possim. Habeo quo appellam. Video istic
cruces non vnius quidem generis, sed aliter ab aliis
fabricatas. capite quidam conuersos in terram suspen-
dere, alii per obscæna stipitem egerunt, alii brachia
patibulo explicuerunt. Video fidiculas, video ver-
bera: & membris & singulis articulis singula machi-
namenta: sed video & mortem. Sunt istic hostes cru-
enti, ciues superbi: sed video istic & mortem. Non
est molestum seruire, vbi si domini pertæsum est, licet
vno gradu ad libertatem transire. contra iniurias vitæ,
beneficium mortis habeo. Cogita, quantum boni
opportuna mors habeat, quam multis diutius vixisse
nocuerit. Si Cn. Pompeium, decus istius firmamen-
tumque imperii, Neapoli valetudo abstulisset, indu-
bitatus populi Romani princeps excesserat. At nunc
exigui temporis adiectio fastigio illum suo depulit.
Vidit legiones in conspectu suo cæsas: & ex illo prælio,
in quo prima acies senatus fuit, quam infelices reli-
quæ sunt, imperatorem ipsum superfuisse! Vidit Æ-
gyptium carnificem, & sacrosanctum victoribus cor-
pus satelliti præstitit, etiam si incolumis fuisset pœni-
tentiam salutis acturus. quid enim erat turpius, quam
Pompeium viuere beneficio regis? 2) M. Cicero si ex

2. *Regis*) qui Regis enim beneficio viuit, seruus videtur: digna sane magnitudine Romana sententia.

tempore, quo Catilinæ sicas denitavit, quibus pariter cum patria petitus est, concidisset, liberata Rep. conservator eius: si denique filiae suae funus secutus fuisset, etiam tunc felix mori potuit. Non vidisset strictos in civilia capita mucrones: nec diuisa percussoribus occisorum bona, ut etiam de suo perirent: 3) non hastam consularia spolia vendentem: nec caedes, nec locata publice latrocinia, bella, rapinas, tantum Catilinarum. 4) Marcum Catonem si a Cypro & hereditariae regiae dispensatione redeuntem mare deuorasset, vel cum illa pecunia, quam afferebat civili bello stipendium, nonne illo bene actum foret? hoc certe secum tulisset, neminem ausurum coram Catone peccare. Nunc annorum adiectio paucissimorum, virum libertati non suae tantum, sed publicae natum, coëgit Caesarem fugere, Pompeium sequi. Nihil ergo mali immatura mors attulit illi: omnium etiam malorum remisit patientiam. Nimis tamen cito periit, & immaturus. Primum, puta illum superfuisse: comprehendere quantum plurimum procedere homini licet: quantulum est? Ad breuissimum tempus editi, cito cessuri loco, venienti in pactum hoc, prospicimus hospitium. 5) De nostris aetatibus loquor, quas incredibili celeritate conuolui constat. computa vrbium saecula, videbis quam non diu steterint, etiam quae vetustate gloriantur. Omnia humana breuis & caduca sunt, infiniti temporis nullam partem occupantia. Terram hanc cum populis, vrbibusque, & fluminibus, & ambitu maris, puncti loco ponimus, ad vniuersa referentes: minorem portionem aetas nostra,

3. De suo perirent) ipsi premium suae mortis essent. Sic Florus: misera Resp. in exitium suum merces erat. *Lips.*

4. Tantum Catilinarum) i. e. non vidisset tot vno tempore Catilinas. *Lips.*

5. Venienti in pactum hoc, prospicimus hospitium) h. e. liberis nostris hac conditione, in hanc lucem natos, huc venientes, excipimus.

quam puncti habet, si tempori compareretur omni. cuius maior est mensura quam mundi: utpote cum ille se intra huius spatium toties remetiat. Quid ergo interest id extendere, cuius quantumcumque fuerit incrementum, non multum aberit a nihilo? vno modo multum est quod vivimus: si satis est. Licet mihi vates, 6) & in memoriam traditæ senectutis viros nomines, centenos denosque percentesque annos: cum ad omne tempus dimiseris animum, nulla erit illa brevissimi longissimique ævi differentia, si inspecto quanto quis vixerit spatio, comparaueris quanto non vixerit. Deinde non immaturus decessit: vixit enim quantum debuit vivere. Nihil enim illi iam ultra supererat. Non vna hominibus senectus est, ut ne animalibus quidem. intra quatuordecim quædam annos defatigantur: & hæc illis longissima ætas est, quæ homini prima. dispar cuique vivendi facultas data est: nemo nimis cito moritur, qui victurus diutius quam vixit, non fuit. Fixus est cuique terminus: manebit semper ubi positus est: nec illum ulterius diligentia aut gratia promovebit: scit libenter illum ulterius diligentiam ex consilio perdidisse. 7) Tulit suum, ---- metasque dati peruenit ad aui. Non est itaque quod sic te oneres: Potuit diutius vivere. Non est interrupta eius vita, nec unquam se annis casus interiecit. soluitur quod cuique promissum est: cuncti vi sua fata, nec adiciunt quicquam, nec ex promisso semel demunt: frustra vota ac studia sunt. Habebit quisque quantum illi dies primus adscripsit. ex illo quo primum lucem vidit, iter mortis ingressus est, accessitque fato propior: & illi ipsi, qui adiciebantur ado-

6. Vates) Sibyllas longævas. Lips.

7. Scit libenter &c.) superflua hæc esse & idem iterare putat Lipsius, legi tamen posse putat: Si libeat nec illum interius diligentia & consilio perducet. Ut sensus sit vitam ut produci ita nec contrahi posse, fatali meta ipsi præfixa.

lescentiæ anni, vitæ detrahebantur. In hoc omnes errore versamur, ut non putemus ad mortem, nisi senes inclinatosque iam vergere: cum illo infantia statim, & iuuenta, omnisque ætas ferat. Agunt opus suum fata: nobis sensum nostræ necis auferunt: quoque facilius obrepat mors, sub ipso vitæ nomine latet. Infantem in se pueritia conuertit, pueritiam pubertas, pubertatem iuuentus, iuventutem senectus abstulit. Incrementa ipsa, si bene computes, damna sunt.

CAP. XXI. Queroris, Marcia, non tam diu vixisse filium tuum, quam potuisset? Vnde enim scis, an diutius illi expedierit? an illi hac morte consultum sit? Quem inuenire hodie potes, cuius res tam bene positæ sunt & fundatæ, ut nihil illi, procedenti tempore, timendum sit? Labuntur humana, ac fluunt: neque pars vitæ nostræ tam obnoxia aut tenera est, quam quæ maxime placet. Ideoque felicissimis optanda mors est: quia in tanta inconstantia turbaque rerum, nihil nisi quod præterit, certum est. Quis tibi recepit, illud pulcherrimum filii tui corpus, & summa pudoris custodia inter luxuriosæ vrbis oculos conseruatum, potuisse ita morbos euadere, ut ad senectutem formæ illæsum perferret decus?

CAP. XXII. Cogita animi mille labe. neque enim recta ingenia, qualem in adolescentia spem sui fecerant, vsque in senectutem pertulerunt: sed interversa plerumque sunt. Aut sera, eoque fœdior luxuria inuasit, & coëgit dehonestare speciosa principia: aut in popinam ventremque præcoquis summa¹⁾ illis curarum fuit, quid essent, quid biberent. Adice incendia, ruinas, naufragia, lacerationes medicorum ossa viuus legentium, & totas in viscera manus de-

1. *Præcoquis summa*) *præcoquis & summa* legit Lips. ut sensus sit: aut sera & fœda luxuria occupat aut præcoquis & in primis annis. Gronouius copulam omitendam, & distinguendam, illis autem præcoquis putat.

mittentium, & non simplici dolore pudenda curantium. Post hæc exilium. non fuit iunocentior filius tuus, quam Rutilius. Carcerem. non fuit sapientior, quam Socrates. Voluntario vulnere transfixum pectus. non fuit sanctior quam Cato. Cum ista perspexeris, scies optime cum his agi, quos natura, quia illos hoc manebat vitæ stipendium, cito in tutum recepit. Nihil est tam fallax, quam vita humana: nihil tam insidiosum. non mehercule quisquam accepisset, nisi daretur insciis. itaque si felicissimum est, non nasci: proximum puta, breuitate vitæ defunctos, cito in integrum restitui. Propone illud acerbissimum tibi tempus, quo Seianus patrem tuum clienti suo Satrio Secundo congiarium 2) dedit. Irascebatur illi ob vnum aut alterum liberius dictum, quod tacitus ferre non potuerat, Seianum in ceruices nostras nec imponi quidem, sed escendere. 3) Decernebatur illi statua in Pompeii theatro ponenda, quod exustum Cæsar reficiebat. Exclamauit Cordus. Tunc vere theatrum perire. Quis ergo non rumperetur, supra cineres Cn. Pompeii constitui Seianum, & in monumentis maximi imperatoris consecrari perfidum militem? consecratur. Subscriptio, 4) & acerrimi canes, quos ille, vt sibi vni mansuetos, omnibus feros haberet, sanguine humano pascebat, circumlatrare hominem, & illum imperatum, 5) incipiunt. Quid faceret? si viuere vellet, Seianus rogandus erat: si mori, filia. vterque inexorabilis: constituit filiam fallere. Vfus itaque balneo,

2. *Congiarium*) metaphora. vt donum solet in vino, pecunia dari; sic Seianus patrem tuum & res eius elargitus est Satrio. *Lips.*

3. *Nec imponi quidem, sed escendere*) h. e. non a principe & senatu, quibus hoc ius, imponi, sed ipsum vase ascendere. *Id.*

4. *Subscriptio*) Gronov. legit: *Consecratur subscriptione*. solennibus dedicationis accusationem Cordi additum dicens.

5. *Et illum imperatum*) h. e. iussi a Seiano Cordum circumlatrant. *Gronov.*

& quo plus virium poneret, 6) in cubiculum se quasi gustaturus contulit: & dimissis pueris, quædam per fenestram, ut videretur edisse, proiecit: a cœna deinde, quasi iam satis in cubiculo edisset, abstinuit: alteroque die, & tertio idem fecit. Quarto, ipsa infirmitate corporis faciebat indicium. Complexus itaque te, Carissima, inquit, filia, & hoc vnum, tota celata vita, iter mortis ingressus sum, & iam medium fere teneo, Reuocare me nec debes, nec potes. Atque ita lumen omne præcludi iussit, & se in tenebris condidit. Cognito consilio eius, publica voluptas erat, quod e faucibus audissimorum luporum educeretur præda. Accusatores, Seiano auctore, adeunt consulum tribunalia: queruntur mori Cordum, interpellantes quod coëgerant. 7) adeo illis Cordus videbatur effugere. Magna res erat in quæstione, an morte rei perderentur. 8) dum deliberatur, dum accusatores iterum adeunt, ille se absoluerat. Videsne, Marcia, quantæ iniquorum temporum vices ex inopinato ingruant? fies quod alicui tuorum mori necesse fuit? pæne non licuit.

CAP. XXIII. Præter hoc, quod omne futurum incertum est, & ad deteriora certius: facilius ad superos iter est, animis cito ab humana conuersatione dimissis. minus enim facis ponderisque traxerunt: antequam obducerentur, & altius terrena conciperent, liberati, leuiore ad originem suam reuolant, &

6. *Quo plus virium poneret*) quo maxime imminutis viribus excederet. Gronov.

7. *Interpellantes quod coëgerant*) interpellando impedituri ad quod faciendum sua crudelitate eum impulerant.

8. *Perderentur*) rectius *prohiberentur* Muret. & Gronov. nimirum quæstio agitata fuit, liceretne bonis & testamentis salvis iis mori? puto tamen resineri posse *perderentur*. nimirum eo præcipue tendebat quæstio, an voluntaria morte se eripere harpyis illis aliquis posset, & an proinde perderent reum tyranni.

facilius, quicquid est illud, absoluti transfluunt. 1) Nec unquam magnis ingeniis cara in corpore mora est, exire atque erumpere gestiunt, ægre has angustias ferunt, vagi per omne sublime, & ex alto affluenti humana despicere. Inde est quod Plato clamat: Sapientis animus totum in mortem prominere, hoc velle, hoc meditari, hac semper cupidine ferri in exteriora tendentem. Quid tu, Marcia, cum videres senilem in iuvene prudentiam, victorem omnium voluptatum animum, emendatum, carentem vitio, diuitias sine avaritia, honores sine ambitione, voluptates sine luxuria appetentem, diu tibi putabas illum sospitem posse contingere? Quicquid ad sumnum peruenit, ad exitum prope est. Bripit se aufertque ex oculis perfecta virtus: nec ultimum tempus expectant, quæ in primo maturuerunt. Ignis quo clarius fulsit, citius exstinguitur: viuacior est, qui cum lenta difficilique materia commissus, fumoque demersus, ex sordido lucet, eadem enim detinet causa, quæ maligne alit. sic ingenia quo illustriora, breuiora sunt. Nam ubi incremento locus non est, vicinus occasus est. Fabianus ait, quod nostri quoque parentes videre, puerum Romæ fuisse, statura ingentis viri: sed hic cito decessit; & morituum breui nemo non prudens dixit. non poterat enim ad illam ætatem peruenire, quam præceperat. Ita est indicium imminentis exitii maturitas, & appetit finis, ubi incrementa consumpta sunt.

CAP. XXIV. Incipe virtutibus illam, non annis æstimare: satis diu vixit. pupillus relictus, sub tutorum cura vsque ad decimum quartum annum fuit: sub matris tutela semper, cum haberet suos penates, relinquere tuos noluit. Adolescens statura, pulchritudine, cetero

1. Absoluti transfluunt) obsoleti illitque elidunt; ita restituit ex Codd. Mss Gronov.

corporis robore castris natus, militiam recusavit, ne a te discederet. Computa, Marcia, quam raro liberos videant, quæ in diuersis domibus habitant: cogita, tot illos perire annos matribus, & per solitudinem exigi, quibus filios in exercitu habent: scies multum patuisse hoc tempus, 1) ex quo nihil perdidisti. Nunquam a conspectu tuo recessit: sub oculis tuis studia formavit, excellentis ingenii, & æquaturum auum, nisi obstitisset verecundia, quæ multorum profectus silentio prefficit. Adolescens rarissimæ formæ, in tam magna mulierum turba viros corrumpentium, nullius spei se præbuit: & cum quarundam vsque ad tentandum peruenisset improbitas, erubuit, quasi peccasset, quod placuerat. Hac sanctitate morum effecit, ut puer admodum dignus sacerdotio videretur, materna sine dubio suffragatione; sed ne mater quidem nisi pro bono candidato valuisset. Harum in contemplatione virtutum filio iungere, tanquam si nunc ille tibi magis vacet. Nunc nihil habet quo auocetur: nunquam tibi solitudini, nunquam mœrori erit. Quod vnum ex tam bono filio poteras dolere, doluisti: cetera exempta casibus, plena voluptatis sunt, si modo uti filio scis, si modo quid in illo pretiosissimum fuerit, intelligis. Imago dumtaxat filii tui periit, & effigies non simillima: ipse quidem æternus, meliorisque nunc status est, dispoliatus oneribus alienis, & sibi relictus. Hæc quæ vides ossa circumuoluta nervis, & obductam cutem, vultumque, & ministras manus, & cetera quibus inuoluti sumus, vincula animorum tenebræque sunt. Obruitur his animus, offuscatur, inficitur, arcetur a veris & suis, in falsa coniectus: omne illi cum hac carne gravi certamen est, ne

1. Scies multum patuisse &c.) h. e. computatione istiusmodi instituta agnosces satis magnum esse istud tempus, ex quo nihil tibi periit, cum præsentem semper filium intueri tibi licuerit.

abstrahatur & fidat : nititur illo, vnde dimissus est : ibi illum æterna requies manet, e confusis crassisque pura & liquida visentem.

CAP. XXV. Proinde non est quod ad sepulcrum filii tui curras. pessima eius, & ipsi molestissima istie iacent, ossa cineresque : non magis illius partes quam vestes, aliaque tegumenta corporum. Integer ille, nihilque in terris relinquens, fugit, & totus excessit : paulumque supra nos cominoratus, dum expurgatur, & inhærentia vitia situmque omnis mortalis æui excutit, deinde ad excelsa sublatus, inter felices currit animas, excipitque illum cætus sacer, Scipiones, Catoresque, utique contemptores vitæ, & mortis beneficio liberi. Parens tuus, Marcia, illic nepotem suum, quamquam illic omnibus omne cognatum est, applicat sibi, noua luce gaudentem, & vicinorum siderum meatus docet : nec ex coniecturis, sed omnium ex vero peritus, in arcana naturæ libens ducit. Utque ignotarum vrbiū monstratus hospiti gratus est : ita sciscitanti cælestium causas, domesticus interpres. In profunda terrarum permittere aciem iuuat : delectat enim ex alto relictæ respicere. Sic itaque, Marcia, te gere, tanquam sub oculis patris filique posita, non illorum quos noueras, sed tanto excellentiorum, & in summo locatorum : crubescere quicquam humile aut vulgare, & mutatos in melius tuos flere. In æterna rerum per vasta & libera spatia dimissos, non illos interfusa maria discludunt, nec altitudo montium, aut imæ valles, aut incerta vada Syrtium. tramites omnia plani, & ex facili mobiles, & expediti, & inuicem peruii sunt, intermixtique sideribus.

CAP. XXVI. Puta itaque ex illa arce cælesti patrem tuum, Marcia, cui tantum apud te auctoritatis erat, quantum tibi apud filium tuum, non illo ingenio, quo ciuilia bella defleuit, quo proscribentes in æternum ipse proscripsit, sed tanto elatiore, quanto est

est ipse sublimior, dicere: Cur te, filia, tam longa tenet ægritudo? Cur in tanta veri ignorantia versaris, ut inique actum iudices cum filio tuo, quod in tedium versus vitæ, ipse ad maiores se recepit suos? Nescis quantis fortuna procellis disturbet omnia? quam nullis benignam facilemque se præstiterit, nisi qui minimum cum illa contraxerant? Regesne tibi nomine felicitissimos futuros, si maturius illos mors instantibus subtraxisset malis? An Romanos duces, quorum nihil magnitudini deerit, si aliquid ætati detraxeris? an nobilissimos viros clarissimosque ad idum militaris gladii composita ceruice formatos? Respice patrem atque avum ¹⁾ tuum. Ille in alieni percussoris venit arbitrium: Eo nihil in me cuiquam permisi, & cibo prohibitus ostendi, quam magno & quam viuaci animo scripsissem. Cur in domo nostra diutissime lugetur, qui felicissime moritur? Coinus in vnum omnes, videmusque vos alta nocte circumdari. Nil apud vos, ut putatis, optabile, nil excelsum, nil splendidum: sed humilia cuncta, & græua, & anxia, & quotam partem luminis nostri cernentia? Quid dicam, nulla hic arma mutuis furere concursibus, nec classes classibus frangi, nec parricidia aut fingi, ²⁾ aut cogitari, nec fora litibus strepere dies perpetuos: nihil in obscuro, detectas mentes, & aperta præcordia, & in publico medioque vitam, & omnis æui prospectum, euentumque? Iuuabat vnius sæculi me facta componere, in parte vltima mundi, & inter paucissimos gesta: tot sæcula, tot ætatum contextum & seriem, quicquid annorum est, licet visere. licet surrectura, licet ruitura regna prospicere, & magnarum urbium lapsus, & maris novos cursus. Nam si potest tibi solatio esse desiderii tui commune fatum, nihil quo stat loco stabit. omnia sternet, abducetque secum vetustas:

^{1.} *Patrem atque avum*) patrem Cremutium Cordum, avum qui idem in ciuili discordia forsitan petiit. *Lips.*

^{2.} *Fingi*) parari, strui.

nec hominibus solum, (quota enim ista fortuitæ potentæ portio est:) sed locis, sed regionibus, sed mundi partibus ludet: tot supprimet montes: & alibi rupes in altum nouas exprimet: maria sorbebit, flumina auertet: & commercio gentium rupto, societatem generis humani cœtusque dissoluet. Alibi hiatibus vastis subducet vrbes, tremoribus quatiet, & ex infimo pestilentia halitus mittet, & inundationibus, quicquid habitatur, obducet: necabitque omne animal orbe submerso, & ignibus vastis torrebit incendetque mortalia. Et cum tempus aduenerit, quo se mundus renouaturus exstinguat, viribus ista se suis cædent, & sidera sideribus incurrent, & omni flagrante materia, vno igne, quicquid nunc ex disposito lucet, ardebit. Nos quoque felices animæ, & æterna sortitæ, cum Deo visum erit iterum ista moliri, labentibus cunctis, & ipsæ parua ruinæ ingentis accessio, in antiqua elementa vertemur, Felicem filium tuum, Marcia, qui ista iam nouit.



L. ANNAEI SENECAE

DE PROVIDENTIA

SIVE

QVARE BONIS VIRIS MALA ACCI-
DANT CVM SIT PROVIDENTIA.

LIBER VNVS.

Argumentum & Ordo.

Aureus hic libellus est, & scriptum post Caligulam video ex Cap. iv. Ego mirmillonem, inquit, sub C. Cesare audiui de raritate munerum querentem. In praterito loquitur, & de homine ac tempore, quod fuit. Puto igitur sub Claudio, statim a reditu: imo quid si hac philosophica quadam in exilio? nam diu ibi basit, annos circiter octo, & iuste hoc elegerit, sibi solando. Argumentum enim est, Providentiam esse: nec obstare, quod bonis mala quadam, sed externa, obueniant. Primo igitur vniuerse illam asserit, a mundi motu, ordine, constantia: qua omnia rectorem clamant. Deinde ad Quaesitum proprie, Quare ergo mala bonis? Ait primo, Deum amare bonos; nec immittere igitur iis mala. Instar parentis dumtaxat castigare, & coercere. Deinde, non videri ea mala bonis: nec vinci iis, sed exerceri, & per aspera indurari. Deum velut agonothetam esse, & robustis his athleticis suis delectari. Haec ita communiter, & velut praeprans, ad Cap. iii. Ab eo magis distincte quinque rationes, cur eueniant, exsequi pergit. Primo, pro ipsis esse, quibus accidunt: secundo, pro vniuersis: tertio, volentibus euenire: quarto, euenire fato & aeterna lege. Primam rationem tractat Cap. iii. iv. docetque pro ipsis esse, sicut medicina pro agris. Indurantur etiam sic a Deo, qui se dignos producit in pugnam; alios viliiores, in otio & umbra habet. Secundam tractat Cap. v. pro
omni-

omnibus esse. Et viri boni, sic habiti, clament aliis & ostendant non esse Bona aut Mala, quæ vulgus putet. Ad vera igitur illa spectent; & illa petant, hac fugiant. Ibidem tertiam nescit, Volentes excipere: nam præbent se Deo & Fato. Quarta excipit, Fatum esse, & ab æterno constitutum, quid gaudeas doleasque. Denique repetit, mala hæc non esse: & Deum inducit pulcherrime adhortantem, & ad robur excitantem. Stoice in fine. Si piget & ferre cadet, quis tenet? patet ianua, exi.

CAPUT I.

QUÆSISTI a me, Lucili, quid ita, si Providentia mundus ageretur, multa bonis viris acciderent mala? Hoc commodius in contextu operis 1) redderetur, cum præesse vniuersis providentiam probarem, & interesse nobis Deum: sed quoniam a toto particulam reuelli placet, & vnam contradictionem manente lite integra 2) soluere: faciam rem non difficilem, causam deorum agam. Superuacuum est in præsentia ostendere, non sine aliquo custode tantum opus stare, nec hunc siderum certum discursum fortuiti impetus esse, & quæ casus incitat, sæpe turbari & cito arietare: 3) hanc inoffensam velocitatem procedere æternæ legis imperio, tantum rerum terræ marique gestantem, tantum clarissimorum luminum & ex dispositione lucentium: non esse materiæ errantis hunc ordinem: neque quæ temere coierunt, tanta arte pendere, ut terrarum grauissimum pondus sedeat immotum, & circa se properantis cæli fugam spectet; ut infusa vallibus maria molliant terras, nec vllum incrementum fluminum sentiant; ut ex minimis semini-

1. Contextu operis) quod desideramus. Siue seorsim de providentia scripsit: siue magno moralium operi inseruit, ubi a Deo & providentia orsus transit ad homines & virtutes. Lips.

2. Manente lite integra) h. e. primaria questione an detur providentia. Id.

3. Arietare) incutere in se & impedire. Id.

bus nascentur ingentia. Ne illa quidem quæ videntur confusa & incerta, pluuias dico nubesque, & elisorum fulminum iactus, & incendia ruptis montium verticibus effusa, tremores labantis soli, & alia quæ tumultuosa pars rerum circa terras mouet, sine ratione, quamuis subita sint, accidunt: sed suas & illa causas habent non minus, quam quæ alienis locis conspecta miracula sunt, vt in mediis fluctibus calentes aquæ, & noua insularum in vasto exsiliantium mari spatia. Iam vero si quis obseruauerit nudari littora pelago in se recedente, eademque intra exiguum tempus operiri, credet cæca quadam volutatione modo contrahi undas, & introrsum agi, modo erumpere, & magno cursu repetere sedem suam: cum illæ interim portionibus crescunt, & ad horam ac diem subeunt, ampliores minoresque, prout illas lunare sidus elicit, ad cuius arbitrium oceanus exundat. Suo ista temporis referuntur: eo quidem magis, quod tu non dubitas de prouidentia, sed quereris. In gratiam te reducam cum diis, aduersus optimos optimis. Neque enim rerum natura patitur, vt vnquam bona bonis noceant. Inter bonos viros ac Deum amicitia est, conciliante virtute. amicitiam dico? imo etiam necessitudo & similitudo: quoniam quidem bonus ipse tempore tantum a Deo differt, discipulus eius, æmulatorque, & vera progenies: quem parens ille magnificus, virtutum non lenis exactor, sicut seueri patres, durius educat. Itaque cum videris bonos viros acceptosque diis, laborare, sudare, per arduum ascendere, malos autem lasciuire, & voluptatibus fluere: cogita filiorum nos modestia delectari, vernularum licentia: illos disciplina tristiori contineri, horum ali audaciam. Idem tibi de Deo liqueat. bonum virum in deliciis non habet: 4) experitur, indurat, sibi illum præparat.

4. *In deliciis non habet*) h. e. non molliter educat, quod antea dicebat, lusu tantum & ioci vt vernulæ infernituros.

CAP. II. Quare multa bonis viris aduersa eueniunt? Nihil accidere bono viro mali potest. Non miscentur contraria. Quemadmodum tor amnes, tantum superne deiectionum imbrium, tanta medicamentorum vis fontium, non mutant saporem maris, nec remittunt quidem: ita aduersarum impetus rerum viri fortis non vertit animum. Manet in statu, & quicquid euenit, in suum colorem trahit. 1) Est enim omnibus externis potentior: nec hoc dico, non sentit illa: sed vincit, & alioquin quietus placidusque, contra incurrentia attollitur. Omnia aduersa, exercitationes putat. Quis autem, vir modo, & erectus ad honesta, non est laboris appetens iusti, & ad officia cum periculo promptus? cui non indutrisso otium pœna est? Athletas videmus, quibus virium cura est, cum fortissimis quibusque configere, & exigere ab his, per quos certamini præparantur, vt totis contra ipsos viribus vtantur. cædi se vexarique patiuntur: & si non inueniunt singulos pares, pluribus simul obiciuntur. Marcet sine aduersario virtus, tunc apparet quanta sit, quantum valeat, quantumque polleat, cum quid possit, patientia ostendit. Scias licet, idem viris bonis esse faciendum, vt dura ac difficilia non reformident, nec de fato querantur, quicquid accidit, boni consulant, in bonum vertant. Non quid, sed quemadmodum feras, interest. Non vides, quanto aliter patres, aliter matres indulgeant? illi excitari iubent liberos, ad studia obeunda mature, feriatibus quoque diebus non patiuntur esse oriosos, & sudorem illis, & interdum lacrimas, excutiant: at matres fouere in sinu, continere in vmbra volunt; nunquam flere, nunquam tristari, nunquam laborare. Patrium habet Deus aduersus bonos viros animum, & illos fortiter

1. In suum colorem trahit) nim. vt vitium rubrum paucas guttas albescentes sibi immixtas suo colore tingit. ita vir bonus in bonum vertit bene ferendo, bene interpretando omnia.

amat: &, Operibus, inquit, doloribus, ac damnis exagitantur, ut verum colligant robur. Languent per inertiam saginata: nec labore tantum, sed motu, 2) & ipso sui onere deficiunt. Non fert ullum ictum illæsa felicitas. at ubi assidua fuit cum incommodis suis rixa, callum per iniurias ducit, nec ulli malo cedit: sed etiam si ceciderit, de genu pugnat. 3) Miraris tu, si Deus ille bonorum amantissimus, qui illos quam optimos esse atque excellentissimos vult, fortunam illis cum qua exerceantur assignat? Ego vero non miror, si quando impetum capiunt spectandi magnos viros, colluctantes cum aliqua calamitate. Nobis interdum voluptati est, si adolescens constantis animi irruentem feram venabulo exceperit, si leonis incursum interritus pertulit: tantoque spectaculum est gratius, quanto id honestior fecit. Non sunt ista, quæ possunt deorum in se vultum conuertere, sed puerilia, & humanæ oblectamenta leuitatis. Ecce spectaculum dignum, ad quod respiciat intentus operi suo Deus: ecce par Deo dignum, vir fortis cum mala fortuna compositus, utique si & prouocauit. Non video, inquam, quid habeat in terris Iupiter pulchrius, si conuertere animum velit, quam ut spectet Catonem, iam partibus non semel fractis stantem nihilominus inter ruinas publicas rectum. Licet, inquit, omnia in vnius ditionem concesserint, custodiantur legionibus terræ, classibus maria, Cæsarianus portas miles obsideat: Cato, qua exeat, habet. Vna manu latam libertati viam faciet. ferrum istud, etiam civili bello purum & innoxium, bonas tandem ac nobiles edet operas. libertatem, quam patriæ non potuit, Catoni dabit. Aggredere anime diu meditatam opus; eripe

2. *Motu*) ipso etiam motu, nam omnis motus non labor est, alii tamen Codd. habent *mole*.

3. *De genu pugnat*) ut facere solent prolapsi, valde fatigati vel faucii.

te rebus humanis. Iam Petreius & Iuba 4) concurrerunt, iacentque alter alterius manu cæsi. Fortis & egregia fati conuentio: sed quæ non deceat magnitudinem nostram. tam turpe est Catoni, mortem ab illo petere, quam vitam. Liquet mihi, cum magno spectasse gaudio deos, cum iam ille vir, acerrimus sui vindex, alienæ salutis consulit, & instruit discedentium fugam: dum etiam studia nocte vltima tractat, dum gladium sacro pectori infigit, dum viscera spargit, & illam sanctissimam animam, indignamque quæ ferro contaminaretur, manu educit. Inde crediderim fuisse parum certum & efficax vulnus. 5) non fuit Diis immortalibus satis, spectare Catonem semel: re-tenta ac reuocata virtus est, vt in difficiliore parte se ostenderet. Non enim tam magno animo mors initur, quam repetitur. Quidni libenter spectarent alumnus suum, tam claro ac memorabili exitu euadentem? mors illos consecrat, quorum exitum & qui timent, laudant.

CAP. III. Sed iam procedente oratione ostendam, quam non sint quæ videntur, mala. Nunc illud dico, ista quæ tu vocas aspera, quæ aduersa & abominanda, primum pro ipsis esse, quibus accidunt; deinde pro vniuersis: quorum maior diis cura est, quam singulorum. Post hæc, volentibus accidere; ac dignos malo esse, si nolint. His adiiciam, fato ista fieri, & recte eadem lege bonis euenire, quæ sunt boni: persuadendo inde tibi, ne vnquam boni viri miserearis. potest enim miser dici, non potest esse. Difficillimum, ex omnibus

4. *Petreius & Iuba*) qui in partibus Pompeianis erant, rebusque omnibus desperatis inter se conueniebant, vt in proprios enses mutuo irruerent. vid. Dio, Florus, Lilius, Appianus.

5. *Parum certum & efficax vulnus*) nimirum, vt notum, vulnus gladio factum, manu deinde diduxit & viscera ex corpore protraxit sparsit, cum conualescere alias ex vulnere posse videretur.

quæ proposui, videtur quod primum dixi: pro ipsis esse quibus eueniunt ista, quæ horremus ac tremimus. Pro ipsis est, inquis, in exsilium proiici, in egestatem deduci liberos, coniugem efferre, ignominia affici, debilitari? Si miraris, hoc pro aliquo esse, miraberis quosdam ferro & igne curari, nec minus fame ac siti. Sed si cogitaueris tecum, remediî causa quibusdam & radi ossa & legi, & extrahi venas, & quædam amputari membra, quæ sine totius perniciæ corporis hæere non poterant: hoc quoque patieris probari tibi, quædam incommoda pro his esse, quibus accidunt, tam mehercules quam quædam quæ laudantur atque appetuntur, contra eos esse, quos delectauerunt: simillima cruditatibus, ebrietatibusque, & ceteris quæ necant per voluptatem. Inter multa magnifica Demetrii nostri, & hæc vox est, a qua recens sum. sonat adhuc, & vibrat in auribus meis. Nihil, inquit, mihi videtur infelicius eo, cui nihil vnquam euenit aduersi. Non licuit enim illi se experiri. Vt ex voto illi fluxerint omnia, vt ante votum: male tamen de illo dii iudicauerunt. indignus visus est, a quo vinceretur aliquando fortuna, quæ ignauissimum quemque refugit. quasi dicat: Quid ego istum mihi aduersarium assumam? statim arma submittet. non opus est in illum tota potentia mea: leui comminatione pelletur. non potest sustinere vultum meum. Alius circumspiciatur, cum quo conferre possimus manum: pudet congregi cum homine, vinci parato. Ignominiam iudicat gladiator, cum inferiore componi: & scit cum sine gloria vinci, qui sine periculo vincitur. Idem facit fortuna, fortissimos sibi pares quærit, quosdam fastidio transiit. Contumaciissimum quemque & rectissimum aggreditur, aduersus quem vim suam intendat. Ignem experitur in Mucio, paupertatem in Fabricio, exsilium in Rutilio, tormenta in Regulo, venenum in Socrate, mortem in Catone.

Magnum

Magnum exemplum, nisi mala fortuna, non inuenit. Infelix est Mucius, quod dextera ignes hostium premit, & ipse a se exigit erroris sui pœnas? quod Regem, quem armata manu non potuit, exusta fugat? Quid ergo? felicior esset, si in sinu amicæ foueret manum? Infelix est Fabricius, quod rus suum, quantum a repub. vacauit, fodit? quod bellum tam cum Pyrrho, quam cum diuitiis gerit? quod ad focum cœnat illas ipsas radices, & herbas, quas in agro repurgando triumphalis senex vulsit? Quid ergo? felicior esset, si in ventrem suum longinquæ littoris pisces, & peregrina aucupia congereret? si conchyliis superi atque inferi maris, pigritiam stomachi nausæantis erigeret? si ingenti pomorum strue cingeret primæ formæ 1) feras, captas multa cæde venantium? Infelix est Rutilius, quod qui illum damnauerunt, causam dicent omnibus sæculis? quod æquiore animo passus est se patriæ eripi, quam sibi exsilium? 2) Quod Sullæ dictatori solus aliquid negauit, & reuocatus non tantum retro cessit, sed longius fugit? Viderint, inquit, isti, quos Romæ deprehendit felicitas tua. Videant largum in foro sanguinem, & supra Seruilium lacum (id enim proscriptionis Sullanæ spoliarium est) senatorum capita, & passim vagantes per urbem percussorum greges: & multa millia ciuium Romanorum, vno loco post fidem, 3) imo per ipsam fidem, 4) trucidata. Videant ista, qui exulare non possunt. Quid ergo? felix est L. Sulla, quod illi descendenti ad forum gladio submouetur, quod capita consularium virorum patitur appendi, &

1. *Primæ formæ*) h. e. conspicuæ magnitudinis.

2. *Quam sibi exsilium*) Syllæ enim patriæ eum reddere cupienti obnixus, exsilium vltro tenuit nec eripere adeo sibi passus est.

3. *Post fidem*) nam dediticii erant. *Lips.*

4. *Per ipsam fidem*) quia sic induxit vt arma ponerent, alioqui cædi non ita faciles. *Id.*

precium cædis per quæstorem ac tabulas publicas numerat? & hæc omnia facit ille, qui legem Corneliam 5) tulit. Veniamus ad Regulum. quid illi fortuna nocuit, quod illum documentum fidei, documentum patientiæ fecit? Figunt eutem clavi, & quocunque fatigatum corpus reclinauit, vulnere incumbit, & in perpetuam vigiliam suspensa sunt lumina. Quanto plus tormenti, tanto plus erit gloriæ. Vis scire, quam non pœniteat hoc pretio æstimasse virtutem? Refice tu illum, & mitte in senatum: eandem sententiam dicet. Feliciorum ergo tu Mecenatem putas, cui amoribus anxio, & morosæ vxoris quotidiana repudia deflenti, somnus per symphoniarum cantum, ex longinquo lene resonantium, queritur? Maro se licet sopiat, & aquarum fragoribus auocet, & mille voluptatibus mentem anxiam fallat: tam vigilabit in pluma, quam ille in cruce. Sed illi solatium est, pro honesto dura tolerare, & ad causam a patientia respicit: hunc voluptatibus marcidum, & felicitate nimia laborantem, magis his quæ patitur vexat causa patiendi. Non vsque eo in possessionem generis humani vitia venerunt, ut dubium sit, an electione fati data, plures Reguli nasci, quam Mecenates velint. Aut si quis fuerit, qui audeat dicere, Mecenatem se quam Regulum nasci maluisse: idem iste, taceat licet, nasci se Terentiam 6) maluit. Male tractatum Socratem iudicas, quod illam potionem publice mixtam, non aliter quam medicamentum immortalitatis obduxit, & de morte disputauit vsque ad ipsam? male cum illo actum est, quod gelatus est sanguis, ac paulatim frigore inducto venarum vigor constitit? Quanto magis huic inuidendum est,

5. *Corneliam*) de Sicariis, ipse eorum caput. *Lips.*

6. *Terentiam*) vxorem Mecenatis. Ille (facete inquit) ita mollis, ut nec virum se, sed Tiresia suffragante seminam malit. *Lips.*

quam illis quibus gemina ministratur, quibus exoletus omnia pati doctus, exsectæ virilitatis, aut dubiæ, suspensam 7) auro niuem diluit? Hi quicquid biberint, vomitu remetientur tristes, & bilem suam regustantes: at ille, venenum latus & libens hauries. Quod ad Catonem pertinet, satis dictum est: summamque illi felicitatem contigisse, consensus hominum fatebitur. quem sibi rerum natura delegit, cum quo metuenda collideret. Inimicitia potentum graues sunt? opponatur simul Pompeio, Cæsari, Crasso. Graue est, a deterioribus honore anteiri? Vatinio postferatur. Graue est, ciuilibus bellis interesse? toto terrarum orbe pro causa bona tam infelicitè, quam pertinaciter, militet. Graue est, sibi manus afferre? faciat. Quid per hoc consequar? vt omnes sciant, non esse hæc mala, quibus ego dignum Catonem putauì.

CAP. IV. Prospera in plebem ac vilia ingenia deueniunt: at calamitates terroresque mortalium subiugum mittere, proprium magni viri est. Semper vero esse felicem, & sine morfu animi transire vitam, ignorare est rerum naturæ alteram partem. Magnus es vir: sed vnde scio, si tibi fortuna non dat facultatem exhibendæ virtutis? Descendisti ad Olympia: si nemo præter te, coronam habes, victoriam non habes. Non gratulor tanquam viro forti, sed tanquam consulatum præturamque adepto. honore auctus es. Idem dicere & bono viro possum, si illi nullam occasionem difficilior casus dedit, in qua vna vim sui animi ostenderet. Miserum te iudico, quod nunquam fuisti miser, transisti sine aduersario vitam. Nemo sciet, quid potueris: ne tu quidem ipse. Opus est enim ad notitiam sui, experimento. quod quisque posset, nisi tentando non didicit. Itaque quidam vltro se cessantibus malis obtulerunt, & virtuti ituræ in obscurum occasionem,

7. *Suspensam*) in manibus ministri, suspensum aurum tenentis.

per quam enitesceret, quæsierunt. Gaudent, inquam, magni viri aliquando rebus aduersis, non aliter quam fortes milites bellis. Ego myrmillonem sub C. Cæsare de raritate munerum 1) audiui querentem: Quam bella, inquit, ætas perit! Apida est periculi virtus, & quo tendat, non quid passura sit, cogitat: quoniam & quod passura est, gloriæ pars est. Militares viri gloriantur vulneribus, læti fluentem meliori casu sanguinem 2) ostentant. Idem licet fecerint qui integri reuertuntur ex acie, magis spectatur qui saucius redit. Ipsis inquam Deus consulit, quos esse quam honestissimos cupit, quoties illis materiam præbet aliquid animose fortiterque faciendi: ad quam rem opus est aliqua rerum difficultate. Gubernatorem in tempestate, in acie militem intelligas. Vnde possum scire, quantum aduersus paupertatem tibi animi sit, si diuitiis diffinis? vnde possum scire, quantum aduersus ignominiam & infamiam, odiumque populare, constantiæ habeas, si inter plausus senescis? si te inexpugnabilis, & inclinatione quadam mentium pronus fauor sequitur? Vnde scio, quam æquo animo laturus sis orbitatem, si, quoscumque sustulisti, vides? Audiui te cum alios consolareris: tunc conspexissem, si te ipsa consolatus esses, si te ipse dolere vetuisses. Nolite, obsecro vos, expauescere ista, quæ dii immortales velut stimulos admovent animis. Calamitas, virtutis occasio est. Illos merito quis dixerit miseros, qui nimia felicitate torpescunt, quos velut in mari lento tranquillitas iners detinet. Quicquid illis inciderit, nouum veniet, magis vrgent sæua inexpertos, graue est feræ ceruici iugum. Ad suspicionem vulneris tiro pallefcit: audaciter veteranus cruorem suum

1. *Munerum*) h. e. spectaculorum publicorum, in quibus gladiatores committebantur.

2. *Fluentem meliori casu sanguinem*) meliori casu, quippe qui ex vulnere lethali & ictu mortifero non sit. Gronov.

ſpectat, qui ſcit ſe ſæpe viciffie poſt ſanguinem, Hoſ itaque Deus, quos probat, quos amat, indurat, recognoſcit, exercet, eos autem quibus indulgere videtur, quibus parcere, molles venturis malis ſeruat. Erratis enim, ſi quem iudicatis exceptum: veniet ad illum diu felicem ſua portio. Quisquis videtur dimiſſus eſſe, dilatus eſt. Quare Deus optimum quemque aut mala valetudine, aut aliis incommodis, afficit? Quare in caſtris quoque periculofa fortiffimis imperantur? Dux leſtiſſimos mittit, qui nocturnis hoſtes aggrediantur inſidiis, aut explorent iter, aut præſidium loco deiſciant. Nemo eorum qui exeunt, dicit, Male de me imperator meruit: ſed, Bene iudicavit, Idem dicant quicumque iubentur pati timidis ignavisque ſtebilia: Digni viſi ſumus Deo, in quibus experiretur, quantum humana natura poſſet pati. Fugite delicias, fugite eneruatam felicitatem, qua animi permadeſcunt, niſi aliquid interuenit, quod humanæ fortis admoneat, velut perpetua ebrietate ſopiti. Quem ſpecularia 3) ſemper ab adſtatu vindicarunt, cuius pedes inter fomenta ſubinde mutata tepuerunt, cuius cœnationes ſubditus & parietibus circumſuſus calor temperavit, hunc levis aura non ſine periculo ſtringet. Cum omnia, quæ exceſſerunt modum, noceant; periculofiffima felicitatis intemperantia eſt. Mouet cerebrum, in vanas mentem imagines euocat, multum inter falſum ac verum mediæ caliginis fundit. Quidni fatius ſit, perpetuam infelicitatem quæ aduocat ad virtutem ſuſtinere, quam infinitis atque immodicis bonis rumpi? Lenior ieiuio 4) mors eſt: cruditate diſſiliunt:

3) *Specularia*) lapides pellucenſes, quorum olim idem uſus in feneftris qui apud nos vitri.

4) *Ieiunio*) rectius *ieiunio*, ſc. qui ieiuio pereunt, morte leni & quem vix ſentiant intereunt; contra qui ex intemperantia & filia eius cruditate moriuntur, mortem ſentiunt toto corpore, membris diſſolutis, & quaſi abiunctis, hoc eſt diſſiliunt, *Græcor.*

Hanc

Hanc itaque rationem dii sequuntur in bonis viris, quam in discipulis suis præceptores: qui plus laboris ad his exigunt, in quibus certior spes est. Nunquid tu inuisos esse Lacedæmoniis liberos suos credis, quorum experiuntur indolem publice verberibus admotis? ipsi illos patres adhortantur, ut ictus flagellorum fortiter perferant, & laceros ac semianimes rogant, persequerent vulnera præbere vulneribus. 5) Quid mirum, si dure generosos spiritus Deus tentat? nunquam virtutis molle documentum est. Verberat nos & lacerat fortuna? patiamur. non est sæuitia: certamen est. quo sæpius adierimus, fortiores erimus. Solidissima pars est corporis, quam frequens usus agitauit. Præbendi fortunæ sumus, ut contra ipsam ab ipsa duremur. Paullatim nos sibi pares faciat. contemptum periculorum assiduitas periclitandi dabit. Sic sunt nauticis corpora, ferendo mari dura: agricolis, manus trite: ad excutienda tela, militares lacerti valent: agilia sunt membra cursoribus. Id in quoque solidissimum est, quod exercuit. Ad contemnendam malorum potentiam, animus patientia peruenit: quæ quid in nobis efficere possit, scies, si adspexeris, quantum nationibus nudis & inopia fortioribus, labor præstet. Omnes considera gentes, in quibus Romana pax desinit: 6) Germanos dico, & quicquid circa Istrum vagarum gentium 7) occurrat. Perpetua illos hiems, triste cælum premit, maligne solum sterile sustentat, imbrem eulmo aut fronde defendunt, super durata glacie stagna persultant, in alimentum feras captant. Miseri tibi videntur? nihil miserum est, quod in naturam consuetudo perduxit. paullatim enim voluptati sunt,

5. *Vulnera præbere vulneribus*) id est cutem iam laceram scissamque nouæ præbere lacerationi.

6. *In quibus Romana pax desinit*) i. e. quæ in Romanorum potestate non sunt, ut adeo bella cum iis sint gerenda.

7. *Vagarum gentium*) quales Scythæ, Sarmatæ, Hamaxobii, quæ

quæ necessitate cœperunt. Nulla illis domicilia, nullæ sedes sunt, nisi quas lassitudo in diem posuit; vilis, & hic quærendus manu victus; hœrrenda iniquitas cœli, intacta corpora: hoc quod tibi calamitas videtur, tot gentium vita est. Quid miraris bonos viros, vt confirmentur, concuti? Non est arbor solida, nec fortis, nisi in quam frequens ventus incurSAT: ipsa enim vexatione constringitur, & radices certius figit. Fragiles sunt, quæ in aprica valle creuerunt. Pro ipsis ergo bonis viris est, vt esse interriti possint, multum inter formidolosa versari, & æquo animo ferre quæ non sunt mala, nisi male sustinenti.

CAP. V. Adiice nunc, quod pro omnibus est, 1) optimum quemque, vt ita dicam, militare, & edere operas. Hoc est propositum Deo, quod sapienti viro, ostendere hæc quæ vulgus appetit, quæ reformidat, nec bona esse nec mala; apparebunt autem bona esse, si illa non nisi bonis viris tribuerit, & mala esse, si malis tantum irrogauerit. Detestabilis erit cæcitas, si nemo oculos perdiderit, nisi cui eruendi sunt. Itaque careant luce Appius & Metellus. 2) Non sunt diuitiæ bonum. Itaque habeat illas & Ellius leno: vt homines pecuniam cum in templis consecrauerint, videant & in fornice. Nullo modo magis potest Deus concupita traducere, quam si illa ad turpissimos desert, ab optimis abigit. At iniquum est, bonum virum debilitari, aut configi, aut alligari, malos integris corporibus solutos ac delicatos incedere. Quid porro? non est iniquum, fortes viros arma sumere, & in castris pernoctare, & pro vallo obligatis stare vulneribus; interim in vrbe securos esse, percisos 3) & profectos

1. *Quod pro omnibus est*) secunda pars scripti, iuxta partitionem supra sub init. c. 3. factam.

2. *Appius & Metellus*) quierant viri boni, vt adeo cæcitas, quæ ipsis obuenit, malum esse nequeat.

3. *Percisos*) ad fœdos illos referendum de quibus Martialis: *Pervidi gaudes, percisus Papile ploras, Lips.*

impudicitiam? Quid porro? non est iniquum, nobilissimas virgines 4) ad sacra facienda noctibus excitari, altissimo somno inquietas frui? Labor optimos citat. Senatus per totum diem sæpe consulitur. cum illo tempore vilissimus quisque, aut in campo otium suum oblectet, aut in popinalateat, aut tempus in aliquo circulo terat. Idem in hac magna republica fit. boni viri laborant, impendunt, impenduntur, 5) & volentes quidem: non trahuntur a fortuna, sequuntur illam, & æquant gradus. si scissent, 6) antecessissent. Hanc quoque animosam Demetrii fortissimi viri vocem audisse me memini: Hoc vnum, inquit, dii immortales, de vobis queri possum, quod non ante mihi voluntatem vestram notam fecistis. Prior enim ad ista venissem, ad quæ nunc vocatus adsum. Vultis liberos sumere? illos vobis sustuli. Vultis aliquam partem corporis? sumite. Non magnam rem promitto. cito totum relinquam. Vultis spiritum? Quid ni? nullam moram faciam, quominus recipiatis, quod dedistis, a volente feretis, quicquid petieritis. Quid ergo est? maluissem offerre, quam tradere. Quid opus fuit auferre? accipere potuistis. sed ne nunc quidem auferetis: quia nihil eripitur, nisi retinenti. Nihil cogor, nihil patior inuitus: nec serui Deo, sed assentio. eo quidem magis, quod scio omnia certa & in æternum dicta lege decurrere. Fata nos ducunt, & quantum cuique restet, prima nascentium hora disposuit. Causa pendet ex causa, priuata ac publica longus ordo rerum trahit. Ideo fortiter omne ferendum est: quia non, ut putamus, incidunt cuncta, sed veniunt.

4. *Nobilissimas virgines*) Vestales, quas genere patricio fama integra oportebat esse.

5. *Impendunt, impenduntur*) argute: non solum sua sed se ipsos impendant.

6. *Si scissent*) si potuissent. quamvis & sequentia ita interpretari suadeant, modo sciissent, fortuna consilia ipsi ultro fecissent & præuenissent eius nutus.

Olum constitutum est, quid gaudeas, quid fleas: & quamvis magna videatur varietate singulorum vita distingui, summa in vnum venit, accepimus peritura perituri. Quid ita indignamur? quid querimus? ad hoc parati sumus. Utatur, ut vult, suis natura corporibus: nos læti ad omnia & fortes cogitemus, nihil perire de nostro. Quid est boni viri? præbere se fato. Grande solatium est, cum vniuerso rapi. Quicquid est quod nos sic viuere iussit, sic mori: eadem necessitate & deos alligat. irreuocabilis humana pariter ac diuina cursus vehit. Ille ipse omnium conditor ac rector scripsit quidem fata, sed sequitur. semper parer, semel iussit. Quare tamen Deus tam iniquus in distributione fati fuit, ut bonis viris paupertatem, vulnera, & acerba funera adscriberet? Non potest artifex mutare materiem: hæc passa est. Quædam separari a quibusdam non possunt, cohærent, individua sunt. Languida ingenia, & in somnum itura, aut in vigiliam somno simillimam, inertibus nectuntur elementis: ut efficiatur vir cum cura dicendus, fortiore fato 7) opus est. Non erit illi planum iter: sursum oportet ac deorsum eat, fluctuetur, ac nauigium in turbido regat. contra fortunam illi tenendus est cursus. Multa accident dura, aspera, sed quæ molliat & complanet ipsæ. Ignis aurum probat, miseria fortes viros. Vide quam alte ascendere debeat virtus: scies illi non per secura vadendum esse.

Ardua prima via est, & qua vix mane recentes

Enituntur equi: medio est altissima celo:

Vnde mare & terras ipsi mibi sæpe videre

Fit timor, & pauida trepidat formidine pectus.

Vltima prona via est, 8) & eget moderamine certo.

Tunc etiam, qua me subieclis excipit undis,

Ne ferar in præceps, Tethys solet ipsa vereri.

7. Fortiore fato) quod nascatur scilicet ex materia non inerti neciacente, acrioribusque elementis. Lips.

8. Prona via est) demergens & inclinata. Lips.

Hæc

Hæc cum audisset ille generosus adolescens, 9) Placer, inquit, via. escendo, est tanti per ista ire casuro. Non desunt acrem animum metu territare :

*Vtque viam teneas, nulloque errore trabaris,
Per tamen aduersi gradieris cornua tauri,
Æmoniosque arcus, violentique ora leonis.*

Post hæc ait *Iunge datos currus.* his quibus deterreri me putas, incitor : libet illic stare, vbi ipse sol trepidat. humilis & inertis est, tuta sectari : per alta virtus it.

CAP. VI. Quare tamen bonis viris patitur aliquid mali Deus fieri? ille vero non patitur. Omnia mala ab illis remonit, scelera & flagitia, & cogitationes improbas, & anida consilia, & libidinem cæcam, & alieno imminentem auaritiam : ipsos tuctur ac vindicat. Nunquid hoc quoque a Deo aliquis exigit, vt bonorum virorum etiam sarcinas seruet? remittunt 1) ipsi hanc Deo curam : externa contemnunt. Democritus diuitias proiecit, onus illas bonæ mentis existimans : quid ergo miraris, si id Deus bono accidere, patitur, quod vir bonus aliquando vult sibi accidere? Filios amittunt viri boni. quidni, cum aliquando & ipsi occidant? In exilium mittuntur. quidni, cum aliquando ipsi patriam non repetituri relinquunt? Occiduntur. quidni, cum aliquando ipsi sibi manus afferant? Quare quædam dura patiuntur? vt alios pati doceant. nati sunt in exemplar. Puta itaque Deum dicere : Quid habetis, quod de me queri possitis vos, quibus recta placuerunt? Aliis bona falsa circumdedi, & animos inanes velut longo fallacique somnio lusi. auro illos, argento & ebore ornaui : intus boni nihil est. Isti, quos pro felicibus aspicitis, si non qua occurrunt, sed qua latent, videritis, miseri sunt, sordidi, turpes, ad similitudinem parietum suorum extrinsecus

9. Ille generosus adolescens) Phaëthon.
1. Remittunt) non exigunt a Deo,

culti. Non est ista solida & sincera felicitas: crusta est, & quidem tenuis. Itaque dum illis licet stare, & ad arbitrium suum ostendi, nitent & imponunt: cum aliquid incidit, quod disturbet ac detegat, tunc apparet quantum altæ ac veræ fœditatis alienus splendor absconderit. Vobis dedi bona certa, mansura: quanto magis versaueritis, & vndique inspexeritis, meliora, maioraque. Permissi vobis, metuenda contemnere, cupiditates fastidire, non fulgetis extrinsecus: bona vestra introrsus obuersa sunt. Sic mundus exteriora contempsit, spectaculo sui lætus. Intus omne posui bonum: non egere felicitate, felicitas vestra est. At multa incidunt tristia, horrenda, dura toleratu. Quia non poteram vos istis subducere, animos vestros adversus omnia armaui. Ferte fortiter: hoc est, quo Deum antecedatis. ille extra patientiam malorum est, vos supra patientiam. Contemnite paupertatem: nemo tam pauper viuit, quam natus est. Contemnite dolorem: aut soluetur, aut soluet. 2) Contemnite fortunam: nullum illi telum quo feriret animum, dedi. Contemnite mortem: quæ vos aut finit, aut transfert. 3) Ante omnia caui, ne quis vos teneret inuitos. patet exitus. Si pugnare non vultis, licet fugere. Ideoque ex omnibus rebus, quas esse vobis necessarias volui, nihil feci facilius, quam mori. Prono animam loco posui: trahitur. 4) Attendite modo, & videbitis, quam brevis ad libertatem, & quam expedita, ducat via. Non tam longas in exitu vobis, quam intrantibus, moras posui: alioqui inagnum in vos regnum fortuna tenuisset, si homo tam tarde moreretur, quam nascitur. Omne tempus, omnis vos locus doceat,

2. *Aut soluetur aut soluet*) aut dolor soluetur & cessabit, aut soluet vos & hac vita educet.

3. *Aut finit aut transfert*) finit, si pereunt animæ, transfert, si manent & ad sidera sua eunt.

4. *Trahitur*) lapsura proinde sponte si non trahatur.

tom. I.

Q

quam

quam facile sit renunciare naturæ, & munus suum illi impingere. 5) Inter ipsa altaria & sollemnes sacrificantium ritus, dum optatur vita, mortem condiscite. Corpora opima taurorum exiguo concidunt vulnere, & magnarum virium animalia humanæ manus ictus impellit, tenui ferro commissura ceruicis abrumpitur: & cum articulus ille, qui caput collumque connectit, incisus est, tanta illa moles corruit. Non in alto latet spiritus, nec utique ferro eruendus est: non sunt vulnere impresso penitus scrutanda præcordia: in proximo mors est. Non certum ad hos ictus destinaui locum: quacumque peruium est. Ipsum illud quod vocatur mori, quo anima discedit a corpore, breuius est, quam ut sentiri tanta velocitas possit. Siue fauces nodus elisit, siue spiramentum aqua præcluserit; siue in caput lapsos subiacentis soli duritia comminuit; siue haustus ignis cursum animæ remeantis interseidit: quicquid est, properat. Ecquid erubescitis? quod tam cito fit, timetis diu?

5. *Impingere*) quod fit, cum velut indignantes abimus & vitam prolicimus. *Lips.*



L. ANNAEI SENECAE.
AD SERENVM DE TRAN-
QVILLITATE ANIMI

LIBER.

Argumentum & Ordo.

ET hic libellus inter viles, & materie ac tractatu insignes. Scriptus est initio relictus sui ab exilio, cum ad Aulam, & Neroni instituendo, admotus fuit. Hoc apparet ex Capitis 1. verbis: Circumsudis me ex longo frugalitatis sisu venientem multo splendore luxuria, & undique circumsonuit. Luxuriam in aula tangit, ignotam sibi antea & inuisam, Ordo in scripto confusus est, imo vix est: & traiectio, aut defectus, nisi fallor, in multis apparet. Summarium tamen hoc est. Occasus scribendi a sua inconstantia, & quod animi semper pendeat, parum firmi in alterutra parte, aut quieti. Hoc ait illorum esse, qui in via sunt ad Sapientiam; sed nondum peruenierunt, nec fructum eius gustant, Tranquillitatem. O magnum bonum! & quid ea est? describit. Quomodo perueniam? Inconstantiam fugiendo. Quid igitur ea? & hanc graphice describit. Ea pellitur variis remediis, primum Occupatione: eaque vel Publica, si tempora & indoles tua serent: vel Privata, ut in optimis studiis meditationibusque versere. Non tamen subito a Rep. fugiendum: multas eius partes esse, & unam aliquam licere amplecti. Hac usque ad Cap. IV. Tum addit, Si ad negotia imus, tria consideranda: Nos ipsos, Negotium, Homines quorum causa, aut cum quibus, actitamus. In Nobis, aestimandas Vires, quid & quatenus possimus, neque ultra tendamus. In Negotiis, an nos iis pares? item an non cetera eorum sit, & longius ducent. regressus semper liberos

habendos. In Hominibus, an digni illi labore nostro, & temporis impendio? non sunt autem Vani, Ambitiosi, nec in seria vlla re occupati. Deinde Cap. VII. parum coherentem addit, Amicum inprimis fidum tranquillitati & oblectamento facere: sed qui ingenio tristi non sit, & omnia accusanti. Iterum non optimus textus, & Cap. VIII. de Patrimoniorum modo, ea nec magna, nec nulla Tranquillitati apta; sed media: & qua parcimonia producantur. Luxus autem vitandus, etiam in vtilibus vite instrumentis, Et Bibliotheca & libris. Post hac etiam saltus, Cap. X. & Molestias in omni vita intervenire: sed Consuetudine molliri, tum Adspectu aliena sortis, qua saepe deterior. Item Cupiditates non longe mittendas, sed ad propinqua, aut facilia prebendi. Atque hac Proficienti & Tironi præcipit: nam Sapienti non opus, qui pugnat, imo vincit omnem fortunam. Quam talem & talem præcogitat, & ipsa praevisio mollit aut frangit. Hac adusque Cap. XII. Ab eo alia tractatiuncula, Non esse in Superuacuis laborandum, neque (quantum potest) in Alienis. Democriti caeleste præceptum inculcat: Nec priuatim, nec publice, multa agi. Iam Cap. XIV. a Leuitate arcet, itemque Pertinacia: id est, neque assidue in vita mutare: nec si male elegeris, præfracte inherere. Omnia autem æquo, ac pæne bilari oculo adspicere. Quid enim vita, nisi mimus? Postremo Simulatio (Cap. XVI.) fugienda, & anxii sui compositio: simplicitas assumatur, & interdum hilaritas, atque etiam conuiuia aut liberalior potus. Mergit hoc curas, & animum liberat atque attollit. In fine claudit, dixisse se, Quæ Tueri Tranquillitatem possint, quæ Restituere: ex quibus videas partitionem quæ fuit, sed mehercules nunc non exstat. Itaque & multa Seneca, in partibus laudatum opusculum est; ordo vniuersi labat. atque id iniuria temporum, aut exscriptorum.

CAPVT I.

INquirenti mihi in me quædam vitia apparebant, Seneca, 1) in aperto posita, quæ manu prenderem, quædam obscuriora, & in recessu, quædam non continua, sed ex intervalis redeuntia: quæ vel molestissima dixerim, vt hostes vagos, & ex occasione affilientes, per quos neutrum licet, nec tanquam in bello paratum esse, nec tanquam in pace securum. Illum tamen habitum in me maxime deprehendo (quare enim non verum vt medico fatear?) nec bona fide liberatum iis, quæ timebam & oderam, nec rursus obnoxium. In statu vt non pessimo, ita maxime querulo & moroso positus sum: nec ægroto, nec valeo. Non est quod dicas, omnium virtutum tenera esse principia, tempore ipsis duramentum & robur accedere. Non ignoro, etiam, quæ in speciem 2) laborant, dignitatem dico, & eloquentiæ famam, & quidquid ad alienum suffragium venit, 3) mora conualescere: & quæ veras vires parant, & quæ ad placendum furo quodam subornantur, exspectant annos, donec paulatim colorem diuturnitas ducat: sed ego vereor, ne consuetudo, quæ rebus affert constantiam, hoc vitium in me altius figat. Tam bonorum, quam malorum, longa conuersatio amorem induit. Hæc animi inter vtrumque dubii, nec ad recta fortiter, nec ad praua vergentis, infirmitas qualis sit, non tam semel tibi possum, quam per partes ostendere.

1. Seneca) Gronov. in primo capite loquentis Annæi Sereni, cui hic libellus dicatus est, personam induci putat, quod & a Cicerone factum deprehenditur, qui sæpe loquentes repræsentat in libris suis eos, quibus eos inscripserat. Quantum video non male.

2. In speciem) explicant: quæ laborant in ostentationem, sicut ambitio quæ vt dignitatem, & eloquentiam quæ vt famam assequatur laborat. Sed verior forsitan lectio est in speciem. Gronov.

3. Ad alienum suffragium venit) ab aliorum iudiciis pender-

Dicam quæ accidunt mihi: tu morbo nomen inuenies. Tenet me summus amor parcimoniæ, fateor. placet non in ambitionem cubile compositum, non ex arcula 4) prolata vestis, non mille ponderibus aut tormentis splendere cogentibus pressa: sed domestica, & vilis, nec seruata, nec sumenda sollicitè. Placet cibus, quem nec parent 5) familiæ, nec spectent: 6) non ante multos imperatus dies, 7) nec multorum manibus ministratus, sed parabilis facilisque, nihil habens accersiti pretiosius, vbilibet non defuturus, nec patrimonio grauis, nec corpori, nec redditurus qua intrauerat. Placet minister incultus & rudis vernula; argentum graue rustici patris, sine vlllo opere & nomine artificis; & mensa non varietate macularum conspicua, nec per multas elegantium dominorum successiones ciuitati nota: sed in vsum posita, quæ nullius conuiuæ oculos nec voluptate moretur, nec accendat inuidia. Cum bene ista placuerunt, præstringit animum apparatus alicuius pædagogii, 8) diligentius, quam in tralatu 9) vestita, & auro culta mancipia, & agmen seruorum nitentium. Iam domus etiam qua calcatur preciosa, & diuitiis per omnes angulos dissipatis, testa ipsa fulgentia, & affectator comesque patrimoniorum pereuntium populus. Quid perlucet ad imum aquas, & circumfluentes ipsa

4. *Ex arcula*) in quam depositas vestes ponderibus, vt niterent, premebant. *Lips.*

5. *Nec parent familiæ*) in quo parando non multi occupantur. *Id.*

6. *Nec spectent*) Nec grex puerorum adstet mensæ ministrans.

7. *Non ante multos imperatus dies*) non cibus qui tanto opus habeat apparatu, vt aliquot ante diebus imperari debeat.

8. *Pædagogii*) puerorum qui sub pædago.

9. *In tralatu*) h. e. in pompa. Pompæ enim transferri, ferri, transuhi dicuntur. Vocem eodem prorsus modo habes apud Val. Max. II, 4. Rem optime illustrat ipse Seneca Ep. 110. *Grenov.*

conuiuia? quid epulas loquar, scena sua dignas? 10) Circumfudit me ex longo frugalitatis situ venientem, multo splendore luxuria, & vndique circumsonuit. Paullum titubat acies: facilius aduersus illam animum, quam oculos attollo. Receto itaque non peior, sed tristior: nec inter illa friuola mea tam altus incedo, tacitusque morsus subit, & dubitatio, nunquid illa meliora sint. nihil horum me mutat, nihil tamen non concutit. Placet vim præceptorum sequi, & in mediam ire Rempublicam: placet honores fascesque, non purpura aut virgis adductum capeffere, sed vt amicis propinquisque, & omnibus ciuibus, omnibus deinde mortalibus paratior vtiliorque sim, propius compositus. 11) Sequor Zenonem, Cleanthem, Chrysippum: quorum tamen nemo ad Rempub. accessit, nemo non misit. 12) Vbi aliquid animum, insolitum arietari, percussit, vbi aliquid occurrit, aut indignum (vt in omni vita humana multa sunt) aut parum ex facili fluens, aut multum temporis res non magno æstimandæ poposcerunt, ad otium conuertor, & quemadmodum pecoribus, fatigatis quoque, velocior domum gradus est: placet intra parietes suos vitam coercere. Nemo vllum auferat diem, nihil dignum tanto impendio redditurus. sibi ipse animus hæreat, se colat, nihil alieni agat, nihil quod ad iudicem spectet: ametur expers publicæ priuatæque curæ tranquillitas. Sed vbi lectio fortior erexit animum, & aculeos subdiderunt exempla nobilia: profilire libet in forum, commodare alteri vocem, alteri operam,

10. *Scena sua dignas*) Cum domus & cœnatio & ministri tam culti sint, quidni epulæ quæ in hoc velut theatro exhibentur? *Lips.*

11. *Propius compositus*) quasi in arenam certamenque iam venerim propius commissus.

12. *Nemo non misit*) ad Rempublicam nempe, ad quam capeffendam Philosophi isti alios hortabantur & instruebant, ipsi ab ea abstinentes.

etsi nihil profuturam, tamen conaturam prodesse; alicuius coërcere in foro superbiam; male secundis rebus elati. In studiis 13) puto mehercule melius esse res ipsas intueri, & harum causa loqui, ceterum verba rebus permittere, ut qua duxerint, hac inelaborata sequatur oratio. Quid opus est sæculis duratura componere? Vis tu non id agere, 14) ne te posterius taceant? mortuatus es: minus molestiarum habet funus tacitum. Itaque occupandi temporis causa, in usum tuum, non in præconium, aliquid simplici stylo scribe. minore labore opus est studentibus in diem. 15) Rursus ubi se animus cogitationis magnitudine leuauit, ambitiosus in verba est, altiusque ut spirare, ita eloqui gestit, & ad dignitatem rerum exit oratio: oblitus tum legis pressioris iudicii, sublimis feror, & ore iam non meo. Ne singula diutius persequar, in omnibus rebus hæc me sequitur bonæ mentis infirmitas: cui ne 16) paulatim defluam vereor, aut quod est sollicitius; ne semper casuro similis pendeam, & plus fortasse sit, quam quod ipse prouideo: Familiariter enim domestica aspicimus, & semper iudicio fauor officit. Puto multos potuisse ad sapientiam peruenire, nisi putassent se peruenisse: nisi quædam in se dissimulassent. Non est enim quod nos magis aliena iudices adulatione perire, quam nostra. Quis sibi verum dicere ausus est? quis non inter laudantium blandientiumque positus greges, plurimum tamen sibi ipso assentatus est? Rogo itaque, si quod habes remedium, quo hanc fluctuationem meam sistas, dignum putes

13. In studiis) Recte Lipsius hic defectum aut confusionem aliquam subesse suspicatus est.

14. Non id agere) nunc id rescribit Lipsius. Inque ea uocula emphasin querit. tu nunc mortalis & breuis æui capere animo vis immortalitatem?

15. In diem) non annos aut æuum, ut ii qui æuum cogitant, Lips.

16. Cui ne) parum hæret. s. legendum quin ne. Lips.

me, qui tibi tranquillitatem debeam. — Non esse periculosos motus animi, nec quicquam tumultuosi affectus, scio, ut vera tibi similitudine id de quo queror exprimam, non tempestate vexor, sed nausea. Detrahe ergo quidquid hoc est mali, & succurre in conspectu terrarum 17) laboranti.

CAP. II. Quæro mehercule iamdudum, Serene, ipse tacitus, cui talem affectum animi similem putem. nec ulli propius admouerim exemplo, quam eorum qui ex longa & graui valetudine expliciti, motiunculis, leuibusque interim offensis perstringuntur, & cum reliquias effugerint, suspicionibus tamen inquietantur, medicisque iam sani manum porrigunt, & omnem calorem corporis sui calumniantur. Horum, Serene, non parum sanum est corpus, sed sanitati parum assuevit: sicut est quidam tremor etiam tranquilli maris, aut lacus, cum ex tempestate requieuit. — Opus est itaque non illis durioribus, quæ etiam transcurrimus, ut alicubi obstes tibi, alicubi irascaris, alicubi instes grauius; sed illud quod vltimum venit, ut fidem tibi habeas, & recta ire via te credas, nihil auocatus transuersis multorum vestigiis passim discurrentium, quorundam circa ipsam errantium viam. Quod desideras autem, magnum & summum est, Deoque vicinum, non concuti. Hanc stabilem animi sedem Græci *Εὐθυμία* vocant, de qua Democriti volumen egregium est: ego Tranquillitatem voco. nec enim imitari, & transferre verba, ad illorum formam, necesse est: res ipsa, de qua agitur, aliquo signanda nomine est, quod appellationis Græcæ vim debet habere, non faciem. Ergo quærimus: quomodo animus semper æqualis, secundoque cursu eat, propitiusque sibi sit, & sua lætus adspiciat: & hoc

17. In conspectu terrarum) prope portum. Sic enim allegoriam continet, cum nauses antea quæ est nauigantium fecerit mentionem.

gaudium non interrumpat, sed placido statu maneat, nec attollens se vnquam, nec deprimens. ¹⁰Id Tranquillitas erit. Quomodo ad hanc perueniri possit, in vniuersum ¹⁾ quæramus: sumes tu ex publico remedio, quantum voles. Totum interim vitium in medium protrahendum est: ex quo cognoscat quisque partem suam: simul tu intelliges, quanto minus negotii habeas cum fastidio tui, quam hi quos ad professionem speciosam alligatos, ²⁾ & sub ingenti titulo laborantes, in sua simulatione pudor magis, quam voluntas tenet. Omnes in eadem causa sunt, & hi qui leuitate vexantur, ac tædio, assiduaque mutatione propositi, quibus semper magis placet quod reliquerunt: & illi, qui marcent & oscitantur. Adice illos, qui non aliter, quam quibus difficilis somnus est, versant se, & hoc atque illo modo componunt, donec quietem lassitudine inueniant: statum vitæ suæ formando subinde, in eo notissime manent, in quo illos non mutandi odium, sed senectus ad nouandum pigraprehendit. Adice & illos, qui non constantia in vita parum leues sunt, sed inertia. Viuunt, non quomodo volunt, sed quomodo cœperunt. Innumera-biles deinceps proprietates sunt, sed vnus effectus vitii, displicere sibi. Hoc oritur ab intemperie animi, & cupiditatibus timidis, aut parum prosperis, vbi aut non audent, quantum concupiscunt, aut non consequuntur, & in spem toti prominent, semper instabiles mobilesque. quod necesse est accidere pendentibus ad vota sua. Omni vita pendent, & inhonesta se ac difficilia docent, coguntque: & vbi sine præmio labor est, torquet illos irritum dedecus, nec dolent praua, sed frustra voluisse. Tunc illos & pœnitentia cœpti tenet,

1. *In vniuersum*) i. e. in genere, non habito ad te speciatim respectu.

2. *Ad professionem speciosam alligatos*) qui verbis speciosasunt philosophi, non re.

& incipiendi timor, subrepsitque illa iactatio animi, non inuenientis exitum, quia nec cupiditatibus suis imperare, nec obsequi possunt; & cunctatio vitæ parum se explicantis, & inter destituta vota torpentis animi situs. Quæ omnia grauiora sunt, vbi odio infelicitatis operosæ ad otium perfugerunt, & ad secreta studia, quæ pati non potest animus ad ciuilia erectus agendique cupidus, & natura inquietus, parum scilicet in se solatiorum habens: ideoque detractis oblectationibus, quas ipsæ occupationes discurrentibus præbent, domum, solitudinem, parietes non fert, inuitus adspicit se sibi relictus. Hinc illud est tædium, & displicentia sui, & nusquam residentis animi volutatio, & otii sui tristis atque ægra patientia: vtique vbi causas fateri pudet, & tormenta introrsus egit verrecundia, in angusto inclusæ cupiditates, sine exitu, se ipsæ strangulant. Inde mæror marcorque, & mille fluctus mentis incertæ, quam inchoata habent suspensam, deplorata tristem: inde ille affectus otium suum detestantium, querentiumque nihil ipsos habere quod agant, & alienis incrementis inimicissima inuidia. Alit enim liuorem infelix inertia: & omnes destrui cupiunt, quia se non potuerunt prouehere: & ex hac deinde auersatione alienorum processum & suorum desperatione, obirascens fortunæ animus, & de sæculo quærens, & in angulos se retrahens, & pœnæ incubans suæ, dum tædet sui, pigetque. Natura enim humanus animus agilis est, & pronus ad motus. grata omnis illi excitandi se abstrahendique materia est, gratior pessimis quibusque ingeniis, quæ occupationibus libenter deteruntur. Vt vlcera quædam nocituras manus appetunt, & tactu gaudent, & scædam corporum scabiem delectat, quicquid exasperat: non aliter dixerim his mentibus, in quas cupiditates velut mala vlcera eruperunt, voluptati esse laborem vexationemque. Sunt enim quædam, quæ corpus quoque nostrum
cum

cum quodam dolore delectant: ut versare se, & mutare nondum fessum latus, & alio atque alio positu ventilarari. Qualis ille Homericus Achilles 3) est, modo pronus, modo supinus, in varios habitus se ipse componens. quod proprium ægri est, nihil diu pati, & mutationibus ut remediis uti. Inde peregrinationes suscipiuntur vagæ, & littora pererrantur, & modo mari se, modo terra experitur semper presentibus infesta leuitas. Nunc Campaniam petamus. iam delicata fastidio sunt: inculta videantur. Bruttios & Lucanos saltus persequamur. Aliquid tamen inter deserta amœni requiratur, in quo luxuriosi oculi longo locorum horrentium squallore releuentur. Tarentum petatur, laudatusque portus, & hiberna cæli mitioris, & tecta vel antiquæ satis opulenta turbæ. 4) Iam flectamus cursum ad urbem. nimis diu a plausu & fragore aures vacauerunt: iuuat iam & humano sanguine frui. Aliud ex alio iter suscipitur, & spectacula spectaculis mutantur. ut ait Lucretius,

Hoc se quisque modo semper fugit.

Sed quid prodest, si non effugit? sequitur se ipse, & vrget grauissimus comes. Itaque scire debemus, non locorum vitium esse quo laboramus, sed nostrum. Infirmi sumus ad omne tolerandum, nec laboris patientes, nec voluptatis, nec nostræ, nec vllius rei diutius. Hoc quosdam egit ad mortem, quod proposita sæpe mutando, in eadem reuoluebantur, & non reliquerant nouitati locum. Fastidio illis esse cœpit vita, & ipse mundus: & subit illud rabidarum deliciarum. Quousque eadem?

3. Homericus Achilles) Iliad. v.

4. Tecta vel antiquæ satis opulenta turbæ) sententia est: tecta etiam nunc tam multa, & lata, ut vel antiquam turbam, i. e. quæ olim fuit, possint capere. Nam Tarentum, Croton, Metapontus, magna illa & florentissima olim oppida, tunc deserta. Lips.

CAP. III. Aduersus hoc tedium quo auxilio putem vtendum; quæris. Optimum erat (vt ait Athenodorus) actione rerum & Reip. tractatione, & officiis ciuilibus se detinere. nam vt quidam sole, & exercitatione, & cura corporis, diem educunt, 1) athletisque vtilissimum est, lacertos suos, roburque cui se vni dicauerunt, maiore temporis parte nutrire: ita nobis animum ad rerum ciuiliū certamen parantibus, in opere esse, non longe pulcherrimum est? Nam cum vtilem se efficere ciuibz mortalibusque propositum habeat, simul & exercetur & proficit, qui in medijs se officiis posuit, communia priuataque pro facultate administrans. Sed quia in hac, inquit, tam insana hominum ambitione, tot calumniatoribus in deterius rectatorquentibus, parum tuta simplicitas est, & plus futurum semper est quod obstat, quam quod succedat, a foro quidem & publico recedendum est: sed habet, vbi se etiam in priuato lare explicet magnus animus, nec vt leonum animaliumque impetus caueis coercetur: sic hominum, quorum maxime in seducto actiones sunt. Ita tamen delituerit, vt vbiicumque otium suum absconderit, prodesse velit & singulis & vniuersis, ingenio, voce, consilio. Nec enim is solus Reip. prodest, qui candidatos extrahit, 2) & tuetur reos, & de pace belloque censet: sed qui iuventutem exhortatur, qui in tanta bonorum præceptorum inopia, virtute instruit animos, qui ad pecuniam luxuriamque cursu ruentes prensat ac retrahit, & si nihil aliud, certe moratur, in priuato publicum negotium agit. An ille plus præstat, qui inter peregrinos

1. *Diem educunt*) i. e. transigunt; ne tadio sit. Sic & ep. 122. & Statius Theb. 11.

- - Tyriis ea causa colonis

Insomnem ludo certatim educere noctem. *Gronov.*

2. *Extrahit*) producit ad petendum, suffragator est. Vide Plinium L. 3. Ep. 29. & Senecam nostrum Ep. 8.

& ciues, aut vrbani prætor 3) aduentibus adfessoris verba 4) pronunciat: quam quid sit iustitia, quid pietas, quid patientia, quid fortitudo, quid mortis contemptus, quid deorum intellectus, quam gratuitum bonum sit bona conscientia? Ergo si tempus in studia conferas, quod subduxeris officiis, non deserueris, 5) nec munus detrectaueris. Neque enim ille solus militat, qui in acie stat, & cornu dextrum læumque defendit: sed & qui portas tuetur, & statione minus periculosa, non ociosa tamen fungitur; vigiliasque seruat, & armamentario præest, quæ ministeria quamvis incruenta sint, in numerum stipendiorum veniunt. Si te ad studia reuocaueris, omne vitæ fastidium effugeris: nec noctem fieri optabis tædio lucis, nec tibi gravis eris, nec aliis superuacuis: multos in amicitiam attrahes, affluetque ad te optimus quisque. Nunquam enim quamuis obscura virtus latet, sed mittit sui signa. quisquis dignus fuerit, vestigiis 6) illam colliget. Nam si omnem conuersationem tollimus, & generi humano renunciamus, viuimusque in nos tantum conuersi; sequetur hanc solitudinem, omni studio carentem, inopia rerum agendarum. Incipiemus ædificia alia ponere, alia subvertere, & mare submouere, & aquas contra difficultates locorum ducere, & male dispensare tempus, quod nobis natura consumendum dedit. Alii parce illo utimur, alii prodige; alii sic impendimus, ut possimus rationem reddere: alii, ut nullas habeamus reliquias. 7) Quare nihil turpius est, quam grandis

3. *Inter peregrinos & ciues &c.*) primus Prætor in urbe ius & inter ciues dixit vrbani ideo dictus, post ob multitudinem peregrinorum eo non sufficiente, alter additus qui ius diceret inter peregrinos & ciues.

4. *Adfessoris verba*) nam quicquid decernebat Prætor, id consilio adfessoris faciebat, qui ipsa etiam verba suggerebat.

5. *Non deserueris*) a militia petitur.

6. *Vestigiis*) sumpta a feris translatio quæ ex vestigiis indagantur.

7. *Ut nullas habeamus reliquias*) ut nihil appareat, nihil facti operis extet.

natu senex, qui nullum aliud habet argumentum, quo se probet diu vixisse, præter ætatem. Mihi, carissime Serene, 8) nimis videtur submisisse temporibus se Athenodorus, nimis cito refugisse. Nec ego nega-urim aliquando cedendum: sed sensim relato gradu, & saluis signis, salua militari dignitate. Sanctiores tutioresque sunt hostibus suis, qui in fidem cum armis veniunt. Hoc puto virtuti faciendum, studiosoque virtutis. si præualebit fortuna, & præcidet agendi facultatem; non statim auersus inermisque fugiat, latebras quærens, quasi vllus locus sit, in quo non possit fortuna persequi: sed parcius se inferat officiis, & cum dilectu inueniat aliquid, in quo vtilis ciuitati sit. Militare non licet? honores spectet. priuato viuendum est? sit orator. silentium indictum est? tacita aduocatione ciues iuuet. periculosum etiam ingressu forum est? in domibus, in spectaculis, in conuiuiis, bonum contubernalem, amicum fidelem, temperantem conuiuiam agat. Officia si ciuis amiserit, hominis exerceat. Ideo magno animo nos non vnius vrbs mœnibus clausimus, sed in totius orbis commercium emissimus, patriamque nobis mundum professi sumus: vt liceret latiore virtuti campum dare. Præclusum tibi tribunal est, & rostris prohiberis, aut comitiis? respice post te, quantum latissimarum regionum pateat, quantum populorum, nunquam tibi ita magna pars obstruetur, vt non maior relinquatur. Sed vide, ne totum istud vitium tuum sit. non vis enim nisi consul, aut prytanes, 9) aut ceryx, 10) aut sufes 11) administrare Remp. Quid si militare nolis, nisi impe-

8. Mihi charissime Serene) hæcenus Athenodori sententia, nunc Senecæ qui aliquid distinguit & mutat. Lips.

9. Prytanes) Atheniensium magistratus.

10. Ceryx) κέρυξ præco, legatus. Etiam qui Sacra Cereria tractabat dictus est Ceryx, Lips.

11. Sufes) Πονόρων supremus dictator.

miseræ ciuitati tot Harmodios? 13) Socrates tamen in medio erat, & lugentes patres consolabatur, & desperantes de Rep. exhortabatur, & diuitibus, opes suas metuentibus, exprobrabat sceram periculosa avaritiæ pœnitentiam; & imitari volentibus magnum circumferebat exemplar, cum inter triginta dominos liber incederet. Hunc tamen Athenæ ipsæ in carcere occiderunt: & qui tuto insultauerat agmini tyrannorum, eius libertatem libertas non tulit: 14) vt scias & in afflictâ Rep. esse occasionem sapienti viro ad se profectendum, & in florenti ac beata, pecuniam, inuidiam, mille alia vitia inermia regnare. Vtcumque ergo se Resp. dabit, vtcumque fortuna permittet, ita aut explicabimus nos, aut contrahemus: vtique mouebimus, nec alligati metu torpebimus. Imo ille vir fuerit, qui periculis vndique imminentibus, armis circa & catenis frementibus, non alliserit virtutem, 15) nec absconderit. Non enim debet; cernulare se voluit nec obruere. 16) Vt opinor, Curius Dentatus aiebat, Malle esse se mortuum, quam viuere. 17) Vltimum malorum est, ex viuorum numero exire, antequam

13. Harmodios) tyrannicidas, qualis Harmodios fuerat. conf. L. 7. de Benef. c. 4.

14. Libertas non tulit) libertate freuens populus Atheniensis non tolerauit.

15. Non alliserit virtutem) i. e. peruicacia præpostera se vitamque non fregerit: quasi in scopulum nauem vltro miserit, Lips.

16. Non enim debet; cernulare se voluit nec obruere) Lilius legit: Non enim cernulare (vel etiam cernulare) se vult nec obruere. Neutrum enim sapiens facit, nec cernulat sq. & abiicit primum ac præcipitem, nec item obruit & abscondit. Vt adeo hæc plane priori clausulæ respondeant, illudque cernulare explicet tñ allidere prioris commatis. Sic noster Ep. 8. Non euertis eos fortuna, sed cernulat & allidit.

17. Quam viuere) repetendum verbum commune mortuum. Sententia est malle se esse reuera mortuum, quam mortuum inter viuos agere. Lips.

moriaris. Sed faciendum erit, si in Reip. tempus minus tractabile incideris, vt plus otio ac litteris vindices: nec aliter quam in periculosa nauigatione, subinde portum petas: nec expectes donec res te dimittant, sed ab illis te ipse disiungas.

CAP. IV. Inspecere autem debemus primum nosmet ipsos, deinde quæ aggredimur negotia, deinde eos quorum causa, aut cum quibus agendum est. Ante omnia, necesse est se ipsum æstimare: quia fere plus nobis videmur posse, quam possumus. Alius eloquentiæ fiducia prolabitur, alius patrimonio suo plus imperauit, quam ferre possit: alius infirmum corpus laborioso oppressit officio. Quorundam parum idonea est verecundia rebus ciuilibus, quæ primam frontem 1) desiderant: quorundam contumacia non facit ad aulam. quidam non habent iram in potestate: & illos ad temeraria verba quælibet indignatio effert. quidam vrbanitatem nesciunt continere, nec periculosis abstinent salibus. Omnibus his vtilior negotio quies est. ferox impatiensque natura, irritamenta nocituræ libertatis euitet.

CAP. V. Æstimanda sunt deinde ipsa, quæ aggredimur, & vires nostræ cum rebus, quas tentaturi sumus, comparandæ. Debet enim semper plus esse virium in vectore, quam in onere. necesse est opprimant onera, quæ ferente maiora sunt. Quædam præterea non tam magna sunt negotia, quam sæcunda, multumque negotiorum ferunt. & hæc refugienda sunt, ex quibus noua occupatio multiplexque nascetur. Nec accedendum eo, vnde liber regressus non sit: his ad-mouenda manus est, quorum finem aut facere, aut certe sperare possis. Relinquenda, quæ latius actu procedunt, 1) nec vbi proposueris, desinunt.

1. *Primam frontem*) h. e. notabilem duritiæ & eximiam, forte tamen rectius legeris *firmam*. Lips.

1. *Latius actu procedunt*) quædam agis & perficis, semper nouam agendi materiam parant, atque adeo latius procedunt.

CAP. VI. Hominum vtiq̃ue delectus habendus est: an digni sint, quibus partem vitæ nostræ impendamus, an ad illos temporis nostri iactura perveniat. Quidam enim vltro officia nostra nobis imputant. 1) Athenodorus ait, ne ad cœnam quidem se iturum ad eum, qui sibi nil pro hoc debiturus sit. Puto intelligis, multo minus ad eos iturum, qui cum amicorum officiis parem mensam faciunt, 2) qui fercula pro congiariis numerant: quasi in alienum honorem iutemperantes sint. Deme illis testes spectatoresque, non delectabit popina secreta. Considerandum est, vtrum natura tua agendis rebus, an otioso studio contemplationique aptior sit; & eo inclinandum, quo te vis ingenii refert. Isocrates Ephorum iniecta manu a foro subduxit, viliorem componendis monumentis historiarum ratus. Male enim respondent coacta ingenia, reluctante natura, irritus labor est.

CAP. VII. Nihil tamen æque oblectauerit animum, quam amicitia fidelis & dulcis. Quantum bonum est, vbi sunt præparata pectora, in quæ tuto secretum omne descendat, quorum conscientiam minus quam tuam timeas, quorum sermo sollicitudinem leniat, sententia consilium expediat, hilaritas tristitiam dissipet, conspectus ipse delectet? Quos scilicet, vacuos, quantum fieri poterit, a cupiditatibus, eligemus. Serpunt enim vitia, & in proximum quemque transfiliunt, & contactu nocent. Itaque, vt in pestilentia curandum est, ne corruptis iam corporibus &

1. *Nobis imputant*) i. e. cum ipsi pro iis debeant, nos etiam debere existimant. *Lips.*

2. *Parem mensam faciunt*) pares rationes facere dicuntur, qui ita sine rationes siue rem reddunt, vt æquent acceptis expensa, vt computatione vltro citroque facta nihil sit reliquum. Hinc ioco faceto: cum amicorum officiis parem mensam facere dicuntur, qui tanti æstimant mensam vel cœnam, vt eam pro omnibus amicorum officiis imputent. *Gronov.*

morbo flagrantibus affideamus, quia pericula trahemus, afflatuque ipso laborabimus: ita in amicorum legendis ingeniis dabimus operam, ut quam minime inquinatos assumamus. Initium morbi est, ægris sana miscere. Nec hoc præceperim tibi, ut neminem nisi sapientem sequaris, aut attrahas. ubi enim istum invenies, quem tot sæculis quærimus? pro optimo, est minime malus. Vix tibi esset facultas delectus felicioris, si inter Plathonas & Xenophontas, & illum Socratici sætus proventum bonos quæreres: aut si tibi potestas Catonianæ fieret ætatis, quæ plerosque dignos tulit, qui Catonis sæculo nascerentur, sicut multos peiores, quam vnquam alias, maximorumque molitores scelerum. Vtraque enim turba opus erat, ut Cato posset intelligi. habere debuit & bonos, quibus se approbaret: & malos, in quibus vim suam experiretur. Nunc vero in tanta bonorum egestate, minus fastidiosa fiat electio. Præcipue tamen vitentur tristes, & omnia deplorantes, quibus nulla non caussa in querelas placet. Constat illi licet fides & benevolentia, tranquillitati tamen inimicus est comes perturbatus, & omnia gemens.

CAP. VIII. Transcamus ad patrimonia, maximam humanarum ærumnarum materiam. Nam si omnia alia quibus angimur, compares, mortes, agrotationes, metus, desideria, dolorum laborumque patientiam, cum iis quæ nobis mala pecunia nostra exhibet; hæc pars multum prægruabit. Itaque cogitandum est, quanto leuior dolor sit, non habere, quam perdere: & intelligemus, paupertati co æquior rem tormentorum, quo minorem damnorum esse materiam. Erras enim, si putas animosius detrimenta diuites ferre. maximis minimisque corporibus par est dolor vulneris. Bion eleganter ait,

Non

Non minus moleſtum eſſe caluis, 1) quam comatis, pilos velli. Idem ſcias licet de pauperibus locupletibusque, par illis eſſe tormentum. vtriſque enim pecunia ſua obhæſit, nec ſine ſenſu reuelli poteſt. Tolera- bilius autem eſt, vt dixi, faciliusque, non acquirere, quam amittere: ideoque lætiores videbis, quos nun- quam fortuna reſpexit, quam quos deſeruit. Vidit hoc Diogenes, vir ingentis animi, & effecit ne quid ſibi eripi poſſet. Tu iſtud paupertatem, inopiam, egeſtatem voca, & quod voles ignominioſum ſecuri- tati nomen impone: putabo hunc non eſſe felicem, ſi quem mihi alium inueneris, cui nihil pereat. Aut ego fallor; aut regnum eſt, inter auaros, circumſcripto- res, latrones, plagiarios, vnum eſſe, cui noceri non poſſit. Si quis de felicitate Diogenis dubitat, poteſt idem dubitare & de deorum immortalium ſtatu, an parum beato tegant: quod illis non prædis, nec horti ſint, nec alieno colono rura precioſa; nec grande in foro ſœnus. Non te pudet, quisquis diuitiis adſtupes? reſpice agendum mundum: nudos videbis deos, omnia dantes, nihil habentes. Hunc tu pauperem putas, an diis immortalibus ſimilem, qui ſe fortuitis omnibus exuit? Feliciorem tu Demetrium Pompeianum 2) vo- cas, quem non puduit locupletioſiorem eſſe Pompeio? Numerus illi quotidie ſeruatorum, velut imperatori exercitus, referebatur, 3) cui iam dudum diuitiæ eſſe debuerant, duo vicarii, 4) & cella laxior. At Diogeni ſeruus vnicus fugit, nec eum reducere, cum monſtra- retur, tanti putauit. Turpe eſt, inquit, Manen ſine

1. Non minus moleſtum eſſe caluis quam &c.) Hyſterologia eſt perſequeſ in Seneca. Nam dictum vult non minus moleſtum comatis quam caluis pilos velli. *Lipſ.*

2. Demetrium Pompeianum) Pompeii M. libertum.

3. Numerus referebatur) catalogus exhibebatur, vt videre poſſet, qui abeſſent, qui periſſent, qui acceſſiſſent.

4. Vicarii) lautiores ſerui alios quaſi ſubſeruos habebant, & qui vices eorum gererent. *Lipſ.*

Diogene posse viuere, Diogenem sine Mane non posse. Videtur mihi dixisse: Age tuum negotium, fortuna. nihil apud Diogenem iam tuum est. Fugit mihi seruus? imo liber abiit. Familia vestiarius §) petit, victumque: tot ventres audissimorum animalium tuendi sunt: emenda vestis, & custodiendæ rapacissimæ manus, & flentium detestantiumque ministeriis vtendum. Quanto ille felicior, qui nihil vlli debet, nisi, cui facillime negat, sibi? Sed quoniam non est tantum roboris nobis, angustanda certe sunt patrimonia, vt minus ad iniurias fortunæ simus expositi. Habiliora sunt corpora in bello, quæ in arma sua contrahi possunt, quam quæ superfunduntur, & vndique magnitudo sua vulneribus obiecit. Optimus pecuniæ modus est, qui nec in paupertatem cadit, nec procul a paupertate discedit.

CAP. IX. Placebit autem hæc nobis mensura, si prius parcimonia placuerit: sine qua nec vllæ opes sufficiunt, nec vllæ non satis patent; præsertim cum in vicino remedium sit, & possit ipsa paupertas in diuitias se, aduocata frugalitate, conuvertere. Assuescamus a nobis remouere pompam, & vsus rerum, non ornamenta metiri. Cibus famem domet, potio sitim, libido qua necesse est fluat. Discamus membris nostris inniti: cultum victumque non ad noua exempla componere, sed vt maiorum suadent mores. Discamus continentiam augere, luxuriam coercere, gulam temperare, iracundiam lenire, paupertatem æquis oculis adspicere, frugalitatem colere, etiamsi nos pudebit desideriis naturalibus paruo parata remedia adhibere: spes effrænatas, & animum in futura eminentem velut sub vinculis habere, id agere, vt diuitias a nobis potius quam a fortuna petamus. Non potest, inquam,

§. *Vestiarius*) pecuniam ad vestem. vt congiarium pecunia ad congios. Salarium pecunia ad salem.

... tanta

tanta varietas & iniquitas casuum ita depelli, vt non multum procellarum irruat magna armamenta 1) pendentibus: cogendæ in arctum res sunt; vt tela in vanum cadant. Ideoque exilia interim calamitatesque in remedium cessere, & leuioribus incommodis grauiora sanata sunt, vbi parum audit præcepta animus, nec curari mollius potest. Quid nî consulitur, si & paupertas & ignominia, & rerum euersio adhibetur? In malo malum opponitur. Assuescamus ergo cœnare posse sine populo, & seruis paucioribus serui, & vestes parare in quod inuentæ sunt, habitare contractius. Non in cursu tantum circique certamine, sed in his spatiis vitæ interius 2) flectendum est. Studiorum quoque, quæ liberalissima impensa est, tamdiu rationem habebō, quamdiu modum. Quo mihi innumerales libros & bibliothecas, quarum dominus vix tota vita sua indices perlegit? Onerat discitem turba, non instruit: multoque satius est paucis te auctoribus tradere, quam errare per multos. Quadringenta millia librorum. Alexandria arserunt, pulcherrimum regiæ opulentia monumentum. alius laudauerit, sicut Liuius, qui elegantia regum curæque egregium id opus ait fuisse. Non fuit elegantia illud, aut cura, sed studiosa luxuria. imo ne studiosa quidem: quoniam non in studium, sed in spectaculum comparauerunt: sicut plerisque, ignaris etiam seruilium litterarum, 3) libri non studiorum instrumenta, sed cœnationum ornamenta sunt. Paretur itaque librorum quantum satis sit, nihil in apparatus. Honestius; inquis, in hos impensas, quam in Corinthia pietasque

1. Armamenta) pulcre hoc a nauibus.

2. Interius) citerius non vterius. Nam artis in circo, currum introrsus flectere ad ipsas metas, nec tamen impingere aut euertere. Lips.

3. Etiam seruilium litterarum) quas vel serui sciunt, vt legere, scribere, & quæ communis vsus requirit.

tabulas effuderim. Vitiosum est vbique, quod nimium est. Quid habes, cur ignoscas homini armaria cedro atque ebore aptanti, corpora conquirenti aut ignotorum auctorum, aut improbatorum, & inter tot millia librorum oscitanti, cui voluminum suorum frontes maxime placent; titulique? Apud desidiosissimos ergo videbis, quicquid orationum historiarumque est, & recto tenus exstructa loculamenta. Iam enim inter balnearia & thermas, bibliotheca quoque, ut necessarium domus ornamentum expolitur. — Ignoscere plane, si e studiorum nimia cupidine orietur: nunc ista exquisita, & cum imaginibus suis descripta sacrorum opera ingeniorum, in speciem & cultum parietum comparantur.

CAP. X. At in aliquod genus vitæ difficile incidisti, & tibi ignoranti vel publica fortuna, vel priuata laqueum impegit, quem nec soluere possis, nec abrumperé. Cogita compeditos primo ægre ferre onera, & impedimenta crurum: deinde vbi non indignari illa, sed pati proposuerunt, necessitas fortiter ferre docet; consuetudo facile. Inuenies in quolibet genere vitæ oblectamenta, & remissiones, & voluptates, si nolueris malam putare vitam potius, quam inuidiosam facere. 1) Nullo melius nomine de nobis natura meruit, quam quod cum sciret, quibus ærumnis nasceremur, calamitatum mollimentum consuetudinem inuenit, cito in familiaritatem grauissima adducens. Nemo duraret, si rerum aduersarum eandem vim assiduitas 2) haberet, quam primus ictus. Omnes cum

1. Si nolueris malam putare vitam potius, quam inuidiosam facere) est argute dictum in omni genere vitæ solatia sua & oblectamenta esse, si eam, quamcunque fortitus es, malueris conciliare tibi & non putare malam, si potius imperaueris tibi, ut eam non malam existimes.

2. Assiduitas) continuatio.

fortuna copulati sumus. aliorum aurea catena est, 3) & laxa: aliorum arcta & sordida. Sed quid refert? eadem custodia vniuersos circumdedit. alligatique sunt etiam qui alligauerunt, nisi tu forte leuiorem in sinistra catenam putas. 4) Alium honores, alium opes vinciunt: quosdam nobilitas, quosdam humilitas premit: quibusdam aliena supra caput imperia sunt, quibusdam sua: quosdam exilia vno loco tenent, quosdam sacerdotia. Omnis vita seruitium est. Assuescendum itaque conditioni suæ, & quamminimum de illa querendum: & quidquid habet circa se commodi, apprehendendum est. Nihil tam acerbum est, in quo non æquus animus solatium inueniat. Exiguæ sæpe aræ in multos vsus describentis arte patuere, & quamvis angustum pedem 5) dispositio fecit habitabilem. Adhibe rationem difficultatibus, possunt & dura moliri, & angusta laxari, & grania scite ferentes minus premere. Non sunt præterea cupiditates in longinquum mittendæ, sed in vicinum illis egredi permittamus, quoniam includi ex toto non patiuntur. Relictis his, quæ aut non possunt fieri, aut difficulter possunt, prope posita, speique nostræ alludentia 6) sequamur, sed sciamus, omnia æque leuia esse, extrinsecus diuersas facies habentia, introrsus pariter vana. Nec in-

3. *Aliorum aurea catena est*) Regum scilicet, Principum, diuitum.

4. *Alligatique sunt etiam qui allegauerunt, nisi tu forte leuiorem in sinistra catenam putas*) Nimirum triplex ratio in vrbe asseruandi captiuos: aut enim in carcere habebant, vt fere seruitia & capita viliora: aut in custodia militari: aut in ædibus magistratum. Custodiæ militaris modus, vt is qui in noxa esset, catenam manni dextræ alligatam haberet, quæ eadem milita sinistram vinciret custodiæ eius præfecti. atque eo hoc loco alluditur.

5. *Pedem*) pedaturam, *παιδαγωγόν*. An pedem etiam pro solo & arca capimus? quia id ædificii & corporis scilicet imum, & cui stat innixum. *Lips.*

6. *Alludentia*) quæ velut se offerunt blande & ostentant.

videamus altius stantibus : quæ excelsa videbantur, prærupta sunt. Illi rursus, quos fors iniqua in ancipiti posuit, tutiores erunt superbiam detrahendo rebus per se superbis, & fortunam suam quammaxime poterunt, in planum 7) deferendo. Multi quidem sunt, quibus necessario hærendum sit in fastigio suo, ex quo non possunt, nisi cadendo descendere : sed hoc ipsum testentur, maximum onus suum esse, quod aliis graues esse cogantur, nec subleuatos se, sed suffixos : iustitia, mansuetudine, humana lege, & benigna manu, præparent multa ad sequiores casus præsidia, quorum spe securius pendeant. Nihil tamen æque hos ab his animi fluctibus vindicauerit, quam semper aliquem incrementis terminum figere : nec fortunæ arbitrium desinendi dare, sed se ipsos, multo quidem, citra extrema, hortentur consistere. Sic & aliquæ cupiditates animum acuent, sed finitæ : non in immensum incertumque producent.

CAP. XI. Ad imperfectos & mediocres, & male fanos, hic meus sermo pertinet, non ad sapientem. Huic non timide, nec pedetentim ambulandum est. tanta enim fiducia sui est, ut obuiam fortunæ ire non dubitet, nec vnquam loco illi cessurus sit : nec habet ubi illam timeat : quia non mancipia tantum, possessionesque, & dignitatem, sed corpus quoque suum, & oculos, & manum, & quidquid est cariorem vitam facturum, seque ipsum inter precaria numerat, viuitque ut commodatus sibi, & reposcentibus sine tristitia redditurus. Nec ideo est vilis sibi, quia scit se suum non esse : sed omnia tam diligenter faciet, tam circumspicte, quam religiosus homo sanctusque solet tueri fidei commissa. Quandocumque autem reddere iubebitur, non queretur cum fortuna : sed dicet : Gratias ago pro eo quod possedi, habuique. Magna

7. In planum) in humile & æquum.

quidem

quidem res tuas mercede colui: sed quia imperas, cedo gratus libensque; si quid habere me tui volueris, etiam nunc seruabo: si aliud placet, ego vero factum signatumque argentum, domum, familiamque meam reddo, restituo. Appellauerit natura, quæ prior nobis credidit, & huic dicemus, Recipe animum meliorem quam dedisti: non tergiuersor, nec refugio. paratum habes a volente, quod non sentienti dedisti, aufer. Reuerti vnde veneris: quid graue est? male viuet, quisquis nesciet bene mori. Huic itaque primum rei pretium detrahendum est, & spiritus inter vilia numerandus. Gladiatores (ait Cicero) inuisos habemus, si omni modo vitam impetrare cupiunt: fauemus, si contemptum eius præ se ferunt. idem euenire nobis scias. sæpe enim causa moriendi est, timide mori. Fortuna illa quæ ludos sibi facit, Quo, inquit, te reseruem, malum & trepidum animal? eo magis conuulneraberis & confodieris, quia nescis præbere iugulum. At tu & viues diutius, & morieris expeditius, qui ferrum non subducta ceruice, nec manibus oppositis, sed animose recipis. Qui mortem timebit, nihil vnquam pro homine viuo faciet. at qui scit, hoc sibi cum conciperetur, statim conditum, viuet ad formulam: & simul illud quoque eodem animi robore præstabit, ne quid ex his quæ eueniunt, subitum sit. Quidquid enim fieri potest, quasi futurum prospiciendo, malorum omnium impetus molliet. qui ad præparatos exspectantesque nihil afferunt noui: securis, & beata tantum spectantibus, graues eueniunt. Morbus enim, captiuitas, ruina, ignis, nihil horum repentinum est. Sciebam in quam tumultuosum me contubernium natura clusisset. totiens in vicinia mea conclamatum est, 1) totiens præter limen immaturas exsequias fax cereusque præcessit: sæpe altius ruentis

1. Conclamatum est) super mortuo & funere.

ædificii fragor sonuit: multos ex his quos forum, curis, sermo, mecum contraxerat, nox abstulit, & vinctas ad sodalitium manus copulatas intercidit. Mirer aliquando ad me pericula accessisse, quæ circa me semper errauerunt? Magna pars hominum est, quæ navigatura, de tempestate non cogitat. Nunquam me in bona re mali pudebit auctoris. Publius 2) tragicis comicisque vehementior ingenii, quotiens mimicas ineptias, & verba ad summam caueam 3) spectantia reliquit, inter multa alia cothurno, non tantum sipario, 4) fortiora, & hoc ait:

Cuius potest accidere, quod cuiquam potest.

Hoc si quis in medullas demiserit, & omnia aliena mala, quorum ingens quotidie copia est, sic adspexerit, tanquam illis liberum & ad se iter sit: multo ante se armabit, quam petatur. Sero animus ad periculorum patientiam, post pericula, instruitur. Non putavi hoc futurum. nunquam hoc euenturum credidissem. Quare autem non? Quæ sunt diuitiæ, quas non egestas, & fames, & mendicitas a tergo sequatur? Quæ dignitas, cuius non prætextam, & angurale, 5) & lora patricia, 6) & sordes comitentur, & exportatio, 7) & notæ, & mille maculæ, & extrema contemptio? Quod regnum est, cui non parata sit ruina, & proculcatio, & dominus, & carnifex? nec magnis

2. Publius) Syrus, mimographus, de quo supra.

3. Ad summam caueam) ad minutam plebem: cuius in theatris ibi locus. Lips.

4. Sipario) genus veli mimicum. vid. Festus.

5. Angurale) angurale dixit, ut triumphalia, consularia dicebant, pro ornamentis vel insignibus, vel vestibus huiusmodi. Imo quid si baculum intelligas neutro genere, ut significetur litans toties obuiis in summis? Gronov.

6. Lora patricia) mulleos, siue lunatos patriciorum calceos. Lips.

7. Exportatio) de exilio & deportatione in insula Lips. de exportatis & per seditiosas factiones tractis Gronov. interpretatur.

ista interuallis diuifa, fed horæ momentum interefit inter folium, & aliena genua, 8) Scito ergo, omnem conditionem verfabilem efle. & quidquid in vllum incurrit, poffe in te quoque incurrere. Locuples es? numquid ditior Pompeio? cui cum Caius vetus cognatus, hofpes nouus, aperuiffet Cæfaris domum, vt fuam cluderet, 9) defuit panis & aqua: cum tot flumina poffideret in fuo orientia, & fuo cadentia, mendicauit ftillicia: fame ac fiti periit, in palatio cognati, dum illi heres publicum funus 10) efurienti locat. Honoribus fummis functus es? nunquid aut tam magnis, aut tam inſperatis, aut tam vniuerfis, quam Scianus? Quo die illum ſenatus deduxerat 11), populus in fruftra diuiſit: in quem quidquid congeri poterat, dii hominesque contulerant, ex eo nihil ſuperfuit, quod carnifex traheret. Rex es? non ad Cræſum te mittam, qui togum ſuum & eſcendit iuſſus, & extingui vidit, factus non regno tantum, ſed etiam morti ſuæ ſuperſtes: non ad Iugurtham, quem populus Romanus intra annum quam timuerat, ſpectauit. 12) Ptolemæum Africæ regem, Armeniæ Mithridatem, inter Caianas cuſtodias vidimus. alter in exſilium miſſus eſt: alter vt meliori fide mitteretur, 13) optabat. In tanta rerum, ſurſum ac deorſum euntium, verſatione, ſi non quidquid fieri

8. *Aliena genua*) ſenſus: Horæ ſpatio hæc verti ita poſſunt, vt qui in alto ſediſti, cuius genua ſupplices tangebant, idem deiectus aduolũre aliena genua. *Lipſ.*

9. *Vt ſuam cluderet*) ſuam valet eius. Sententia eſt: ideo recepit in ſuam domum, vt tanquam hæres domum eius clauderet & obſignaret. *Lipſ.*

10. *Publicum funus*) Ita enim ludebat Caius, qui mori eum coëgit ſe hærede, & publicis deinde exequiis quaſi ſato ſuo functum honeſtauit. *Lipſ.*

11. *Deduxerat*) honoris cauſa, vt moris erat, utpote quem conſortio imperii donandum crederet, atque adeo in ſenatum venientem frequens comitabatur.

12. *Spectauit*) triumphatum ſcilicet.

13. *Vt meliori fide mitteretur*) damnatus ergo exſilio, ſed per viam interfectus videtur. *Lipſ.* poteſt,

potest, pro futuro habes, das in te vires rebus aduersis, quas infregit, quisquis prior vidit. Proximum ab his erit, ne aut in superuacuis, aut ex superuacuo laboremus: id est, ne aut quæ non possumus consequi, concupiscamus: aut adepti, cupiditatum vanitatem nostrarum sero, post multum pudorem, intelligamus. id est, ne aut labor irritus sine effectu sit, aut effectus labore indignus. Fere enim ex his tristitia sequitur, si aut non successit, aut successus pudet.

CAP. XII. Circumcidenda est concursatio, qualis est magnæ parti hominum, domos, & theatra, & fora pererrantium. Alienis se negotiis offerunt, semper aliquid agentibus similes. Horum si aliquem exeuntem de domo interrogaueris: Quo tu? quid cogitas? respondebit tibi: Non mehercule scio: sed aliquos videbo, aliquid agam. Sine proposito vagantur, quærentes negotia: nec quæ destinauerunt, agunt, sed in quæ incurrerunt. Inconsultus illis vanusque cursus est, qualis formicis, per arbusa repentibus; quæ in summum cacumen, deinde in imum inanes aguntur. His plerique similem vitam agunt, quorum non immerito quis inquietam inertiam dixerit. Quorundam, quasi ad incendium currentium, misereris: vsque eo impellunt obuios, & se aliosque præcipitant: cum interim cucurrerint, aut salutaturi aliquem non resalutatum, aut funus ignoti hominis prosecuturi, aut iudicium sæpe litigantis, aut sponsalia sæpe nubentis, & lecticam affectati, quibusdam locis & ipsi tulerint. deinde domum cum superuacua redeunt lassitudine, iurant nescisse se ipsos, quare exierint, ubi fuerint, postero die erraturi per eadem illa vestigia. Omnis itaque labor aliquo referatur, aliquo respiciat. Non industria, 1) inquietos & insanos, falsæ rerum imagines

2. Non industria) non laboris studium ex recta ratione susceptum, sed prauum de rebus iudicium nostros homines pererrantes, theatra & fora agitat, eoque merito pro insanis habentur.

agi-

agitant. nam ne illi quidem sine aliqua spe mouentur, proritat illos alicuius rei species, cuius vanitatem capta mens non coarguit. Eodem modo vnumquemque ex his, qui ad augendam turbam exeunt, inanes & leues causæ per urbem circumducunt, nihilque habentem in quo laboret, lux orta expellit: & cum multorum frustra liminibus illisus nomenclatores per saluta- vit; a multis exclusus, neminem ex omnibus difficilior domi, quam se, conuenit. Ex hoc malo dependet illud teterrimum vitium, auscultatio, & publicorum secretorumque inquisitio, & multarum rerum scientia, quæ nec tuto narrantur, nec tuto audiuntur. Hoc secutum puto Democritum, ita cœpisse: Qui tranquille volet viuere, nec priuatim agat multa, nec publice: ad superuacua scilicet referentem. Nam si necessaria sunt, & priuatim, & publice, non tantum multa, sed innumerabilia agenda sunt: vbi vero nullum officium solemne nos citat, inhibendæ actiones sunt.

CAP. XIII. Nam qui multa agit, sæpe fortunæ potestatem sui facit: quam tutissimum est raro experi- ri, ceterum semper de illa cogitare, & sibi nihil de fide eius promittere. Nauigabo, nisi si quid incide- rit: & prætor fiam, nisi si quid obstiterit: & negotiatio mihi respondebit, nisi si quid interuenerit. Hoc est, quare sapienti nihil contra opinionem dicamus acci- dere. non illum casibus hominum excepimus, sed er- roribus: nec illi omnia ut voluit cedunt, sed ut cogi- tauit. in primis autem cogitauit, aliud posse propositis suis resistere. Necesse est autem leuius ad animum peruenire destitutæ cupiditatis dolorem, cui succes- sum non utique promiseris.

CAP. XIV. Faciles etiam nos facere debemus, ne nimis destinatis rebus indulgeamus. transeamus in ea, in quæ nos casus deduxerit: nec mutationes aut con- siliū aut status pertimescamus: dummodo nos leuitas, inimicissimum quieti vitium, non excipiat. Nam & per-
una-

tinacia necesse est anxia & misera sit, cui fortuna sæpe aliquid extorquet: & leuitas multo grauior, nusquam se continens. Vtrumque infestum est tranquillitati, & nihil mutare posse, & nihil pati. Vtique animus ab omnibus externis in se reuocandus est. sibi confidat, se gaudeat, sua suspiciat: recedat, quantum potest, ab alienis, & se sibi applicet, damna non sentiat, etiam aduersa benigne interpretetur. Nuntiato naufragio, Zeno noster, cum omnia sua audiret submersa: iubet, inquit, me fortuna expeditus philosophari. Minabatur Theodoro 1) philosopho tyrannus 2) mortem, & quidem insepultam. Habes, inquit, cur tibi placeas: hemina sanguinis in tua potestate est, nam quod ad sepulturam pertinet, o te ineptum, si putas interesse, supra terram, an infra putrescam. Canus Iulius, vir in prius magnus, cuius admirationi ne hoc quidem obstat, quod nostro sæculo natus est, cum Caio diu altercatus, postquam abeunti Falaris 3) ille dixit, Ne forte inepta spe tibi blandiaris, ducite iussi: Gratias, inquit, ago, optime princeps. Quid senserit, dubito: multa enim occurrunt mihi. Contumeliosus esse voluit, & ostendere quanta crudelitas esset, in qua mors beneficium erat? An exprobrauit illi quotidianam dementiam? agebant enim gratias, & quorum liberi occisi, & quorum bona ablata erant. An tanquam libertatem libenter accepit? Quidquid est, magno animo respondit. Dicet aliquis. Potuit post hæc iubere illum Caius viuere. Non timuit hoc Canus. nota erat Caii in talibus imperiis fides: 4) Credisne, illum decem medios usque ad supplicium dies 5) sine vlla sollicitudine

1. Theodoro) Cyrenæico, cognomento Atheo.

2. Tyrannus) Lyfimachus Rex.

3. Falaris) comparat Caium Romanum tyrannum cum illo Siculo.

4. Fides) non enim illa reuocare solebat.

5. Decem medios usque ad supplicium dies) ex Sæto Tiberiano, de quo Suetonius in Tiberio c. 75. causam habes apud Dionem I, 57.

exegisse? verisimile non est, quæ vir ille dixerit, quæ fecerit, quam in tranquillo tuerit. Lude¹ at lacunculis, cum centurio, agmen periturorum trahens, illum quoque excitari iubet. Vocatus, numeravit calculos, & sodali suo, Vide, inquit, ne post mortem meam mentiaris te vicisse. Tum annuens centurioni: Testis, inquit, eris, vno me antecedere. Lussisse tu Canum illa tabula putas? illudit. Tristes erant amici, talem amissuri virum. Quid mœsti, inquit, estis? Vos quæritis, an immortales animæ sint: ego iam sciam. nec desit in ipso veritatem sine scrutari, & ex morte sua quæstionem habere. Prosequebatur illum philosophus suus: nec iam procul erat tumulus, in quo Cæsari Deo nostro fiebat quotidianum sacrum. Quid, inquit, Cane, nunc cogitas? aut quæ tibi mens est? Obseruare, inquit Canus, proposui illo velocissimo momento, an sensurus sit animus, exire se. promissitque, si quid explorasset, circumiturum amicos, & indicaturum quis esset animarum status. Ecce in media tempestate tranquillitas: ecce animus æternitate dignus, qui fatum suum in argumentum veri vocat: qui in ultimo illo gradu positus, exeuntem animam percontatur: nec vsque ad mortem tantum, sed aliquid etiam ex ipsa morte discit. Nemo diutius philosophatus. sed non raptim relinquetur magnus vir, & cum cura dicendus. dabimus te in omnem memoriam, clarissimum caput, Caiaræ cladis magna portio. 6)

CAP. XV. Sed nihil prodest priuatæ tristitiæ causas abicisse. Occupat enim nonnunquam odium generis humani, & occurrit tot scelerum feliciū turba, cum cogitaueris, quam sit rara simplicitas, quam ignota innocentia, & vix vnquam, nisi cum expedit, fides, & libidinis lucra¹) damnaque pariter inuisa, & am-

6. *Magna portio*) ingentium damnorum quæ orbi intulit Caius tu vnus magna pars.

1. *Libidinis lucra*) cum homines vides qui per libidines disantur. *Lips.*

tom. I

Q

bitio

bitio vsque eo iam se suis non continens terminis, vt per turpitudinem splendeat. Agitur animus in noctem, & velut euersis virtutibus, quas nec sperare licet, nec habere prodest, tenebræ oboriuntur. In hoc itaque flectendi sumus, vt omnia vulgi vitia non inuisa nobis, sed ridicula videantur: & Democritum potius imitemur, quam Heraclitum. Hic enim quoties in publicum processerat, flebat: ille ridebat. huic omnia quæ agimus, miseræ; illi ineptiæ videbantur. Elevanda ergo omnia, & facili animo ferenda. humanius est deridere vitam, quam deplorare. Adhuc, quod de humano quoque genere melius meretur qui ridet illud quam qui luet. Ille & spei bonæ aliquid relinquit; hic tamen stulte deflet, quæ corrigi posse desperat. & vniuersa contemplatus, maioris animi est, qui risum non tenet, quam qui lacrimas, quando levissimum affectum animi mouet, & nihil magnum, nihil seuerum, nec serium quidem, ex tanto apparatu putat. Singula, propter quæ læti ac tristes sumus, sibi quisque proponat, & sciat verum esse, quod Bion dixit, Omnia hominum negotia similia initiis esse, nec vitam illorum magis sanctam aut seueram esse, quam conceptus inchoatos. Sed satius est, publicos mores & humana vitia placide accipere, nec in risum, nec in lacrimas excidere. Nam alienis malis torqueri, æterna miseria est: alienis delectari malis, voluptas inhumana. sicut illa inutilis humanitas, flere, quia aliquis filium efferat, & frontem suam fingere. In tuis quoque malis id agere te oportet, vt dolori tantum des quantum poscit, non quantum consuetudo. Plerique enim lacrimas fundunt, vt ostendant: & toties siccos oculos habent, quoties spectator defuit: turpe iudicantes, non flere, cum omnes faciant. Adeo penitus hoc se malum fixit, ex aliena opinione pendere, vt in simulationem etiam simplicissima res, dolor, veniat.

veniat. Sequitur pars, quæ solet non inmerito contristare, & in solitudinem adducere, vbi bonorum exitus mali sunt. Vt, Socrates cogitur in carcere mori, Rutilius in exilio viuere, Pompeius & Cicero clientibus suis præbere cervicem: Cato ille, virtutum viua imago, incumbens gladio, simul de se ac de Repub. palam facere. 2) Necessè est torqueri, tam iniqua præmia fortunam persolvere. & quid sibi quisque nunc speret, cum videat pessima optimos pati? Quid ergo est? vide quomodo quisque illorum tulerit: & si fortes fuerunt, ipsorum illos animos desidera; si muliebriter & ignaue periere, nihil periit. Aut digni sunt, quorum virtus tibi placeat: aut indigni, quorum desideretur ignavia. Quid enim est turpius, quam si maximi viri timidos fortiter moriendo faciunt? Laudemus toties dignum laudibus, & dicamus: Tanto fortior, tanto felicior! humanos effugisti casus, liuorem, morbum: existi ex custodia: non tu dignus mala fortuna diis visus es, sed indignus in quem iam aliquid fortuna posset. Subducentibus vero se, & in ipsa morte ad vitam respectantibus, manus iniiciendæ sunt. Neminem flebo lætum, neminem flentem. ille lacrimas meas ipse absterfit: hic suis lacrimis effecit, ne ullis dignus sit. Ego Herculem fleam, quod vitius vritur: aut Regulum, quod tot clavis configitur: aut Catonem, quod vulnera sua fortiter tulit? Omnes isti leui temporis impensa inuenerunt, quomodo æterni fierent: ad immortalitatem moriendo venerunt. Est & illa solitudinum non mediocris materia, si te anxie componas, nec ulli simpliciter ostendas: qualis multorum vita est, ficta, & ostentationi parata. Torquet enim assidua observatio sui, & deprehendi aliter, ac solet, metuit: nec vnquam cura soluihur, vbi toties nos æstimari putamus, quoties aspici. Nam & multa

3. Palam facere) vtrumque scilicet vno tempore perisse.

Q 2

inci.

incidunt, quæ inuitos denudent: & vt bene cedat tanta
sui diligentia, non tamen iucunda vita, aut secura est,
semper sub persona viuentium. Ad illa quantum
habet voluptatis, sincera & per se ornata simplicitas,
nihil obtendens moribus suis? Subit tamen & hæc vita
contemptus periculum, si omnia omnibus patent. sunt
enim qui fastidiant, quicquid propius adierunt. Sed
nec virtuti periculum est, ne admota oculis reuilescat:
& satius est simplicitate contemni, quam perpetua
simulatione torqueri. Modum tamen rei adhibeamus.
multum interest, simpliciter viuas, an negligenter.
Multum & in se recedendum est. conuersatio enim
dissimilium, bene composita disturbat; & renouat
affectus, & quidquid imbecillum in animo, nec per-
curatum est, exulcerat. Miscenda tamen ista, &
alternanda sunt, solitudo & frequentia. Illa nobis
faciet hominum desiderium, hæc nostri: & erit altera
alterius remedium. odium turbæ sanabit solitudo, tæ-
dium solitudinis turba. Nec in eadem intentione
æqualiter retinenda mens est, sed ad iocos reuocanda.
Cum pueris Socrates ludere non erubescibat: & Cato
vino laxabat animum, curis publicis fatigatum: &
Scipio triumphale illud & militare corpus mouit ad
numeros; non molliter se infringens, vt nunc mos est
etiam incessu ipso ultra muliebrem mollitiem fluenti-
bus; sed vt illi antiqui viri solebant, inter lulum ac
festa tempora, virilem in modum tripudiare, non
facturi detrimentum; etiam si ab hostibus suis specta-
rentur. Danda est remissio animis: meliores acio-
resque requieti surgent. Vt fertilibus agris non est
impedendum: cito enim exhauriet illos nunquam in-
termittenda fecunditas: ita animorum impetus assiduus
labor frangit. Vires recipient paullum resoluti, &
remissi. Nascitur ex assiduitate laborum, animorum
hebetatio quædam, & languor: nec ad hoc tanta ho-
nimum cupiditas tenderet, nisi naturalem quamdam
volupta-

voluptatem haberet lusus iocusque: quorum frequens
 vsus, omne animis pondus, omnemque vim eripiet.
 Nam & somnus refectioⁿi necessarius est: hunc tamen
 si per diem noctemque continues, mors erit. Multum
 interest, remittas aliquid, an soluas. Legum con-
 ditores festos instituerunt dies, vt ad hilaritatem ho-
 mines publice cogerentur: tanquam necessarium la-
 boribus interponentes temperamentum. Et magni,
 vt dixi, viri quidam sibi menstruas certis diebus ferias
 dabant: quidam nullum non diem, inter & otium
 & curas, diuidebant. qualem Pollionem Asinium,
 oratorem magnum, meminimus: quem nulla res vltra
 decimam retinuit. ne epistolas quidem post eam ho-
 ram legebat, ne quid nouæ curæ nasceretur: sed totius
 diei lassitudinem duabus illis horis ponebat. Quidam
 medio die interiunxerunt, & in postmeridianas horas
 aliquid leuioris operæ distulerunt. Maiores quoque
 nostri nouam relationem, post horam decimam, in
 senatu fieri vetabant. Miles vigilias diuidit, & nox
 immunis³⁾ est ab expeditione redeuntium. Indul-
 gendum est animo: dandumque subinde otium, quod
 alimenti ac virium loco sit: & in ambulationibus aper-
 tis vagandum, vt cælo libero & multo spiritu augeat
 attollatque se animus. Aliquando vestatio iterque,
 & mutata regio, vigorem dabunt, conuietusque &
 liberalior potio: nonnunquam & vsque ad ebrietatem
 veniendum, non vt mergat nos, sed vt deprimat.
 Eluit enim curas, & ab imo animum mouet: & vt
 morbis quibusdam, ita tristitiæ medetur: liberque
 non ob licentiam linguæ dictus est inuentor vini, sed
 quia liberat seruitio curarum animum, & asserit, ve-
 getatque & audaciorem in omnes conatus facit. Sed
 vt libertatis, ita vini salubris moderatio est. Et So-
 lonem, Arcefilaumque indulgisse vino credunt. Catoni

3. *Immunis*) excusantur a vigiliis qui de die in expeditione &
 contra hostem alibi fuerunt.

ebrietas obiecta est: facilius efficiet, quisquis obiecerit, hoc crimen honestum, quam turpem Catonem. Sed nec sæpe faciendum est, ne animus malam consuetudinem ducat: & aliquando tamen in exultationem libertatemque extrahendus, tristisque sobrietas remouenda paullisper. Nam, siue Græco poëtæ credimus, aliquando & insanire iucundum est: siue Platoni, frustra poëticas fores compos sui pepulit: siue Aristoteli, nullum magnum ingenium sine mixtura dementiæ fuit. Non potest grande aliquid & supra ceteros loqui, nisi mota mens. Cum vulgaria & solita contempsit, instinctuque sacro surrexit excelsior, tunc demum aliquid cecinit grandius ore mortali. Non potest sublime quicquam & in arduo positum contingere, quamdiu apud se est. Desciscat oportet a solito, & efferatur, & mordeat frænos, & rectorem rapiat suum: eoque ferat quo per se timuisset descendere. Habes, Serene carissime, quæ possint tranquillitatem tueri, quæ restituere, quæ surrepentibus vitiis resistant. Illud tamen scito, nihil horum satis esse validum, rem imbecillam seruantibus, nisi intenta & assidua cura circumeat animum labentem.



L. ANNAEI SENECAE
DE CONSTANTIA SA-
PIENTIS,

SIVE
QVOD IN SAPIENTEM
NON CADIT INIVRIA.

Argumentum & Ordo.

Magni animi, magni ingenii, atque etiam eloquit
hoc scriptum: vno verbo, inter optima. Editum
sub tempus prioris illius puto, de Tranquillitate: cui
vulgo, etiam inungunt, male. Diuersum argumentum
est, & tali serie. Orditur a Stoicorum laude, quorum
Paradoxum tractat, Sapientem non affici iniuria. Quid
ergo? aiebat Seneca: non Cato contumeliis affectus,
verberibus, & sputis? Ab hac obiectione ingreditur in
materiam: & Non est tamen iniuria, inquit: fuit
enim Sapiens, atque in Sapientem iniuria non cadit.
Quod tamen ea mente dici ait, non ut non fiat, sed ut
non admittat. Tangi potest iniuria, sed non ladi: a
te esse, in illo non esse. Hac pulcherrime exsequitur ad
Cap. iv. Diuidit deinde dicenda in duas partes, idque
a discrimine iniuria & Contumelia. Priore, negat
illam cadere in Sapientem; posteriore, nec istam. De
iniuria, haec sunt argumenta: Sapiens nullius mali
patiens: at malum est Iniuria. Secundum, Iniuria
detrahit & deminuit: Sapienti nihil eripitur. habet in
se vno omnia reposita, & firmiter, ut Stilpo. Tertium,
Fortis ab infirmo non leditur: non ergo a Malitia Virtus.
Hic obiicitur, Atqui Socrates nonne iniuria damnatus?
Ita, sed sine sua iniuria. Illi intulerunt, ipse non
accepit: sed sapientia reiecit. Sicut Venenum mihi
das, ego antidoto vim eius infringo: scelus tu facis, ego
non

non patior. Quartum argumentum, iniuria cum In-
iustitia mixta est: non hac cadit in Sapiensem: minime
ergo illa. Quintum, Sapiienti nemo prodest: ergo nec
ledit. Sextum, Iniuria a Spe aut metu est: Sapiens
neutro eorum tangitur. Septimum ultimumque, Ini-
uriam nemo immotus accipit: non movetur Sapiens. At-
que hic conclusio prioris partis, & adhortatio ad dogma
animis accipiendum. Altera erat de Contumelia, quam
explicat Cap. x. quid proprie sit; & tum a Sapiente ar-
cet. Primo, quia Sapiens magnitudinem suam novit:
non ergo contumelia ad eum pertinet. quæ nomen & rem
habet a contemptu. Secundo, Superbi & insolentes in-
ferunt contumeliam: ipse tales spernit: itaque & ab iis
istam. Terrio, Nemo maiorem melioremque contemnit:
is est Sapiens. Ergo in se dicta ridet, & in convitiis iocu-
los puerorum. Sed quid? fert igitur hæc omnia Sapi-
ens? non castigat aut compefcit? imo facit interdum:
sicut illos ipsos pueros solerant: non quia malum ille ac-
ceperat, sed quia hi fecerunt. Atque hæcenus (ad
Cap. xiv.) in solam Contumeliam, aut Iniuriam: iam
mixtim utramque refutat. Hoc argumento, Securitas
propria est Sapiientis: non est, si alterutram accipit, aut
potest accipere. Simile & Epicurei dicunt: etsi minus
fortiter. Denique lenta pleraque, quibus vulgus offen-
ditur, suadet recitare, & ridere ne ridearis. Conclusio,
Quomodo eunti ad Sapiëntiam, Quomodo qui pervenit,
ferenda iniuria? Illi, cum morsu aliquo animi, & ad-
huc pugna; hæc, sine alterutro, & victor iam agit ante
se utramque & triumphat. Ego itero, magni animi
scriptum est: robur ab eo, in temporum hæc hominum-
que cottidiana malitia, capiamus.

CAPUT I.

Tantum inter Stoicos, Serene, & ceteros sa-
pientiam professos interesse, quantum inter
feminas & mares, non immerito dixerim:
cum

cum vtraque turba ad vitæ societatem tantumdem conferat; sed altera pars ad obsequendum, altera imperio nata sit. Ceteri sapientes molliter & blande, vt fere domestici & familiares medici, ægris corporibus, non qua optimum & celerrimum est medentur, sed qua licet: Stoici virilem ingressi viam, non vt amœna ineuntibus videatur curæ habent, sed vt quamprimum nos eripiant, & in illum editum verticem educant, qui adeo extra omnem teli iactum surrexit, vt supra fortunam emineat. At ardua per quæ vocamur, & confragosa sunt. Quid enim plano aditur excelsum? Sed ne tam aprupta quidem sunt, quam quidam putant. prima tantum pars laxa rupesque habet, & in vii speciem: sicut pleraque ex longinquo speculantibus abscessa & connexa videri solent, cum aciem longinquitas fallat. Deinde propius adeuntibus eadem illa, quæ in vnum congegesserat error oculorum, paullatim aperiantur: tum illis, quæ præcipitia ex intervallo apparebant, redit lenè fastigium. Nuper cum incidisset mentio M. Catonis, indigne ferebas (sicut es iniquitatis impatiens) quod Catonem ætas sua parum intellexisset, quod supra Pompeios & Cæsares surgentem, infra Vatinius 1) posuisset: & tibi indignum videbatur, quod illi dissuasuro legem, toga in foro esset erepta, quodque a Rostris, vsque ad arcum Fabianum, per seditiosæ factionis manus tractus, voces improbas, & sputa, & omnes alias insanæ multitudinis contumelias pertulisset. Tunc ego respondi, habere te quod Reipublicæ nomine moueris, quam hinc P. Clodius, hinc Vatinius, ac pessimus quisque vānundabat, & cæca cupiditate corrupti, non intelligebant, se, dum vendunt, & venire.

CAP. II Pro ipso quidem Catone securum te esse iussi. Nullum enim sapientem nec iniuriam accipere,

1. *Vatinius*) Vatinius homo sceleratus, cui in prætura Cato postpositus.

nec contumeliam posse: Catonem autem certius exemplar sapientis viri nobis deos immortales dedisse, quam Vlysses & Herculem prioribus sæculis. Hos enim Stoici nostri sapientes pronunciauerunt, inuictos laboribus, & contemptores voluptatis, & victores omnium terrorum. Cato cum feris manus non conrulit, quas consecrari venatoris agrestisque est: nec monstra igne ac ferro persecutus est, nec in ea tempora incidit, quibus credi posset cælum vnus humeris inniti, excussa iam antiqua credulitate, & seculo ad summam perducto solertiam. Cum ambitu congressus, multiformi malo, & cum potentia immensa cupiditate, quam totus orbis in tres diuisus 1) satiare non poterat, aduersus vitia ciuitatis degenerantis, & pessum sua mole fidentis, stetit solus, & cadentem Rempublicam, quantum modo vna retrahi manu 2) poterat, retinuit: donec vel abreptus, vel abstractus, comitem se diu sustentata ruina dedit: simulque extincta sunt, quæ nefas erat diuidi. Neque enim Cato post libertatem vixit, nec libertas post Catonem. Hinc tu putas iniuriam fieri potuisse a populo, quod aut præturam illi detraxit, aut togam? quod sacrum illud caput purgamentis oris asperfit? Tutus est sapiens, nec vlla affici aut iniuria, aut contumelia potest.

CAP. III. Videor mihi intueri animum tuum incensum, & efferuescentem. paras acclamare: Hæc sunt quæ auctoritatem præceptis vestris detrahant. magna promittis, & quæ ne optari quidem, nedum credi possint: deinde ingentia locuti, cum pauperem negastis esse sapientem, non negatis solere illi & seruum, & vestem, & tectum, & cibum deesse; cum sapientem negastis insanire, non negatis & alienari, & parum sana verba emitte, & quicquid vis morbi

1. In tres diuisus) Crassum, Pompeium & Cæsarem.

2. Vna manu) quæ prouerbio asseritur infirma; Lips.

cogit, audere; cum sapientem negastis fernum esse, iidem non itis infitias, & venumiturum, & imperata facturum, & domino suo seruilia præstiturum ministeria. Ita, sublato alte supercilio, in eadem quæ cæteri, descenditis, mutatis rerum nominibus. Tale itaque aliquid & in hoc esse suspicor, quod prima specie pulchrum atque magnificum est: nec iniuriam, nec contumeliam accepturum esse sapientem. Multum autem interest, vtrum sapientem extra indignationem, an extra iniuriam ponas. Nam si dicis illum æquo animo laturum; nullum habet privilegium. contigit illi res vulgaris, & quæ discitur ipsa iniuriarum assiduitate, patientia. Si negas accepturum iniuriam, id est, neminem illi tentaturum facere; omnibus relictis negotiis, Stoicus fio. Ego vero sapientem non imaginario honore verborum exornare constitui, sed eo loco ponere, quo nulla permittatur iniuria. Quid ergo? nemo erit qui lacestat, qui tentet? Nihil in rerum natura tam sacrum est, quod sacrilegum non inueniat: sed non ideo diuina minus in sublimi sunt, si existunt, qui magnitudinem, multum ultra se positam, non icturi appetant. Inuulnerabile est, non quod non feritur, sed quod non læditur. Ex hac tibi nota sapientem exhibeo. Nunquid dubium est, quin certius robur sit, quod non vincitur, quam quod non lacestat? cum dubiæ sint vires inexpertæ; ac merito certissima firmitas habeatur, quæ omnes incurfus respuit. Sic tu sapientem melioris scito esse naturæ, si nullius illi iniuria nocet, quam si nulla sit. Et illum fortem virum dicam, quem bella non subigunt, nec admota vis hostilis exterret: non cui pingue otium est, inter desides populos. Huiusmodi igitur sapientem nulli esse iniuriæ obnoxium. Itaque non refert, quam multa in illum coniciantur tela, cum sit nulli penetrabilis. Quomodo quorundam lapidum inexpugnabilis ferro duritia est, nec secari adamant, aut cædi, vel deteri potest,

potest, sed incurrentia vltro retundit : quemadmodum quædam non possunt igne consumi, sed flamma circumfusa, rigorem suum habitumque conseruant : quemadmodum proiecti in altum scopuli mare frangunt, nec ipsi vlla sæuitiæ vestigia, tot verberati sæculis ostentant : ita sapientis animus solidus est, & id roboris collegit, vt tam tutus sit ab iniuria, quam illa quæ retuli.

CAP. IV. Quid igitur ? non erit aliquis qui sapienti facere tentet iniuriam ? tentabit, sed non peruenturam ad eum. Maiore enim intervallo a contactu inferiorum abductus est, quam vt vlla vis noxia vsque ad illum vires suas perferat. Etiam cum potentes, & imperio editi, & consensu feruentium validi, nocere ei intendunt : tam citra sapientem omnes eorum impetus deficient, quam quæ neruo tormentisue in altum exprimuntur, cum extra visam exsiliunt, citra cælum tamen flectuntur. Quid ? tu putas, cum stolidus ille rex ¹⁾ multitudine telorum diem obscurasset, vllam sagittam in Solem incidisse ? aut demissis in profundum catenis Neptunum potuisse contingi ? Vt cælestia humanas manus effugiunt, & ab his qui templa diruunt, aut simulacra constant, nihil diuinitati nocetur : ita quicquid fit in sapientem proterve, petulanter, superbe, frustra tentatur. At fatius erat, neminem esse qui facere vellet. Rem difficilem optas humano generi, innocentiam. Et non fieri, eorum interest qui facturi sunt, non eius qui pati, ne si fiat quidem, non potest. Imo nescio, an magis vires sapientia ostendat tranquillitatis inter laceffentia: sicut maximum argumentum est imperatoris armis virisque pollentis, tuta securitas & in hostium terra, Diuidamus si tibi videtur, Serene, iniuriam a contumelia. prior illa natura grauior est: hæc leuior, &

1. Stolidus ille Rex) Xerxes,

tantum delicatis grauis: qua non læduntur, sed offenduntur. Tanta est tamen animorum dissolutio & vanitas, vt quidam nihil acerbius putent. Sic inuenies feruum, qui flagellis quam colaphis cædi malit, & qui mortem ac verbera tolerabiliora credat, quam contumeliosa verba. Ad tantas ineptias peruentum est, vt non dolore tantum, sed doloris opinione vexemur: more puerorum, quibus metus incutit vmbra, & personarum deformitas, & deprauata facies, lacrimas vero euocant nomina parum grata auribus, & digitorum motus & alia, quæ impetu quodam erroris improvidi refugiant.

CAP. V. Iniuria propositum hoc habet, aliquem male afficere: malo autem sapientia non relinquit locum. Vnum enim malum illi est turpitudine: quæ intrare eo, vbi iam virtus honestumque est, non potest: iniuria ergo ad sapientem non peruenit. Nam si iniuria alicuius mali patientia est, sapiens autem nullius mali est patiens, nulla ad sapientem iniuria pertinet. Omnis iniuria diminutio eius est, in quem incurrit. nec potest quisquam iniuriam accipere sine aliquo detrimento vel dignitatis, vel corporis, vel rerum extraneos positarum: sapiens autem nihil perdere potest, omnia in se reposuit, nihil fortunæ credit, bona sua in solido habet, contentus virtute, quæ fortuitis non indiget. Ideoque nec augeri, nec minui potest, nam in summum perducta, incrementi non habent locum. Nihil eripit fortuna, nisi quod dedit: virtutem autem non dat: ideo nec detrahit. Libera est, inuolabilis, immota, inconcussa; sic contra casus indurat, vt nec inclinari quidem, nedum vinci possit. Aduersus apparatus terribilium, rectos oculos tenet, nihil ex vultu mutat, siue illi dura, siue secunda ostentantur. Itaque nihil perdet, quod perire sensurus sit. Vnius enim in possessione virtutis est, ex qua depelli nunquam potest: ceteris precario vitur. quis autem iactura mouetur alieni?

alieni? Quod si iniuria nihil lædere potest ex his quæ propria sapientis sunt, quia virtute sua salva sunt: iniuria sapienti non potest fieri. Megara Demetrius ceperat, cui cognomen Poliorcetes fuit, ab hoc Stilpon philosophus interrogatus, nunquid perdidisset, Nihil, inquit: omnia namque mea mecum sunt. Atqui & patrimonium eius in prædam cesserat, & filias rapuerat hostis, & patria in alienam ditionem venerat, & ipsum rex circumfusus victoris exercitus armis ex superiore loco rogabat. Ille victoriam illi excussit: & se, vrbe capta, non iniectum tantum, sed indemnem esse testatus est. habebat enim secum vera bona, in quæ non est manus iniectio. At ea quæ dissipata & direpta ferebantur, non iudicabat sua, sed adventicia, & nutum fortunæ sequentia: ideo non ut propria dilexerat. Omnium enim extrinsecus affluentium lubrica & incerta possessio est. Cogita nunc, an huic fur, an calumniator, aut vicinus impotens, aut dives aliquis regnum orbæ senectutis 1) exercens, facere iniuriam possit, cui bellum & hostis ille, egregiam artem quasandarum urbium professus, eripere nihil potuit. Inter micantes ubique gladios, & militarem in rapina tumultum, inter flammæ & sanguinem stragemque impulsæ ciuitatis, inter fragorem templorum super deos suos cadentium, vni homini pax fuit. Non est itaque quod audax iudices promissum: cuius tibi, si parum fidei habeo: sponsorem dabo. Vix enim credis tantum firmitatis in hominem, aut tantam animi magnitudinem cadere. sed si prodit in medium, qui dicat.

CAP. VI. Non est, quod dubites, an tollere se homo natus supra humana possit, an dolores, damna ulcerationes, vulnera, magnos motus rerum circa se frementium securus adspiciat, & dura placide ferat,

1. *Regnum orbæ senectutis*) nam orbi isti gratiosi, imo impetiosi & potentes, ob sequentium eos hæredipetarum potentiam.

& secunda moderate: nec illis cedens, nec his fretus, vnus idemque inter diuersa sit, nec quicquam suum, nisi se putet esse, ea quoque parte 1) qua melior est. En assum hoc vobis probaturus, sub isto tot ciuitatum euersore, munimenta incussu arietis labefieri, & turrium altitudinem cuniculis ac latentibus fossis repente residere, & æquaturum editissimas arces aggerem crescere: at nulla machinamenta posse reperiri, quæ bene fundatum animum agitent. Erepsi modo e ruinis domus, & incendiis vndique relucentibus, flammæ per sanguinem fugi. Filias meas qui casus habeat, an peior publico, nescio. Solus, & senior, & hostilia circa me omnia videns, tamen integrum incolumemque esse censum meum profiteor; teneo, habeo quicquid mei habui. Non est quod me victum, victoremque te credas. vicit fortuna tua fortunam meam. Caduca illa, & dominum mutantia, vbi sint nescio: quod ad res meas pertinet, mecum sunt, mecum erunt. Perdiderunt isti diuites patrimonium; libidinosi amores suos, & magno pudoris impendio dilecta scorta; ambitiosi curiam, & forum, & loca exercendis in publico vitiis destinata; sceneratores perdiderunt tabellas suas, quibus avaritia falso lata, diuitias imaginatur: ego quidem omnia integra illibataque habeo. Proinde istos interroga qui flent, qui lamentantur, strictis gladiis nuda pro pecunia corpora opponunt, qui hostem onerato sinu 2) fugiunt. Ergo ita habe, Serene, perfectum illum virum, humanis diuinisque virtutibus plenum, nihil perdere. Bona eius solidis & inextuperabilibus munimentis præcincta sunt. Non Babylonios illi muros contuleris, quos Alexander intravit: non Carthaginis aut Numantiæ mœnia, vna

1. *Ea quoque parte*) id est nec se quidem totum pro suo habet, sed animum quo proprie est homo. *Lips.*

2. *Onerato sinu*) suppellectile præiosa, & aliis quæ salua esse cupiant.

manu capta: non Capitolium, arcemue; habent ista hostile vestigium. Illa quæ sapientem tuentur, a flammis & ab incurſu ruta sunt: nullum introitum præbent, excelsa, inexpugnabilia, diis æqua.

CAP. VII. Non est quod dicas, ita ut soles, hunc sapientem nostrum nusquam inveniri. Non fingimus istud humani ingenii vanum decus, nec ingentem imaginem falsæ rei concipimus, sed qualem confirmamus, exhibuimus, 1) & exhibebimus. Raro forsitan, magnisque ætatum intervallis invenitur. neque enim magna, & excedentia solitum ac vulgarem modum, crebro gignuntur: ceterum hic ipse M. Cato, a cuius mentione hæc disputatio processit, vereor ne supra nostrum exemplar sit. Denique validius debet esse quod lædit, eo quod læditur: non est autem fortior nequitia virtute. non potest ergo lædi sapiens. Iniuria in bonos nisi a malis non tentatur: bonis inter se pax est: mali tam bonis perniciosi quam inter se. Quodsi lædi nisi infirmior non potest: malus autem bono infirmior est: nec iniuria bonis, nisi a dispari, verenda est: iniuria in sapientem virum non cadit. Illud enim iam non es adinvenendus, neminem bonum esse nisi sapientem. Si iniuste, inquis, Socrates damnatus est, iniuriam accepit. Hoc loco intelligere nos oportet, posse euenire, ut faciat aliquis iniuriam mihi, & ego non accipiam: tanquam si quis rem quam e villa mea furripuit, in domo mea ponat: ille furtum fecerit, ego nihil perdiderim. Potest aliquis nocens fieri, quamvis non nocuerit. Si quis cum vxore sua tanquam aliena concumbat, adulter erit, quamvis illa adultera non sit. Aliquis mihi venenum dedit, sed vim suam remixtum cibo perdidit: venenum illud dando, scelere se obligavit, etiamsi non nocuit. Non minus latro

1. Exhibuimus) in Stilpone nimirum quem cap. antec.loquentem induxit.

est, cuius telum opposita veste elusum est. Omnia scelera etiam ante effectum operis, quantum culpæ satis est, perfecta sunt. Quædam eius conditionis sunt, & hac vice copulantur, ut alterum sine altero esse possit, alterum sine altero non possit. Quod dico, conabor facere manifestum. Possum pedes mouere, ut curram: currere non possum, ut pedes non moueam. possum, quamuis in aqua sim, non natare: si nato, non possum in aqua non esse. Ex hac sorte & hoc est, de quo agitur. si iniuriam accepi, necesse est factam esse, si est facta, non est necesse accepisse me. Multa enim incidere possunt, quæ submoueant iniuriam. Ut, intentam manum deicere casus potest, & emissa tela declinare: ita iniurias qualescunque potest aliqua res depellere, & in medio intercipere, ut & factæ sint, nec acceptæ.

CAP. VIII. Præterea, nihil iniustum iustitia pati potest: quia non coeunt contraria: iniuria autem non potest fieri nisi iniuste: ergo sapienti iniuria non potest fieri. Nec est quod miteris, si nemo potest illi iniuriam facere, nec prodesse quidem quisquam potest. & sapienti nihil deest, quod accipere possit loco muneris: & malus nihil potest tribuere sapienti. Habere enim prius debet, quam dare: nihil autem habet, quod ad se transferri sapiens gauisurus sit. Non potest ergo quisquam aut nocere sapienti, aut prodesse: quemadmodum diuina nec iuari desiderant, nec lædi possunt, sapiens autem vicinus proximusque diis consistit, excepta mortalitate, similis Deo. Ad illa nitens pergensque excelsa, ordinata, intrepida, æquali & concordî cursu fluentia, secura, benigna, bono publico natus, & sibi & aliis salutaris, nihil humile concupiscet, nihil flebit, qui rationi innixus, per humanos casus diuino incedet animo. Non habet ubi accipiat iniuriam, ab homine me tantum dicere putas? nec a fortuna qui-

dem; quæ quotiens cum virtute congressa est, nunquam par recessit. Si maximum illud, ultra quod nihil habet iratæ leges, aut seuißimi domini minantur, in quo imperium suum fortuna consumit; æquo placidoque animo accipimus, & scimus mortem malum non esse, ob hoc ne iniuriam quidem: multo facilius alia tolerabimus, damna, dolores, ignominias, locorum commutationes orbitates, discidia, quæ sapientem, etiam si vniuersa circumueniant, non mergunt; nedum ad singulorum impulsus inereat. Et si fortunæ iniurias moderate fert: quanto magis hominum potentium, quos scit fortunæ mapus esse?

CAP. IX. Omnia itaque sic patitur, vt hiemis rigorem, vt intemperantiam, cæli, vt feruores morbosque, & cetera forte accidentia. Nec de quoquam tam bene iudicat, vt illum quicquam putet consilio fecisse: quod in vno sapiente est, aliorum omnium non consilia, sed fraudes, & insidiæ, & motus animorum inconditi sunt: quos calibus adnumerat. Omne autem fortuitum citra nos sæuit, & iniuriatur. Illud quoque cogitat, iniuriarum latissime patere materiam illis, per quæ periculum nobis quæsitum est: vt accusatore submisso, aut criminatione falsa, aut irritatis in nos potentiorum motibus, quæque alia inter togatos 1) latrocinia sunt. Est & illa iniuria frequens, si lucrum alicui excussum est, aut præmium diu captatum; si magno labore affectata hereditas auersa est; & quæstuosæ domus gratia erepta. 2) hæc effugit sapiens, qui nescit nec in spe, nec in metu vivere. Adhuc uunc, quod iniuriam nemo immota mente acci-

1. Inter togatos) lites, fraudes, calumniæ, quibus fortuna aut vita petitur, in foro exercentur vel in aula: idque ab inermibus & togatis, solo linguæ telo. Lips.

2. Quæstuosæ domus gratia erepta) si gratiam amiserit domus; ex qua multum lucri ad eum redire poterat.

pit, sed ad sensum eius perturbatur: caret autem perturbatione vir erectus: moderatōr sui, altæ quietis & placidæ. Nam si illum tangit iniuria, & mouet, & impedit. caret autem ira sapiens, quam excitat iniuriæ species: nec aliter careret ira, nisi & iniuria, quam scit sibi non posse fieri. Inde tam erectus lætusque est, inde continuo gaudio elatus, adeo ad offensiones rerum hominumque non contrahitur, ut ipsa illi iniuria vsui sit, per quam experimentum sui capit, & virtutem tentat. Fauemus, obsecro vos, huic proposito, æquisque & animis & auribus assimus, dum sapiens iniuriæ excipitur: nec quicquam ideo petulantia nostræ, aut rapacissimis cupiditatibus, aut cæcæ temeritati superbizque detrahitur. Saluis vitiis vestris, hæc sapienti libertas quæritur, non ut vobis facere non liceat 3) iniuriam, agimus: sed ut ille omnes iniurias in altum dimittat, patientiaque se ac magnitudine animi defendat. Sic in certaminibus sacris, 4) plerique vicere, cædentium manus obstinata patientia fatigando. Ex hoc puta genere sapientem eorum, qui exercitatione longa ac fideli, robur perpetiendi lassandique omnem inimicam vim consecuti sunt.

CAP. X. Quoniam priorem partem percurrimus, ad alteram transeamus: quæ iam quibusdam propriis, plerisque vero communibus contumeliam refutabimus. Est minor iniuria, quam queri magis quam exsequi 1) possumus, quam leges quoque nulla dignam vindicta putauerunt. Hunc affectum mouet humilitas animi, contrahentis se, ob factum dictum.

3. Non ut vobis facere non liceat) non id agimus, non ea nostra sententia est, quod a vobis fieri iniuria nulla possit, sed quod ea contemnatur a sapiente.

4. Certaminibus sacris) na dicti Græciæ agones, quia diis vel heroibus sacri.

1. Exsequi) vindicare, vlcisci.

que inhonorificum. Ille me hodie non admisit, cum alios admitteret: sermonem meum aut superbe auersatus est, aut palam risit: & non in medio me lecto, sed imo 2) collocavit: & alia huius notæ. Quæ quid vocem, nisi querelas nauseantis animi, in quas fere delicati & felices incidunt? non vacat enim hæc notare, cui peiora instant. Nimio otio, ingenia natura infirma & muliebria, & inopia veræ iniuriæ lasciuiencia, his commouentur: quorum pars maior constat vitio interpretantis. Itaque nec prudentiæ quicquam in se esse, nec fiduciæ ostendit qui contumelia afficitur. non dubie enim contemptum se iudicat: & hic morsus non sine quadam humilitate animi euenit, suppressantis se ac descendantis. Sapiens autem a nullo contemnitur, magnitudinem suam nouit: nullique tantum de se licere, renunciat sibi: & omnes has quas non miseras animorum, sed molestias dixerim, non vincit, sed ne sentit quidem. Alia sunt quæ sapientem ferunt, etiamsi non peruertunt: vt dolor corporis, & debilitas, aut amicorum liberorumque amissio, & patriæ bello flagrantis calamitas. Hæc non nego sentire sapientem. nec enim lapidis illi duritiam ferriue asserimus. nulla virtus est, quæ non sentias, perpeti.

CAP. XI. Quid ergo est? Quosdam ictus recipit: sed receptos euincit, sanat, & comprimit. hæc vero minora ne sentit quidem, nec aduersus ea solita illa virtute utitur dura tolerandi: sed aut non annotat, aut digna risu putat. Præterea, cum magnam partem contumeliarum superbi insolentesque faciant, & male felicitatem ferentes: habet quo istum affectum inflatum respuat, pulcherrimam virtutem omnium, animi sanitatem, magnitudinemque. illa, quidquid huiusmodi est, transcurrit, vt vanas somniorum spe-

2. Sed imo) inter conuandam.

cies, visusque nocturnos, nihil habentes solidi, atque veri. Simul illud cogitat, omnes inferiores esse, quam ut illis audacia sit, tanto excelsiora despicere. Contumelia a contemptu dicta est: quia nemo, nisi quem contempsit, tali iniuria notat; nemo autem maiorem melioremque contemnit, etiamsi facit aliquid quod contemnentes solent. Nam & pueri os parentum feriunt, & crines matris turbavit laceravitque infans, & sputo aspersit, aut nudavit in conspectu suorum tegenda, & verbis obscœnioribus non pepercit: & nihil horum contumeliam dicimus, quare? quia qui fecit, contemnere non potest. Eadem causa est, cur nos mancipiorum nostrorum urbanitas, in dominos contumeliosa, delectet, quorum audacia ita demum sibi in conuiuas ius facit, si cœpit a domino. Ut quisque contemptissimus, & ludibrio est, ita solutissimæ linguæ est. Pueros quidem in hoc mercantur proceres, & eorum impudentiam acuunt, & sub magistro habent, qui probra meditate effundant; nec has contumelias vocamus, sed argutias.

CAP. XII. Quanta autem dementia est, iisdem modo delectari, modo offendi: & rem ab amico, dictam, maledictum vocare; a seruolo, ioculari conuiuium? Quem animum nos aduersus pueros habemus, hunc sapiens aduersus omnes, quibus etiam post iuuentam canosque puerilitas est. An quicquam isti profecerunt, quibus animi mala sunt, auctique in maius errores, qui a pueris magnitudine tantum formaque corporum differunt. ceterum non minus vagi incertique, voluptatum sine dilectu appetentes, trepidi, & non ingenio, sed formidine quieti? 1) Non ideo quicquam, inter illos puerosque, interesse quis dixerit, quod illos talorum nucumque & æris minuti avaritia est; his

1. Formidine quieti) quod scilicet vereantur, ne sibi iniuriam facientibus paria referantur.

auri argentique & vrbium. quod illi inter ipsos magistratus gerunt, & prætextam falcesque ac tribunal imitantur; hi eadem in campo foroque & in curia serio ludant. illi in littoribus arenæ congestu simulacra domuum excitant; hi vt magnum aliquid agentes, in lapidibus ac parietibus, & tectis moliendis occupati, ad tutelam corporum inuenta, in periculum 2) verterunt. Ergo par pueris, longiusque progressis, sed in alia maioraque error est. Non immerito itaque horum contumelias sapiens, vt iocos, accipit; & aliquando illos, tanquam pueros, malo pœnaque admonet, & afficit: non quia accepit iniuriam, sed quia fecerunt, & vt desinant facere. Sic enim & pecora verberare domantur: nec irascimur illis, cum sessorem recusauerint: sed compescimus, vt dolor contumaciam vincat. Ergo & illud solutum scies, quod nobis opponitur. Quare si non accepit iniuriam nec contumeliam sapiens, punit eos qui fecerunt? non enim se vlciscitur, sed illos emendat.

CAP. XIII. Quid est autem, quare hanc animi firmitatem non credas in virum sapientem cadere, cum tibi in aliis idem notare, sed non ex eadem causa liceat? Quis enim phrenetico medicus irascitur? quis febricitantis, & a frigida prohibiti maledicta, in malam partem accipit? Hunc affectum aduersus omnes habet sapiens, quem aduersus ægros suos medicus: quorum nec obscœna, si remedio egent, contractare, nec reliquias & effusa intueri dedignatur, nec per furorē fauientium excipere conuicia. Scit sapiens, omnes hos qui togati purpuratique incedunt, valentes coloratosque male sanos esse: quos non aliter videt, quam ægros intemperantes. Itaque ne succenset quidem, si quid in morbo petulantius ausi sunt aduersus medentem, & quo animo honores eorum nihilo æsti-

2. In periculum) ob ruinas crebras ex mole & altitudine. *Lips.*

mat, eodem parum honorifice facta. Quemadmodum non placet sibi, si illum mendicus coluerit, nec contumeliam iudicabit; si illi homo plebis ultimæ salutanti mutuam salutationem non reddiderit: si nec se suspiciet quidem, si illum multi diuites suspexerint. scit enim illos nihil a mendicis differre, imo inferiores esse: illi enim exiguo, hi multo egent. Et rursum non tangetur, si illum rex Medorum, Attalusque Asiæ, salutantem silentio ac vultu arroganti transferit. scit statum eius non magis habere quicquam inuidendum, quam eius cui in magna familia cura obtrigit, ægros insanosque compescere. Num moleste feram, si mihi non reddiderit nomen aliquis ex his, qui ad Castoris I) negotiantur, nequam mancipia ementes vendentesque, quorum tabernæ pessimorum seruorum turba referta sunt? non, ut puto, quid enim is boni habet, sub quo nemo nisi malus est? Ergo ut huius humanitatem inhumanitatemque negligit, ita & regis. Habes sub te Parthos, Medos, & Bactrianos: sed quos metu continet, sed propter quos remittere arcum tibi non contigit, sed postremos, sed vanales, sed nouum aucupantes dominium. Nullius ergo mouebitur contumelia: Omnes enim inter se differunt: sapiens quidem pares illos, ob æqualem stultitiam, omnes putat. Iam si semel se dimiserit eo, ut aut iniuria moneatur, aut contumelia; non poterit vnquam esse securus: securitas autem proprium bonum sapientis est. Nec committet, ut vindicando sibi contumeliam factam, honorem habeat ei qui fecit. necesse est enim, a quod quisque contemni moleste fert, suspici gaudeat.

—CAP. XIV. Tanta quosdam dementia tenet, ut contumeliam sibi posse fieri putent a muliere. Quid refert, quantum habeat, quot lexicarios, quam one-

1. Ad Castoris) sc. templum, vbi tabernæ vernalium seruorum. Lips.

ratas aures, quam laxam sellam? æque impudens animal est, & nisi scientia accessit ac multa eruditio, ferum, cupiditatum incontinens. Quidam se a cinerario 1) impulsos moleste ferunt, & contumeliam vocant ostiarii difficultatem, nomenclatoris superbiam, cubicularii supercilium. O quantus inter ista risus tollendus est, quanta voluptate implendus animus, ex alienorum errorum tumultu, contemplanti quietem suam! Quid ergo? sapiens non accedet ad fores, quas durus janitor obsidet? Ille vero si res necessaria vocabit, experietur, & illum, quisquis erit, tanquam canem acrem, obiecto cibo leniet: nec indignabitur aliquid impendere, ut limen transeat, cogitans & in pontibus quibusdam pro transitu dari. Itaque illi quoque, quisquis erit, qui hoc salutationum publicum exercet, 2) donabit, scit emere venalia. Ille pusilli animi est, qui sibi placet, quod ostiario libere respondit, quod virgam eius fregit: quod ad dominum accessit, & petit corinm. 3) Facit se aduersarium qui contendit, & ut vincat, par fuit. At sapiens colaphis percussus, quid faciet? quod Cato, cum illi os percussus esset: non excanduit, non vindicauit iniuriam: nec remisit quidem, sed factum negauit. Maiore animo non agnouit quam ignouisset. Non diu in hoc hærebimus, quis enim nescit, nihil ex his quæ creduntur bona aut mala, ita videri sapienti, ut omnibus? Non respicit quid homines turpe iudicent, aut miserum: non ita quæ populus: sed ut sidera contrarium mundo iter intendunt, ita hic aduersus opinionem omnium vadit.

1. Cinerario) ornatore mulierum.

2. Salutationum publicum exercet) publicum exercere dicuntur, qui vectigalia publica redimunt, inde publicani facete autem hoc ad rem præsentem transfert, quia pro admissione ad salutandum pecuniola dabatur. Lips.

3. Petit corinm) i. e. petiit ut ostiarius vapulet, & sibi de corio eius satisfiat. Muret. & Gronov.

CAP. XV. Desinite itaque dicere? Non accipiet ergo sapiens iniuriam si cadatur? si oculus illi eruetur? non accipiet contumeliam, si obscenorum vocibus improbis per forum agatur? si in cōdiuio regis, recumbere infra inensam, vescique cum seruis ignominiosa officia sortitis iubebitur? si quid aliud ferre cogetur eorum, quæ excogitari pudori ingenuo molesta possunt? In quantumcumque ista vel numero, vel magnitudine creuerint, eiusdem naturæ erunt. Si non tangent illum parua, ne maiora quidem: si non tangent pauca, ne plura quidem. Sed ex imbecillitate vestra coniecturam capitis ingentis animi: & cum cogitastis, quantum putetis vos pati posse, sapientis patientiæ paullo vltiorem terminum ponitis. At illum in aliis mundi finibus sua virtus collocauit, nihil vobiscum commune habentem. Quare etsi aspera, & quantumcumque tolerata gravia sint, audituque & visu refugienda, non obruetur eorum cœtu: & qualis singulis, talis vniuersis obsisteret. Qui dicit, illud tolerabile sapienti, illud intolerabile, & animi magnitudinem intra certos fines teneri: male agit. vincit nos fortuna, nisi tota vincatur. Nec putes istam Stoicam esse duritiam: Epicurus, quem vos patronum inertiae vestrae assumitis, putatisque mollia ac desidiosa præcipere, & ad voluptates ducentia: Raro, inquit, sapienti interuenit 1) fortuna. Quam pæne emisit viri vocem? Vis tu fortius loqui, & illam ex toto submouere? Domus hæc sapientis angusta, sine cultu, sine strepitu, sine apparatu, nullis obseruatar ianitoribus, turbam vānali fastidio digerentibus: 2) sed per hoc limen vacuum, & ab ostiariis liberum,

1. *Interuenit*) i. e. eum interpellat, adit, dat, aufert &c. ut ius in eum habere sese ostendat. *Lips.*

2. *Turbam vānali fastidio digerentibus*) i. e. intrantes cum fastu ac fastidio, ut quisque dedit aut daturus speratur, disponentibus atque eligentibus. *Lips.*

fortuna non transit. scit non esse illic sibi locum, ubi sui nihil est. Quod si Epicurus quoque, qui corpori plurimum indulgit, aduersus iniurias exsurgit: quid apud nos incredibile videri potest, aut supra humanæ naturæ mensuram? Ille ait iniurias tolerabiles esse sapienti, nos iniurias non esse.

CAP. XVI. Nec est, quod dicas hoc naturæ repugnare. Non negamus rem incommodam esse, verberari & impelli, & aliquo membro carere: sed omnia ista negamus iniurias esse. non sensum illis doloris detrahimus: sed nomen iniuriæ, quod non potest recipi virtute salus. Vter verius dicat, videbimus: ad contemptum quidem iniuriæ uterque consentit. Quæris quid inter duos intersit? Quod inter gladiatores fortissimos. quorum alter premit vulnus, & stat in gradu, alter respiciens ad clauantem populum, significat nihil esse, & intercedi non patitur. Non est, quod putes magnum, quo dissidemus. Illud quo de agitur, quod vnum ad nos pertinet, utraque exempla hortantur: contemnere iniurias, & quas iniuriarum umbras ac suspiciones dixerim, contumelias ad quas despiciendas non sapienti opus est viro, sed tantum conspiciente. 1) qui sibi possit dicere: Vtrum merito mihi ista accidunt, an immerito? Si merito, non est contumelia, iudicium est. si immerito: illi qui iniusta facit, erubescendum est. Et quid est illud, quod contumelia dicitur? in capitis mei leuitatem iocatus est, & in oculorum valetudinem, & in crurum gracilitatem, & in staturam. Quæ contumelia est, quod apparet, audire? Coram vno aliquid dictum ridemus, coram pluribus indignamur: & eorum aliis libertatem non relinquimus, quæ ipsi in nos dicere assueuimus. Jocis temperatis delectamur, immodicis irascimur.

1. *Consipiente*) i. e. mentis compote. Lips.

CAP. XVII. Chrysippus ait quemdam indignatum, quod illum aliquis Veruecem marinum dixerat. In senatu flentem vidimus Fidum Cornelium, Nasonis generum, cum illum Corbulo Struthiocamelum depilatum dixisset. Aduersus alia maledicta, mores & vitam conuulnerantia frontis illi firmitas constitit: aduersus hoc tam absurdum lacrimæ prociderunt tanta animorum imbecillitas est ubi ratio discessit. Quid quod offendimur, si quis sermonem nostrum imitatur, si quis incessum, si quis vitium aliquod corporis aut linguæ exprimit? quasi notiora illa fiant alio imitante, quam nobis facientibus. Senectutem quidam inuisti audiunt, & canos, & alia, ad quæ voto peruenitur. Paupertatis maledictum quosdam perussit: quam sibi obiecit, 1) quisquis abscondit. Itaque materia petulantibus, & per contumeliam urbanis detrahitur, si vltro illam & prior occupes nemo aliis risum præbuit, qui ex se cepit. Vatinius hominem natum & ad risum, & ad odium, scurræ fuisse venustum ac dicacem, memoriæ proditum est. in pedes suos ipse plurima dicebat, & in fauces concisas; 2) sic inimicorum, quos plures habebat quam morbos, & in primis Ciceronis urbanitatem effugit. Si ille hoc potuit duritia oris, qui assiduus conuiciis depudere didicerat: cur is non possit, qui studiis liberalibus, & sapientiæ cultu, ad aliquem profectum pertenerit? Adiice, quod genus vltionis est, eripere ei qui fecit contumeliæ voluptatem. Solent dicere: Miserum me, puto non intellexit! adeo fructus contumeliæ, in sensu, & indignatione, patientis est. Deinde non deerit illi aliquando parem inuenire, qui te quoque vindicet.

CAP. XVIII. C. Cæsar inter cetera vitia, quibus a.

1. *Quam sibi obiecit*) in probrum suum vertit, ignominiosam esse agnoscit.

2. *Concisas*) strum is sæpius excelsis. *Lips.*

bundabat, contumeliosus mirabiliter ferebatur omnibus aliqua nota feriendis, ipse materia risus benignissima. Tanta illi palloris insaniam testantis fœditas erat, tanta oculorum sub fronte anili latentium torvitas, tanta capitis destituti, & emendicatis capillis aspersi deformitas, adice obsessam setis cervicem, & exilitatem crurum, & enormitatem pedum. Immensum est, si velim singula referre, per quæ in patres avosque suos contumeliosus fuit, per quæ in vniuersos ordines: ea referam, quæ illum exitio dederunt. Asiaticum Valerium in primis amicis habebat, ferocem virum, & vix æquo animo alienas contumelias laturum. Huic in conuiuio, id est, in concione, voce clarissima, qualis in concubitu esset vxor eius, obiecit. Dii boni, hoc virum audire, Principem scire, & vsque eo licentiam peruenisse, vt non dico consulari, non dico amico, sed tantum marito Princeps & adulterium suum narret, & fastidium? Chæreæ, tribuno militum, sermo non pro manu) erat, languidus sono, & infracta voce suspectior. 2) Huic Caius signum potenti modo Veneris, modo Priapi dabat: aliter atque aliter exprobrans armato mollitiam. Hæc ipse perlucidus, crepidatus, armillatus. 3) Cogit itaque illum vti ferro, ne sæpius signum peteret. Ille primus inter coniuratos manum sustulit: illæ cervicem mediam vno ictu decedit: plurimum deinde vndique publicas ac priuatas iniurias vkilcentium gladiatorum ingestum est. sed primus vir fuit, qui minime visus est. At idem Caius omnia contumelias putabat, &

1. Sermo non pro manu) mollis & languidus, cum manus prompta & virilis. Lips.

2. Suspectior) vt pote quæ Eunuchos & parum viros prodat.

3. Perlucidus, crepidatus, armillatus) pellucida autem vestis, crepida & armilla muliebria sunt ornamenta; vt adeo ipsum Caium mollem & effeminatum exprobrare tamen Chæreæ hoc vitium voluisse dicat.

sicut ferendarum impatiens, faciendarum cupidissimus. Iratus fuit Herennio Macro, quod illum Caium salutauerat: nec impune cessit primipilario, quod Caligulam dixerat. Hoc enim in castris natus, & alumnus legionum vocari solebat, nullo nomine militibus familiarior vnquam factus; sed iam Caligulam conuicium & probrum iudicabat cothurnatus. Ergo hoc ipsum solatio erit, etiamsi nostra facilitas vltionem omiserit, futurum aliquem, qui pœnas exigat a procace, & superbo, & iniurioso: quæ vitia nunquam in vno homine, & in vna contumelia consumuntur. Respiciamus eorum exempla, quorum laudamus patientiam: vt Socratis, qui comœdiarum publicatos in se; & spectatos sales, in partem bonam accepit, risitque non minus, quam cum ab vxore Xanthippe immunda aqua perfunderetur. Antistheni mater barbara & Thressa obiiciebatur: respondit, & deorum matrem Idæam esse.

CAP. XIX. Non est in rixam colluctationemque veniendum. procul auferendi pedes sunt: & quidquid horum ab imprudentioribus fiet (fieri autem nisi ab imprudentibus non potest) negligendum. Et honores & iniuriæ vulgi, in promiscuo habendi sunt: nec his dolendum, nec illis gaudendum. Alioquin multa, timore contumeliarum aut tædio, necessaria omitemus: & publicis priuatisque officiis, aliquando etiam salutaribus, non occurremus, dum muliebris nos cura angit, aliquid contra animum audiendi: aliquando etiam obirati potentibus, detegemus hunc affectum intemperanti libertate. Non est autem libertas, nihil pati. Fallimur. libertas est, animum supponere iniuriis, & eum facere se, ex quo solo sibi gaudenda veniant: exteriora deducere a se, ne inquieta agenda sit vita, omnium risus, omnium linguas timentis. Quis est enim, qui non possit contumeliam facere, si quisquam potest? Diuerso autem remedio
vte

utetur sapiens, affectatorque sapientiae. Imperfectis enim, & adhuc ad publicum se iudicium dirigentibus, hoc proponendum est, inter iniurias ipsos contumeliasque debere versari. Omnia leuiores accidunt expectantibus. quo quisque honestior genere, fama, patrimonio est, hoc se fortius gerat: memor, in prima acie altos ordines 1) stare: contumelias & verba probrosa & ignominias, & cetera dehonestamenta, velut clamorem hostium ferat, & longinqua tela, & saxa sine vulnere circa galeas crepitantia. Iniurias vero, ut vulnera, alia armis, alia pectori infixis, non deiectus, ne motus quidem gradu, sustineat, Etiam si premeris & infesta vi vrgeris, cedere tamen turpe est: assignatum a natura locum tuere. Quæris quis hic sit locus? viri. Sapienti aliud auxilium est huic contrarium. Vos enim rem geritis: illi parta victoria est. Ne repugnate vestro bono, & hanc spem, dum ad verum peruenitis, alite in animis: libentesque meliora excipite, & opinione ac voto iuste. Esse aliquem inuictum, esse aliquem in quem nihil fortuna possit, e Republica humani generis est.

1. *Altos ordines*) nam ibi centuriones & militum primi.



L. ANNAEI SENECAE
AD
NERONEM CAE-
SAREM
DE CLEMENTIA
LIBER PRIMVS.

Argumentum & Ordo.

HI libri scripti initio Principatus Neronis, quod ipse lib. I. Cap. IX. palam indicat, cum scribit cum ingressum annum decimum nonum. Et vero digni Principe libri, ac materies: atque utinam legant, & mites simul magnosque animos ab iis sumant! Exordium est a laude Neronis, nec falsa, ut initia illa erant. Deinde Cap. III. diuidit scriptum in tres partes: unam Manuductionis; alteram, qua naturam Clementia explicet; tertiam, qua ad eam perducatur, & firmet. In prima, primus totus liber absimitur: & praemittit de Utilitate Clementia, & Regibus maxime conuenire. Decoram illis, quia capita reip. sunt, nos velut corpus & membra: atqui corpori quis non parcat & indulget? Necessariam etiam esse, in copia peccantium: quos si punire semper, solitudinem facis. Ab exemplo Deorum, qui nobis parcent: item a Fama, quia omnia Regum patent, & minima sauitia protrahitur. A Securitate, nam ita imperantes, tutiores; adiungitque facta quadam Augusti. Contra in Tyrannis, qui per sauitiam odia, pericula, exitia sibi igitur raro punit, & molliter aut modice, animo atque exemplo parentum. Atque ea moderatio in scholis, militia, animalibus, servis, cum fructu adhibetur. Etiam a Natura adhibetur,
ab

ab apum imagine: quarum Rex aculei est expertus. Iam Princeps aut Sua, aut Aliena causa punit, cum punit. Non debet rigide in Sua, quia ultionis solatio non eget in tam alta fortuna. Non in Aliena, nisi (ad instar Legis) ut aut emendet, aut alios faciat meliores, siue tutiores. Hec autem omnia magis raritas animadversionum praestabit: quae crebra vilesunt, & spernuntur. In clausula, detestatio Samitiae, & mala ab ea, atque exitia.

CAPUT L

Scribere de clementia. Nero Caesar, institui: ut quodammodo speculi vice fungerer, & te tibi, ostenderem, peruenturum ad voluptatem maximam omnium. Quamvis enim recte factorum verus fructus sit fecisse, nec ullum virtutum pretium dignum illis extra ipsas sit: iuvat tamen inspicere & circuire bonam conscientiam, tum immittere oculos in hanc immensam multitudinem, discordem, seditiosam, impotentem, in perniciem alienam suamque pariter exsultaturam, si hoc iugum fregerit, & ita loqui secum: Ego ex omnibus mortalibus placui, electusque sum, qui in terris deorum vice fungerer: ego vitae necisque gentibus arbiter, qualem quisque fortem, statumque habeat, in manu mea positum est. Quid cuique mortalium fortuna datum velit, meo ore pronunciat: ex nostro responso latitiae causas, populi vrbesque concipiunt. Nulla pars vsquam, nisi volente propitioque me, floret. Haec tot millia gladio- rum, quae pax mea comprimit, ad nutum meum stringuntur: quas nationes funditus excidi, quas transportari, quibus libertatem dari, quibus eripi, quos reges mancipia fieri, quorumque capiti regum circumdari decus oporteat, quae ruant vrbes, quae oriantur, mea iurisdictio est. In hac tanta facultate rerum, non ira me ad iniqua supplicia compulit, non iuuenilis impetus, non temeritas hominum & contumacia, quae

quæ sæpe tranquillissimis pectoribus quoque patientiam extorsit : non ipsa ostendæ per terrores potentia dira, sed frequens magnis imperiis, gloria. Conditum, imo constrictum apud me ferrum est : summa parsimonia etiam vilissimi sanguinis. nemo non, cui alia desint, hominis nomine apud me gratus est. Seueritatem abditam, clementiam in procinctu habeo. sic me custodio, tanquam legibus, quas ex situ ac tenebris in lucem euocaui, rationem redditurus sim. Alterius ætate prima motus sum, alterius vltima : alium dignitati donaui, alium humilitati : quoties nullam inueneram misericordiae causam, mihi peperci. Hodie diis immortalibus, si a me rationem repetant, annumerare genus humanum paratus sum. Potes hoc Cæsar prædicare audacter, omnium quæ in fidem tutelamque tuam venerunt, nihil per te, neque vi, neque clam Reip. ereptum. Rarissimam laudem, & nulli adhuc Principum concessam concupisti innocentiam. Non perdis operam ; nec bonitas ista tua singularis ingratos aut malignos æstimatores nacta est. refertur tibi gratia. Nemo vnus homo, vni homini, tam carus vnquam fuit, quam tu populo Romano, magnum longumque eius bonum. Sed ingens tibi onus imposuisti : nemo iam diuum Augustum, nec Tiberii Cæsaris prima tempora loquitur ; nemo quod te imitari velit exemplar extra te quærit. Principatus tuus ad anni gustum ¹⁾ exigitur. Difficile hoc fuisset, si non naturalis tibi ista bonitas esset, sed ad tempus sumpta. nemo enim potest personam diu ferre. Ficta cito in naturam suam recidunt : quibus veritas subest, quæque (vt ita dicam) ex solido enascuntur, tempore ipso in maius meliusque procedunt. Ma-

1. *Anni gustum*) nim. annum iam in principatu fuerat Nero. laudatissime egerat. itaque non alio nec ad alios inquit, sed ad te vocatis, & ad vnus illius anni gustum, *Lips.*

gnam adibat aleam populus Romanus, cum incertum esset, quo se statim nobilis indoles daret: iam vota publica in tuto sunt. nec enim periculum est, ne te subita tui capiat obliuio. Facit quidem audios nimia felicitas: nec tam temperatae cupiditates sunt unquam, ut in eo quod contingit, desinant. gradus a magnis ad maiora fit: & spes improbissimas complectuntur, insperata assecuti. Omnibus tamen nunciibus tuis & hæc confessio exprimitur, esse felices: & illa, nihil iam his accedere bonis posse, nisi ut perpetua sint. Multa illos cogunt ad hanc confessionem, qua nulla in homine tardior est: securitas alta, affluens: ius supra omnem iniuriam positum. Obuersatur oculis lætissima forma Reip. cui ad summam libertatem nihil deest, nisi pereundi licentia. Præcipue tamen æqualis ad maximos imosque peruenit clementiæ tuæ admiratio. Cetera enim bona, pro portione fortunæ suæ, quisque sentit aut exspectat, maiora minoraque: ex clementia omnes idem sperant. Nec est quisquam, cui tam valde innocentia sua placeat, ut non stare in conspectu clementiam, paratam humanis erroribus, gaudeat.

CAP. II. Esse autem aliquos scio, qui clementia pessimum quemque potent sustineri: quoniam nisi post crimen superuacua est, & sola hæc virtus inter innocentes cessat. Sed primum omnium, sicut medicinæ apud ægros usus, etiam apud sanos honor est: ita clementiam quamvis pœna digni innocenti, etiam innocentes colunt. Deinde, habet hæc in persona quoque innocentium locum: quia interim fortuna pro culpa est: nec innocentie tantum clementia succurrit, sed sæpe virtuti, quoniam quidem conditione temporum incidunt quædam, quæ possint laudata puniri. Adice, quod magna pars hominum est, quæ reuerti ad innocentiam possit. Sed non tamen vul-

go ignoscere decet. nam ubi discrimen inter malos bonosque sublatum est, confusio sequitur, & vitiorum eruptio. Itaque adhibenda est moderatio, quæ sanabilia ingenia distinguere a deploratis sciat. Nec promiscuam habere ac vulgarem clementiam oportet, nec abscisam. nam tam omnibus ignoscere crudelitas est, quam nulli. Modum tenere debemus: sed quia difficile est temperamentum, quidquid æquo plus futurum est, in partem humaniorem præponderet.

CAP. III. Sed hæc suo loco melius dicentur: nunc in tres partes omnem hanc materiam diuidam. Prima erit manumissionis: 1) secunda quæ naturam clementiæ habitumque demonstret. nam cum sint vitis quædam virtutes imitantia, non possunt secerni, nisi signa quibus dignoscantur impresseris. tertio loco quæremus, quomodo ad hanc virtutem perducatur animus, quomodo confirmet eam, & usu suam faciat. Nullam vero ex omnibus virtutibus magis homini convenire, cum sit nulla humanior, constet necesse est: non solum inter nos, qui hominem sociale animal, communi bono genitum videri volumus: sed etiam inter illos, qui hominem voluptati donant, quorum omnia dicta factaque ad utilitatem suam spectant. nam si quietem petit & otium, hanc virtutem naturæ suæ nactus est, quæ pacem amat, & manus retinet. Nullum tamen clementia ex omnibus magis, quam regem aut principem decet. Ita enim magnæ vires decori gloriæque sunt, si illis salutaris potentia est.

1. *Manumissionis*) Lipsius legendum esse suspicatur *manu-ductionis*, cum tota prima pars in commendanda clementis, eiusque necessitate & fructu ostendendo versetur. Gronovius timide se suspicari ait *mappamissionis*, ut verbo e circensibus ducto significet primum operis velut e carceribus decursum in commendanda clementia fore occupatum. idem posse & *commis- sionis* legi ait, nam *commissi* ludi dicuntur cum incipiunt.

nam pestifera vis est, valere ad nocendum. Illius deum magnitudo stabilis fundataque est; quem omnes tam supra se esse, quam pro se sciunt; cuius curam excubare pro salute singulorum atque vniuersorum quotidie experiuntur; quo procedente, non tanquam malum aliquod aut noxium animal e cubili profilierit, diffugiunt, sed tanquam ad clarum ac beneficum sidus certatim aduolant, obicere se pro illo mucronibus insidiantium paratissimi, & subternere corpora sua, si per stragem illi humanam iter ad salutem struendum sit. Somnum eius nocturnis excubiis muniunt: latera obiecti circumfusi que defendunt: incurrentibus periculis se opponunt. Non hic est sine ratione populis vrbibusque consensus, sic protegenti amandique reges, & se suaque iactandi, quocumque desiderauerit imperantis salus. Nec hæc vilitas sui est, aut dementia, pro vno capite tot millia excipere ferrum, ac multis mortibus vnâ animam redimere, nonnunquam senis & inualidi. Quemadmodum totum corpus animo deseruit, & cum hoc tanto maius tantoque speciosius sit: ille in occulto maneat tenuis, & in qua sede latiter incertus: tamen manus, pedes, oculi negotium illi gerunt; illum hæc cutis munit, illius iussu iacemus, aut inquieti discurremus; cum ille imperauit, siue avarus dominus est, mare lucris causa scrutamur; siue ambitiosus, iamdudum dexteram flammis obieciimus, aut voluntarie subluimus; sic hæc inmensa multitudo, vnius animæ circumdata, illius spiritu regitur, illius ratione flectitur, pressura se ac fractura viribus suis, nisi consilio sustineretur.

CAP. IV. Suam itaque incolumitatem amant, cum pro vno homine denas legiones in aciem deducunt, cum in prima fronte procurrunt, & aduersa vulneribus pectora ferunt: ne Imperatoris sui signa vertantur. Ille est enim vinculum, per quod Resp. cohæ-

ret:

ret: ille spiritus vitalis, quem hæc tot millia trahunt nihil ipsa per se futura, nisi onus & præda, si mens illa imperii subtrahatur.

- - - Rege incolumi mens omnibus una.

Amisso rupere fidem. - - -

Hic casus Romanæ pacis exitium erit, hic tanti fortunam populi in ruinas aget. Tamdiu ab isto periculo aberit hic populus, quamdiu sciet ferre frænos: quos si quando abruperit, vel aliquo casu discussos reponi sibi passus non erit, hæc vnitas & hic maximi imperii contextus in partes multas dissiliet: idemque huic vrbi dominandi finis erit, qui parendi fuerit. Ideo Principes regesque, & quocumque alio nomine sunt tutores status publici, non est mirum amari ultra priuatas etiam necessitudines. Nam si sanis hominibus publica priuatis potiora sunt: sequitur, vt is quoque carior sit, in quem se Resp. conuertit. Olim enim ita se induit Reip. Cæsar, vt seduci alterum non possit, sine vtriusque perniciæ. nam vt illi viribus opus est, ita & huic capite.

CAP. V. Longius videtur recessisse a proposito oratio mea: at mehercules rem ipsam premit. Nam si, quod adhuc colligitur, animus Reip. tu es, illa corpus tuum: vides, vt puto, quam necessaria clementia sit. tibi enim parcis, cum videris alteri parcere. Parcendum itaque est etiam improbandis ciuibus, non aliter quam membris languentibus, & si quando misso sanguine opus est, sustinendum est, ne ultra quam necesse sit incidas. Est ergo, vt dicebam, clementia omnibus quidem hominibus secundum naturam, maxime tamen decora Imperatoribus: quanto plus habet apud illos quod seruet, qantoque in maiore materia apparet. Quantulum enim nocet priuata crudelitas? Principum sæuitia, bellum est. Cum autem virtutibus inter se sit concordia, nec vlla altera

melior aut honestior sit: quædam tamen quibusdam personis aptior est. Decet magnanimitas quemlibet mortalem, etiam illum infra quem nihil est. Quid enim maius, aut fortius, quam malam fortunam retundere? Hæc tamen magnanimitas in bona fortuna laxiorem locum habet, meliusque in tribunali, quam in plano 1) conspicitur. Clementia in quamcumque domum peruenerit, eam felicem tranquillamque præstabit: sed in regia quo rarior, eo mirabilior. Quid enim est memorabilius, quam eum cuius iræ nihil obstat, cuius grauiori sententiæ ipsi qui pereunt assentiuntur, quem nemo interpellaturus est, imo si vehementius excanduit, nec deprecaturus quidem, ipsum sibi manum iniicere, & potestate sua in melius placidiusque vti? hoc ipsum cogitantem: Occidere contra legem nemo non potest: seruare nemo, præter me. Magnam fortunam magnus animus decet, qui nisi se ad illam extulit, & altior stetit, illam quoque infra terram deducit. Magni autem animi est proprium, placidum esse, tranquillumque, & iniurias atque offensiones superne despicere. Muliebre est, furere in ira: ferarum vero, nec generosarum quidem, præmordere & vrgere proiectos. Elephanti leonesque transeunt, quæ impulerunt: ignobilis bestię pertinacia est. Non decet regem sæua, & inexorabilis ira: non multum enim supra eum eminet, cui se irascendo exæquat: at si dat vitam, si dat dignitatem periclitantibus & meritis amittere, facit quod nulli nisi rerum potenti licet. Vita enim etiam superiori eripitur, nunquam nisi inferiori datur. Seruare, proprium est excellentis fortunæ: quæ nunquam magis suspici debet, quam cum illi contingit idem posse quod diis, quorum beneficio in lucem edimur, tam boni quam mali. Deorum itaque si-

1. In plano) in humili sorte atque abiecta.

bi animum asserens Princeps, alios ex ciuibus suis, quia utiles bonique sunt, libens videat, alios in numerum 2) relinquat: quosdam esse gaudeat, quosdam patiatur.

CAP. VI. Cogitate 1) in hac ciuitate, in qua turba per latissima itinera sine intermissione defluens eliditur, quotiens aliquid obstitit, quod cursum eius velut torrentis rapidi moraretur: in qua tribus eodem tempore theatris viæ 2) postulantur: in qua consumitur, quidquid terris omnibus aratur: quanta solitudo & vastitas futura sit, si nihil relinquitur, nisi quod iudex seuerus absoluerit. Quotus quisque ex quæstoribus est, qui non ea ipsa lege teneatur, qua quærit? Quotus quisque accusator vacat culpa? & nescio, an nemo ad dandam veniam difficilior sit, quam qui illam petere sæpius meruit. Peccauimus omnes: alii graua, alii leuiora, alii ex destinato, alii forte impulsu, aut aliena nequitia ablati: alii in bonis consiliis parum fortiter stetimus, & innocentiam inuiti ac renitentes perdidimus. Nec delinquimus tantum, sed vsque ad extremum æui delinquemus. Etiam si quis tam bene purgauit animum, vt nihil obturbare eum amplius possit ac fallere, ad innocentiam tamen peccando peruenit.

CAP. VII. Quoniam deorum feci mentionem, optime hoc exemplum Principi constituam, ad quod formetur, vt se talem esse ciuibus, quales sibi deos velit. Expedit ergo habere inexorabilia peccatis atque erroribus numina? expedit vsque ad vltimam infesta perniciem? Equis regum erit tutus, cuius non

2. *In numerum*) sine nomine sine magno usu, tantum vt turbam faciant.

1. *Cogitate*) f. rectius *cogita tu*, cum ad Neronem omnis dirigatur sermo. *Lips.*

2. *Tribus theatris viæ*) i. e. viæ ad tria theatra, tot enim Romæ erant, Balbi nimirum, Marcelli & Pompeii.

membra aruspices colligant? 1) Quod si dii placabiles, & æqui, delicta potentium non statim fulminibus persequuntur: quanto æquius est, hominem hominibus præpositum, miti animo exercere imperium, & cogitare, vtrum mundi status gravior oculis pulchriorque sit sereno & puro die, an cum fragoribus crebris omnia quatiuntur, & ignes hinc atque illinc micant? Atqui non alia facies est quieti moderatique imperii, quam sereni cæli & nitentis. Crudele regnum, turbidum, tenebrisque obscurum est, inter tremantes & ad repentinum sonitum expauescentes, nec eo quidem qui omnia turbat inconcusso. Facilius privatis ignoscitur, pertinaciter se vendicantibus, possunt enim lædi, dolorque eorum ab iniuria venit. timent præterea contemptum: & non retulisse lædentibus gratiam, infirmitas videtur, non clementia. At cui ultio in facili est, is omissa ea, certam laudem mansuetudinis consequitur. Humili loco positus exorere manum, litigare, in rixam procurrere, ac morem iræ suæ gerere, liberius est: leues inter paria iæcti sunt: regi vociferatio quoque, verborumque intemperantis, non ex maiestate est.

CAP. VIII, Graue putas, eripi loquendi arbitrium regibus, quod humillimi habent? Ista, inquit, 1) servitus est, non imperium. Quid tu? non experiris istud nobis esse, tibi servitutem? 2) Alia conditio est eorum qui in turba, quam non excedunt, latent: quo-

1. *Aruspices colligant*) i. e. qui non fulmine feriantur. Nam talium membra, si disiecta aruspices colligebant. *Lips.*

1. *Inquit*) fingit Seneca aliquem sibi alloquenti Cæsarem hoc modo intercedere.

2. *Quid tu? non experiris istud nobis esse, tibi servitutem?*) Gronov. restituit: *Quid? tu non experiris, istam vobis esse servitutem?* Hoc sensu: quicquid dicat, qui intercedit, non moror: te ipsum enim Nero Cæsar appello an non imperium vobis servitus sit?

rum & virtutes vt appareant, diu luctantur, & vitia tenebras habent. Vestra facta dictaque rumor excipit: & ideo nullis magis curandum est, qualem saniam habeant, quam qui qualemcumque meruerint, magnam habituri sunt. Quam multa tibi non licent, quæ nobis beneficio tuo licent? Possum in qualibet parte vrbis solus incedere, sine timore, quamvis nullus sequatur comes, nullus sit domi, nullus ad latus gladius: tibi in tua pace armato viuendum est. Aberrare a fortuna tua non potes: obsidet te, & quocumque descendis, magno apparatu sequitur. Est hæc summa magnitudinis seruitus, non posse fieri minorem: sed cum diis tibi communis ista necessitas est, nam illos quosque cælum alligatos tenet: nec magis illis descendere datum est, quam tibi tutum. 3) Fastigio tuo affixus es. Nostros motus pauci sentiunt. prodire nobis, ac recedere, & mutare habitum sine sensu publico licet: tibi non magis, quam Soli, latere contingit. Multa contra te lux est. omnium in istam conuersi oculi sunt. Prodire te putas? oriris: loqui non potes, nisi vt vocem tuam, quæ vbique sunt gentes, excipiant. irasci non potes, nisi vt omnia tremant. sic neminem potes affligere, nisi vt quidquid circa fuerit, quatiatur. Vt fulmina paucorum periculo cadunt, omnium metu; sic animaduersiones magnarum potestatum terrent latius, quam nocent: non sine causa. Non enim quantum fecerit, sed quantum facturus sit, cogitatur in eo, qui omnia potest. Adiice nunc, quod priuatos homines ad accipiendas iniurias opportuniore, acceptarum patientia facit: regibus certior est ex mansuetudine securitas. Quia frequens vindicta paucorum

2. *Quam tibi tutum*) dii per naturam, tu ob securitatem non descendis. *Lips.*

odium reprimat, omnium irritat : voluntas oportet ante faciendi, quam causa, deficiat. Alioquin quemadmodum praecisae arbores plurimis ramis repullulant, & multa satorum genera ut densiora surgant, reciduntur : ita regia crudelitas auget inimicorum numerum, tollendo. Parentes enim liberique eorum, qui interfecti sunt, & propinqui, & amici, in locum singulorum succedunt.

CAP. IX. Hoc quam verum sit, admonere te exemplo domestico volo. Divus Augustus fuit mitis Princeps, si quis illum a principatu suo aestimare incipiat : in communi quidem Rep. gladium movit. Cum hoc ætatis esset, quod tu nunc es, duodevicesimum egressus annum, iam pugiones in sinum amicorum absconderat, iam insidiis M. Antonii consulis latu petierat, iam fuerat collega proscriptionis : sed cum annum quadragesimum transisset, & in Gallia moraretur, delatum est ad eum indicium, L. Cinnam, stolidi ingenii virum, insidias ei struere. Dictum est & ubi, & quando, & quemadmodum aggredi vellet, unus ex consiliis deferebat. Constituit se ab eo vindicare : consilium amicorum aduocari iussit. Nox illi inquieta erat, cum cogitaret adolescentem nobilem, hoc detracto, integrum, Cn. Pompeii nepotem dammandum. Iam unum hominem occidere non poterat : cum M. Antonio proscriptionis edictum inter cenam dictarat. Gemens subinde voces emittebat varias, & inter se contrarias. Quid ergo ? ego percussorem meum securum ambulare patiar, me sollicito ? Ergo non dabit poenas, qui tot civilibus bellis frustra petita caput, tot naualibus, tot pedestribus praeliis incolume, postquam terra marique pax parta est, non occidere constituit, sed immolare ? nam sacrificantem placuerat adoriri. Rursus silentio interposito, maiore multo voce, sibi, quam Cinnæ, irascebatur :

tur : Quid vivis, si perire te tam multorum interest ? quis finis erit suppliciorum ? quis sanguinis ? Ego sum nobilibus adolescentulis expositum caput, in quod mucrones acuant. Non est tanti vita, si ut ego non peream, tam multa perdenda sunt. Interpellavit tandem illum Livia vxor : & Admittis, inquit, muliebri consilium ? Fac quod medici solent : qui vbi visitata remedia non procedunt, tentant contraria. Seueritate nihil adhuc profecisti : Saluidienum Lepidus secutus est, Lepidum Muræna, Murænam Cæpio, Cæpionem Egnatius, ut alios taceam, quos tantum ausos pudet : nunc tenta quomodo tibi cedat clementia. Ignosce L. Cinnæ. deprehensus est : iam nocere tibi non potest, prodesse famæ tuæ potest. Gavius sibi, quod aduocatum inuenerat, vxori quidem gratias egit : renuntiari autem extemplo amicis, quos in consilium rogauerat, imperauit, & Cinnam vnum ad se accersit : dimissisque omnibus e cubiculo, cum alteram Cinnæ poni cathedram iussisset : Hoc, inquit, primum a te peto, ne me loquentem interpelles, ne medio sermone meo proclames : dabitur tibi loquendi liberum tempus. Ego te, Cinna, cum in hostium castris inuenissem, non factum tantum mihi inimicum, sed natum, seruavi, patrimonium tibi omne concessi. Hodie tam felix es, & tam diues, ut victo victores inuideant. Sacerdotium tibi petenti, præteritis compluribus. quorum parentes mecum militauerant, dedi. Cum sic de te meruerim, occidere me constituisti. Cum ad hanc vocem exclamasset, procul hanc ab se abesse dementiam : Non præstas inquit, fidem, Cinna : conuenerat, ne interloquereris. Occidere, inquam, me paras, adiecit locum, socios, diem, ordinem insidiarum, cui commissum esset ferrum. Et cum defixum videret, nec ex conuentione iam, sed ex conscientia tacentem : Quo, inquit, hoc animo facis ? Ut ipse sis prin-

princeps? male mehercule cum populo Romano agitur, si tibi ad imperandum nihil præter me obstat. Domum tueri tuam non potes. nuper libertini hominis gratia in priuato iudicio superatus es. Adeo nihil facilius potes, quam contra Cæsarem aduocare? 1) Cedo, si spes tuas solus impedio. Paullusne te, & Fabius Maximus, & Cossi, & Seruili ferent, tantumque agmen nobiliū, non inania nomina præferentium, sed eorum qui imaginibus suis decori sunt? Ne totam eius orationem repetendo, magnam partem voluminis occupem: diutius enim quam duabus horis locutum esse constat, cum hanc pœnam. 2) qua sola erat contentus futurus, extenderet: Vitam tibi, inquit, Cinna, iterum dō, prius hosti, nunc insidiatori ac parricidæ. Ex hodierno die inter nos amicitia incipiat: contendamus, vtrum ego meliore fide vitam tibi dederim, an tu debeas. Post hæc detulit ultro consulatum, questus, quod non auderet petere: amicissimum fidelissimumque habuit, heres solus fuit illi: nullis amplius insidiis ab illo petitus est.

CAP. X. Ignouit abauus tuus 1) victis, nam si non ignouisset, quibus imperasset? Sallustium, & Coecceios, & Duillios, & totam cohortem primæ admissio- nis, ex aduersariorum castris conscripsit. Iam Domitios, Messellas, Asinios, Cicerones, & quidquid floris in ciuitate erat, clementiæ suæ debebat ipsum Lepidum quamdiu mori passus est? 2) Per multos annos tulit ornamenta principis retinentem: & pontificatum

1. *Aduocare*) vocare & cogis qui adfint, consilium suggerant, patrocinentur. Gronov.

2. *Hanc pœnam*) vt exprobraret ei & obilceret.

1. *Abauus tuus*) per matrem, nam Agrippina alterius Agrippinæ filia. & hæc Iulæ atque ea Augusti.

2. *Quamdiu mori passus est*) In exsilio enim ultimam vitæ partem exegit Lepidus Triumuir, in quo semper morienti & in agone constituto videbatur similis.

maximum, non nisi mortuo illo, transferri in se passus est. maluit enim illum honorem vocari, quam spoliū. Hæc eum clementia ad salutem securitatemque perduxit; hæc gratum ac fauorabilem reddidit; quamvis nondum subactis Reipub. ceruicibus manum imposuisset: hæc hodieque præstat illi famam, quæ vix viuis principibus seruit. Deum esse, non tanquam iussi credimus. Bonum principem Augustum, & bene illi conuenisse parentis nomen, fatemur: ob nullam aliam causam, quam quod contumelias quoque suas, quæ acerbiores principibus solent esse, quam iniuriæ, nulla crudelitate exsequebatur: quod probrosis in se dictis arrisit: quod dare illum pœnas apparebat, 3) cum exigeret: quod quoscumque ob adulterium familiæ suæ damnauerat, adeo non occidit, ut dimissis, quo tutiores essent, diplomata daret. Hoc est ignoscere, cum scias multos futuros qui pro te irascantur, & tibi alieno sanguine gratificentur; non dare tantum salutem, sed præstare.

CAP. XI. Hæc Augustus senex, aut iam in senectutem annis vergentibus: in adolescentia caluit, arsit ira, multa fecit, ad quæ inuitus oculos retorquebat. Comparare nemo mansuetudini tuæ audebit diuum Augustum, etiamsi in certamen iuuenilium annorum deduxerit senectutem plus quam maturam. Fuerit moderatus & clemens: nempe post mare Adriaticum Romano cruore infectum, nempe post fractas in Sicilia classes, & suas & alienas: nempe post Perusinas aras, & proscriptiones. Ego vero clementiam non voco, lassam crudelitatem. Hæc est, Cæsar, clementia vera, quam tu præstas, quæ non sæuitiæ pœnitenti-

3. *Quod dare illum pœnas apparebat*) ægre enim sibi ipsi faciens puniendo, dabat quasi pœnas dum exigeret.

tia cœpit: nullam habere maculam, nunquam civilem sanguinem fudisse. Hæc est in maxima potestate, verissima animi temperantia, & humani generis incomprehensibilis amor, non cupiditate aliqua, non temeritate incendi, non priorum principum exemplis corruptum, quantum in ciues suos liceat, experiendo tentare, sed hebetare aciem imperii sui. Præstitisti, Cæsar, ciuitatem incruentam, & hoc quod magno animo gloriatus es, Nullam te toto orbe stillam cruoris humani misisse: eo maius est mirabiliusque; quod nulli vnquam citius gladius commissus est. Clementia ergo non tantum honestiores, sed tutiores præstat: ornamentumque imperiorum est, simul certissima salus. Quid enim est, cur reges consenuerint, liberisque ac nepotibus tradiderint regna; tyrannorum execrabilis ac brevis potestas est? Quid interest inter tyrannum & regem? species enim ipsa fortunæ ac licentia par est, nisi quod tyranni in voluptate sæuiunt, reges non nisi ex causa ac necessitate.

CAP. XII. Quid ergo? non reges quoque occidere solent? sed quoties id fieri publica utilitas persuadet: tyrannis sæuitia cordi est. Tyrannus autem a rege distat factis, non nomine. Nam & Dionysius maior iure meritoque præferri multis regibus potest: & L. Sullam appellari tyrannum quid prohibet, cui occidendi finem fecit inopia hostium? Descenderit licet Dictatura sua, & se togæ reddiderit: 1) quis tamen vnquam tyrannus tam auide humanum sanguinem bibit, quam ille, qui septem millia ciuium Romanorum contrucidari iussit? Et cum in vicino, ad ædem Bellonæ sedens, exaudisset conclamationem tot millium sub gladio gementium, exterrito senatu: Hoc

1. Togæ reddiderit) Dictator ergo in sago, qui rei gerendæ causa creatus.

agamus, inquit, P. C. seditiosi pauculi meo iussu occiduntur. Hoc non est mentitus: pauci, Sullæ videbantur. Sed mox de Sulla consequemur, 2) quomodo hostibus irascendum sit: utique si in hostile nomen ciues, & ex eodem corpore abrupti, transierint. Interim hoc quod dicebam, clementia efficit, ut magnum inter regem tyrannumque discrimen sit: uterque licet non minus armis valletur, sed alter arma habet, quibus in munimentum pacis utitur; alter ut magno timore magna odia compescat. Nec illas ipsas manus, quibus se commisit, securus adspicit: contrarius in contraria agitur. 3) nam & inuisus est, quia timetur, & timeri vult, quia inuisus est: & illo execrabili versu, qui multos dedit præcipites, utitur:

Oderint dum metuant. . . .

Ignarus quanta rabies oriatur, ubi supra modum odia creuerunt. Temperatus enim timor cohibet animos: assiduus vero & acer, & extrema admouens, in audaciam iacentes excitat, & omnia experiri suadet. Sic feras lineis & pinna 4) clusas contineas: easdem a tergo eques telis incessat: tentabunt fugam per ipsa quæ fugerant, proculcabuntque formidinem. 5) Acerrima virtus est, quam vltima necessitas extundit. Relinquat oportet securi aliquid metus, multoque plus spei, quam periculorum, ostendet: alioquin ubi quiescenti paria metuun-

2. De Sulla consequemur) vel omittendum de Sylla, vel legendum: Sed mox de Sylla, cum loquemur quomodo &c. Lips.

3. Contrariis in contraria agitur) ad metum remouendum arma satellitum habet, & ecce ab iis ipsis metum habet. Ita securitas ei in terrorem vertit. Lips.

4. Lineis & pinna) Funiculi extensi quos lineas appellant, & iis intextæ variarum avium pinnae, ad feras terrendas & coercendas, ut in retia agerentur, in veterum usu fuere.

5. Formidinem) ita appellabatur totum istud ex lineis & pinnis contextum, quod modo descripsimus, a re, quia feris eam dabat. Lips.

tur,

tur, incurrere in pericula iuvat, & aliena anima. 6) abuti. Placido tranquilloque regi fida sunt auxilia sua, quibus ad communem salutem utitur: gloriosusque miles (publicae enim securitati dare operam videtur) omnem laborem libens patitur, ut parentis custos. At illum acerbum, & sanguinarium, necesse est graventur stipatores sui.

CAP. XIII. Non potest habere quisquam bonae ac fide voluntatis ministros, quibus in tormentis, & eculeo, & ferramentis ad mortem paratis utitur, quibus non aliter quam bestis homines obiectat: omnibus rei obnoxior ac sollicitior, ut qui homines deosque testes ac vindices facinorum timeat, eo perductus, ut non liceat illi mutare mores. Hoc enim, inter cetera, vel pessimum habet crudelitas: quod perfecerandum est, nec ad meliora patet regressus. Scelera enim sceleribus tuenda sunt, quid autem eo infelicitus, cui iam esse malo necesse est? Quis miserabilem illum, sibi certe! nam ceteris misereri eius nefas sit, qui caedibus ac rapinis potentiam exercuit, qui suspecta sibi cuncta reddidit, tam externa quam domestica: cum arma metuat, ad arma confugiens: non amicorum fidei credens, non liberorum pietati. Qui ubi circumspexit quæque fecit, quæque facturus est, & conscientiam suam plenam sceleribus ac tormentis adaperuit: saepe mortem timet, saepius optat, inuisior sibi quam seruientibus. E contrario, is cui curæ sunt vniuersa, quamquam alia magis, alia minus tueretur, nullam non Reip. partem tanquam sui nutrit, inclinatus ad mitiora, etiam si ex usu est animaduertere, ostendens quam inuitus aspero remedio manus admoveat; in cuius animo nihil hostile, nihil efferum est.

6. *Aliena anima*) quæ iam ut aliena consideratur, quippe quæ sit in potestate tyranni qui timetur.

Qui

Qui potentiam suam placide ac salutariter exercet, approbare imperia sua ciuibus cupiens: felix atunde sibi visus, si fortunam suam publicauerit; sermone affabilis, accessuque facilis; vultu, qui maxime populos demeretur, amabilis, æquis desideriis propensus, etiam iniquis acerbis a tota ciuitate amatur, defenditur, colitur. Eadem de illo homines secreto loquuntur, quæ palam. Tollere filios cupiunt, & publicis malis sterilitas indicta recluditur; bene se meriturum de liberis suis quisque non dubitat, quibus tale seculum ostenderit. Hic Princeps suo beneficio tutus, nihil præsidii eget: arma ornamenti causa habet.

CAP. XIV. Quod ergo officium eius est? quod bonorum parentum, qui obiurgare liberos nonnumquam blande, nonnumquam minaciter solent, aliquando admonere etiam verberibus. Numquid aliquis sanus filium, a prima offensa, exhereditat? nisi magnæ & multæ iniuriæ patientiam euicerint, nisi plus est, quod timet, quam quod damnat, non accedit ad decretorium stylum. 1) Multa ante tentat, quibus dubiam indolem, & peiore loco iam positam; reuocet: simul deplorata est, vltima experitur. Nemo ad supplicia exigenda peruenit, nisi qui remedia consumpsit. Hoc quod parenti, etiam Principi faciendum est: quem appellauimus Patrem Patriæ, non adulatione vana adducti. Cetera enim cognomina honori data sunt. Magnos & Felices & Augustos diximus, & ambitiosæ maiestati quidquid potuimus titulorum conguessimus, illis hoc tribuentes: Patrem quidem patriæ appellauimus, vt sciret datam sibi potestatem patriam: quæ est temperatissima, liberis consulens, suæque post illos reponens. Tarde sibi pater membra sua abscidat:

1. *Decretorium stylum*) i. e. vltimum & quo sententiam adicationis in filium scribit. *Lips.*

etiam cum absciderit, reponere cupiat: & in abscindendo gemat, cunctatus multum diuque. Prope enim est ut libenter damnet, qui cito: prope ut inique puniat, qui nimis. Erixonem equitem Romanum memoria nostra, quia filium suum flagellis occiderat, populus in foro graphiis confodit. Vix illum Augusti Caesaris auctoritas, infestis tam patrum quam filiorum manibus eripuit.

CAP. XV. T. Arium, qui filium deprehensum in parricidio, exilio damnauit, causa cognita, nemo non suspexit, quod contentus exilio, & exilio delicto. Massiliae parricidam continuit, & annua illi praestitit, quanta praestare integro solebat. Haec liberalitas effecit, ut in qua ciuitate nunquam deest patronus peioribus, nemo dubitaret, quin reus merito damnatus esset, quem is pater damnare potuisset, qui odisse non poterat. Hoc ipso exemplo dabo, quem compares bono patri bonum Principem. Cogniturus de filio T. Arius, aduocauit in consilium Caesarem Augustum, venit in priuatos penates, assedit, pars alieni consilii fuit. Non dixit: Imo in meam domum veniat. Quod si factum esset, Caesaris futura erat cognitio, non patris. Audita causa, excussisque omnibus, & his quae adolescens pro se dixerat, & his quibus agebatur, petit, ut sententiam suam quisque scriberet: ne ea omnium fieret, quae Caesaris fuisset. Deinde priusquam aperirentur codicilli, iurauit se T. Arium hominis locupletis hereditatem non aditurum. Dicit aliquis, pusillo animo. timuit, ne videretur locum spei suae aperire velle, filii damnatione. Ego contra sentio. Quilibet nostrum debuisset aduersus opiniones malignas satis fiducia habere in bona conscientia: Principes multa debent etiam famae dare. Iurauit se non aditurum hereditatem. Arius quidem eodem die & alterum heredem perdidit, sed Caesar libertatem

sententiæ suæ redemit : & postquam approbavit gratuitam esse severitatem suam, quod principi semper curandum est, dixit, relegandum, quo patri videretur. Non culleum, non serpentes, non carcerem decrevit : memor non de quo censeret, sed cui in consilio esset. Molissimo genere pœnæ contentum esse debere patrem dixit, in filio adolescentulo, impulsio in id scelus, in quo se, quod proximum erat ab innocentia, timide gessisset : debere illum ab urbe & a parentis oculis submoveri.

CAP. XVI. O dignum, quem in consilium patres aduocarent ! ô dignum, quem coheredem innocentibus liberis scriberent ! Hæc clementia Principem decet, ut quocumque venerit, mansuetiora omnia faciat. Nemo regi tam vilis sit, ut illum perire non sentiat. qualiscumque, pars imperii est. In magna imperia ex minoribus petamus exemplum. Non est vnum imperandi genus. imperat Princeps civibus suis, pater liberis, præceptor discipulis, tribunus vel centurio militibus. Nonne pessimus pater videbitur, qui assiduis plagis liberos, etiam ex levissimis causis, compescet ? Vter autem præceptor liberalibus studiis dignior, qui excarnificabit discipulos, si memoria illis non constiterit, aut si parum agilis in legendo oculus hæserit : an qui monitionibus, & verecundia, emendare ac docere malit ? Tribunum centurionemque da sævum : desertores faciet. Quibus tamen ignoscitur ? Numquidnam æquum est, gravius homini & durius imperari, quam imperatur animalibus mutis ? at qui equum non crebris verberibus exteret domandi peritus magister. Fiet enim formidolosus & contumax, nisi eum tactu blandiente permulseris. Idem facit venator, qui instituit catulos vestigia sequi : quique iam exercitatis vitur ad excitandas vel persequendas feras. Nec crebro illis minatur :

contunde enim animos, & quidquid est indolis, comminuetur trepitatione degeneri: nec licentiam vagandi errandique passim concedit. Adicias his licet, tardiora agentes iumenta: quæ cum ad contumelias & misérias nata sint, nimia sœuitia coguntur iugum detrectare.

CAP. XVII. Nullum animal morosius est, nullum maiore arte tractandum, quam homo; nulli magis parcendum. Quid enim stultius, quam in iumentis & canibus erubescere, iram exercere, pessima autem conditione sub homine hominem esse? Morbis medemur, nec irascimur: atqui & hic morbus est animi: mollem medicinam desiderat, ipsamque medentem minime infestum ægro. Mali medici est, desperare, ne cures. Idem in his, quorum animus affectus est, facere debet, cui credita salus omnium est: non cito spem proiicere, nec mortifera signa pronunciare. Luctetur cum vitiis, resistat; aliis morbum suum exprobet; quosdam molli curatione decipiat, citius meliusque sanaturus remediis fallentibus. Agat Princeps curam, non tantum salutis, sed etiam honestæ ciuiticis. Nulla regi gloria est ex sœua animaduersione. quis enim dubitat posse? at contra maxima, si vim suam continet, si multos iræ aliénæ eripuit, neminem suæ impendit.

CAP. XVIII. Seruis imperare moderate, laus est: & in mancipio cogitandum est, non quantum illud impune pati possit, sed quantum tibi permittat æquibonique natura: quæ parcere etiam captiuis, & pretio paratis, iubet. Quanto iustius iubet hominibus liberis, ingenuis, honestis, non vt mancipiis abuti, sed his quo gradu antecedas, quorumque tibi non tradita seruitus sit, sed tutela? Seruis ad statuum licet confugere, cum in seruum omnia liceant, est aliquid, quod ut hominem licere commune ius animantium vetet: quia

quia eiusdem naturæ est, cuius tu. Quis non Vedium Pollionem peius oderat, quam serui sui, quod murænas sanguine humano saginabat: & eos qui se aliquid offenderant, in viuarium, quid aliud quam serpentium, abiici iubebat? O hominem mille mortibus dignum! siue deuorandos seruos obiciebat murænis, quas esurus erat, siue in hoc tantum illas alebat, ut fieri aleret. Quemadmodum domini crudeles tota ciuitate commonstrantur, inuisque & detestabiles sunt: ita regum & iniuria latius patet, & infamia, atque odium sæculis traditur. Quanto autem non nasci fuit, 1) quam 2) numerari inter publico malo natos?

CAP. XIX. Excogitare nemo quicquam poterit, quod magis decorum regenti sit quam clementia: quocunque modo is, & quocunque iure præpositus ceteris erit. Eo scilicet formosius id esse, magnificentiusque fatebimur, quo in maiori præstabitur potestate: quam non oportet noxiam esse, si ad naturæ legem componitur. Natura enim commenta est regem: quod & ex aliis animalibus licet cognoscere, & ex apibus: quarum regi amplissimum cubile est, medioque ac tutissimo loco. Præterea onere vacat, exactor alienorum operum; & amisso rege, totum dilabitur examen. nec vnquam plus vnum patiuntur, melioremque pugna quærunt. Præterea insignis regi forma est, dissimilisque ceteris, tum magnitudine, tum nitore, hoc tamen maxime distinguitur. Iracundissimæ, ac pro corporis captu pugnacissimæ sunt apes, & aculeos in vulnere relinquunt: rex ipse sine aculeo est. Noluit illum natura nec sæuum esse, nec ultionem magno constitutam petere: telumque detraxit, & iram eius

1. Non nasci fuit) non est nasci idem est ac non utile est, non iuuat nasci. Sic noster in præf. Nat. qu. Gronov.

2. Quam) optimi autores vsurpant pro magis quam. Sic noster de Benef. l. 3. c. 2. Gronov.

inermem reliquit. Exemplar hoc magnis regibus ingens est. Est enim illi mos, exerere se in parvis, & ingentium rerum documenta minima agere. Pudeat ab exiguis animalibus non trahere mores: cum tanto hominum moderatior esse animus debeat, quanto vehementius nocet. Vanam quidem eadem homini lex esset: & ira cum telo suo frangeretur: nec sapius liceret nocere quam semel, nec alienis viribus exercere odia! facile enim lassaretur furor, si per se sibi satisfaceret, & si mortis periculo vim suam effunderet. Sed ne nunc quidem illi cursus tutus est. Tantum enim necesse est timeat, quantum timere voluit: & manus omnium obseruet, & eo quoque tempore quo non captatur, peti se iudicet, nullumque momentum imminere a metu habeat. Hanc aliquis agere vitam sustinet: cum liceat innoxium aliis & ob hoc securum, salutare potentiae ius laetis omnibus, tractare? Errat enim, si quis existimat tutum esse ibi regem, ubi nihil a rege tutum est. Securitas securitate mutua paciscenda est. Non opus est instruere in altum editas arces; nec in adscensum arduos colles emunire, nec latera montium abscidere, multiplicibus se muris turribusque sepire: saluum regem in aperto clementia praestabit. Vnum est inexpugnabile munimentum, amor civium. Quid pulchrius est, quam vivere optantibus cunctis, & vota non sub custode nuncupantibus? si paullum valetudo titubavit, non spem hominum excitari, sed metum? nihil esse cuiquam tam pretiosum, quod non pro salute praesidis sui commutatum velit? omne quod illi contingit, sibi quoque evenire deputer? In hoc ¹) assiduus bonitatis argumentis probavit, non Remp. suam esse, sed se Reipublicae. Quis huic audeat struere aliquod

1. In hoc) Lipsius legit *is hac* vel defectum subesse suspicatur, forte non male explices *in hoc* hoc sine atque evenitu.

periculum? quis ab hoc non, si possit, fortunam quoque auertere velit, sub quo iustitia, pax, pudicitia, securitas, dignitas florent: sub quo opulenta ciuitas copia bonorum omnium abundat? Nee alio animo rectorem suum intuetur, quam si dii immortales potestatem visendi sui faciant: intueamur venerantes colentesque. Quid autem? non proximum illis locum tenet is, qui se ex deorum natura gerit, beneficus ac largus, & in melius potens? Hæc affectare, hæc imitari decet: maximum ita haberi, ut optimus simul habeatur.

CAP. XX. A duabus causis 1) punire princeps solet, si aut se vindicat, aut alium. Prius de ea parte disseram, quæ ipsum contingit. difficilius est enim moderari, ubi dolori debetur ultio, quam ubi exemplo. Superuacuum est hoc loco admonere, ne facile credat, ut verum excutiat, ut innocentia fauceat, & appareat; ut non minorem agi rem periclitantis, quam iudicis, sciat: hoc ad iustitiam, non ad clementiam pertinet. Nunc illum hortamur, ut manifeste læsus, animum in potestate habeat: & pœnam, si tuto poterit, donet: sin minus temperet: longeque sit in suis, quam in alienis, exorabilior iniuriis. Nam quemadmodum non est magni animi, qui de alieno liberalis est, sed ille qui quod alteri donat, sibi detrahit: ita clementem vocabo, non in alieno dolore facilem, sed eum qui cum suis stimulis exagitetur, non proflit: qui intelligit magni animi esse, iniurias in summa potentia pati, nec quidquam esse gloriosius principe impune læso.

CAP. XXI. Ultio duas res præstare solet: aut solatium offert ei qui accepit iniuriam, aut in reliquum securitatem. Principis maior est fortuna, quam ut so-

1. A duabus causis) eleganter præpos. A causam notat. Sic Liv. L. 5. Nunc ab secundis rebus magis etiam incanti. Gronov.

latio egeat : manifestiorque vis, quam ut alieno malo opinionem sibi virium quærat. Hoc dico, cum ab inferioribus petitus violatusque est. nam si, quos pares aliquando habuit, infra se videt, satis vindicatus est. Regem & servus occidit, & serpens, & sagitta: servavit quidem nemo, nisi maior eo quem servavit. Vti itaque animose debet tanto munere deorum, dandi auferendique vitam potens: in his præsertim, quos scit aliquando simile fastigium obtinuisse: hoc arbitrium adeptus, ultionem implevit, perfecitque quantum veræ pœnæ satis erat. Perdidit enim vitam, qui debet: & quisquis ex alto ad inimici pedes abiectus, alienum de capite regnoque sententiam exspectavit, in servatoris sui gloriam vivit, plusque nomini eius confert incolumis, quam si ex oculis ablatus esset. Assiduum enim spectaculum alienæ virtutis est: in triumpho cito transisset. Si vero regnum quoque suum tanto relinqui apud eum potuit, reponique eo unde deciderat: ingenti incremento surgit laus eius, qui contentus fuit, ex rege victo nihil, præter gloriam, sumere. Hoc est etiam ex victoria sua triumphare, testarique, nihil se quod dignum esset victore, apud victos inuenisse. Cum civibus, & ignotis, atque humilibus, eo moderatius agendum est, quo minoris est afflixisse eos. Quibusdam libenter parcas: a quibusdam te vindicare fastidias: & non aliter quam ab animalibus parvis & obterentem inquinantibus, reducenda manus est: at in iis qui in ore civitatis servati punitique erunt, occasione notæ clementiæ utendum est.

CAP. XXII. Transeamus ad alienas iniurias: in quibus vindicandis hæc tria lex secuta est, quæ Princeps quoque sequi debet: aut ut eum quem punit, emendet; aut ut pœna eius ceteros meliores reddat; aut ut sublati malis securiores ceteri vivant. Ipsos facilius emendabis minore pœna: diligentius enim

viuit, cui aliquid integri superest. Nemo dignitati perditæ parcat. impunitatis genus est iam non habere pœnæ locum. Ciuitatis autem mores magis corrigit parcitas animaduersionum. facit enim consuetudinem peccandi multitudo peccantium: & minus grauis nota est, quam turba damnatorum leuat: & seueritas, quod maximum remedium habet, assiduitate amittit auctoritatem. Constituit bonos mores ciuitati Princeps, & vitia eius facilius compescit, 1) si patiens eorum est, non tanquem probet; sed tanquam inuitus, & cum magno tormento ad castigandum veniat. Verecundiam peccandi facit ipsa clementia regentis. Grauior multo pœna videtur, quæ a miti viro constituitur.

CAP. XXIII. Præterea videbis ea sæpe committi, quæ sæpe vindicantur. Pater tuus plures intra quinquennium culleo insuit, 1) quam omnibus sæculis infutos accepimus. multo minus audebant liberi nefas vltimum admittere, quamdiu sine lege crimen fuit. Summa enim prudentia altissimi viri. 2) & rerum naturæ peritissimi maluerunt, velut incredibile scelus, & ultra audaciam positum præterire, quam dum vindicant, ostendere posse fieri. Itaque parricidæ cum lege cœperunt, & illis facinus pœna monstrauit. pessimo vero loco pietas fuit, postquam sæpius culleos vidimus, quam cruces. In qua ciuitate raro homines puniuntur, in ea consensus fit innocentiz, & indulgetur velut publico bono. Putet se innocentem esse ciuitas, erit. magis irascitur a communi frugalitate de-

1. Et vitia eius facilius compescit) genuinam lectionem ex Codd. Ms. & vitia eruit restituit Gronov.

2. Culleo insuit) quæ erat pœn. parricidarum.

F 2. Altissimi Viri) Solonem intelligit, qui interrogatus cur contra parricidium nullam legem, sanxisset, respondit se id æualem commissurum putasse, vid. Cic. pro Roscio. Lips.

sciscentibus, si paucos eos esse viderit. Periculosum est, mihi crede, ostendere civitati, quanto plures mali sint.

CAP. XXIV. Dicta est aliquando in Senatu sententia, ut servos a liberis cultus distingueret: deinde apparuit, quantum periculum immineret, si servi nostri numerare nos cœpissent, 1) Idem scito metuendum esse, si nulli ignoscitur: cito apparebit, pars civitatis deterior quanto prægrauet. Non minus Principi turpia sunt multa supplicia, quam medico multa funera. Remissius imperanti, melius paretur. Natura contumax est humanus animus, & in contrarium atque arduum nitens; sequiturque facilius, quam ducitur. Et ut generosi atque nobiles equi, melius facili fræno reguntur: ita clementiam voluntaria innocentia impetu suo sequitur, & dignam putat civitas, quam servet sibi. plus itaque hac via proficitur. Crudelitas minime humanum malum est, indignum tam miti animo. Ferina ista rabies est, sanguine gaudere ac vulneribus: & abiecto homine, in silvestre animal transire.

CAP. XXV. Quid enim interest, oro te Alexander, leoni Lysimachum obiicias, an ipse laceres dentibus tuis? tuum illud os est, tua illa feritas. O quam cuperes tibi potius ungues esse, tibi rictum illum edendorum hominum capacem! Non exigimus a te, ut manus ista, exitium familiare certissimum, vili salutaris sit: ut iste animus ferox, insatiabile gentium malum, citra sanguinem cædemque satietur: clementia vocetur, ad occidendum amicum carnifex inter homines. Hoc est, quare vel maxime abominanda sit sæuitia, quod excedit fines, primum solitos, deinde

1. Numerare nos) per paucos scilicet, & numero servis longe inferiores.

humanos. Noua supplicia conquirir, ingenium ad-
 vocat, instrumenta excogitat, per quæ varietur atque
 extendatur dolor, & delectatur malis hominum. Tunc
 ille dirus animi morbus ad insaniam peruenit vlti-
 mam, cum crudelitas versa est in voluptatem: & iam
 occidere hominem iuuat. Nam talem virum a tergo
 sequitur euersio, odia, venena, gladii. tam multis peric-
 ulis petitur, quam multorum ipse periculum est: pri-
 vatisque nonnunquam consiliis, alias vero consterna-
 tione publica circumuenitur. Leuis enim & prauata
 pernicies, non totas vrbes mouet: quod late furere
 cœpit, & omnes appetit, vndique configitur. Ser-
 pentes paruulæ fallunt, nec publice conquiruntur: vbi
 aliqua solitam mensuram transiit, & in monstrum ex-
 creuit, vbi fontes potu infecit, & si affluit, deurit ob-
 teritque quacumque incescit, ballistis petitur. Pos-
 sunt verba dare, 1) & euadere pusilla mala, ingentibus
 obuiam itur. Sic vnus æger nec domum quidem per-
 turbat: at vbi crebris mortibus pestilentiam esse ap-
 paruit, conclamatio ciuitatis, ac fuga est, & diis ipsis
 manus intentantur 2) Sub vno aliquo tecto flamma
 apparuit: familia vicinique aquam ingerunt. at in-
 cendium vastum, & multas iam domos depastum, par-
 te vrbis obruitur.

CAP. XXVI. Crudelitatem priuatorum seruales
 quoque manus, sub certo crucis periculo, vltæ sunt:
 tyrannorum, gentes populique, & quorum erat ma-
 lum, & hi quibus imminabat, excindere aggressi sunt.
 Aliquando sua præsidia in ipsos consurrexerunt, perfidi-
 amque, & impietatem, & feritatem, & quidquid ab
 illis didicerant, in ipsos exercuerunt. Quid enim
 potest ab eo quisquam sperare, quem malum esse do-

1. Verba dare) fallere, latere. Lips.

2. Intentantur) lapidatis nimirum templis, subuersis ariis,
 statuis projectis, vt est apud Sueton. in Calig. Gronov.

cuit?

cuit? non diu apparet 1) nequitia, nec quantum iubetur, peccat. Sed puta tutam esse crudelitatem: quale eius regnum est? non aliud, quam captarum urbi-um forma, & terribiles facies publici metus. Omnia inæsta, trepida, confusa: voluptates ipsæ timentur. Non conuiuia secunda ineunt, in quibus lingua solícite etiam ebriis custodienda est: non spectacula, ex quibus materia criminis ac periculi quæritur. Apparentur licet magna impensa, & regis opibus, & artificum exquisitis nominibus: quem tamen ludi in carcere iuuent? Quod istud, dii boni, malum est, occidere, scire, delectari sono catenarum, & ciuium capita decidere, quocumque ventum est multum sanguinis fundere, aspectu suo terrere ac fugare? Quæ alia vita esset, si leones urbsque regnarent? si serpentibus in nos, ac noxiosissimo cuique animali daretur potestas? Illa rationis expertia, & a nobis immanitatis crimine damnata, abstinent suis, & tuta est etiam inter feras similitudo: horum ne a necessariis quidem rabie temperat sibi, sed externa suaque in æquo habet, quo possit exercitior a singulorum cædibus, deinde in exitia gentium serpere. Et iniicere testis ignem, aratrum vetustis urbibus inducere, potentiam putat: & vnum occidi iubere aut alterum, parum imperatorium credit: nisi eodem tempore grex miserorum subiectus stetit, crudelitatem suam in ordinem coactam putat. Felicitas illa, multis salutem dare, & ad vitam ab ipsa morte reuocare, & mereri clementia ciuicam. 2) Nul- lum ornamentum Principis fastigio dignius pulchrius- que est, quam illa corona ob ciues seruatos. Non ho- stilia arma detracta victis, non currus barbarorum sanguine cruenti, non parta bello spolia. Hæc diui-

1. Non diu apparet) ministrat, apparitorem agit.

2. Ciuicam) subintellige coronam, quæ ob ciuem seruatum dabatur.

na potentia est, gregatim ac publice feruare: multos autem occidere, & indiscretos, incendiū ac ruinā potentia est.

LIBER SECVNDVS.

Argumentum & Ordo.

Iterum Neronis laudatio, & generosa eius vocis. Tum ad secundam partem transit, Naturam Clementia, ipsamque definit. Magis aperit a vitio contrario, & Crudelitatem producit ac describit. Fines deinde suos Clementia dat, quam a misericordia vult remotam: nam hanc Stoicis vitium esse. Neque Ignoscere etiam, aut Veniam dare concedit: sed Parcere, Consulere, & quæ verbis magis, quam rebus, illi distinguunt. Hic libri finis, sed non Materia: & ex diuisione liquet multa abesse, temporum vitio sublata. Dolendum in tam pulchra tractatione: nec secundus hic liber, opinor, primo cesserit.

A P V T I.

VT de clementia scriberem, Nero Cæsar, vna me vox tua maxime compulit: quam ego non sine admiratione, & cum diceretur, audisse memini, & deinde aliis narrasse. Vocem generosam, magni animi, magnæ lenitatis: quæ non composita, nec alienis auribus data, subito erupit; & bonitatem tuam cum fortuna tua litigantem in medium adduxit. Animaduersurus in latrones duos Burrus præfectus tuus, vir egregius, & tibi Principi notus, exigebat a te, scriberes, in quos & ex qua causa animadverteri velles. hoc sæpe dilatum, aliquando fieret, instabat. Inuitus inuito cum chartam protulisset, traderetque, exclamasti; Vellem nescire litteras. O dignam vocem, quam audirent omnes gentes, quæ Ro-

manum

manum imperium incolunt, quæque iuxta iacent dubiæ libertatis, 1) quæque se contra viribus aut animis attolunt ! O vocem, in concionem omnium, mortalium mittendam, in cuius verba Principes regesque jurent ! 2) O vocem publica generis humani innocentia dignam, cui redderetur antiquum illud seculum ! Nunc profecto consentire decebat ad æquum bonumque, expulsa alieni cupidine, ex qua omne animi malum oritur : pietatem integritatemque, cum fide ac modestia, resurgere : & vitia diuturno abusa regno, tandem felici ac puro sæculo dare locum.

CAP. II Futurum hoc, Cæsar, ex magna parte sperare & confiteri libet. tradetur ista animi tui mansuetudo, diffundeturque paullatim per omne imperii corpus, & cuncta in similitudinem tui formabuntur, A capite bona valetudo, inde omnia vegeta sunt, atque erecta, aut languore demissa : prout animus eorum vivit, aut marcet. Et erunt ciues, erunt socii digni hac bonitate : & in totum orbem recti mores reuertentur. parcetur vbiq; manibus tuis, Diutius memorari hic patere, non vt blandiar viribus tuis : nec enim mihi hic mos est, maluerim veris offendere, quam placere adulando. quid ergo est ? præter id quod bene factis dictisque tuis quam familiarissimum esse te cupio, vt quod nunc natura & impetus est, fiat iudicium ; illud inecum confidero, multas voces magnas, sed detestabiles, in vitam humanam peruenisse, celebresque vulgo ferri : vt illam, Oderint, dum metuant. Cui Græcus versus 1) similis est, qui se mortuo terram misceri ignibus iubet, & alia huius notæ. Ac

1. Dubiæ libertatis) limitaneæ gentes, & quæ vt potentior ingruit huc illuc in seruitium eunt. Lips.

2. Regesque iurent) Gronovius ex Mss. restituit utinam iurarent.

1. Græcus versus) ἡμῶν θανάτου γαῖαν μίχθῃται πυρὶ.

nescio,

nescio, quomodo ingenia immania, & inuisa, materia secundiori 2) exprefferunt sensus vehementes & concitatos. Nullam adhuc vocem audiui ex bono lenique animosam. Quid ergo est? ut raro, inuitus, & cum magna cunctatione, ita aliquando scribas necesse est istud, quod tibi in odium litteras adduxit: sed, sicut facis, cum magna cunctatione, cum multis dilationibus.

CAP. III. Et ne forte decipiat nos speciosum clementiæ nomen, aliquando & in contrarium abducat: videamus quid sit clementia; qualisque sit, & quos fines habeat. Clementia est temperantia animi, in potestate vlciscendi: vel, lenitas superioris aduersus inferiorem in constituendis pœnis. Plura proponere, est tutius; ne vna definitio parum rem comprehendat, & ut ita dicam, formula excidat. 1) itaque dici potest &, inclinatio animi ad lenitatem in pœna exigenda. Illa finitio contradictiones inueniet, quamuis maxime ad verum accedat, si dixerimus, clementiam esse moderationem aliquid ex merita ac debita pœna remittentem. reclamabitur, nullam virtutem quicquam minus debito facere. Atqui hoc omnes intelligunt, clementiam esse, quæ se flectit citra id quod merito constitui posset. Huic contrariam imperiti putant se veritatem; sed nulla virtus virtuti contraria est.

CAP. IV. Quid ergo opponitur clementiæ? Cru-

2. *Materia secundiori*) h. e. obsequentiori, faciliiori, translatione a fingendo & cetera desumpta. Sensus est: Nescio quomodo homines non ingenio carentes, sed additam ei habentes immanitatem, facilius se dante ac præbente materia, in qua stringere velut & torquere sensum minime vulgarem & personæ suæ congruentem illis accidit, dicta non languida sed excitata sunt eiaculati. Gronov.

1. *Formula excidat*) Juris verbum, qui in ordinario iudicio agebant petebantque, conceptis verbis faciebant: si plus minusque dixissent, causa & formula cadebant. Lips.

deli-

delitas, quæ nihil aliud est, quam atrocitas animi in exigendis pœnis. Sed quidam non exigunt pœnas, crudeles tamen sunt: tanquam, qui ignotos homines & obuios non in compendium, sed occidendi causa occidunt. Nec interficere contenti, sœuiunt; ut Sinis 1) ille & Procrustes, 2) & piratæ, qui captos verberant, & in ignem viuos imponunt. Hæc crudelitas quidem: sed quia nec ultionem sequitur (non enim læsa est) nec peccato alicui irascitur (nullum enim antecessit crimen) extra finitionem nostram cadit: quæ finitio continebat in exigendis pœnis intemperantiam animi. Possumus dicere, non esse hanc crudelitatem, sed feritatem, cui voluptati sœuitia est: possumus insaniam vocare. nam varia sunt genera eius, & nullum certius, quam quod in cædes hominum & laniationes peruenit. Illos ergo crudeles vocabo, qui puniendi causam habent, modum non habent. Sicut in Phalari, quem aiunt non quidem in homines innocentes, sed super humanum ac probabilem modum sœuisse. Possumus effugere caillationem, & ita finire, ut sit crudelitas, inclinatio animi ad asperiora. Hanc clementia repellit longius a se: nam seueritatem illi conuenire, adesse certum est. Ad rem pertinet, quærere hoc loco, quid sit misericordia. Plerique enim ut virtutem eam laudant, & bonum hominem vocant misericordem. Et hæc vitium animi est. Vtraque circa seueritatem, circaque clementiam posita sunt: quæ vitare debemus, ne per speciem seueritatis in crudelitatem, neue per speciem clementiæ in misericordiam incidamus. In hoc, leuiore periculo erratur, sed par error est a vero recedentium.

CAP. V. Ergo quemadmodum religio deos colit,

1. Sinis) famosus in Isthmo latro, qui homines arboribus flexis alligabat & sic dabat distrahendos.

2. Procrustes) latro a Theseo in Attica occisus.

superstitio violat : ita clementiam mansuetudinem-
que omnes boni præstabunt, misericordiam autem
vitabunt. Est enim vitium pusilli animi, ad speciem
alienorum malorum succidentis. Itaque pessimo cui-
que familiarissima est. Anus & mulierculæ sunt, quæ
lacrimis nocentissimorum mouentur, quæ si liceret,
carcerem effringerent. Misericordia non causam,
sed fortunam spectat; clementia rationi accedit. Scio
male audire apud imperitos sectam Stoicorum, et tan-
quam nimis duram, & minime principibus regibus-
que bonum daturam consilium. Obiicitur enim illi,
quod sapientem negat misereri, negat ignoscere. Hæc
si per se ponantur, inuisa sunt. videntur enim nullam
spem relinquere humanis erroribus, sed omnia de-
licta ad pœnam deducere. Quod si est, quidni hæc
secta, 1) quæ dediscere humanitatem iubet, portum-
que aduersus fortunam certissimum mutuo auxilio
2) cludit? Sed nulla secta benignior leniorque est,
nulla amantior hominum, & communibus bonis at-
tentior : vt propositum sit vsui esse aut auxilio, nec sibi
tantum, sed vniuersis singulisque consulere. Misericor-
dia est ægritudo animi, ob alienarum miseriarum speci-
em : aut, tristitia ex alienis malis contracta, quæ accide-
re immerentibus credit. Ægritudo autem in sapientem
virum non cadit : serena eius mens est, nec quidquam
incidere potest quod illam obducatur. Nihilque æque
hominem, quam magnus animus decet : non potest
autem magnus esse idem, si metus & mœror confun-
dit, si mentem obducit & contrahit. Hoc sapienti
ne in suis quidem accidet calamitatibus, sed omnem
fortunæ iram reuerberabit, & ante se franget. eandem

1. Quidni hæc secta) elliptice, subintellige ex præcedenti-
bus inuisa sit? Gronov.

2. Mutuo auxilio) Mens Senecæ poscit mutuum auxilium
vel certe mutui auxilii, Lips.

semper faciem seruabit, placidam, inconcussam: quod facere non posset, si tristitiam reciperet. Adice, quod sapiens prouidet, & in expedito consilium habet: nunquam autem liquidum sincerumque ex turbido venit. Tristitia enim inhabilis est ad dispi-ciendas res, vtilia excogitanda, periculosa vitanda, æque æstimanda. Ergo non miseretur, quia & sine miseria animi non fit. cetera omnia, quæ qui misere-
rentur, solent facere, hic libens & alius animo faciet.

CAP. VI. Succurret alienis lacrimis, non accedet: dabit manum naufrago, exsuli hospitium, egenti stipem, non hanc contumeliosam, qua pars maior horum qui se misericordes videri volunt, abiicit & fastidit quos adiuvat, contingique ab his timer: sed vt homo homini, ex communi dabit. Donabit lacrimis maternis filium, & catheras solui iubebit, & ludo eximet, 1) & cadauer etiam noxium sepeliet. At faciet ista tranquilla mente, vultu suo. Ergo non miserebitur sapiens, sed succurret, sed proderit, in comune auxilium natus, ac publicum bonum, ex quo dabit cuique partem: etiam ad calamitosos, pro portione, improbandos & emendandos, bonitatem suam permittet. Afflictis vero, & fortuitis laborantibus, multo libentius subueniet. Quotiens poterit, fortunæ intercedet, vbi enim opibus potius vterur, aut viribus, quam ad restituenda quæ casus impulit? vultum quidem non deiciet, nec animum ob æruscantis ciuis 2) aridam ac pannosam maciem, & innixam baculo senectutem: ceterum omnibus dignis proderit, & deorum more, calamitosos propitius respiciet. Misericordia vicina est miseriæ: habet enim alia

1. Ludo eximet) bestiarum vel gladiatorio. Lips.

2. Eruscantis ciuis) aruscantis Lips. interpretatur: minuta æra rogantis & colligentis. Sed id displicet Gronouio, qui legendum putat; ob iri alicuius.

quid, trahitque ex ea. Imbecilles oculos esse scias, qui ad alienam lippitudinem & ipsi suffunduntur: tam mehercule, quam morbum esse, non hilaritatem, semper arridere ridentibus, & ad omnium oscitationem ipsum quoque os diducere. Misericordia vitium est animorum, nimis miseriæ fauentium: quam si quis a sapiente exigit, prope est, vt lamentationem exigit, & in alienis funeribus gemitus. At quare non ignoscat, dicam.

CAP. VII. Constituamus nunc quoque quid sit venia, vt sciamus dari illam a sapiente non debere. Venia est pœnæ meritæ remissio. Hanc sapiens quare non debeat dare, reddunt rationem diutius, quibus hoc propositum est. Ego vt breuiter, tanquam in alieno iudicio dicam: ei ignoscitur qui puniri debuit; sapiens autem nihil facit quod non debet, nihil prætermittit quod debet. itaque pœnam quam exigere debet, non donat: sed illud quod ex venia consequi vis, honestiore tibi via tribuit. Parcit enim sapiens, consulit & corrigit. Idem facit, quod si ignosceret, nec ignoscit: quoniam qui ignoscit, fateatur aliquid se, quod fieri debuit, omisisse. Aliquem verbis tantum admonebit, pœna non afficiet, ætatem eius emendabilem intuens: aliquem inuidia criminis manifeste laborantem, iubebit incolumem esse: quia deceptus est, quia per vinum lapsus. Hostes dimittet saluos, aliquando etiam laudatos, si honestis causis pro fide, pro fœdere, pro libertate in bellum accincti sunt. Hæc omnia non veniæ, sed clementiæ opera sunt. Clementia liberum arbitrium habet: non sub formula, 1) sed ex æquo & bono iudicat. & absolueri illi licet, & quanti vult, taxare litem. Nihil ex his facit, tanquam iusto minus fecerit, sed tanquam id quod con-

1. Non sub formula) qua agitur petituræ, vide supra.

stituit, iustissimum sit. Ignoscere autem est, quæ iudicas punienda, non punire. Venia, debita pœnæ remissio est: clementia hoc primum præstat, ut quos dimittit, nihil aliud illos pati debuisse pronuntiet. Plenior est ergo quam venia, & honestior. De verbo (ut mea fert opinio) controuersia est, de re quidem conuenit. Sapiens multa remittet, inultos parum sani, sed sanabilis ingenii, seruabit. Agricolas bonos imitabitur, qui non tantum rectas procerasque arbores colunt: sed illis quoque quas aliqua deprauauit causa adminicula quibus regantur, applicant. Alias circumcidunt, ne proceritatem rami premant: quasdam infirmas vitio loci, nutriunt: quibusdam, aliena umbra laborantibus, cælum aperiunt. Secundum hæc, videbit perfectus sapiens, quod ingenium qua ratione tractandum sit, quo modo in rectum praua flectantur.

Multa desunt.



L. ANNAEI SENECAE
 AD PAULLINVM
 DE
 BREVITATE VITÆ
 LIBER VNVS.

Argumentum & Ordo.

DE tempore huius scripti, apparet post Caium, & quidem statim conceptum: si non fallunt illa, cap. XVIII. Modo intra paucos illos dies, quibus C. Caesar periiit. Hoc apparet, at de bonitate constat. O pulchri, o stilis argumenti! tractemus, & imbibamus. Hypothesis est, Vitam non esse breuem, sed a nobis fieri: vel non utendo, vel male, aut vane, utendo. Hac sic diducit. Primum, Vitiis mancipamur, quibus eum absumitur & perit. Secundo, Inutiliter occupamur, in parum seriis, & qua Officia vocamus. Tertio, Opinione aut presumptione peccamus, & hoc breuem facit, quod longam vitam censemus Praesentia spernimus, futura disponimus, tanquam in magna & certa copia. Et plerique ad vana, aut aliena, labimur, & perdimus vitam quasi per lulum. Hac talia ad Cap. vsque X. Inde partitur in tria omne Tempus, Praeteritum, Praesens, Futurum: & quam male aut inepte nos in singulis geramus, docet. Inuehitur in occupationes fuitiles, in delicias, in luxus, ignaua otia, etiam superflua litterarum studia. Hic aliquid sistit, & vrinam hodiernos etiam Philologos trahat aut mutet! Solum tempus bene poni, quod Sapientiae studiis impenditur: per quam vita vere sit longa. Contra vulgus aestimat eam a Fortuna: ut hac lata aut tristis obuenit, sic vitam aestimat breuem aut longam.

In iristibus mortem appetunt, in latis timent. Adhortatio in fine ad Paullinum: quid ad illum? ad se quisque ducat, & mature sapiat; in portum vitæ & honestum otium secedat. Mibi voueo, & nitor.

CAPVT I.

MAIOR pars mortalium, Paülline, 1) de naturæ malignitate conqueritur, quod in exiguum æui gignimur, quod hæc tam velociter, tam rapide dati nobis temporis spatia decurrant: adeo vt, exceptis admodum paucis, ceteros in ipso vitæ apparatu vita destituat. Nec huic publico, vt opinantur, malo, turba tantum & imprudens vulgus ingemuit: clarorum quoque virorum hic affectus querelas euocauit. Inde illa maximi medicorum 2) exclamatio est, Vitam breuem esse, longam artem. Inde Aristotelicum rerum natura exigenti, 3) minime conueniens sapienti viro lis est: illam animalibus tantum indulgisse, vt quina aut dena secula edurent, homini in tam multa ac magna genito, tanto citeriorem terminum stare. Non exiguum temporis habemus: sed multum perdimus. Satis longa vita, & in maximarum rerum consummationem large data est, si tota bene collocaretur. Sed vbi per luxum ac negligentiam defluit, vbi nulli rei bonæ impenditur; vltima demum necessitate cogente, quam ire non intelleximus, transisse sentimus. Ita est, non accepimus breuem vitam, sed fecimus: nec inopes eius, sed prodigi sumus. Sicut amplæ & regiæ opes, vbi ad malum dominum per-

1. *Paülline*) Senecæ vxor Paüllina. Ergone fratri eius aut patri inscribit? Illi potius ex ætate, de qua cap. 19. *Lips.*

2. *Maximi medicorum*) Hippocratis.

3. *Exigenti*) quasi dicas expostulanti. Sic Ep. 27.

venerunt, momento dissipantur: at quamuis modicæ, si bono custodi traditæ sunt, vsu crescunt: ita ætas nostra, bene disponenti, multum patet.

CAP. II. Quid de rerum natura querimus? illa se benigne gessit: vita, si scias vti, longa est. Alium insatiabilis tenet auaritia: alium in superuacuis laboribus operosa sedulitas: alius vino madet: alius inertia torpet: alium defatigat ex alienis iudiciis suspensa semper ambitio: alium mercandi præceps cupiditas circa omnes terras, omnia maria, spe lucri ducit. Quosdam torquet cupido militiæ, nunquam non aut alienis periculis intentos, aut suis anxios: sunt quos ingratus superiorum cultus voluntaria seruitute consummat. Multos aut affectatio alienæ fortunæ, aut suæ odium detinuit: plerosque nihil certum sequentes, vaga & inconstans, & sibi displicens leuitas, per noua consilia iactauit. Quibusdam nihil quo cursum dirigant, placet, sed marcentes oscitantesque fata deprehendunt: adeo vt quod apud maximum poëtarum, more oraculi dictum est, verum esse non dubitem:

Exigua pars est, vita quam nos viuimus.

ceterum quidem omne spatium, non vita, sed tempus est. Vrgentia circumstant vitia vndique: nec resurgere, aut in dispectum veri attollere oculos sinunt, sed mersos, & in cupiditatibus infixos premunt. Nunquam illis recurrere ad se licet, si quando aliqua quies fortuito contigit: velut in profundo mari, in quo post ventum quoque volutatio est, fluctuantur, nec vnquam illis a cupiditatibus suis otium instat. De istis me putas differere, quorum in confesso mala sunt? aspice illos, ad quorum felicitatem concurritur: bonis suis effocantur. Quam multis graues sunt diuitiæ? quam multorum eloquentia, quotidiano

ostentandi ingenii spatio, 1) sanguinem educit? quam multi continuis voluptatibus pallent? quam multis nihil liberi relinquit circumfusus clientium populus? Omnes denique istos, ab infimis vsque ad summos, pererrat: hic aduocat, hic adest: ille periclitatur, ille defendit, ille iudicat. Nemo se sibi vindicat: alius in alium consumimur. 2) Interroga de istis, quorum nomina ediscuntur: 3) his illos dignosci videbis notis: Hic illius cultor est, ille illius, suus nemo. Deinde dementissima quorundam indignatio est, queruntur de superiorum fastidio, quod ipsis adire volentibus non vacauerint. Audet quisquam de alterius superbia queri, qui sibi ipse nunquam vacat? Ille tamen, quisquis est, insolenti quidem vultu, sed aliquando respexit: ille aures suas ad tua verba demisit: ille te ad latus suum recepit, tu non inspicere te vnquam, non audire dignatus es.

CAP. III. Non est itaque quod ista officia cuiquam imputes: quoniam quidem cum illa faceres, non esse cum alio volebas, sed tecum esse non poteras. Omnia licet quæ vnquam ingenia fulserunt, in hoc vnum consentiant, nunquam satis hanc humanarum mentium caliginem mirantur. Prædia sua occupari a nullo patiuntur.

1. *Quotidiano ostentandi ingenii spatio*) Imago est ab exercitio cursorum, quorum proprie spatium, deprompta; illis cursu calefactis educitur sudor. Sic inquit eloquentia multorum, quotidiano ostentandi ingenii spatio, dum quotidie dicendo ostentandi ingenii illud spatium ingenti contentione decurrunt, non sudorem sed sanguinem eliquat & educit. Gronov.

2. *Consumimur*) In gratiam fructumque alter alterius impendimur.

3. *Quorum nomina ediscuntur*) notum clientum & salutarum nomina edidicisse clientes. Sententia igitur est: Interroga de omni hoc officioso populo, occurret hic, illum colit, alius alium, sese nemo. Lips.

tur:

tur: & si exigua contentio est de modo finitum, ad lapides & arma discurrunt: in vitam suam incedere alios sinunt, imo vero ipsi etiam possessores eius futuros inducunt. Nemo inuenitur, qui pecuniam suam diuidere velit: vitam vnusquisque quam multis distribuit? Adstricti sunt in continendo patrimonio: simul ad temporis iacturam ventum est, profusissimi in eo, cuius vnus honesta auaritia est. Liber itaque ex seniorum turba comprehendere aliquem. Peruenisse te ad vltimum ætatis humanæ videmus; centesimus tibi, vel supra, premitur annus, agendum, ad computationem ætatem tuam reuoca. Dic quantum ex isto tempore creditor, quantum amica, quantum rex, quantum cliens abstulerit: quantum lis vxoria, quantum seruorum coërcitio, quantum officiosa per vrbe[m] discursatio. Adice morbos, quos manu fecimus: 1) adice, quod & sine vsu iacuit: videbis te pauciores annos habere, quam numeras. Repete memoria tecum, quando certus consilii fueris, quotus quisque dies vt destinaueras recesserit; qui tibi vsus tui fuerit; quando in statu suo vultus, quando animus intrepidus; quid tibi in tam longo æuo facti operis sit; quam multi vitam tuam diripuerint, te non sentiente quid perderes; quantum vanus dolor, stulta lætitia, auida cupiditas, blanda conuersatio abstulerit: quam exiguum tibi de tuo relictum sit: intelliges, te immaturum mori.

CAP. IV. Quid ergo est in causa? tanquam semper victuri viuitis: nunquam vobis fragilitas vestra succurrit. Non obseruatis quantum iam temporis transierit. velut ex pleno & abundanti perditis: cum interim fortasse ille ipse, alicui vel homini vel rei donatus, vltimus dies sit. Omnia, tanquam mortales,

1. *Manu fecimus*) culpa nostra contraximus, familiaris Seneca Phralis.

teneris : I) omnia, tanquam immortales, concupiscitis. Audies plerosque dicentes : A quinquagesimo in otium secedam ; sexagesimus annus ab officiis me demittet. Et quem tandem longioris vitæ prædem accipis ? quis ista, sicuti disponis, ire patietur ? Non pudet te reliquias vitæ tibi reservare, & id solum tempus bonæ menti destinare, quod in nullam rem conferri possit ? Quam serum est, tunc vivere incipere, cum desinendum est ? quæ tam stulta mortalitatis obliuio, in quinquagesimum & sexagesimum annum differre sana consilia ; & inde velle vitam inchoare, quo pauci perduxerunt ? Potentissimis, & in altum sublati hominibus, excidere voces videbis, quibus otium optent, laudent, omnibus bonis suis præferant. Cupiunt interim ex illo fastigio suo, si tuto liceat, descendere. Nam ut nihil extra laceffat, aut quatiat : in te ipsa fortuna ruit.

CAP. V. Diuus Augustus, cui dii plura quam vlli præstiterunt, non desit quietem sibi precari, vacationem a Rep. petere. Omnis eius sermo ad hoc semper reuolutus est, ut sibi speraret otium. Hoc labores suos, etiamsi falso, dulci tamen oblectabat solatio, aliquando se victurum sibi. In quadam ad senatum missa epistola, cum requiem suam non vacuum fore dignitatis, nec a priore gloria discrepantem, pollicitus esset, hæc verba inueni : Sed ista fieri speciosius, quam promitti possunt. me tamen cupido temporis optatissimi mihi, prouexit, ut quoniam rerum lætitiæ moratur adhuc, præciperem aliquid voluptatis ex verborum dulcedine. Tanta visa est res otium, ut illam,

2. *Tenetis*) ita utimini, imo abutimini tanquam statim morituri. Sic *Muret*. Gronovius tamen interpretatur, quicquid vobis adest, id possidetis tanquam mortales, quasi indies perdituri. Et nihilominus omnia queritis tanquam immortales.

quia

quia vsu non poterat, cogitatione præsumeret. Qui omnia videbat ex se vno pendentia, qui hominibus gentibusque fortunam dabat, illum diem latissimus cogitabat, quo magnitudinem suam exueret. Expertus erat, quantum illa bona, per omnes terras fulgentia, sudoris exprimerent, quantum occultarum sollicitudinum tegerent: cum ciuibus primum, deinde cum collegis, nouissime cum affinibus, coactus armis decernere, mari terraque sanguinem fudit: per Macedoniam, Siciliam, Ægyptum, Syriam, Asianque & omnes prope oras bello circumactus, Romana cæde lassos exercitus ad externa bella conuertit. Dum Alpes pacat, immixtosque mediæ paci & imperio hostes perdomat, dum ultra Rhenum, Euphratem & Danubium terminos mouet, in ipsa vrbe, Murenæ, Cæpionis, Lepidi, Egnationum in eum muerones acuebantur. Nondum horum effugerat insidias: filia, & tot nobiles iuvenes adulterio velut sacramento adacti, iam infractam ætatem territabant: plusque & iterum timenda cum Antonio mulier. 1) Hæc vlcera cum ipsis membris absciderat: alia subnascebantur, velut cum graue multo sanguine est corpus, partes semper aliquæ rumpebantur. Itaque otium optabat: in huius spe & cogitatione labores eius residebant. hoc votum erat eius, qui voti compotes facere poterat. Marcus Cicero inter Catilinas Clodiosque iactatus, Pompeiosque & Crassos, partim manifestos inimicos, partim dubios amicos, dum fluctuatur cum republica, & illam pessum euntem tenet, nouissime abductus, nec secundis rebus quietus, nec aduersarum patiens, quotiens illum ipsum consulatum suum non sine causa,

1. Cum Antonio mulier) Nubia, qui scilicet adulteria istiusmodi, viam ad pericula Augusto creanda sternebant, vt Antonii & Cleopatæ exemplo patet.

sed

sed sine fine laudatum, detestatur? quam flebiles voces exprimit in quadam ad Atticum epistola, iam vieto patre Pompeio, adhuc filio in Hispania fracta arma refouente? Quid agam, inquit, hic, quæris? moror in Tusculano meo semiliber. Alia deinceps adiecit, quibus & priorem ætatem complorat, & de præsentī queritur, & de futura desperat. Semiliberum se dixit Cicero. at mehercules nunquam sapiens in tam humile nomen procedet, nunquam semiliber erit: integræ semper libertatis & solidæ, solutus, & sui iuris, altior ceteris. Quid enim supra eum potest esse, qui supra fortunam est?

CAP. VI. Liuius Drusus, vir acer & vehemens, cum leges nouas & mala Gracchana 1) mouisset, stipatus ingenti totius Italiæ cœtu, exitum rerum non providens, quas nec agere licebat, nec iam liberum erat semel inchoatas relinquere, exsecratus inquietam a primordiis vitam, dicitur dixisse, Vni sibi, nec puero quidem, vnquam ferias contigisse. Ausus enim & pupillus adhuc & prætextatus, iudicibus reos commendare, & gratiam suam foro interponere tam effecaciter, vt quædam iudicia constet ab illo rapta. 2) Quo non irrumperet tam immatura ambitio? scires in malum ingens, & priuatum, & publicum, euasurum illam tam præcoquem audaciam. Sero itaque querebatur, nullas sibi ferias contigisse: a puero seditiosus, & foro gravis. Disputatur, an ipse sibi manus attulerit. subito enim vulnere per inguen accepto, collapsus est: aliquo dubitante, an mors voluntaria esset: nullo, an tempestiua. Superuacuum est commemorare plures: qui cum aliis felicissimi viderentur, ipsi in se verum testimonium dixerunt, prodentes o-

1. Mala Gracchana) Leges Gracchi retulit de coloniis deducendis.

2. Rapta) sententias per illum extortas,

innem actum annorum suorum. Sed his querelis nec alios mutauerunt, nec se ipsos. Nam cum verba eruperunt, affectus ad consuetudinem relabuntur. Vestra mehercule vita, licet supra mille annos exeat, in arctissimum contrahetur. Ista vitia nullum non saeculum deuorabunt: hoc vero spatium, quod, quamvis natura currit, ratio dilatat, cito vos effugiat necesse est. Non enim apprehenditis, nec retinetis, nec velocissimæ omnium rei moram facitis, sed abire ut rem superuacuam ac reparabilem finitis. In primis autem & illos numero, qui nulli rei, nisi vino ac libidini vacant. nulli enim turpius occupati sunt, ceteri, etiam si vana gloriæ imagine teneantur, speciose tamen errant. Licet auaros mihi, licet vel iracundos enumeres, vel odia exercentes iniusta, vel bella: omnes isti viriliter peccant. in ventrem ac libidinem proiettorum inhonesta labes est. Omnia istorum tempora excute: adspice quamdiu computent, quamdiu insipienter, quamdiu timeant, quamdiu colant, quamdiu colantur, quantum vadimonia sua atque aliena occupent, quantum conuiuia, quæ iam ipsa officia sunt; videbis, quemadmodum illos respirare non sistant vel mala sua, vel bona. Denique inter omnes conuenit, nullam rem bene exerceri posse ab homine occupato: non eloquentiam, non liberales disciplinas: quando districtus animus nihil altius recipit, sed omnia velut inculcata respuit. Nihil minus est hominis occupati, quam viuere: nullius rei difficilior est scientia.

CAP. VII. Professores aliarum artium vulgo multique sunt. quasdam vero ex his pueri ad modum ita percepisse visi sunt, ut etiam præcipere possent: viuere tota vita discendum est: & quod magis fortasse miraberis, tota vita discendum est mori. Tot maximè viri, relictis omnibus impedimentis, cum diuitiis, officiis,

ciis, voluptatibus repunciaſſent, hoc vñum in extre-
mam vsque ætatem egerunt, vt viuere ſcirent: plu-
res tamen ex his nondum ſe ſcire conſeſſi, e vita abie-
runt: nedum vtiſti ſciant. Magni, mihi crede, &
ſupra humanos errores eminentis viri eſt, nihil ex ſuo
tempore delibari ſinere: & ideo vita eius longiſſima
eſt, cui quantumcumque patuit, totum ipſi vacauit.
Nihil inde incultum otioſumque iacuit: nihil ſub alio
fuit. neque enim quidquam reperit dignum, quod
cum tempore ſuo permutaret, cuſtos eius parcifſimus.
Itaque ſatis illi fuit. his vero neceſſe eſt deſuiſſe, ex
quorum vita multum populus tulit. Nec eſt quod
putes, hinc illos non intelligere damnum ſuum. ple-
rosque certe audies ex his quos magna felicitas grauat,
inter clientium greges, aut cauſarum actiones, aut ce-
teras honeſtas miſerias exclamare interdum, Mihi vi-
uere non licet. Quid ni non liceat? omnes illi qui te
ſibi aduocant, tibi abducunt. Ille reus quot dies ab-
ſtulit? quot ille candidatus? quot illa anus, efferen-
dis hereditibus laſſa? quot ille ad irritandam avaritiam
captantium ſimulatus æger? quot ille potentior ami-
cus, qui vos non in amicitia, ſed in apparatu habet?
Diſpunge, inquam, ac recenſe vitæ tuæ dies: videbis
paucos admodum & reiiculos apud te reſediſſe. As-
ſecutus ille quos optauerat faſces, cupit ponere, & ſub-
inde dicit: Quando hic annus præteribit? Facit ille
ludos, quorum ſortem 1) ſibi obtingere magno æſti-
mauit: Quando, inquit, iſtos effugiam? Diripitur il-
le toto foro patronus, & magno concuſſu omnia, vltra
quam audiri poteſt, complet: Quando, inquit, res
proferentur? 2) Præcipitat quiſque vitam ſuam, & fu-
turi deſiderio laborat, præſentium tædio. At ille, qui

1. *Quorum ſortem*) Nam inter Prætores ſors aut lndos aut
iuriſdictione n dabat.

2. *Proferentur*) quod feriis fiebat ceſſante actu rerum.

nullum non tempus in vsus suos confert, qui omnes dies tanquam vitam ordinat, nec optat crastinum, nec timet. Quid enim est, quod iam villa hora nouæ voluptatis possit afferre? Omnia nota, omnia ad satietatem percepta sunt: de cetero, fors fortuna vt volet ordinet; vita iam in tuto est. Huic adiici potest, de trahi nihil: & adiici sic, quemadmodum saturo iam, non pleno, aliquid cibi, quod nec desiderans capit.

CAP. VIII. Non est itaque quod quemquam, propter canos aut rugas, putes diu vixisse. non enim ille diu vixit, sed diu fuit. Quid enim? si illum multum putes nauigauisse, quem sæua tempestas a portu exceptum huc & illuc tulit, ac viribus ventorum ex diuerso furentium per eadem spatia in orbem egit? non ille multum nauigauit, sed multum iactatus est. Mirari soleo; cum video aliquos tempus petere, & eos qui rogantur facillimos. Illud vterque spectat, propter quod tempus petitur: ipsum quidem neuter. Quasi nihil petitur, quasi nihil datur: re omnium pretiosissima luditur. Fallit autem illos, quia res incorporalis est, quia sub oculos non venit: ideoque vilissima æstimatur, imo pæne nullum pretium eius est. Annua congiaria homines clarissimi accipiunt, & his aut laborem, aut operam, aut diligentiam suam locant: nemo æstimat tempus. vtuntur illo laxius, quasi gratuito. At eosdem ægros vide, si mortis periculum admotum est propius, medicorum genua tangentes: si metuunt capitale supplicium, omnia sua, vt viuant, paratos impendere, tanta in illis discordia affectuum est. Quod si posset, quemadmodum præteritorum annorum cuiusque numerus proponi, sic futurorum: quomodo illi, qui paucos viderent superesse, trepidarent, quomodo illis parcerent: Atqui facile est, quamuis exiguum, dispensare, quod certum est; id debet seruari diligentius, quod nescias quando

do deficiat. Nec est tamen, quod ignorare putes illos, quam cara res sit. Dicere solent eis quos validissime diligunt, paratos se partem annorum suorum dare. Dant, nec intelligunt: dant autem ita, ut sine illorum incremento sibi detrahant: sed hoc ipsum an detrahant, nesciunt: ideo tolerabilis est illis iactura detrimenti latentis. Nemo restituet annos, nemo iterum tibi reddet. Ibit qua coepit aetas, nec cursum suum aut reuocabit aut supprimet: nihil tumultuabitur, nihil admonebit velocitatis suae, tacita labetur. Non illa se regis imperio, non favore populi longius proferet. sicut missa est a primo, decurret: nusquam diuertet, nusquam remorabitur. Quid fiet? tu occupatus es, vita festinat: mors interim aderit, cui, velis nolis, vacandum est.

CAP. IX. Potestne quisquam, 1) dico, hominum eorum qui prudentiam iactant, & operosius occupati sunt, quam ut melius possint vivere? Impendio vitae vitam instruunt, cogitationes suas in longum ordinant: maxima porro vitae iactura, dilatio est. Illa primum quemque extrahit diem, illa eripit praesentia, dum vltiora promittit. Maximum viuendi impedimentum est, expectatio, quae pendet ex crastino. Perdis hodiernum: quod in manu fortunae positum est, disponis: quod in tua, dimittis. Quo spectas, quo te extendis? omnia quae ventura sunt, in incerto iacent: protinus viue. Clamat ecce maximus vates, & velut diuino ore instinctus salutare carmen canit:

Optima quaeque dies miseris mortalibus adi.

Prima fugit.

Quid cunctaris, inquit, quid cessas? Nisi occupas, fugit: cum occupaueris, tamen fugiet. Itaque cum ce-

1. Potestne quisquam) Subintellige ex praecedentibus morti vacare.

leritate temporis, vtendi velocitate certandum est, velut ex torrente rapido, nec semper casuro, cito hauriendum est. Hoc quoque pulcherrime ad exprobrandam infinitam cogitationem, quod non optimam quamque ætatem, sed diem dicit. Quid securus, & in tanta temporum fuga lentus, menses tibi, & annos, & longam seriem, vtcumque auiditati tuæ visum est, exporrigis? de die tecum loquitur, & de hoc ipso fugiente. Non dubium est ergo, quin prima quæque optima dies fugiat mortalibus miseris, id est, occupatis: quorum pueriles adhuc animos senectus opprimit, ad quam imparati inermesque veniunt. Nihil enim provisum est: subito in illam, nec opinantes inciderunt: accedere eam cotidie non sentiebant. Quemadmodum aut sermo, aut lectio, aut aliqua interior cogitatio iter facientes decipit; peruenisse se ante sciunt, quam appropinquasse: ita hoc iter vitæ assiduum & citatissimum, quod dormientes vigilantesque eodem gradu facimus, occupatis non apparet, nisi in fine.

CAP. X. Quod proposui, si in partes velim & argumenta diducere, multa mihi occurrent, per quæ probem breuissimam esse occupatorum vitam. Solebat dicere Fabianus, non ex his cathedrariis philosophis, sed ex veris & antiquis, contra affectus impetu, non subtilitate pugnandum, nec minutis vulneribus, sed incursum auertendam aciem. Non probam catillationem esse, retundi debere, non vellicari. Tamen vt illis error exprobreetur suus, docendi, non tantum deplorandi sunt. In tria tempora vita diuiditur: quod est, quod fuit, & quod futurum est. Ex his quod agimus, breue est: quod acturi sumus, dubium: quod egimus, certum. Hoc est enim, in quod fortuna ius perdidit, quod in nullius arbitrium reduci potest. Hoc amittunt occupati. nec enim illis vacat præterita respicere: & si vacet, iniucunda est pœnitenda rei re-

tom. I. X

cordatio. Inuiti namque ad tempora male exacta animum reuocant, nec audent ea retentare, quorum vitia etiam quæ aliquo præsentis voluptatis lenocinio subripiebantur, retractando pateſcunt. Nemo, niſi a quo omnia acta ſunt ſub cenſura ſua,¹⁾ quæ nunquam fallitur, libenter ſe in præteritum retorquet. Ille qui multa ambitioſe concupiit, ſuperbe contempſit, impotenter vicit, inſidio ſe decepit, auare rapuit, prodige effudit, neceſſe eſt memoriã ſuã timeat. Atqui hæc eſt pars temporis noſtri ſacra ac dedicata,²⁾ omnes humanos caſus ſupergreſſa, extra regnum fortunæ ſubducta: quam non inopia, non metus, non morborum incurſus exagitat. Hæc nec turbari, nec eripi poteſt: perpetua eius & intrepida poſſeſſio eſt. Singuli tantum dies, & hi per momenta præſentes ſunt: at præteriti temporis omnes, cum iuſſeris, aderunt ad arbitrium tuum ſe inſpici ac detineri patientur: quod facere occupatis non vacat. Securæ & quietæ mentis eſt, in omnes vitæ ſuæ partes diſcurrere: occupatorum animi velut ſub iugo ſunt, ſectere ſe ac reſpicere non poſſunt. Abiit igitur vita eorum in profundum, & vt nihil prodeſt, quantum libet ingeras, ſi non ſubeſt quod excipiat, ac ſeruet: ſic nihil reſert, quantum temporis detur, ſi non eſt vbi ſubſidat. per quaſſos foratoſque aniinos transmittitur. Præſens tempus breuiſſimum eſt, adeo quidem, vt quibusdam nullum videatur: in curſu enim ſemper eſt. fluit & præcipitatur: ante deſinit eſſe, quam venit: nec magis moram patitur, quam mundus, aut ſidera, quorum irrequieta ſemper agitatio, nunquam in eodem veſtigio manet. Solum igitur ad occupatos præſens pertinet tempus: quod tam breue eſt, vt arripi non poſſit, & id ipſum illis, diſtictis in multa, ſubducitur.

1. Sub cenſura ſua) rectæ rationis.

2. Sacra ac dedicata) quæ violari nequit,

CAP. XI. Denique vis scire, quam non diu vivant? vide quam cupiant diu viuere. Decrepiti senes paucorum annorum accessionem votis mendicant, minores natu se ipsos esse fingunt: mendacio sibi blandiuntur; & tam libenter fallunt, quam si fata vna decipiant. Iam vero cum illos aliqua imbecillitas mortalitatis admonuit, quemadmodum pauentes moriuntur, non tanquam exeat de vita, sed tanquam extrahantur? stultos se fuisse, quod non vixerint, clamitant; & si modo euaserint ex illa valetudine, in otio victuros. Tunc quam frustra parauerint, quibus non fruerentur, quam incassum omnis labor ceciderit, cogitant. At quibus vita prœcul ab omni negotio agitur, quid ni spatiosa sit? nihil ex illa delegatur, nihil alio atque alio spargitur, nihil inde fortunæ traditur, nihil negligentia interit, nihil largitione detrahitur, nihil superuacuum est: tota (vt ita dicam) in reditu est. 1) Quantulacumque itaque abunde sufficit: & ideo quandocunque vltimus dies venerit, non cunctabitur vir sapiens ire ad mortem certo gradu. Quæris forte, quos occupatos vocem? non est quod me solos putes dicere, quos a basilica 2) immissi demum canes 3) eiiciunt; quos aut in sua vides turba 4) speciosius elidi, aut in aliena 5) contemptius; quos officia domibus suis euocant, vt alienis foribus illidant; quos hasta prætoris 6) infami lucro, 7) &

1. In reditu est) a pecuniâ, quæ occupatur & in fœnore est, nihil hic otiosi.

2. A basilica) vbi iudicia exerceri solita.

3. Canes) quos custodes & editi immittunt in morantes.

4. In sua turba) cum ipsi deducuntur.

5. In aliena) cum deducunt vt clientes.

6. Hasta prætoris) cui subiciebantur quæ publice veniebant.

7. Infami lucro) nam inuidiam eæ venditiones fere habent, addo quod famam alienam ludent.

quandoque suppurato 8) exercet. Quorundam otium occupatum est. in villa, aut in lecto suo, in media solitudine, quamvis ab omnibus recesserunt, sibi ipsi molesti sunt: quorundam non otiosa vita est dicenda, sed desidiosa occupatio.

CAP. XII. Illum tu otiosum vocas, qui Corinthis paucorum furore pretiosa, anxia subtilitate concinnat, & maiorem dierum partem in æruginosis lamellis consumit? qui in ceromate 1) [nam, pro facinus, ne Romanis quidem vitiis laboramus] spectator puerorum rixantium sedet? qui victorum suorum greges in ætatum & colorum paria diducit? qui athletas novissimos pascit? Quid? illos otiosos vocas, quibus apud tonsorem multæ horæ transmittuntur, dum decerpitur, si quid proxima nocte succreuit, dum de singulis capillis in consilium itur, dum aut disiecta coma restituitur: aut deficiens 2) hinc atque illinc in frontem compellitur? Quomodo irascuntur, si tonsor paulo negligentior fuit? tanquam virum tonderet. 3) Quomodo excandescunt, si quid ex iuba sua decisum est, si quid extra ordinem iacuit, nisi omnia in annulos suos reciderunt? Quis est istorum, qui non malit rempublicam suam turbari, quam comam? qui non sollicitior sit de capitis sui decore, quam de salute? qui non comprior esse malit, quam honestior? Hos tu otiosos vocas, inter pectinem speculumque occupatos? Quid illi, qui in componendis, audiendis, dicendis canticis operati sunt: dum vocem, cuius rectum cursum natura &

8. *Suppurato*) ab ulcere occulto, quod tempore in pus & saniem vertit. Talia hæc lacra inquit, quia interdum murationum, & rescinduntur quæ sic gesta, puta si in tyrannide, aut si inique.

1. *Ceromate*) loco gymnasii, ubi illo unguento se ungebant.

2. *Aut deficiens*) cum caluaster aliquis esse incipit.

3. *Tanquam virum tonderet*) quos cultus negligentior decet.

opi-

optimum & simplicissimum fecit, inflexu modulati-
onis inertissimæ torquent? Quorum digiti aliquod
inter se carmen metientes semper sonant: quorum
cum ad res serias, sæpe & tristes, adhibiti sunt, ex-
auditur tacita modulatio? non habent isti otium, sed
iners negotium. Conuiuia mehercule horum non po-
fuerim inter vacantiâ tempora, cum videam quam so-
liciti argentum ordinent, quam diligenter exoletorum
suorum tunicas succingant, quam suspensi sint, quo-
modo aper a coco exeat: quanta celeritate, signo dato,
glabri 4) ad ministeria discurrant: quanta arte scin-
dantur aues in frustra non enormia: quam curiose in-
felices pueruli ebriorum sputa detergeant. 5) Ex his
elegantiae lautitiaeque fama captatur, & vsque eo in
omnes vitae successus mala sua illos sequuntur, vt nec
bibant sine ambitione, nec edant. Nec illos quidem
inter otiosos numeraueris, qui sella se & lectica huc
& illuc ferunt, & ad gestationum suarum, quasi dese-
rere illas non liceat, horas occurrunt: quos, quan-
do lauari debeant, quando natâre, quando cœnare,
alius admonet: & vsque eo nimio delicati animi lan-
guore soluantur, vt per se scire non possint, an efu-
riant. Audio quendam ex delicatis (si modo deliciae
vocandæ sunt, vitam & consuetudinem humanam de-
discere) cum ex balneo inter manus elatus, & in sella
positus esset, dixisse interrogando, iam sedeo? Hunc
tu ignorantem an sedeat, putas scire an viuât, an vi-
deat, an otiosus sit? non facile dixerim, vtrum magis
miserear, si hoc ignorauit, an si se ignorare finxit.
Multarum quidem rerum obliuionem sentiunt, sed
multarum & imitantur: quædam vitia illos, quasi fe-
licitatis argumenta, delectant. Nimis humilis & con-

4. Glabri) antea exolet dixit.

5. Sputa detergeant) vid. ep. 47.

tempti hominis esse videtur, scire, quid faciat. I nunc, & mimos multa mentiri ad exprobrandam luxuriam puta. Plura mehercule prætereunt quam fingunt, & tanta incredibilium vitiorum copia, ingenioso in hoc vnum seculo, processit, ut iam mimorum arguere possimus negligentiam. Esse aliquem, qui usque eo deliciis interierit, ut an sedeat, alteri credat?

CAP. XIII. Non est ergo otiosus hic: aliud nomen imponas, æger est, imo mortuus est. Ille otiosus est, cui otii sui sensus est: hic vero semivivus, cui ad intelligendos corporis sui habitus indice opus est. quomodo potest hic alicuius temporis dominus esse? Persequi singulos longum est: quorum aut latrunculi, aut pila, aut excoquendi in sole corporis cura, consumpsere vitam. Non sunt otiosi, quorum voluptates multum negotii habent. Nam de illis nemo dubitavit, quin operose nihil agant, qui in litterarum inutilium studiis detinentur: quæ iam apud Romanos quoque magna manus est. Græcorum iste morbus fuit, quærere quem numerum reinigum Ulysses habuisset: prior scripta esset Ilias, an Odyssea: præterea an eiusdem esset auctoris. Alia deinceps huius notæ: quæ siue contineas, nihil tacitam conscientiam iuuant; siue proferas, non doctior videberis, sed molestior. Ecce Romanos quoque inuasit inane studium superuacua discendi. His diebus audiui quemdam sapientem referentem, quæ primus quisque ex Romanis ducibus fecisset. Primus navalî prælio Duillius vicit; primus Curius Dentatus in triumpho duxit elephantos. Etiamnum ista, etsi ad veram gloriam non tendunt, circa ciuiliū tamen operum exempla versantur. Non est profutura talis scientia: est tamen quæ nos speciosa rerum vanitate detineat. Hoc quoque quærentibus remittamus, quis Romanis primus persuasit nauem conscendere? Claudius is fuit: Caudex ob hoc ipsum appel-

appellatus, quia plurium tabularum contextus, caudex apud antiquos vocabatur: unde publicæ tabulæ, codices dicuntur: & naues nunc quoque, quæ ex antiqua consuetudine per Tiberim commeatus subuehant, caudicariæ vocantur. Sane & hoc ad rem pertineat, quod Valerius Corvinus primus Messianam vicit, & primus ex familia Valeriorum, urbis capte in se translato nomine Messana appellatus est, paulatimque vulgo permutante litteras, Messalla dictus. Num & hoc quemquam curare permittas, quod primus L. Sulla in circo leones solutos dedit, cum alioquin alligati darentur, ad conficiendos eos missis a rege Boccho iaculatoribus? & hoc sane remittatur. Num & Pompeium primum in circo elephantorum duodeviginti pugnam edidisse, commissis more prælii noxiis hominibus, ad ullam rem bonam pertinet? Princeps civitatis, & inter antiquos principes, ut fama tradidit, bonitatis eximie, memorabile putavit spectaculi genus, nouo more perdere homines. Depugnant? parum est. lacinantur? parum est: ingenti mole animalium exterantur. 1) Satius erat ista in obliuionem ire, ne quis postea potens disceret, inuideretque rei minime humanæ.

CAP. XIV. O quantum caliginis mentibus humanis obicit magna felicitas! Ille se supra rerum naturam esse tunc credidit, cum tot miserorum hominum cateruas sub alio cælo natis beluis obiceret; cum bellum inter tam disparia animalia committeret; cum in conspectu populi Romani multum sanguinis funderet, mox plus ipsum fundere coactus. At idem postea Alexandrina perfidia deceptus, ultimo mancipio transfodiendum se præbuit, tum demum intellecta inani

1. Exterantur) Sic Phædr. fab. 4). *Asinus calcibus frontem cateris.*

iactatione cognominis sui. Sed ut illo reuertar, unde decessi, & in alia materia ostendam superuacuum quorundam diligentiam; idem narrabat, Metellum victis in Sicilia Pœnis, triumphantem, unum omnium Romanorum ante currum centum & viginti captiuos elephantos duxisse: Sullam, vltimum Romanorum protulisse pomerium, quod nunquam prouinciali, sed Italico agro acquisito mos proferre apud antiquos fuit. Hoc scire magis prodest, quam Auentinum montem extra pomerium esse, ut ille affirmabat, propter alteram ex duabus causis: aut quod plebs eo secessisset, aut quod Remo auspicante illo loco aues non addixissent. Alia deinceps innumerabilia, quæ aut ficta sunt, aut mendacii similia. Nam ut concedas omnia eos fide bona dicere, ut ad præstationem scribant: 1) tamen cuius ista errores minuent? cuius cupiditates prement? quem fortio-rem, quem iustio-rem, quem liberaliorem facient? Dubitare se interim Fabianus noster aiebat, an satius esset nullis studiis adinqueri, quam his implicari. Soli omnium otiosi sunt, qui sapientiæ vacant: soli viuunt nec enim suam tantum ætatem bene tuentur: omne æuum suo adiiciunt. Quidquid annorum ante illos actum est, illis acquisitum est. Nisi ingratißimi simus, illi clarissimi sacrarum opinionum conditores, nobis nati sunt, nobis vitam præparauerunt. Ad res pulcherrimas, ex tenebris ad lucem erutas, alieno labore deducimur: nullo nobis sæculo interdictum est: in omnia admittitur: & si magnitudine animi egredi humanæ imbecillitatis angustias libet, multum per quod spatiemur temporis est. Disputare cum Socrate licet, dubitare cum Carneade, cum Epicuro quiescere, hominis naturam cum

4. *Ut ad præstationem scribant*) ut ipsi scripti dictique periculum suspiciant. *Lips.*

Stoicis vincere, cum Cynicis excedere, cum rerum natura in consortium 2) omnis æui pariter incedere. Quidni ab hoc exiguo & caduco temporis transitu, in illa nos toto demus animo, quæ immensa quæ externa sunt, quæ cum melioribus communia? Isti qui per officia discursant, qui se aliosque inquietant, cum bene insanierint, cum omnium limina quotidie perambulauerint, nec vllas apertas fores præterierint, cum per diuersas domos meritoriam salutationem circumtulerint: quorum quemque ex tam immensa, & variis cupiditatibus districta, vrbe poterunt videre? quam multi erunt, quorum illos aut somnus, aut luxuria, aut inhumanitas submoueat? quam multi, qui illos, cum diu torserint, simulata festinatione transcurrant? quam multi per refectum clientibus atrium prodire vitabunt, & per obscuros ædium aditus profugient? quasi non inhumanius sit decipere, quam excludere. quam multi hesternæ crapulæ semisomnes & graues, illis miseris somnum suum rumpentibus, vt alienum expectent, vix alleuatis labiis insusurratum 3) millies nomen, oscitatione superbissima reddent? Hos in veris officiis morari licet dicamus, qui Zenonem, qui Pythagoram quotidie, & Democritum, ceterosque antiquitatis bonarum artium, qui Aristotelem & Theophrastum volent habere quam familiarissimos, nemo horum non vocabit, nemo non venientem ad se beatorem, amantio remque sui dimittit, nemo quemquam vacois a se manibus abire patietur. Nocte conueniri, & interdiu, ab omnibus mortalibus possunt. Horum te mori nemo coget, omnes docebunt: horum nemo annos tuos conteret, suos tibi contri-

2. In consortium) Id est cum natura illa æterna & rerum parente omnia præterita & præsentia videre.

3. Insusurratum) a nomenclatoribus.

buet: nullius ex his sermo periculosus erit, nullius amicitia capitalis, nullius sumptuosa observatio.

CAP. XV. Feres ex his, quidquid voles: per illos non stabit, quo minus quantum plurimum ceperis, haurias. Quæ illum felicitas, quam pulchra senectus manet, qui se in horum clientelam contulit? habebit cum quibus de minimis maximisque rebus deliberet, quos de se quotidie consulat, a quibus audiat verum sine contumelia, laudetur sine adulatione, ad quorum se similitudinem effingat. Solemus dicere, non fuisse in nostra potestate, quos sortiremur parentes: forte nobis datos, nobis vero ad nostrum arbitrium nasci licet. Nobilissimorum ingeniorum familiæ sunt. elige in quam adscisci velis: non in nomen tantum adoptaberis, sed in ipsa bona. quæ non erunt sordide nec maligne custodienda, maiora fient, quo illa pluribus diuiseris. Hi tibi dabunt ad æternitatem iter, & te in illum locum, ex quo nemo eiiciet, subleuabunt: hæc vna ratio est extendendæ mortalitatis, imo in immortalitatem vertendæ. Honores, monumenta, quidquid aut decretis ambitio iussit, aut operibus extruxit, cito subruitur: nihil non longa demolitur vetustas, & mouet ocius, quod consecrauit. Sapientiæ noceri non potest. nulla delebit ætas præsens, nulla diminuet sequens, ac deinde semper vltior aliquid ad venerationem conferet. quoniam quidem in vicino versatur inuidia: simplicius longe posita miramur. Sapientis ergo multum patet vita: non idem illum qui ceteros terminus includit. solus generis humani legibus soluitur: omnia illi sæcula, vt Deo, seruiunt. Transiit tempus aliquod? hoc recordatione comprehendit. Instat? hoc vititur. venturum est? hoc præcipit. Longam illi vitam facit, omnium temporum in vnum collatio. illorum breuissima ac sollicitissima ætas est, qui præteritorum obliuiscuntur, præsentia negli-

negligunt, de futuro timent: cum ad extrema venerint, sero intelligunt miseri; tamdiu se, dum nihil agunt, occupatos fuisse.

CAP. XVI. Nec est quod hoc argumento probari putes, longam illos agere vitam, quia interdum mortem inuocant. Vexat illos imprudentia incertis affectibus, & incurrentibus in ipsa quæ metuunt, mortem sæpe ideo optant, quia timent. Illud quoque argumentum non est, quod putes, diu viventium, quod sæpe illis longus videtur dies: quod dum veniant ad conditum tempus cœnæ, tarde ire horas queruntur. nam si quando illos deserunt occupationes, in otio relictæ æstuant, nec quomodo id disponant, aut extrahant, sciunt. Itaque ad occupationem aliquam tendunt, & quod interiacet, omne tempus graue est: tam inehercule, quam cum dies muneris gladiatorii edictus est, aut cum alicuius alterius vel spectaculi vel voluptatis expectatur constitutum, transilire medios dies volunt. Omnis illis speratæ rei longa dilatio est. Ad illud tempus, quod amant, breue est, & præceps, breuiusque multo fit suo vitio: aliunde enim alio transfugiunt, & consistere in vna cupiditate non possunt. non sunt illis longi dies, sed iniusi. At contra, quam exiguæ noctes videntur, quas in complexu scortorum, aut vino exigunt? Inde etiam poetarum furor, fabulis humanos errores alentium, quibus visus est Iupiter, voluptate concubitus delinitus, duplicasse noctem. Quid aliud est vitia nostra incendere, quam auctores illis inscribere deos, & dare morbo, exemplo diuinitatis, excusatam licentiam? Possunt istis non breuissimæ videri noctes, quas tam care mercantur? diem noctis expectatione perdunt, noctem lucis metu. Ipsæ voluptates eorum trepidæ, & variis terroribus inquietæ sunt, subitque cum maxime exultantes sollicita cogitatio: Hæc

quam

quam diu? Ab hoc affectu reges suam fleuere potentiam: nec illos magnitudo fortunæ suæ delectauit, sed venturus aliquando finis exterruit. Cum per magna camporum spatia porrigeret exercitum, nec numerum eius, sed mensuram comprehenderet Persarum rex insolentissimus, lacrimas profudit, quod intra centum annos nemo ex tanta iuuentute superfuturus esset. At illis erat admoturus fatum ipse, qui flebat, perditurusque alios in terra, alios in mari, alios in prælio, alios in fuga, & intra exiguum tempus consumpturus illos, quibus centesimum annum timebat.

CAP. XVII. Quid, quod gaudia quoque eorum trepida sunt? non enim solidis causis innitantur, sed eadem, qua oriuntur, vanitate turbantur. Qualia autem putes tempora esse, etiam ipsorum confessione misera: cum hæc quoque, quibus se attollunt, & supra hominem efferunt, parum sincera sint? Maxima quæque bona sollicita sunt: nec ulli fortunæ minus bene, quam optimæ, creditur. Alia felicitate ad tuendam felicitatem opus est: & pro ipsis, quæ successerunt votis, vota facienda sunt. Omne enim, quod fortuito euenit, instabile est: quo altius surrexit, opportunius est in occasum. neminem porro casura delectant. Miserrimam ergo necesse est, non tantum breuissimam, vitam eorum esse, qui magno parant labore, quod maiore possideant: operose assequuntur quæ volunt, anxii tenent quæ assecuti sunt. Nulla interim nunquam amplius redituri temporis est ratio. Nouæ occupationes veteribus substituuntur, spes spem excitat, ambitionem ambitio: miseriarum non finis quæritur, sed materia mutatur. Nostri nos honores torserunt? plus temporis alieni auferunt. Candidati laborare desuimus? suffragatores incipimus. Accusandi deposuimus molestiam? iudicandi

nan-

nanciscimur. Iudex desit esse? quæsitore est. Alienorum bonorum mercenaria procuracione consensuit? suis opibus destinetur. Marius caliga dimisit? 1) consulatus exerceat. Quintius dictaturam properat euadere? ab aratro revocabitur. Ibit in Pœnos nondum tantæ maturus rei Scipio, victor Hannibalis, victor Antiochi, sui consulatus decus, fraterni sponsor: 2) nî per ipsum mora sit, cum Ioue 3) reponetur? ciuiles seruatores agitant seditiones, & post fastiditos a iuene diis æquos honores, iam senem contumacis exilii 4) delectabit ambitio. Nunquam deerunt vel felices, vel miseræ solitudinis causæ: per occupationes intercludetur otium: nunquam agetur, semper optabitur.

CAP. XVIII. Excerpe itaque te vulgo, Paulline carissime, & in tranquilliorē portum, non pro ætatis spatio iactatus, tandem recede. Cogita quot fluctus subieris, quot tempestates partim priuatas sustinueris, partim publicas in te conuerteris. Satis iam per laboriosa & inquieta documenta exhibita virtus est: experire quid in otio faciat. Maior pars ætatis, certe melior, Reip. data sit: aliquid temporis tui sume etiam tibi. Nec te ad segnem aut inertem quietem voco: non ut somno, & caris turbæ voluptatibus, quidquid est in te indolis viuæ, demergas. Non est istud acquiescere. inuenies maiora omnibus adhuc strenue tractatis operibus, quæ repositus & securus agites. Tu quidem orbis terrarum rationes admini-

1. *Caliga dimisit*) desit gregarius miles esse, qui caligas gestabant.

2. *Fraterni sponsor*) ut enim fratri suo L. Scipioni bellum contra Antiochum mandaretur, ipse se legatum iturum promisit, atque ita de successu quasi sponddit.

3. *Cum Ioue*) nimirum ut apud Val. Max. est L. 4. c. 1. volebant ipsi in ipsa Iouis optimi Maximi cella statuas ponere.

4. *Contumacis exilii*) quod Linterni egit ibi mortuus.

stras, tam abstinenter quam alienas, tam diligenter quam tuas, tam religiose quam publicas. in officio amorem consequeris; in quo odium vitare difficile est: sed tamen, mihi crede, satius est vitæ suæ rationes, quam frumenti publici nosse. Istum animi vigorem, rerum maximarum capacissimum; a ministerio honorifico quidem, sed parum ad beatam vitam apto, ad te reuoca: & cogita non id egisse te ab ætate priua, omni cultu studiorum liberalium, ut tibi multa millia frumenti bene committerentur: maius quiddam & altius de te promiseras. Non deerunt & frugalitatis exactæ homines, & laboriosæ operæ. Tanto aptiora exportandis oneribus tarda iumenta sunt, quam nobiles equi: quorum generosam pernicitatem quis vnquam graui sarcina pressit? Cogita præterea, quantum sollicitudinis sit, ad tantam te molem obicere. cum ventre humano tibi negotium est: nec rationem patitur, nec æquitate mitigatur, nec vlla prece flectitur populus esuriens. Modo intra paucos illos dies, quibus C. Cæsar periit, si quis inferis sensus est, hoc grauissime ferens, quod decebat populo Romano superstite, 1) septem aut octo certe dierum cibaria superesse? dum ille pontes nauibus iungit, & viribus imperii ludit, aderat vltimum malorum obsessis quoque, alimentorum egestas. Exitio pane ac fame constitit, & quæ famem sequitur rerum omnium ruina, furiosi, & externi, & infelicitè superbi regis 2) imitatio. Quem tunc animum habuerunt illi, quibus erat mandata frumenti publici cura? ferrum, saxa, ignes, Caium excepturi, summa dissimulatione tantum inter viscera latentis mali tegebant: cum ratione scilicet. Quædam enim ignorantibus ægris curanda

1. Quod decebat P. R. superstite) nota enim vox eius destitabilis, qua vnā cernicem esse toti populo optabat.

2. Regis) Xerxis.

sunt. caussa multis moriendi fuit, morbum suum nosse.

CAP. XIX. Recipe te ad hæc tranquilliora, tutiora, maiora. Simile tu putas esse, vtrum cures, vt incorruptum a fraude aduehentium & negligentia frumentum transfundatur in horrea, ne concepto humore vitietur, & concaleseat, vt ad mensuram pondusque respondeat: an ad hæc sacra & sublimia accedas, sciturus quæ materia sit diuina, quæ voluptas, quæ conditio, quæ forma? quis animum tuum casus exspectet, vbi nos a corporibus dimissos natura componat? quid sit, quod huius mundi grauissima quæque in medio sustineat, supra leuia suspendat, in summum ignem ferat, sidera vicibus suis excitet? Cetera deinceps ingentibus plena miraculis. Vis tu, relicto solo, mente ad ista respicere? nunc dum calet sanguis, vigentibus ad meliora eundum est. Exspectat te in hoc genere vitæ multum bonarum artium, amor virtutum atque vsus, cupiditatum obliuio, viuendi atque moriendi scientia, alta rerum quies. Omnium quidem occupatorum conditio misera est: eorum tamen miserrima; qui ne suis quidem occupationibus laborant. ad alienum dormiunt somnum, ad alienum ambulant gradum, ad alienum comedunt appetitum; amare & odisse, res omnium libertimas, iubentur. Hi si velint scire, quam brevis ipsorum vita sit, cogitent, ex quorū parte sua sit. Cum videris itaque prætextam sæpe iam sumptam, cum celebre in foro nomen, non inuideris. Ista vitæ damno parantur: vt vnus ab illis numeretur annus, 1) omnes annos suos conterent. Quosdam autem cum in summum ambitionis eniterentur, inter prima luctantes, ætas reliquit: quosdam cum in

1. *vt vnus ab illis numeretur annus*) consulatam sc. consequentia.

consummationem dignitatis per mille indignitates irupissent, misera subiit cogitatio, ipsos laborasse in titulum sepulcri: 2) quorundam vltima senectus, dum in nouas spes vt iuuenta disponitur, inter conatus magnos & improbos inualida defecit.


CAP. XX. Fædus ille, quem in iudicio pro ignotissimis litigatoribus grandem natu, & imperitæ coronæ assentationes captantem, spiritus liquit. turpis ille, qui viuendo lassus citius quam laborando, inter ipsa officia collapsus est. turpis, quem accipiendis immorientem rationibus, diu tractus 1) risit heres. Præterire, quod mihi occurrit exemplum, non possum. Turannius fuit exactæ diligentia senex: qui post annum nonagesimum, cum vacationem procuratoris a C. Cæsare vltro accepisset, componi se in lecto, & velut exanimem a circumstante familia plangi iussit. Lugebat domus otium domini senis, nec finiuit ante tristitiam, quam labor illi suus restitutus est. Adeone iuuat occupatum mori? Idem plerisque animus est: diutius cupiditas illis laboris, quam facultas est: cum imbecillitate corporis pugnant: senectutem ipsam nullo alio nomine grauem iudicant, quam quod illos seponit. Lex a quinquagesimo anno militem non cogit, a sexagesimo senatorem non citat: difficilior homines a se otium impetrant, quam a lege. Interim dum rapiuntur & rapiunt, dum alter alterius quietem rumpit, dum mutuo sunt miseri, vita est sine fructu, sine voluptate, sine vlllo profectu animi: nemo in conspicuo mortem habet, nemo non procul spes intendit. Quidam vero disponunt etiam illa quæ vltra vitam sunt, moles magnas sepulcrorum, & operum publicorum dedicationes, & ad rogam

1. In titulum sepulcri) hoc vno fructu, vt honores eorum sepulcro inscriberentur.

2. Diu tractus) cuius spes diu dilata est,

munera, & ambiciosas exsequias. At mehercule istorum funera, tanquam minimum vixerint, ad faces & ad cereos 2) ducenda sunt.

2. Ad faces & ad cereos) pueri & acerba funera ad faces elata sed cereis immixtis.



L. ANNAEI SENECAE

DE VITA BEATA

Ad Gallionem fratrem

LIBER VNVS.

Argumentum & Ordo.

SENEX hunc libellum scripsit, & velut Defensionem praescripsit contra calumniatores, qui Opes & Vitam obieciabant. Beatam vitam in virtute esse: sed hanc externa non spernere, si accedant. Sublime scriptum est, pulcherrimum in partibus, & quod monita sensusque aureos habet. Partes eius duae sunt: Quid sit Beata vita? & Quomodo eo perueniatur? De priore, negat in Opinione aut More quarendam: per tria fit itur, longius ab ea abitur. Ratio sola audienda est. Ea dicit, Beatam vitam esse convenientem naturae suae: id est, positam in Virtute Non in Voluptate, cum Epicuro? minime. & diffuse hunc & asseclas refellit. Usque eo, ut nec iungi cum virtute Voluptatem velit, & totum hoc nomen repudiet. Huc ad Cap. XVI. Inde pars altera. Ad perueniendum igitur sola virtus amplectenda, cetera spernenda? Negat; admitti quidem externa posse, sed non ut finem. Imo iis qui in via adhuc sunt, & proficientium numero, opus esse aliqua indulgentia. Fortuna. Hic priuatam suam causam calide iam & robustum.

ste agit, & obiiicientem inducit, Cur tu de Virtute sic locutus, alia etiam habes? cur seruos? nummos, villas supellectilem? Varie respondet: ac primo Sapientem se non esse, sed conari esse. Deinde aliis summatibus viris, Platoni, Zenoni, Aristoteli iam olim hac obiecta. At quin omnes isti non quomodo viverent, sed viuendum esset, docebant. Ardua res, Virtus. Suspiciendi, etiam qui conantur ascendere, etsi decidunt interim, aut harent. Tum de Opibus ex professo, an habende Sapienti? a Cap. XXI. Et asserit haberi, etsi non amari: quasitas tamen honeste, & benigne emittendas aut emissas. Insurgit deinde in istos blatterones, & mucronem styli, Socrate inducto, stringit: sed finis deficit, & quæ vulgo attexuntur, alterius scripti sunt atque argumenti.

CAPVT I.

Vivere, Gallio frater, omnes beate volunt: sed ad peruidendum, quid sit quod beatam vitam efficiat, caligant. Adeoque non est facile consequi beatam vitam, ut ab ea quisque eo longius recedat, quo ad illam concitatus fertur, si via lapsus est: quæ ubi in contrarium ducit, ipsa velocitas maioris interualli causa sit. Proponendum est itaque primum, quid sit quod appetamus: tunc circumspiciendum est, qua contendere illo celerrime possimus: intellegendum in ipso itinere, si modo rectum erit, quantum quotidie profligetur, 1) quantoque propius ab eo sumus, ad quod nos cupiditas naturalis impellit. Quamdiu quidem passim vagamur, non ducem secuti, sed fremitum & clamorem dissonum in

1. Profligetur } promoneatur. Sic profligare bellum apud
Linium dicitur L. 21. Lips

diuersa vocantium, conteritur vita inter errores, brevis, etiamsi dies noctesque bonæ menti laboremus. Decernatur itaque & quo tendamus, & qua: non sine perito aliquo, cui explorata sint ea, in quæ procedimus. Quoniam quidem non eadem hic, quæ in ceteris peregrinationibus, conditio est. In illis comprehensus aliquis limes, & interrogati in viâ, non patiuntur errare: at hic tritissima quæque & celeberrima, maxime decipit. Nihil ergo malis præstandum est, quam ne, pecorum ritu, sequamur antecedentium gregem, pergentes non qua eundum est, sed qua itur. Atqui nulla res nos maioribus malis implicat, quam quod ad rumorem componimur: optima rati ea, quæ magno assensu recepta sunt, quorumque exempla nobis multa sunt: nec ad rationem, sed ad similitudinem viuimus. Inde ista tanta coaceruatio aliorum super alios ruentium. Quod in strage hominum magna euenit, cum ipse se populus premit, nemo ita cadit, ut non alium in se attrahat: primi exitio sequentibus sunt: hoc in omni vita accidere videas licet; nemo sibi tantummodo errat, sed alieni erroris & causa & auctor est. Nocet enim applicari antecedentibus. & dum unusquisque mauult credere, quam iudicare, nunquam de vita iudicatur, semper creditur: versatque nos & præcipitat traditus per manus error, alienisque perimus exemplis. Sanabimur, si modo separemur a cætu: nunc vero stat contra rationem, defensor mali sui, populus. Itaque id euenit, quod in comitiis, in quibus eos factos prætores iidem qui fecere mirantur, cum se mobilis fauor circumegit. Eadem probamus, eadem reprehendimus. hic exitus est omnis iudicii, in quo secundum plures datur.

CAP. II. Cum de beata vita agitur, non est quod mihi

mihi illud discessionum more 1) respondeas: Hæc pars maior esse videtur. ideo enim peior est. Non tam bene cum rebus humanis agitur, ut meliora pluribus placeant: argumentum pessimi, turba est. Queramus quid optimum factum sit, non quid vñtatissimum: & quid nos in possessione felicitatis æternæ constituat. Quid vulgus, veritatis pessimo interpreti, probat. Vulgum autem tam chlamydatos, quam coronatos 2) voco. Non enim colorem vestium, quibus præterea corpora sunt, adspicio: oculis de homine non credo. habeo melius certiusque lumen, quo a falsis vera diiudicem. Animi bonum, animus inueniat. Hic, si vnquam illi respirare & recedere in se vacauerit, o quam sibi ipse verum, tortus a se, fatebitur, ac dicet: Quidquid feci adhuc, infectum esse mallet: quidquid dixi, cum recogito, mutis inuideo: quidquid optavi, inimicorum execrationem puto: quidquid timui, dii boni, quanto leuius fuit: quam quod concupiui? Cum multis inimicitias gessi, & in gratiam ex odio (si modo vlla inter malos gratia est) redii: mihi ipsi nondum amicus sum. Omnem operam dedi, ut me multitudinē educerem, & aliqua dote notabilem facerem: quid a-

1. *Discessionum more*) Sententiæ in senatu voce, discessionem, manu dicebantur. Primum vbi dicebant interrogati assensio; alterum vbi duabus pluribusue diuersis sententiis dictis Consul compendii causa discessionem permittebat: i. e. singuli conferrent se ad subsellia, in quibus auctores sententiarum sedebant. Tertium vbi sublata manu significabant se assensuri sedibus suis manentes. *Lips.*

2. *Tam chlamydatos quam coronatos*) chlamydati in Græcia militares, qui supra vulgum & a vulgo discreti, supra quos tamen ~~etiam~~ *etiam* ~~magis~~ coronati præcipua in oriente dignitas, quales singulæ fere ciuitates Græciæ Asiæque habebant. Romano more dixisset, tam candidatos quam prætextatos. Sed parcens proceribus Romanis Græculos traducere maluit. *Salinas.*

liud quam telis me opposui, & malevolentia quod morderet ostendi? Vides istos, qui eloquentiam laudant, qui opes sequuntur, qui gratia adulantur, qui potentiam extollunt? omnes aut sunt hostes, aut (quod in æquo est) esse possunt. Quam magnus mirantium, tam magnus invidentium populus est.

CAP. III. Quin potius quæro aliquid usu bonum, quod sentiam, non quod ostendam: ista quæ spectantur, ad quæ consistitur, quæ alter alteri stupens monstrat, foris nitens, introrsus misera sunt. Quæramus aliquid non in speciem bonum, sed solidum & æquabile, & a secretiore parte formosius. Hoc eruamus. nec longe positum est, inuenietur: scire tantum opus est, quo manum porrigas. Nunc velut in tenebris vicina transimus, offensus in ipsa, quæ desideramus. Sed ne te per circuitus traham, aliorum quidem opiniones præteribo: nam & enumerare illas longum est, & coarguere nostram accipe. Nostram vero cum dico, non alligo me ad vnum aliquem ex Stoicis proceribus: est & mihi censendi ius. Itaque aliquem sequar, aliquem iubebo sententiam diuidere: fortasse & post omnes citatus, nihil improbabo ex his quæ priores decreuerint, & dicam: Hoc amplius censeo. Interim, quod inter omnes Stoicos conuenit, rerum naturæ assentior. ab illa non deerrare, & ad illius legem exemplumque formari, sapientia est. Beata est ergo vita, conueniens naturæ suæ: quæ non aliter contingere potest, quam si primum sana mens est, & in perpetua possessione sanitatis suæ. Deinde, fortis ac vehemens, tum pulcherrima & patiens, apta temporibus, corporis sui pertinentiumque ad id curiosa; non anxie tamen: aliarum rerum quæ vitam instruunt, diligens, sine admiratione cuiusquam: usura fortunæ muneribus, non seruitura. Intelligis, etiam si non aduicium, sequi perpetuam tranquillitatem,

libertatem: depulsis his, quæ aut irritant nos, aut terri-
tant. Nam pro voluptatibus, & pro illis quæ parua ac
fragilia sunt, & in ipsis flagitiis noxia, ingens gaudi-
um subit, inconcussum, & æquabile: tum pax & con-
cordia animi, & magnitudo cum mansuetudine. Omnis
enim ex infirmitate feritas est.

CAP. IV. Potest aliter quoque definiri bonum no-
strum, id est eadem sententia, non iisdem comprehen-
di verbis. Quemadmodum idem exercitus modo latius
panditur, modo in angustum coarctatur, & aut in cor-
nua, sinuata media parte, curuatur, aut recta fronte ex-
plicatur: vis illi, utcumque ordinatus est, eadem est, &
voluntas pro iisdem partibus standi: ita definitio sum-
mi boni alias diffundi potest & exporrigi, alias colligi,
& in se cogi. Idem utique erit, si dixerò: Summum bo-
num est, animus fortuita despiciens, virtute lætus; aut,
Inuieta vis animi, perita rerum, placida in actu, cum
humanitate multa, & conuersantium cura. Libet
& ita definire, ut beatum dicamus hominem eum, cui
nullum bonum malumque sit, nisi bonus malusque a-
nimus: honesti cultor, virtute contentus, quem nec
extollant fortuita, nec frangant: qui nullum maius
bonum eo, quod sibi ipse dare potest, nouerit, cui ve-
ra voluptas erit, voluptatum contemptio. Licet, si
euagari velis, idem in aliam atque aliam faciem, sal-
ua & integra potestate, 1) transferre. Quid enim
prohibet nos beatam vitam dicere, liberum animum,
& erectum, & interritum ac stabilem, extra metum,
extra cupiditatem positum? cui vnum bonum hone-
stas, vnum malum turpitudine? Cetera vilis turba rerum,
nec detrahens quicquam beatæ vitæ, nec adiiciens, si-
ne auctu ac detrimento summi boni veniens ac rece-
dens. Hunc ita fundatum necesse est, velit nolit, se-

1. *Integra potestate*) sensu & significato.

quatur hilaritas continua, & lætitia alta atque ex alto veniens, ut quæ suis gaudeat, nec maiora domesticis cupiat. Quidni ista penset bene cum minutis, & frivolis, & non perseverantibus corpusculi motibus? quo die infra voluptatem fuerit, & infra dolorem erit.

CAP. V. Vides autem, quam malam & noxiam servitutem serviturus sit, quem voluptates doloresque, incertissima dominia, impotentissimaque, alternis possidebunt. Ergo exendum ad libertatem est: hanc non alia res tribuit, quam fortunæ negligentia. Tum illud orietur inæstimabile bonum, quies mentis in tuto collocatæ, & sublimitas: expulsiisque terroribus, ex cognitione veri gaudium grande & immotum, comitasque & diffusio animi: quibus delectabitur non ut bonis, sed ut ex bono suo ortis. Quoniam liberaliter agere cœpi, potest beatus dici, qui nec cupit, nec timet, beneficio rationis. Quoniam & saxa timore & tristitia carent, nec minus pecudes: non ideo tamen quisquam felicia dixerit, quibus non est felicitatis intellectus. Eodem loco pone homines, quos in numerum pecorum & animalium redegit hebes natura, & ignoratio sui. Nihil interest inter hos, & illa: quoniam illis nulla ratio est, his prava, & malo suo atque in peruersum solers. Beatus enim nemo dici potest, extra veritatem proiectus: beata ergo vita est, in recto certoque iudicio stabilita, & immutabilis. Tunc enim pura mens est, & soluta omnibus malis, cum non tantum lacerationes, sed etiam vellicationes effugerit: statuta semper ubi constitit, ac sedem suam etiam irata & infestante fortuna vindicatura. Nam quod ad voluptatem pertinet, licet circumfundatur undique, per omnes vias influat, animumque blandimentis suis leuiat, aliaque ex aliis admoueat, quibus totos partesque nostri sollicitet: quis mortalium, cui vllum super-

est hominis vestigium, per diem noctemque titillari velit, deserto animo, corpori operam dare?

CAP. VI. Sed & animus quoque, inquit, 1) voluptates habebit suas. Habeat sane, cedatque luxuria & voluptatum arbiter, impleat se omnibus eis quæ oblectare sensus solent: deinde præcrite respiciat, & exolerarum voluptatum memor exsultet prioribus, futurisque iam immineat, ac spes ordinet suas, & dum corpus in præsentis sagina iacet, cogitationes ad futura præmittat. hoc mihi videtur miserius, quoniam mala pro bonis legere, dementia est. Nec sine sanitate quisquam beatus est: nec sanus, cui offutura pro optimis appetuntur. Beatus est ergo iudicii rectus: beatus est præsentibus, qualiacumque sunt, contentus, amicusque rebus suis: beatus is, cui omnem habitum rerum suarum ratio commendat. Vident & illi, qui summum bonum voluptatem dixerunt, quam turpi illud loco posuerint. Itaque negant posse voluptatem a virtute diduci, & aiunt, nec honeste quemquam vivere, ut non iucunde vivat; nec iucunde, ut non honeste quoque. Non video, quomodo ista diversa in eandem copulam coniiciantur. Quid est, oro vos, cur separari voluptas a virtute non possit? videlicet, quod omne boni ex virtute principium est: ex huius radicibus etiam ea, quæ vos & amatis & expetitis, oriuntur. Sed si ista indiscreta essent, non videremus quædam iucunda, sed non honesta: quædam vero honestissima, sed aspera, & per dolores exigenda.

CAP. VII. Adhuc nunc, quod voluptas etiam ad vitam turpissimam venit: at virtus malam vitam non admittit. & infelices quidam non sine voluptate, imo

1, inquit) ab Epicuro aliquis, nam tota hæc in illum diffusa est disputatio. Lips.

ob ipsam voluptatem sunt: quod non eueniret, si virtuti se voluptas immiscuisset, qua virtus sæpe caret, nunquam indiget. Quid dissimilia, imo diuersa componitis? Altum quiddam est virtus, excelsum, regale, inuictum, infatigabile: voluptas, humile, ser vile, imbecillum, caducum, cuius statio ac domicilium fornice & popinæ sunt. Virtutem in templo inuenies, in foro, in curia, pro muris stantem, pulverulentam, coloratam, callosas habentem manus: voluptatem latitantem sapius, ac tenebras captantem; circa balnea ac sudatoria, ac loca ædilem metuentia; 1) mollem, eneruem, mero atque vnguento madentem, pallidam aut fucatam, & medicamentis pollutam. Summum bonum immortale est, nescit exire: nec fatietatem habet, nec pœnitentiam. nunquam enim recta mens vertitur: nec sibi odio est, nec quidquam mutauit optima. at voluptas tunc cum maxime delectat, exstinguitur. Nec multum loci habet. itaque cito implet: & tædio est, & post primum impetum marcet. Nec id vnumquam certum est, cuius in motu natura est. ita ne potest quidem vlla eius esse substantia, quod venit transiitue celerrime, in ipso vsu sui periturum. Eo enim peruenit, ubi desinat: & dum incipit, spectat ad finem.

CAP. VIII. Quid, quod tam bonis, quam malis, voluptas inest? nec minus turpes dedecus suum, quam honestos egregia delectant. Ideoque præceperunt veteres, optimam sequi vitam, non iucundissimam: vt rectæ ac bonæ voluntatis non dux, sed comes voluptas sit. Natura enim duce vtendum est: hanc ratio obseruat, hanc consulit. Idem est ergo beate viuere, & secundum naturam. Hoc quid sit, iam aperiam. Si corporis dotes, & apta naturæ, conseruabimus dili-

1. loca ædilem metuentia) nam ædilibus cura popinarum, & eorum quæ ad libidines ac luxum spectabant.

genter & impauide, tanquam in diem data & fugacia; si non subierimus eorum seruitutem, nec nos aliena possederint; si corpori grata & aduenticia eo nobis loco fuerint, quo sunt in castris auxilia, & armaturæ leues. Seruiant ista, non imperent: ita demum utilia sunt menti. Incorruptus vir sit externis, & insuperabilis, miratorque tantum sui: fidens animi, atque in vtrumque paratus, artifex vitæ. Fiducia eius non sine scientia sit, scientia non sine constantia: maneant illi semel placita, nec vlla in decretis eius litura sit. Intelligitur, etiamsi non adiecero, compositum ordinatumque fore talem virum, & in his quæ aget cum comitate, magnificum. Erit vera ratio sensibus insita, & capiens inde principia. nec enim habet aliud vnde conetur, aut vnde ad verum impetum capiat, & in se reuertatur. Nam mundus quoque cuncta complectens, rectorque vniuersi Deus, in exteriora quidem tendit, sed tamen in totum vndique in se redit. 1) Idem nostra mens faciat: cum secuta sensus suos, per illos se ad externa porrexerit; & illorum & sui potens sit, & (vt ita dicam) deuinciat summum bonum. Hoc modo vna efficietur vis ac potestas, concors sibi; & ratio illa certa nascetur, non diffidens nec hæsitans in opinionibus comprehensionibusque, nec in sua persuasione. Quæ cum se disposuit, & partibus suis consensit, & (vt ita dicam) concinuit, summum bonum tetigit. Nihil enim prauum, nihil lubricum superest: nihil in quo arietet, aut labet. 2) Omnia faciet ex imperio suo, nihilque inopinatum accidet: sed quidquid ager, in bonum exhibit, facile & parate, & sine

1. *In se redit*) Videtur mundus cum mouetur in extrema tendere; sed orbe suo in se redit, aut potius mouendo manet. *Lips.*

2. *Arietet aut labet*) *Arietet* in prano; *labet* in lubrico. *Lips.*

ter-

tergiuerſatione agentis. Nam pigritia & hæſitatio, pugnam & inconstantiam oftendit. Quare audacter licet profitearis, ſummum bonum eſſe, animi concordiam. Virtutes enim ibi eſſe debebunt, vbi conſenſus atque vnitās erit; diſſident vitia.

CAP. IX. Sed tu quoque, inquit, virtutem non ob aliud colis, quam quia aliquam ex illa ſperas voluptatem. Primum, non ſi voluptatem præſtatura virtus eſt, ideo propter hanc petitur. non enim hanc præſtat, ſed & hanc; 1) nec huic laborat, ſed labor eius, quamvis aliud petet, hoc quoque aſſequetur. Sic ut in aruo, quod ſegeti proſciſſum eſt, aliqui flores internaſcuntur, non tamen huic herbulæ, quamvis delectet oculos, tantum operis inſumptum eſt; aliud fuit ſerenti propoſitum, hoc ſupervenit: ſic & voluptas non eſt merces, nec cauſa virtutis, ſed acceſſio: nec quia delectat, placet; ſed quia placet, delectat. Summum bonum in ipſo iudicio eſt, & habitu optime mentis: quæ cum ſinum implevit, & finibus ſe ſuis cinxit, conſummatum eſt ſummum bonum, nec quidquam amplius deſiderat. Nihil enim extra totum eſt. non magis quam ultra finem. Itaque erras, cum interrogas, quid ſit illud propter quod virtutem petam? quæris enim aliquid ſupra ſummum. Interrogas, quid petam ex virtute? ipſam. nihil enim habet melius, ipſa pretium ſui. An hoc parum magnum eſt? Cum tibi dicam, ſummum bonum eſt, inſtans animi rigor & providentia, & ſubtilitas, & ſanitas, & libertas, & concordia & decor: aliquid etiamnum exiſtis maius, ad quod iſta referantur? Quid mihi voluptatem nominas? Hominis bonum quæro, non ventris, qui pecudibus ac beluis laxior eſt.

CAP. X. Diſſimulas, inquit, quid a me dicatur.

1. Sed & hanc) h. e. non ſolam præſtat voluptatem multo minus primario.

ego

ego enim nego quemquam posse iucunde viuere, nisi simul & honeste uiuat: quod non potest inutis contingere animalibus, nec bonum suum cibo metientibus. Clare, inquam, ac palam testor, hanc vitam, quam ego iucundam voco, non sine adiecta virtute contingere. At quis ignorat, plenissimos esse voluptatibus vestris stultissimos quosque? & nequitiam abundare iucundis, animumque ipsum non tantum genera voluptatis praua, sed multa suggerere? In primis insolentiam & nimiam aestimationem sui, timoremque elatum supra ceteros, & amorem rerum suarum cæcum & improvidum: delicias fluentes; ex minimis ac puerilibus causis exultationem; iam dicacitatem, & superbiam contumeliis gaudentem, desiderium, dissolutionemque segnis animi indormientis sibi. Hæc omnia virtus discutit, & aurem peruellit, & voluptates aestimat, antequam admittat: nec quas probauit, magni pendit, (utique enim admittit) nec usu earum, sed temperantia læta est. temperantia autem cum voluptates minuat, summi boni iniuria est. Tu voluptatem complecteris: ego compeasco. tu voluptate frueris: ego vtor. tu illam summum bonum putas: ego nec bonum. tu omnia voluptatis causa facis: ego nihil. Cum dico, me nihil voluptatis causa facere, de illo loquor sapiente, 1) cui soli concedis voluptatem.

CAP. XI. Non voco autem sapientem, supra quem quidquam est, nedum voluptas. Atqui ab hac occupatus, quomodo resistet labori, ac periculo, egestati, & tot humanam vitam circumstrepentibus minis? quomodo conspectum mortis, quomodo doloris feret? quomodo mundi fragores, & tantum acerrimorum hostium, tam molli aduersario victus? Quidquid vo-

1. De illo loquor sapiente) h. e. de eo qui metam Philosophiæ attingit, ad quam ego nondum perueni.

luptas suaserit, faciet. Age, non vides quam multa suafura sit? Nihil, inquis, poterit suadere turpiter, quia adiuncta virtuti est. Non tu vides iterum, quale sit summum bonum, cui custode opus est, ut bonum sit? Virtus autem quomodo voluptatem reget, quam sequitur: cum sequi parentis sit, regere imperantis? a tergo ponitis, quod imperat. Egregium autem virtutis apud vos officium, voluptates prægustare. Sed videbimus, an apud quos tam contumeliose tractata virtus est, adhuc virtus sit: quæ habere nomen suum non potest, si loco cessit. interim de quo agitur, multos ostendam voluptatibus obsessos, in quos fortuna omnia munera sua effudit, quos fatearis necesse est malos. Adspice Nomentanum & Apicium, terrarum ac maris (ut isti vocant) bona conquirentes, & super mensam recognoscentes omnium gentium animalia. Vide hos eosdem e suggestu rosæ 1) expectantes popinam suam, aures vocum sono, spectaculis oculos, saporibus palatum suum delectantes. Mollibus lenibusque fomentis totum laceffitur eorum corpus: & ne nares interim cessent, odoribus variis inficitur locus ipse, in quo luxuriæ parentatur. Hos esse in voluptatibus dices: nectamen illis bene erit, quia non bono gaudent.

CAP. XII. Male, inquit, illis erit: quia multa interueniunt, quæ perturbant animum, & opiniones inter se contrariæ mentem inquietabunt. Quod ita esse concedo. sed nihilominus illi ipsi stulti, & inæquales, & sub ietu pœnitentiæ positi, magnas percipiunt voluptates: ut fatendum sit, tam longe tum illos ab omni molestia abesse, quam a bona mente: & (quod plerisque contingit) hilarem insaniam insanire, ac per risum furere. At contra, sapientium remissa vo-

1. *E suggestu rosæ*) E rosæ enim struebant triclinia.

luptates & modestæ, ac pene languidæ sunt, compressæque, & vix notabiles: ut quæ neque arcessite veniant, nec quamvis per se accesserint, in honore sint, neque villo gaudio percipientiam exceptæ. Miscent enim illas, & interponunt vitæ, ut ludum iocumque inter seria. Desinant ergo inconuenientia iungere, & virtuti voluptatem implicare, per quod vitium pessimis quibusque adulantur. Ille effusus in voluptates, reptabundus semper atque ebrius, quia scit se cum voluptate viuere, credit & cum virtute: audit enim voluptatem a virtute separari non posse: deinde vitiis suis sapientiam inscribit, & abscondenda proficitur. Ita non ab Epicuro impulsæ luxuriantur, sed vitij dediti, luxuriam suam in philosophiæ sinu abscondunt: & eo concurrunt, ubi audiunt laudari voluptatem. Nec æstimatur voluptas illa Epicuri (ita enim mehercules sentio) quum sobria & sicca sit: sed ad nomen ipsum aduolant, quærentes libidinibus suis patrociniū aliquod ac velamentum. Itaque quod vnum habebant in malis bonum, perdunt, peccandi verecundiam. Laudant enim ea quibus erubescabant, & vitio gloriuntur: ideoque ne resurgere quidem adolescentiæ licet, cum honestus turpi desidiæ titulus accessit.

CAP. XIII. Hoc est, cur ista voluptatis laudatio pernicioſa sit, quia honesta præcepta intra latent: quod corrumpit, apparet. In ea quidem ipse sententia sum (inuitis hoc nostris popularibus 1) dicam) sancta Epicurum & recta præcipere, & si propius accesseris, tristia: voluptas enim illa ad paruum & exile reuocatur: & quam nos virtuti legem dicimus, eam ille dicit voluptati. Iubet illam parere naturæ: parum est autem luxuriæ, quod naturæ satis est. Quid ergo est? Ille quisquis desidiosum otium, & gulæ ac libidinis vi-

1, *Nostris popularibus*) Stoicis.

ces felicitatem vocat, bonum malæ rei quærit auctorem: & tum illo venit, blando nomine inductus, sequitur voluptatem, non quam audit, sed quam attrahit: & vitia sua cum cœpit putare similis præceptis, indulget illis, non timide nec obscure: luxuriatur etiam inoperto capite. 2) itaque non dico, quod plerique nostrorum, sectam Epicuri flagitiorum magistram esse: sed illud dico, male audit, infamis est: & immerito. Hoc scire quis potest, nisi interius admissus? frons ipsa dat locum fabulæ, & ad malam spem inuitat. Hoc tale est, quale vir fortis stolam 3) indutus, Constante tibi pudicitia, veritas 4) salua est: nulli corpus tuum patientiæ vacat, sed in manu tympanum est. 5) Titulus itaque honestus eligatur, & inscriptio ipsa excitans animum ad ea repellenda quæ statim enervant, cum venerint, vitia. Quisquis ad virtutem accessit, dedit generosæ indolis spem: qui voluptatem sequitur, videtur eneruis, fractus, degenerans vir, peruenturus in turpia: nisi aliquis distinxerit illi voluptates, ut sciat, quæ ex eis intra naturale desiderium sistant, quæ in præcepta ferantur, infinitæque sint, & quo magis implentur, eo magis inexplebiles. Agedum, virtus antecedit: tutum erit omne vestigium. Voluptas nocet nimia: in virtute non est verendum, ne quid nimium sit: quia in ipsa est modus. Non est bonum, quod magnitudine laborat sua.

CAP. XIV. Rationabilem porro sortiris naturam,

2. *Inoperto capite*) h. e. impudenter.
 3. *stolam*) quod muliebri vestimento, utebantur autem cinædi quoque vestibus stolarum ad instar ad pedes usque demissa.
 4. *Veritas*) virilitas leg. Gronov. Nempe impudici parum viri & semi viri.
 5. *In manu tympanum est*) quod molles gestabant, & Galli matris Deum, in manu itaque hoc tantum esse dicit, h. e. externa parum honesta videri, salvis interioribus.

quæ

quæ melius res, quam ratio proponitur? & si placet illa iunctura, si hoc placet 1) ad beatam vitam ire comitatu; virtus antecedit, comitetur voluptas, & circa corpus, 2) ut membra versetur. Virtutem quidem excellentissimam omnium, voluptati tradere ancillam, nihil magnum animo capientis est. Prima virtus sit, hæc ferat signa; habebimus nihilominus voluptatem, sed domini eius & temperatores erimus. aliquid nos exorabit, nihil coget. At hi qui voluptati tradidere principia, utroque caruere, virtutem enim amittunt: ceterum non ipsi voluptatem, sed ipsos voluptas habet: cuius aut inopia torquentur, aut copia strangulantur. Miseri, si deseruntur ab illa: miseres, si obruuntur! sicut deprehensi mari Syrtico, modo in sicco relinquuntur, modo torrente vnda fluctuantur. Euenit autem hoc nimia intemperantia, & amore cæco rei. nam mala pro bonis petenti, periculosum est assequi. Ut feras cum labore periculoque venamus, & captarum quoque illarum sollicita possessio est: sæpe enim laniant dominos: ita habentes magnas voluptates, in magnum malum euasere, captæque cepere. Quæ quo plures maioresque sunt, eo ille minor, ac plurium seruus est, quem felicem vulgus appellat. Permanere libet in hac etiamnum huius rei imagine. quemadmodum qui bestiarum cubilia indagat, & - - - laqueo captare feras magno aestimat, & - - - magnos canibus circumdare saltus, ut illarum vestigia premat, potiora deserit, multisque officiis renuntiat: ita qui sectatur voluptatem, omnia postponit: & primam libertatem negligit, ac pro ventre 3) dependit: nec voluptates sibi emit, sed se voluptatibus vendit.

1. Si hoc placet) hæc usque ad verbum virtus glossema Pliniano esse videntur.

2. Et circa corpus) circa virtutem; quæ instar habet corporis, ut membra versetur.

3. Pro ventre) cibi causa alteri se mancipat.

CAP. XV. Quid tamen, inquit, prohibet in vnum virtutem voluptatemque confundi, & effici summum bonum, ut idem & honestum & iucundum sit? Quia pars honesti non potest esse, nisi honestum: nec summum bonum habebit sinceritatem suam, si aliquid in se viderit dissimile meliori. Nec gaudium quidem quod ex virtute oritur, quamvis bonum sit, absoluti tamen boni pars est: non magis quam lætitia & tranquillitas, quamvis ex pulcherrimis causis nascantur. Sunt enim ista bona, sed consequentia summum bonum, non consummantia. Qui vero voluptatis virtutisque societatem facit, & ne ex æquo quidem, 1) fragilitate alterius boni, quidquid in altero vigoris est, hebetat: libertatemque illam ita demum, si nihil se pretiosius nouit, inuictam, sub iugum mittit. Nam (quæ maxima seruitus est) incipit illi opus esse fortuna: sequitur vita anxia, suspiciosa, trepida, casuum pauens, temporumque suspensa momentis. Non das virtuti fundamentum graue, immobile, sed iubes illam in loco volubili stare. Quid autem tam volubile est, quam fortuitorum expectatio: & corporis, rerumque corpus afficientium varietas? Quomodo hic potest Deo parere: & quidquid euenit, bono animo excipere, nec de fato queri, casuum suorum benignus interpret, si ad voluptatum dolorumque punctiunculas concitatur? Sed nec patriæ quidem bonus tutor aut vindex est, nec amicorum propugnator, si ad voluptates vergit. Illo ergo summum bonum ascendat, vnde nulla vi detrahatur: quo neque dolori, neque spei, neque timori sit aditus, nec ulli rei quæ deterius summi boni ius faciat. Escendere autem illo sola virtus potest: illius gradu

1. Et ne ex æquo quidem) quemadmodum Epicurus, qui non pari passu cum virtute voluptatem incedere finit, sed hanc etiam anteponit, dum Summum Bonum in ea collocat.

clius iste frangendus est : illa fortiter stabit , & quidquid euenerit , feret ; non patiens tantum , sed etiam volens : omnemque temporum difficultatem sciet legem esse naturæ. Et vt bonus miles , feret vulnera , enumerabit cicatrices , & transuerberatus telis , moriens amabit eum , pro quo cadet , imperatorem : habebit in animo illud verus præceptum : Deum sequere. Quisquis autem queritur , & plorat , & gemit : imperata facere vi cogitur , & inuitus rapitur ad iussa nihilominus. Quæ autem dementia est , potius trahi quam sequi ? tam inehercule , quam stultitia & ignorantia conditionis suæ , dolere , quod est aliquid tibi aut incidit durius. æque mirari , aut indigne ferre ea , quæ tam bonis accidunt quam malis. morbos dico , funera , debilitates , & cetera ex transverso in vitam humanam incurrentia. Quidquid ex vniuersi constitutione patiendum est , magno excipitur animo. ad hoc sacramentum adacti sumus , ferre mortalia : nec perturbari his , quæ vitare nostræ potestatis non est. In regno nati sumus : Deo parere , libertas est.

CAP. XVI. Ergo in virtute posita est vera felicitas. Quid hæc tibi suadebit ? nequid aut bonum , aut malum existimes , quod nec virtute , nec malitia continget , deinde , vt sis immobilis & contra malum ex bono , vt , quæ fas est , Deum effingas. 1) Quid tibi pro hac expeditione promittitur ? ingentia & æqua diuinis. Nihil cogeris : nullo indigebis , liber eris , tutus , indemnus : nihil frustra tentabis , nihil prohibebers. Omnia tibi ex sententia cedent : nihil ad-

1. Deum effingas) imitando Deum, Deus h. e. ὁμοίως τῷ Θεῷ
quædes, quod veteres finem philosophiæ esse dicebant.

versum accidet, nihil contra opinionem ac voluntatem. Quid ergo? virtus ad viuendum beate sufficit, perfecta illa & diuina? Quid ni sufficiat? imo superfluit. Quid enim deesse potest extra desiderium omnium posito? quid extrinsecus opus est ei, qui omnia sua in se collegit? Sed ei qui ad virtutem tendit, etiam si multum processit, opus est tamen aliqua fortunæ indulgentia, adhuc inter humana luctanti, dum nondum illum exsoluit, & omne vinculum mortale. Quid ergo interest? quod alii alligati sunt, alii adstricti, alii districte 2) quoque. Hic qui ad superiora progressus est, & se altius extulit, laxam catenam trahit, nondum liber, iam tamen pro libero.

CAP. XVII. Si quis itaque ex istis qui philosophiam conlatrant, quod solent, dixerit: Quare ergo tu fortius loqueris quam viuis? Quare superiori verba summittis; & pecuniam necessarium tibi instrumentum existimas, & damno moueris; & lacrimas, audita coniugis aut amici morte, demittis; & respicis famam, & malignis sermonibus tangeris? Quare cultus tibi est, quam naturalis vsus desiderat? cur non ad præscriptum tuum cœnas? cur tibi nitidior supellex est? cur apud te vinum ætate tua vetustius tribuitur? cur autem disponitur? 1) cur arbores, præter umbram nihil daturæ, conseruntur? quare vxor tua locupletis domus censum auribus gerit? quare pædagogium 2) pretiosa veste succingitur? quare ara est apud te, ministrare: nec temere, & vt libet, collocatur argentum, sed perite seruitur, & est aliquis scindendi obsonii

2. *Alii districte*) Nota discrimina inter *alligari*, *adstringi*, *districte*. Primum mollius, istud arctius, tertium varie & non vno vinculo. *Lips.*

1. *Cur autem disponitur*) vinum sc. in apothecis ordine annorum. *Lips.*

2. *Pædagogium*) pueri pædagogiani & molliculi, *Id.*

magister? Adiiice, si vis, cur trans mare possides? cur plura, quam nosti? turpiter aut tam negligens es, ut non noneris pauculos seruos: aut tam luxuriosus, ut plures habeas, quam quorum notitiæ memoria sufficiat. Adiuuabo postmodum conuicia, & plura mihi quam putas, obiiciam: nunc hoc respondebo tibi. Non sum sapiens, & ut maleuolentiam tuam pascam, nec ero. Exigo itaque a me, non ut optimis par sim, sed ut malis melior. hoc mihi satis est, quotidie aliquid ex vitiis meis demere, & errores meos obiurgare. Non perueni ad sanitatem, ne perueniam quidem: delinimenta magis quam remedia podagræ meæ compono, contentus si rarius accedit, & si minus verminatur. 3) Vestris quidem pedibus comparatus, debilis cursor sum.

CAP. XVIII. Hæc non pro me loquor: ego enim in alto vitiis omnium sum: sed pro illo cui aliquid acti est. Aliter, inquit, loqueris: aliter viuis. Hoc, malignissima capita, & optimo cuique iniunctissima, Platoni obiectum est, obiectum Epicuro, obiectum Zenoni. Omnes enim isti dicebant, non quemadmodum ipsi viuerent, sed quemadmodum viuendum esset. De virtute, non de me loquor: & cum vitiis conultum facio, in primis meis facio. cum potuero, viuam quomodo oportet. Nec malignitas me ista multo veneno tincta deterrebit ab optimis. ne virus quidem istud, quo alios spargitis, vos necatis, me impediet, quo minus perseuerem laudare vitam, non quam ago, sed quam agendam scio, quo minus virtutem adorem, & ex interuallo ingenti reptabundus sequar. Expectabo scilicet, ut quidquam maliuolentiæ inuiolatum sit: cui sacer nec Rutilius fuit, nec Cato? Cur & aliquis non istis diues nimis videatur, quibus Deme-

3. *Verminatur*) minus se monet & quasi vermium vellicatione vexat. *Lips.*

trius Cynicus parum pauper est? Virum acerrimum, & contra omnia naturæ desideria pugnantem; hoc pauperiorem, quam ceteri Cynici, quod cum sibi interdixerit habere, interdixit & poscere; negant satis egere. Vides enim? non virtutis scientiam, sed egestatis professus est. 1)

CAP. XIX. Diodorum Epicureum philosophum, qui intra paucos dies finem vitæ suæ manu sua imposuit, negant ex decreto Epicuri fecisse, quod sibi gulam præsecuit. alii dementiam videri volunt factum hoc eius; alii temeritatem. Ille interim beatus, ac plenus bona conscientia, reddidit sibi testimonium vita excedens, laudauitque ætatis in portu, & ad ancoram actæ quietem: & dixit, Quid vos inuiti audistis, quasi vobis quoque faciendum sit:

Vixi, & quem dederat cursum fortuna, peregi.

De alterius vita, de alterius morte disputatis, & ad nomen magnorum ob aliquam eximiam laudem virorum, sicut ad occursum ignotorum hominum minuricanes, latratis. Expedit enim vobis, neminem videri bonum: quasi aliena virtus, exprobratio delictorum vestrorum sit. Inuiti splendida cum fordibus vestris confertis, nec intelligitis quanto id vestro detrimento audeatis. Nam si illi qui virtutem sequuntur, auari, libidinosi, ambitiosique sunt: quid vos estis, quibus ipsum nomen virtutis odio est? Negatis quemquam præstare quæ loquitur, nec ad exemplar orationis suæ vivere. Quid mirum? cum loquantur fortia, ingentia, omnes humanas tempestates eua-

1. Vides enim? &c.) εἰς τοιαῦτα hæc dicuntur. Quasi dicat: quid vos inepti? Demetrius quid professus est nisi ad virtutem ire? non hercules ad egestatem, nisi quatenus opes officiunt bonæ menti, Lips.

dentia? cum refrigerare 1) se crucibus contentur, in quas unusquisque vestrum clauos suos ipse adigit? 2) ad supplicium tamen acti, stipitibus singulis 3) pendent. Hi qui in se ipsos animaduertunt, 4) quot cupiditatibus, tot crucibus distrahuntur: & maledici, in alienam contumeliam venusti sunt. Crederem illis hoc vacare, 5) nisi quidam ex patibulo suos spectatores conspuerent.

CAP. XX. Non præstant philosophi quæ loquuntur? multum tamen præstant, quod loquuntur, quod honesta mente concipiunt. Nam quidem si & paria dictis agerent, quid esset illis beatius? interim non est, quod contemnas bona verba, & bonis cogitationibus plena præcordia. Studiorum salutarium, etiam citra effectum, laudanda tractatio est. Quid mirum, si non ascendunt in altum ardua aggressi? sed viros suspice, etiam si decidunt, magnæ conantes. Generosa res est, respicientem non ad suas, sed ad naturæ suæ vires, conari alta, tentare, & mente maiora concipere, quam quæ etiam ingenti animo adornatis effici possint. Qui sibi hoc proposuit: Ego mortem eodem vultu audiam, quo videbo, ego laboribus, quanticumque illi erunt, parebo, animo fulciens corpus, ego diuitias & præsentis & absentes æque

1. *Refigere*) resolvere & se liberare a crucibus, quas cupidines & affectus sui cuique struunt. *Lips.*

2. *Clauos suos ipse adigit*) vos contra clauos adeo non reuellitis, ut magis magisque infigatis. *Muret.*

3. *Stipitibus singulis*) i. e. isti sapientiæ studiosi non pluribus crucibus districti, ut vos: sed vno simplici ligno pendent, vna aliaque cupidine retenti eoque facilius liberandi.

4. *In seipsos animaduertunt*) dum sc. ipsi clauos suos in cruces adigunt.

5. *Crederem illis hoc vacare*) sensus est: crederem tantum illis otii esse a suis crucibus & doloribus, ut in alios possint esse venusti & dicta iacere, nisi certum haberem & a patibulis quibusdam conspui spectatores. *Gronov.*

contemnā: nec si aliubi iacebunt, tristior; nec si circa me fulgebunt, animosior. ego fortunam nec venientem sentiam, nec recedentem. ego terras omnes tanquam meas videbo, 1) meas tanquam omnium. ego sic vitam, quasi sciam aliis me natum: & naturæ rerum hoc nomine gratias agam. Quo enim melius genere negotium meum agere potuit? vnum me donavit omnibus: vni mihi omnes. Quidquid habebo, nec fordide custodiam, nec prodige spargam. nihil magis possidere me credam, quam bene donata: non numero, nec pondere beneficia, nec vlla, nisi accipientis æstimatione, pendam. Numquam id mihi multum erit, quod dignus accipiet. Nihil opinionis causa, omnia conscientia faciam: populo teste fieri credam, quidquid me nescio faciam. Edendi erit bibendique finis, desideria naturæ restringere, non implere alium, & exinanire. Ego amicis iucundus, inimicis mitis & facilis, exorabor antequam roger, honestis precibus occurrā. Patriam meam esse mundum sciam, & præfides deos; hos supra me, circaque me stare, factorum dictorumque censores. Quandocumque autem natura spiritum repetet, aut ratio dimittet, 2) testatus exhibeo, bonam me conscientiam amasse, bona studia: nullius per me libertatem diminutam, minime meam.

CAP. XXI. Qui hoc facere proponet, volet, tentabit, ad deos iter faciet: nã ille, etiamsi non tenuerit, magnis tamen excidet ausis. Vos quidem, qui virtutem cultoremque eius odistis, nihil novi facitis. nam & solem lumina ægra formidant, & auer-

1. *Videbo*) nempe meam. Sententia est: audita aliena mors non magis me afficiet, quam adstans & visa mea. Est familiare illud Senecæ hyperbaton, non visa magis mouebit quam audita. *Lips.*

2. *Ratio dimittet*) voluntaria & deliberata morte.

santur diem splendidum nocturna animalia, quæ ad primum eius ortum stupent, & latibula sua passim petunt, abduntur in aliquas rimes timida lucis. Gemit, & infelicem linguam bonorum exercete convicio. instate, commordete: citius multo frangetis dentes, quam imprimetis. Quare ille philosophiæ studiosus est, & tam diues vitam agit? quare opes contemnendas dicit, & habet? vitam contemnendam putat, & tamen vivit? valetudinem contemnendam, & tamen illam diligentissime tueretur, atque optimam mavult? Et exilium nomen vanum putat, & ait, Quid est enim mali, mutare regiones? & tamen si licet, senescit in patria? Et inter longius tempus & brevius nihil interesse iudicat: tamen si nihil prohibet, extendit ætatem, & in multa senectute placidus viret? Ait ista debere contemni: non, ne habeat: sed ne sollicitus habeat. non abigit illa a se: sed abeuntia securus prosequitur. Diuitias quidem ubi tutius fortuna deponet, quam ibi, unde sine querela reddentis receptura est? M. Cato cum laudaret Curium & Coruncanium, & sæculum illud in quo censorium crimen erat, paucæ argenti lamellæ, possidebat ipse quadringenties sestertium: minus sine dubio quam Crassus, plus tamen quam censorius Cato. Maiore spacio, si comparentur, proavum vicerat, quam a Crasso vinceretur. Et si maiores illi obuenissent opes, non spreuisset. nec enim se sapiens indignum ullis muneribus fortuitis putat. Non amat diuitias, sed mavult: non in animum illas, sed in domum recipit: nec respuit possessas, sed continet, & maiorem virtuti suæ materiam subministrari vult.

CAP. XXII. Quid autem dubii est, quin maior materia sapienti viro sit, animum explicandi suum in diuitiis, quam in paupertate? cum in hac vnum genus virtutis sit, non inclinari, nec deprimi: in diuitiis, & tem-

& temperantia, & liberalitas, & diligentia, & dispositio, & magnificentia, campum habeat patentem. Non contemnet se sapiens, etiamsi fuerit minimæ staturæ: esse tamen se procerum volet. & exilis corpore, ac amisso oculo valebit: malet tamen sibi esse corporis robur. Et hæc ita ut sciat esse aliud in se valentius malam valetudinem tolerabit, bonam optabit. Quædam enim, etiamsi in summam rei parua sunt, ut & subduci sine ruina principalis boni possint: adiiciunt tamen aliquid ad perpetuam lætitiā, & ex virtute nascentem. Sic illum afficiunt diuitiæ, & exhilarant, ut nauigantem secundus & ferens ventus, ut dies bonus, & in bruma ac frigore apricus locus. Quis porro sapientum, nostrorum dico, quibus vnum est bonum virtus, negat etiam hæc quæ indifferentia vocamus, habere in se aliquid pretii, & alia aliis esse potiora? Quibusdam ex his tribuitur aliquid honoris, quibusdam multum. Ne erres itaque, inter potiora diuitiæ sunt. Quid ergo, inquis, me derides, cum eundem apud te locum habeant, quem apud me? Vis scire, quam non habeant eundem locum? mihi diuitiæ si effluerint, nihil auferent, nisi semet ipsas: tu stupebis, & videberis tibi sine te relictus, si illæ a te recesserint, apud me diuitiæ aliquem locum habent: apud te, summum. ad postremum, diuitiæ meæ sunt: tu diuitiarum es.

CAP. XXIII. Desine ergo philosophis pecunia interdiceret: nemo sapientiam paupertate damnauit. Habebit philosophus amplas opes: sed nulli detractas, nec alieno sanguine cruentas, sine cuiusquam iniuria partas, sine sordidis quæstibus, quarum tam honestus sit exitus quam introitus, quibus nemo ingemiscat, nisi malignus. In quantum vis, exaggera illas, honestæ sunt: in quibus cum multa sint quæ quisque sua dicere velit,

nihil est quod quisquam suum possit dicere. 1) Ille vero fortunæ benignitatem a se non submouebit, & patrimonio per honesta quæsito nec gloriabitur, nec erubescet. Habebit tamen etiam quo gloriatur, si aperta domo, & admissa in res suas ciuitate, poterit dicere: Quod quisque suum agnouerit, tollat. O magnum virum, optime diuitem, si opus ad hanc vocem consonet! si post hanc vocem tantundem habuerit! ita dico, si tutus & securus scrutationem populo præbuerit: si nihil quisquam apud illum inuenerit, quo manus iniiciat: audacter & propalam erit diues. Sicut sapiens nullum denarium intra limen suum admittet, male intrantem: ita & magnas opes, munus fortunæ, fructumque virtutis, non repudiabit, nec excludet. Quid enim est, quare illis bonum locum inuideat? veniant, hospitentur. Nec iactabit illas, nec abscondet: alterum infruniti animi est; alterum timidi & pusilli, velut magnum bonum intra sinum continentis. Nec, ut dixi, eiciet illas e domo. Quid enim dicet? vtrumne, inutiles estis: an, Ego uti diuitiis nescio? Quemadmodum etiam si pedibus suis poterit iter conficere, ascendere tamen vehiculum malet: sic si poterit esse diues, volet: & habebit utique opes, sed tanquam leues & auolaturas: nec ulli alii, nec sibi graues esse patietur. Donabit. Quid exexistis aures? quid expeditis sinum? 2) Donabit, aut bonis, aut eis quos facere poterit bonos. Donabit cum summo consilio, dignissimos eligens: ut qui meminerit, tam expensorum quam acceptorum rationem esse reddendam. Donabit ex recta & probabili causa. nam inter turpes

1. *Nihil est quod quisquam suum possit dicere*) Sensus est: Honestæ sunt diuitiæ, & illarum rerum abundantia, quæ hominum appetitum possint excitare ut suas esse cupiant, sed in quibus tamen nihil sit quod iure suum quisquam dicere, sibi que adeo tanquam iniuste ereptum vindicare possit.

2. *Sinum*) ad accipiendum scilicet. *Lips.*

iacturas malum munus est. Habebit sinum facilem, non perforatum: ex quo multa exeant, nihil excidat.

CAP. XXIV. Errat, si quis existimat facilem rem esse donare. Plurimum ista res habet difficultatis, si modo consilio tribuitur, non casu & impetu spargitur. Hunc promereor, illi reddo: 1) huic succurro, huius misereor. illum instruo, dignum quem non deducat 2) paupertas, nec occupatum teneat. Quibusdam non dabo, quamvis desit: quia etiamsi dederō, erit defuturum. quibusdam offeram, quibusdam etiam inculcabo. Non possum in hac re esse negligens; nunquam magis nomina facio, 3) quam cum dono. Quid? tu, inquis, recepturus donas? iino non perditurus. Eo loco sit donatio, vnderepeti non debeat, reddi possit. Beneficium collocetur, quemadmodum thesaurus alte obrutus: quem non eruas, nisi fuerit necesse. Quid domus ipsa diuitis viri, quantam habet benefaciendi materiam? Quis enim liberalitatem tantum ad togatos 4) vocat? hominibus prodesse natura iubet: serui liberine sint, ingenui an libertini, iustæ libertatis, an inter amicos datæ, quid refert? vbicumque homo est, ibi beneficio locus est. Potest itaque pecuniam etiam intra limen suum diffundere, & liberalitatem exercere: quæ non quia liberis debetur, sed quia a libero animo proficiscitur, ita nominata est. Hæc apud sapientem nec vnquam in turpes indignosque impingitur, nec vn-

1. *Hunc promereor, illi reddo*) h. e. Hunc vltro denuncio & beneficia ad me duco, alteri do quod debeam.

2. *Deducat*) h. e. deprimat, detrahatque ad alta erigentes.

3. *Nomina facio*) pecuniam colloco. Est enim fœnerari dare in loco.

4. *Togatos*) ciues ac liberos.

quam

quam ita defatigata errat, ut non quotiens dignum invenerit, quasi ex pleno fluat. Non est ergo quod perperam exaudiat, quæ honeste, fortiter, animose, a studiosis sapientiæ dicuntur: & hoc primum attendite. Aliud est, studiosus sapientiæ: aliud, iam adeptus sapientiam. Ille tibi dicet: Optime loquor, sed adhuc inter mala volutor plurima. Non est, quod me ad formulam meam exigas: cum maxime facio me & formo, & ad exemplar ingens attollo. si processero, quantum proposui, exige, ut dictis facta respondeant. Affectus vero humani boni summam, aliter tecum aget, & dicet: Primum, non est, quod tibi permittas de melioribus ferre sententiam. mihi iam quod argumentum est recti contigit, malis displicere. Sed ut tibi rationem reddam, quam nulli mortalium inuideo, audi quid promittam, & quanti quæque æstimem. Diuitias nego bonum esse: nam si essent, bonos facerent. nunc quoniam quod apud malos deprehenditur, dici bonum non potest; hoc illis nomen nego, ceterum & habendas esse, & utiles, & magna commoda vitæ adferentes, fateor.

CAP. XXV. Quid ergo est? quare illas non in bonis numerem, & quid in illis præstem aliud, quam vos, quoniam inter utrosque convenit habendas, audite. Pone in opulentissima me domo, pone aurum argentumque in promiscuo usu sit: non suspiciam me ob ista, quæ etiam si apud me, extra me tamen sunt. In sublicium pontem me transfer, & inter egentes abijce: non ideo tamen me despiciam, quod in illorum numero confideo, qui manum ad stipem porrigunt. quid enim ad rem, an frustum panis desit, cui non deest mori posse? Quid ergo est? domum illam splendidam malo, quam pontem. Pone in instrumentis splendentibus, & delicato apparatu: nihilo me felicior credam, quod mihi molle erit amiculum,

culum, quod purpura in conuiujs meis substerneretur. Nihilo inferior ero, si lassa ceruix mea in manipulo fœni acquiescet, si super Circense tomentum, 1) per farturas veteris lintei effluens, incubabo. Quid ergo est? malo quid mihi animi sit ostendere, pexatus & gaufapatus, quam nudis scapulis aut semitectis. Ut omnes mihi dies ex voto cedant, nouæ gratulationes prioribus subtexantur: non ob hoc mihi placebo. Mutata in contrarium hanc indulgentiam temporis: hinc illinc percutiatur animus, damno, luctu, incurfionibus variis, nulla omnino hora sine aliqua querela sit, non ideo me dicam inter miserrima miserum, non ideo aliquem execrabor diem. prouisum est enim a me, ne quis mihi ater dies esset. Quid ergo est? malo gaudia temperare, quam dolores compescere. Hoc tibi ille Socrates dicet: Fac me victorem vniuersarum gentium: delicatus ille Liberi currus triumphantem vsque ad Thebas 2) a solis ortu vehat: iura reges Persarum petant: me hominem essetum maxime cogitabo, cum Deus vndique consalutabor. Huic tam sublimi fastigio coniunge protinus præcipitem mutationem: in aliud imponar ferculum, exornaturus victoris superbi ac feri pompam: non humilior sub alieno curru agar, quam in meo steteram. Quid ergo est? vincere tamen, quam capi malo. Totum fortunæ regnum despiciam: sed ex illo, si dabitur electio, molliora sumam. Quidquid ad me venerit, bonum fiet: sed malo faciliora ac iucundiora veniant, & minus vexatura trahantem. Non est enim quod vllam existimes esse sine labore virtutem, sed quædam virtutes stimulis quædam

1. *Circense tomentum*) Culcitæ insarctum, e villis lanisue brenibus, sed & e paleis aut sectis stramentis. Hoc postremum genus vilissimum & Circense dictum, vel quia venale illic vel quia inibi pauperes indormiebant. P. Faber.

2. *Thebas*) patria illæ Bacchi, vbi Indis domitis triumphauit.

frænis egent. Quemadmodum corpus in procliuo retineri debet, in ardua impelli: ita quædam virtutes in procliu sunt, quædam clium subeunt. An dubium sit, quin ascendat, nitatur, obluetur patientia, fortitudo, perseverantia, & quæcumque alia duris opposita virtus est, & fortunam subigit? Quid ergo? non æque manifestum est per deum ire liberalitatem, mansuetudinem? In his continemus animum, ne prolabatur: in illis exhortamur, incitamusque. Accerrimas ergo paupertati adhibebimus, illa quæ impugnatae fiunt fortiores: diuitiis illas diligentiores, quæ suspensum gradum ponunt, & pondus suum sustinent.

CAP. XXVI. Cum hoc ita divisum sit, malo has in vſu mihi esse, quæ exercendæ tranquillius sint; quam eas quarum experimentum sanguis & sudor est. Ergo non ego, inquit sapiens, aliter vivo quam loquor, sed vos aliter auditis. Sonus tantummodo verborum ad aures vestras pervenit: quid significet, non quæritis. Quid ergo inter me stultum, & te sapientem interest, si uterque habere volumus? Plurimum. Diuitiæ enim apud sapientem virum in servitute sunt: apud stultum in imperio. sapiens diuitiis nihil permittit; vobis diuitiæ omnia. Vos, tanquam aliquis vobis æternam possessionem earum promiserit, assuescitis illis, & cohæretis: sapiens tunc maxime paupertatem meditatur, cum in mediis diuitiis constitit. Nunquam imperator ita paci credit, ut non se præparet bello: quod etiam si non geritur, indictum est. Vos domus formosa, tanquam nec ardere nec ruere possit, insolentes: vos opes, tanquam periculum omne transcendierint, maioresque sint quam quibus consumendis satis virium habeat fortuna, obstupefaciunt. Otiosi diuitiis luditis, nec providetis illarum periculum.

culum. sicut barbari plerumque inclusi, & ignari marchinarum, segnes laborem obsidentium spectant, nec quo illa pertineant, quæ ex longinquo struntur, intelligunt. Idem vobis euenit. marceitis in vestris rebus: nec cogitatis, quot casus vndique immincant, iamque pretiosa spolia laturi. 1) Sapienti quisquis abstulerit diuitias, omnia illi sua relinquet: viuit enim præsentibus latus, futuri securus. Nihil magis, Socrates inquit, aut aliquis alius, cui idem ius aduersus humana atque eadem potestas est, persuasi mihi, quam ne ad opiniones vestras adum vitæ meæ flecterem. Solita conferte vndique verba: non conuiciari vos putabo, sed vagire velut infantes miserrimos. Hæc dicet ille, cui sapientia contigit: quem animus vitiorum immunis increpare alios, non quia odit, sed in remedium, iubet. Adiciet his illa: Existimatio me vestra non meo nomine, sed vestro mouet. odisse, & laceessere virtutem, bonæ spei ciuratio est. Nullam mihi iniuriam facitis. sicut ne diis quidem hi, qui aras euertunt; sed malum propositum apparet, malumque consilium, etiam vbi nocere non potuit. Sic vestras hallucinationes fero, quemadmodum Iupiter optimus maximus ineptias poetarum: quorum alius illi alas imposuit, alius cornua: alius adulterum illum induxit, & abnoctantem: 2) alius sænum in deos, alius iniquum in homines: alius raptorum ingenuorum corruptorem, & cognatorum quidem: alius parricidam, & regni alieni paternique expugnatorem. Quibus nihil aliud actum est, quam vt pudor hominibus peccandi demeretur, si tales deos credidissent. Sed quamquam ista me nihil lædant, vestra tamen vos moneo causa: suspicite virtutem. Credite his, qui

1. *Laturi*) referendum ad casus qui velut hostes immincant.

2. *Abnoctantem*) a Junone sua noctibus emanentem. *Lips.*

illam

illam diu secuti, magnum quoddam ipsos, & quod in dies maius appareat, sequi clamant. Et ipsam ut deos, & professores eius ut antistites colite: & quotiens mentio sacra litterarum interuenerit, fauete linguis. Hoc verbum non, ut plerique existimant, a fauore trahitur: sed imperatur silentium, ut rite peragi possit sacrum, nulla voce mala obstrepente.

CAP. XXVII. Quod multo magis necessarium est imperari vobis, ut quotiens aliquid ex illo proferetur oraculo, intenti & compressa voce audiat. Cum *Sistrum* 1) aliquis concutiens ex imperio mentitur; cum aliquis secandi lacertos suos artifex, brachia atque humeros suspensa manu cruentat; cum aliqua genibus per viam repens ululat; laurumque lintheatus senex, & medio lucernam die praeferens, conclamat, iratum aliquem deorum; concurritis & auditis, & diuinum esse eum, inuicem mutuum alentes stuporem, adfirmatis. Ecce Socrates ex illo carcere, quem intrando purgauit, omnique honestiorem curia reddidit, proclamat: Quis iste furor? quæ ista inimica diis hominibusque natura est? infamare virtutes, & malignis sermonibus sancta violare? Si potestis, bonos laudate: si minus, transite. Quod si vobis exercere te tram istam licentiam placet, alter in alterum incursum tate. nam cum in cælum insanitis, non dico sacrilegium facitis, sed operam perditis. Præbui ego aliquando Aristophani materiam iocorum: tota illa comicorum poetarum manus in me venenatos sales suos effudit. Illustrata est virtus mea, per ea ipsa, per quæ petebatur. produci enim illi & tentari expedit: nec ulli magis intelligunt quanta sit, quam qui vires eius laceffendo senserunt. Duritia silicis nulli magis

1. *Sistrum*) crepitaculum æneum quo Isidis Sacerdotes utebantur.

quam ferientibus, nota est. Præbeo me non aliter, quam rupes aliqua in vadoso mari destituta, quam fluctus non desinunt vndecumque moti sunt verberare: nec ideo aut loco eam mouent, aut per tot ætates crebro in cursu suo consumunt. Assilite, facite impetum: ferendo vos vincam. In ea, quæ firma & insuperabilia sunt, quidquid incurrit, malo suo vim suam exercet. Proinde quærite aliquam mollem cedentemque materiam, in quam tela vestra figantur. Vobis autem vacat aliena scrutari mala, & sententias ferre de quoquam? Quare hic philosophus laxius habitat, quare hic lautius cœnat? Papulas obseruatis alienas, obsiti plurimis vlceribus. Hoc tale est, quale si quis pulcherrimorum corporum næuos aut verrucas derideat, quem fœda scabies depascitur. Obiicite Platoni, quod petierit pecuniam: Aristoteli, quod acceperit: Democrito, quod neglexerit: Epicuro, quod consumpserit: mihi ipsi 1) Alcibiadem & Phædrum obiectate. O vos vsu maxime felices, cum primum vobis imitari vitia nostra contigerit! Quin potius mala vestra circumspicitis, quæ vos ab omni parte confodiunt, alia grassantia extrinsecus, alia in visceribus ipsis ardentia? Non eo loco res humanæ sunt, etiamsi statum vestrum parum nostis, vt vobis tantum otii supersit, vt in probra meliorum agitare linguam vacet.

CAP. XXVIII. Hoc vos non intelligitis, & alienum fortunæ vestræ vultum geritis: sicut plurimi, quibus in circo aut in theatro desidentibus, iam funesta domus est, nec annunciatum malum. At ego ex alto prospiciens, video quæ tempestates aut immineant vobis, paullo tardius rapturæ nimbium suum, aut iam vicinæ, vos ac vestra rapturæ, propius ac-

1. *Mibi ipsi*) accipiendum de Socrate, qui ob amores in Alcibiadem & Phædrum nonnullis fuit suspectus.

cesserint. Quid porro? nonne nunc quoque (etiam si parum leuatis) turbo quidam animos vestros rotat, & inuoluit, fugientes, petentesque eadem, & nunc in sublime alleuatos, nunc in infima allisos rapit? ****

L. ANNAEI SENECAE
DE OTIO AVT SE-
CESSV SAPIENTIS

LIBRI PARS.

Argumentum & Ordo.

LIBER hic an Epistola fuerit, nescio: diuellendus tamen a vita beata, cum qua commune nihil habet. Sed nec quando scriptum istud, scio: materies & tractatio bona est, atque erudita. Quarebatur, An Sapiienti non liceret in otium, & a rep. secedere? Quarebatur inter Stoicos; qui consensu eo vocabant. Ipse adfirmat; & principium scripti deest, qua supersunt, ita habent. Ait ab exemplo principum Stoicorum id ius moremque esse: qui etsi miserunt ad remp. non iurunt. Quosdam autem a prima aetate otium, sed honestum, amplecti: quosdam in vltima, tanquam veteranos, & emeritis iam stipendiis, illuc ire. Honestum autem otium in studiis Sapientiae, & contemplatione Naturae, esse. Addit haec Stoicis, sed & Epicureis placere: etsi in leui dissensu. quod isti otium ex proposito petant; illi ex causa. Nempe si res desperate corrupta; si parua alicui auctoritas aut gratia; item si valetudo infirma. Concludit, etiam in otio Rempublicam tractari. quam duplicem facit, Paruam & Magnam. Illa est, finibus certis, legibusque comprehen-

hēnsa: Vt Atheniensis, aut Romana. Hac ipse Mundus totus, cui Natura ciues nos dedit. Magnam, etiam in otio & secessu Sapiens colit tractatque, scribendo aut docendo. Hoc Zeno, & Chrysippus fecere, & plus generi humano profuere, quam omnium actuosorum sudores & discursus.

EX CAPITE XXVIII. 1).

* Circi nobis magno consensu vitia commendant. Licet nihil aliud quod sit salutare tentemus, proderi tamen per seipsum secedere. meliores erimus singuli. Quid, quod secedere ad optimos viros, & aliquod exemplum eligere, ad quod vitam dirigamus, licet? quod in otio non fit. 2) Tunc potest obtinere quod semel placuit, vbi nemo interuenit, qui iudicium adhuc imbecillum, populo adiutore, detorqueat. tunc potest vita æquali & vno tenore procedere, quam propositis diuersissimis scindimus. Nam inter cetera mala illud pessimum est, quod vitia ipsa mutamus. sic ne hoc quidem nobis contingit, permanere in malo iam familiari. Aliud ex alio placet, vexatque nos hoc quoque, quod iudicia nostra non tantum praua, sed etiam lenia sunt. Fluctuamus, aliudque ex alio comprehendimus: petita relinquimus, relicta repetimus: alternæ inter cupiditatem nostram, & penitentiam vices sunt. Pendemus enim toti ex alienis iudiciis; & id optimum nobis videtur, quod petiores laudatoresque multos habet, non id quod laudandum pe-

1. CAP. XXVIII.) Coniungere quidam sequentia cum præc. libro de vita beata, sed argumentum est diuersissimum. Ne citationes tamen aliorum irritæ sint, iste capitum numerus fuit retentus. Non multa autem deesse inde constat, quod seq. cap. materiam diuidit.

2. Quod in otio non fit) legendum: quod nisi in otio non fit. Gronov.

tendumque est. Nec viam bonam ac malam per se æstimamus, sed turba vestigiortum, in quibus nulla sunt redeuntium. Dices mihi: Quid agis Seneca? deferis partes. Certe Stoici vestri dicunt: Vsque ad ultimum vitæ finem in actu erimus, non desinemus communi bono operam dare, adiuuare singulos, opem ferre etiam inimicis, eniti manu. Nos sumus, qui nullis animis vacationem damus, & quod ait ille vir disertissimus, Canitiem galea preinimus. Nos sumus, apud quos vsque eo nihil ante mortem otiosum est, ut, si res patitur, non sit ipsa mors otiosa. Quid nobis Epicuri præcepta, in ipsis. Zenonis principiis, loqueris? Quin tu bene nauiter, si partium piget, transfugis potius, quam prodis? Hoc tibi in præsentia respondebo. Nunquid vis amplius, quam ut me similem ducibus meis præstem? Quid ergo est? non quo miserint me illi, sed quo duxerint, ibo.

CAP. XXIX. Nunc probabo tibi, nec desciscere me a præceptis Stoicorum: nam ne ipsi quidem a suis descuerunt: & tamen excusatissimus essem, etiamsi non præcepta illorum sequerer, sed exempla. Hoc quod dico, in duas diuidam partes. Primum, ut possit aliquis, vel a prima ætate, contemplationi veritatis totum se tradere, rationem viuendi quærere, atque exercere, secreto. Deinde, ut possit hoc aliquis emeritis iam stipendiis, profligatæ ætatis, iure optimo facere, & ad alios actus animum referre: virginum Vestalium more, quæ, annis inter officia diuisis, discunt facere sacra, & cum didicerunt, docent.

CAP. XXX. Hæc Stoicis quoque placere ostendam: non quia legem dixerim mihi, nihil contra dictum Zenonis Chrysippiue committere: sed quia res ipsa patitur me ire in illorum sententiam: quam si quis

quis semper vnus sequitur, non id curiæ, I) sed iam factionis est. Vtinam quidem iam tenerentur omnia, & inoperta ac confessa veritas esset! nihil ex decretis mutaremus: nunc veritatem, cum eis ipsis qui docent, quærimus. Duæ maximæ in hac re dissident sectæ, Epicureorum & Stoicorum: sed vtrique ad otium diuersa via mittit. Epicurus ait: Non accedet ad Remp sapiens, nisi si quid interuenerit. Zenon ait: Accedat ad remp. nisi si quid impediatur. Alter otium ex proposito petit, alter ex causa. Causa autem illa late patet. si resp. corruptior est, quam vt adinuari possit, si occupata est malis: non nitetur sapiens in superuacuum, nec se nihil profuturus impendit: si parum habebit auctoritatis aut virium: nec illum erit admissura resp. si valetudo illum impedit. Quomodo nauem quassam non deduceret in mare, quomodo nomen in militiam non daret debilis: sic ad iter quod inhabile sciet, non accedet. Potest ergo & ille, cui omnia adhuc in integro sunt, antequam villas experiatur tempestates, in tuto subsistere, & protinus commendare se nouis artibus: & illud beatum otium exigere, virtutum cultor, quæ exerceri etiam quietissimis possunt. Hoc nempe ab homine exigitur, vt pro sit hominibus, si fieri potest, multis; si minus, paucis; si minus, proximis; si minus, sibi. Nam cum se utilem cæteris efficit, commune agit negotium. Quomodo qui se deteriore facit, non sibi tantummodo nocet, sed etiam omnibus eis, quibus melior factus prodesse potuisset: sic si quis bene de se meretur, hoc ipso aliis prodest, quod illis profuturum parat.

CAP. XXXI. Duas respublicas animo complectamur, alteram magnam, & vere publicam, qua dii atque homines continentur. in qua non ad hunc an-

1. Non id curiæ) non senatorem agit, sed factiosum.

gulum respicimus, aut ad illum, sed terminos ciuitatis nostræ cum sole metimur: alteram, cui nos adscripsit conditio nascendi. Hæc aut Atheniensium erit, aut Carthaginiensium, aut alterius alicuius vrbis: quæ non ad omnes pertineat homines, sed ad certos. Quidam eodem tempore vtrique reip. dant operam, maiori minorique: quidam tantum minori: quidam tantum maiori. Huc maiori reip. & in otio deseruire possumus. imo vero nescio an in otio melius: ut quæramus, quid sit virtus, vna pluresue sint? natura an ars bonos viros faciat? vtrum sit hoc, quod maria terrasque, & mari ac terris inserta complectitur, an multa eiusmodi corpora Deus sparserit? continua sit omnis & plena materia, ex qua cuncta gignuntur, an diducta, & solidis inane permixtum sit? Deus sedens opus suum spectet, an tractet? vtrumne extrinsecus illi circumfusus sit, an toti inditus? immortalis sit mundus, an inter caduca, & ad tempus nata, numerandus? Hæc qui contemplatur, quid Deo præstat? ne tanta eius opera sine teste sint. Solemus dicere, summum bonum esse, secundum naturam viuere: natura nos ad vtrumque genuit, & contemplationi rerum, & actioni.

CAP. XXXII. Nunc probemus, quod prius diximus. Quid porro? hoc non erit probatum, si se vnusquisque consuluerit, quantam cupiditatem habeat ignota noscendi, quam ad omnes fabulas excitetur? Nauigant quidam, & labores peregrinationis longissimæ vna mercede perpetiuntur, cognoscendi aliquid abditum remotumque. Hæc res ad spectacula populos contrahit, hæc cogit præclusa rimari, secretiora exquirere, antiquitates euoluere, mores barbararum audire gentium. Curiosum nobis natura ingenium dedit: & artis sibi æ pulchritudinis suæ conscia, spectatores nos tantis rerum spectaculis genuit, perditu-

ra fructum sui, si tam magna, tam clara, tam subtiliter ducta, tam nitida, & non vno genere formosa, solitudini ostenderet. Vt scias illam spectari voluisse, non tantum aspici, vide quem nobis locum dederit. In media nos sui parte constituit, & circuit spectum omnium nobis dedit: nec erexit tantummodo hominem, sed etiam ad contemplationem factum, ut ab ortu sidera in occasum labentia prosequi posset. & vultum suum circumferre cum toto, sublime fecit illi caput, & collo flexibili imposuit. Deinde sena per diem sena per noctem signa produxit, nullam non partem sui explicuit: ut per hæc quæ obtulerat eius oculis, cupiditatem faceret etiam ceterorum. nec enim omnia, nec tanta visimus, quanta sunt: sed acies nostra aperit sibi inuestigando viam: & fundamenta veri iacit, ut inquisitio transeat ex apertis in obscura, & aliquid ipso mundo inueniat antiquius. Vnde ista sidera exierint? quis fuerit vniuersi status, antequam singula in partes discederent? quæ ratio mersa & confusa diduxerit? quis loca rebus assignaverit? suapte natura grauii descenderint, euolauerint leuia, an præter nisum pondusque corporum altior aliqua vis legem singulis dixerit? an illud verum sit, quo maxime probatur, hominem diuini spiritus esse, partem ac veluti scintillas quasdam sacrorum in terras desiluisse, atque alieno loco hæsisse? Cogitatio nostra cæli munimenta perrumpit, nec contenta est, id quod ostenditur, scire. Illud, inquit, scrutor, quod ultra mundum iacet, vtrumue profunda vastitas sit, an & hoc ipsum terminis suis cludatur? qualis sit habitus exclusis, infœmia & confusa sint, an in omnem partem tantumdem loci obtinentia, an & illa in aliquem cultum descripta sint? huic cohæreant mundo an longe ab hoc secesserint, & in vacuo voluntur? indiuidua sint, per quæ struitur omne id quod

natum futurumque est, an continua eorum materia sit, & per totum mutabilis? vtrum contraria inter se elementa sint, an non pugnent, sed per diuersa conspirent: Ad hæc quærenda natus, æstima, quam non multum acceperit temporis, etiam si illud totum sibi vindicet, cui licet nihil facilitate eripi, nihil negligentia patiatur excidere, licet horas suas auarissime seruet, & vsque in vltimæ ætatis humanæ terminos procedat, nec quidquam illi ex eo quod natura constituit, fortuna concutiat; tamen homo, ad immortalium cognitionem, nimis mortalis est. Ergo secundum naturam vivo, si totum me illi dedi, si illius admirator cultorque sum. Natura autem vtrumque facere me voluit, & agere, & contemplationi vacare. Vtrumque facio: quoniam ne contemplatio quidem sine actione est. Sed refert, inquis, an ad hanc voluptatis causa accesserit, nihil aliud ex illa petens, quam assiduam contemplationem, sine exitu, est enim dulcis, & habet illecebras suas. Aduersus hoc tibi respondeo. æque refert, quo animo civilem agas vitam: an vt semper inquietus sis, nec vnquam sumas vllum tempus, quo ab humanis ad diuina respicias. Quomodo res appetere, sine vlllo virtutum amore, & sine cultu ingenii, ac nudas edere operas, minime probabile est: 1) [misceri enim inter se ista, & conseri debent:] sic imperfectum ac languidum bonum est, in otium sine actu proiecta virtus, nunquam id quod didicit ostendens. Quis negat illam debere profectus suos in opere tentare? nec tantum quid faciendum sit cogitare, sed etiam aliquando manum exercere, & ea quæ meditata sunt, ad verum perducere? Quid si per ipsum sapientem non est mora, si non actor deest, sed agenda

1. *Minime probabile est*) minime approbandum est.

de-

defunt: ecquid illi secum esse permittes? Quo animo ad otium sapiens secessit? ut sciat secum quoque ea acturum, per quæ posteris profit. Nos certe sumus, qui dicimus, & Zenonem & Chrysippum maiora egisse, quam si duxissent exercitus, gessissent honores, leges tulissent, quas non vni civitati, sed toti humano generi tulerunt. Quid ergo est, quare tale otium non conveniat bono viro, per quod futura sæcula ordinet, nec apud paucos concionetur, sed apud omnes omnium gentium homines, quique sunt, quique erunt? Ad summam quæro, an ex præceptis suis vixerint Cleanthes, & Chrysippus, & Zenon? non dubie respondebis, sic illos vixisse, quemadmodum dixerant esse vitendum. atqui nemo illorum rempublice administravit. Non fuit illis, inquis, aut ea fortuna, aut dignitas, quæ admitti ad publicarum rerum tractationem solet. Sed iidem nihilominus non segnem egere vitam. inuenerunt, quemadmodum plus quies illorum hominibus prodesset, quam aliorum discursus & sudor. Ergo nihilominus hi multum egisse visi sunt, quamvis nihil publice agerent. Præterea, tria genera sunt vitæ, inter quæ, quod sit optimum, quæri solet: vnum voluptati vacat, alterum contemplationi, tertium actioni. Primum, deposita contentione depositoque odio, quod implacabile diuersa sequentibus indiximus, videamus, an hæc omnia ad idem, sub alio titulo, perueniant. Nec ille, qui voluptatem probat, sine contemplatione est; nec ille, qui contemplationi inseruit, sine voluptate est; nec ille, cuius vita actioni destinata est, sine contemplatione est. Plurimum, inquis, discriminis est, utrum aliqua res propositum, an propositi alterius accessio sit. Sane grande discrimen: tamen alterum sine altero non est. Nec ille sine actione contemplatur, nec hic sine contempla-

tione agit. Nec ille tertius, de quo male existimare consuevimus, voluptatem inerte[m] probat, sed eam, quam ratione efficit firmam sibi. Ita & hæc ipsa voluptaria secta in actu est. Quid ni in actu sit, cum ipse dicat Epicurus, aliquando se recessurum a voluptate, dolorem etiam appetiturum, si aut voluptati imminet p[œ]nitentia, aut dolor minor pro grauiore sumetur? Quo pertinet hoc dicere? ut appareat, contemplationem placere omnibus. Alii petunt illam: nobis 1) hæc statio est, non portus. Adice nunc huc, quod e lege Chrysippi viuere otioso licet. non dico, ut otium patiat[ur], sed ut eligat. Negant nostri sapientem ad quauilibet remp. accessurum. Quid autem interest, quomodo sapiens ad otium veniat: virum quia resp. illi deest, an quia ipse reipublicæ? Si omnibus defutura resp. est semper autem deest fastidiose quærentibus) interrogo ad quam remp. sapiens accessurus sit? Ad Atheniensem, in qua Socrates damnatur, Aristoteles ne damneretur, fugit? in qua opprimit inuidia virtutes? negabis mihi accessurum ad hanc remp. sapientem. Ad Carthaginiensem ergo remp. sapiens accedet, in qua assidua seditio, & optimo cuique infesta libertas est, summa æqui ac boni vilitas, aduersus hostes inhumana crudelitas, etiam aduersus suos hostilis? & hanc fugiet. Si per censere singulas voluero, nullam inueniam, quæ sapientem, aut quam sapiens pati possit. Quod si non inuenitur illa resp. quam nobis fingimus, incipit omnibus esse otium necessarium: quia quod vnum præferri poterat otio, nusquam est. Si quis di-

1. Nobis) Stoicis. Quibus accessio propositi est, non propositum. Si non liceat reipublicam gerere, quod primo volebam, ad me secedo & ago quod possum etiam otiosus, quod secundo volebam. Sic nauta qui portum petit, si excidat, statione contentus est. *Lips.*

cit

cit optimum esse nauigare: deinde negat nauigandum in eo mari, in quo naufragia fieri soleant, & frequenter subitæ tempestates sint, quæ rectorem in contrarium rapiant: puto, hic me vetat nauem solvere, quamquam laudat nauigationem. *

L. ANNAEI SENECAE

AD ÆBVCIVM

Liberalem de Beneficiis

LIBER PRIMVS.

Argumentum & Ordo.

HOs libros inter Philosophiæ ultimos pono, etsi frons-tem antea tenuerunt. Sed res ita est, si tempus spectes: & scripti omnino sunt sub Nerone, post Claudii mortem. Argumentum certum, quod sine libri primi contemptum admodum de Claudio, & futile eius iudicium traducit: non facturus unquam illo viro. Libri boni sunt, sed mehercule in ordine & tractatu confusi: quem vix est vel adnitentem expedire. Tamen, ut possumus. Primus liber exordium habet & querelam de Ingratitudine, quæ crebra est, & inter vitia tamen magna. Ideo de Beneficiis se scripturum, Quævis eorum, & Proprietas sit? Hac usque ad Cap. v. Tum definit, Beneficium non in materie, sed animo tribuentis esse: & ab eo pendendum. Diducit per exempla, & argumenta, usque ad Cap. xi. Ibi duo membra dicendorum proponit, Quæ beneficia danda, & Quemadmodum? Prius exsequitur ad finem libri: alterum differt in sequentem.

CAPVT

CAPVT I.

Inter multos ac varios errores temere uiuentium inconsulteque, nihil propemodum indignius, vir optime Liberalis, dixerim, quam quod beneficia nec dare scimus, nec accipere. Sequitur enim ut male collata, male debeantur. de quibus non redditis, sero querimur: ista enim perierant, cum darentur. Nec mirum est, inter plurima maximaque vitia nullum esse frequentius, quam ingrati animi. Id euenire ex pluribus causis video. prima, quod non eligimus dignos, quibus tribuamus: sed nomina facturi, 1) diligenter in patrimonium & vasa debitoris inquirimus: semina in solum effœtum & sterile non spargimus: beneficia sine vllò delectu magis proicimus, quam damus. Nec facile dixerim, vtrum turpius sit inficiari, an repetere beneficium. id enim genus huius crediti est, ex quo tantum recipiendum sit, quantum vltro refertur: decoquere vero fœdissimum ob hoc ipsum, quia non opus est ad liberandum fidem facultatibus, sed animo, reddit enim beneficium, qui libenter debet. Sed cum sit in ipsis crimen, qui ne confessione quidem grati sunt, in nobis quoque est. Multos experimur ingratos plures facimus: quia alias graues exprobratores exactoresque sumus; alias leues, & quos paullo post muneris sui pœniteat; alias queruli, & minima momenta calumniantes. Ita gratiam omnem corrumpimus, non tantum postquam dedimus beneficia, sed dum damus. Quis enim nostrum contentus fuit, aut leniter rogari, aut semel? quis non, cum aliquid a se peti suspicatus est, frontem adduxit, vultum auertit, occupationes simulauit, longis sermonibus, & de indu-

1. *Nomina facturi*) *Nomina* titulos debitorum interpretatus Alconius. *Nomina* ergo *facere* est pecuniam collocare, Lipsitris

stria non inuenientibus exitum, occasionem petendi abstulit, & variis artibus properantes necessitates elusit? In angusto vero comprehensus, aut distulit, id est, timide negauit, aut promisit; sed difficulter, sed subductis superciliis, sed malignis & vix exeuntibus verbis? Nemo autem libenter debet, quod non accepit, sed expressit. Gratus esse aduersus eum quisquam potest, qui beneficium aut superbe abiecit, aut iratus impexit, aut fatigatus, vt molestia careret, dedit? Errat, si quis sperat responsurum sibi, quem dilatione lassauit, expectatione torfit. Eodem animo beneficium debetur, quo datur: & ideo non est negligenter dandum. Sibi enim quis debet, quod a nesciente accepit. Nec tarde quidem: quia cum in omni officio magni aestimetur dantis voluntas, qui tarde fecit, diu noluit. Vtique non contumeliose. nam cum ita natura comparatum sit, vt altius iniuriæ quam merita descendant, & illa cito defluant, has tenax memoria custodiat: quid expectat qui offendit, dum obligat? Satis aduersus illum gratus est, si quis beneficio eius ignoscit. Non est autem quod tardiores faciat, ad bene merendum, turba ingratorum. Nam primum (vt dixi) nos illam augemus: deinde ne deos quidem immortales ab hac tam effusa necessitate sacrilegi, negligentesque eorum, deterrent. Vtuntur natura sua, & cuncta, interque illa ipsos munerum suorum malos interpretes, inuant. Hos sequamur duces, quantum humana imbecillitas patitur: demus beneficia, non sceneremus. Dignus est decipi, qui de recipiendo cogitauit, cum daret. At male cessit. Et liberi, & coniuges spem fefellerunt: tamen & educamus, & ducimus, adeoque aduersus experimenta pertinaces sumus, vt bella victi, & naufragi maria repetamus. Quanto magis permanere in dandis beneficiis decet? quæ si quis non dat quia non reci-

recipit, dedit ut reciperet, bonamque ingratorum facit causam: quibus ita demum turpe est non reddere, si & licet. Quam multi indigni luce sunt? & tamen dies oritur. Quam multi, quod nati sunt, queruntur? tamen natura sobolem novam gignit, ipsosque qui non fuisse mallent, esse patitur. Hoc & magni animi & boni proprium est, non fructum beneficiorum sequi, sed ipsa, & post malos quoque 2) bonum querere. Quid magnifici erat multis prodesse, si nemo deciperet? nunc est virtus, dare beneficia: non utique reditura, quorum a viro egregio statim fructus perceptus est. Adeo quidem ista res fugare nos, & pigriores ad rem pulcherrimam facere non debet; ut si spes mihi praecidatur gratum hominem reperiendi, malim non recipere beneficia, quam non dare. Quia qui non dat, vitium ingrati antecedit. Dicam quod sentio. qui beneficium non reddit, magis peccat; qui non dat, citius.

CAPUT II.

*Beneficia in vulgus cum largiri institueris,
Perdenda sunt multa, & semel ponas bene.*

In priore versu utrumque reprehendas. nam nec in vulgus effundenda sunt; & nullius rei, minime beneficiorum, honesta largitio est. quibus si detraxeris iudicium, desinunt esse beneficia: in aliud quodlibet incidunt nomen. Sequens sensus mirificus est, qui vno bene posito beneficio, multorum amissorum damna solatur. Vide, oro te, ne hoc & verius sit, & magnitudini bene facientis aptius, ut illum hortemur ad dandis, etiamsi nullum bene positurus est. Illud enim falsum est, Perdenda sunt multa. Nullum

2. *Et post malos quoque*) & postquam saepe deceptus fuit a malis & ingratis; querere tamen bonum, in quem merito beneficium conferatur.

perit, quia qui perdit, computauerat. Beneficiorum simplex ratio est: tantum erogatur, si reddet aliquid, lucrum est: si non reddet, damnum non est. Ego illud dedi, vt darem, nemo beneficia in kalendario scribit: nec auarus exactor ad horam & diem creditorem appellat. Nunquam illa vir bonus cogitat, nisi admonitus a reddente: alioquin in formam crediti transeunt. Turpis sceneratio est, beneficium expensum ferre. Qualiscumque priorum euentus est, perseuera in alios conferre. melius apud ingratos iacebunt: quos aut pudor, aut occasio, aut imitatio aliquando gratos poterit efficere. Ne cessaueris: opus tuum perage, & partes boni viri exsequere. Alium re, alium fide, alium gratis, alium consilio, alium præceptis salubribus adiua.

CAP. III. Officia etiam feræ sentiunt: nec vllum tam immansuetum animal est, quod non cura mitiget, & in amorem sui vertat. Leonum ora a magistris impune tractantur: elephantorum feritatem vsque in seruire obsequium demeretur cibus. Adeo etiam quæ extra intellectum atque æstimationem beneficii sunt posita, assiduitas tamen meriti pertinacis euincit. Ingratus est aduersus vnum beneficium? aduersus alterum non erit. duorum oblitus est? tertium etiam eorum quæ exciderunt, memoriam reducet. Is perdit, qui cito se perdidisse credit. At qui instat, & onerat priora sequentibus, etiam ex duro & inimemori pectore gratiam extundit. Non audebit aduersus multa oculos attollere. quocumque se conuertit, memoriam suam fugiens, ibi te videat: beneficiis tuis illum cinge. Quorum quæ vis, quæue proprietas sit, dicam, si prius illa, quæ ad rem non pertinent, transilire mihi permiseris. Num dicam quare tres Gratia, & quare sorores sint, & quare manibus implexis, quare ridentes, iuuenes, & virgines, solutaque ac pelu-

lucida veste? Alii quidem videri volunt vnam esse, quæ det beneficium: alteram, quæ accipiat, tertiam, quæ reddat. Alii tria beneficiorum genera, promerentium, reddentium, simul & accipientium reddentiumque. Sed vtrumlibet existis iudicauerim: quid ista nos iuuat scientia? Quid ille confertis manibus in se redeuntium chorus? Ob hoc, quia ordo beneficii per manus transeuntis; nihilominus ad dantem reuertitur, & totius speciem perdit, si vsquam interruptus est: pulcherrimus, si cohæsit, & vices seruauit. Ideo ridentes 1): quia promerentium vultus hilares sunt, quales solent esse qui dant, vel accipiunt beneficia. Iuvenes: quia non debet beneficiorum memoria senescere. Virgines: quia incorrupta sunt, & sincera, & omnibus sancta. In quibus nihil esse alligati decet, nec adscripti: 2) solutis itaque tunicis vtuntur. Pellucidis autem; quia beneficia conspici volunt. Si taliquis vsque eo Græcis emancipatus, vt hæc dicat necessaria: nemo tamen erit, qui etiam illud ad rem iudicet pertinere, quæ nomina illis Hesiodus imposuerit. Aglaian maximam natu appellauit, mediam Euphrosynen, tertiam Thalian. Horum nominum interpretationem, & prout cuique visum est, desiecit, & ad rationem aliquam conatur perducere: cum Hesiodus puellis suis, quod voluit, nomen imposuerit. Itaque Homerus vni mutauit, Pasitheat appellauit, & in matrimonium produxit, vt scias illas Vestales non esse. Inueniam alium poetam, apud quem præcingantur, & spissis auro

1. Ideo ridentes) hæc & sequentia vsque ad beneficia ita ex emendatis Codicibus restituit Grononius: Ideo est aliqua amantioris dignatio, sicut promerentium vultus hilari sunt.

2. Nihil esse alligati decet nec adscripti) Sensus est: legem & conditionem iis non apponi, libera esse nec tabellis seruitutis adstringi. Sic corpora adscripta dominis Senec. l. 3. de ira cap. 20.

Phrygianis 3) prodeant. Ergo & Mercurius vna stat: non quia beneficia oratio commendat, sed quia pictori ita visum est. Chrysippus quoque, penes quem subtile illud acumen est, & in imam penetrans veritatem, qui rei agendæ causa loquitur, & verbis non ultra, quam ad intellectum satis est, utitur, totum librum suum his ineptiis replet: ita ut de ratione dandi, accipiendi, reddendique beneficii pauca admodum dicat: nec his fabulas, sed hæc fabulis inserit. Nam præter ista quæ Hecaton transcribit, treis Chrysippus Gratias ait Iouis & Eurynomes filias esse: ætate autem minores quam Horas, sed meliuscula facie, & ideo Veneri datas comites. Matris quoque nomen ad rem iudicat pertinere. Eurynomen enim dictam, quia late patentis matrimonii 4) sit, beneficia diuidere: tamquam matri post filias soleat nomen imponi; aut poetæ vera nomina reddant. Quemadmodum nomenclatori memoriæ loco audacia est: & cuiusque nomen non potest reddere, imponit: ita poetæ non putant ad rem pertinere, verum dicere, sed aut necessitate coacti, aut decore corrupti, id quæque vocari iubent, quod bellè facit ad versum. Nec illis fraudi est, si aliud quid in censum detulerunt: proximus enim poeta suum illa ferre nomen iubet. Hoc ut scias ita esse, ecce Thalia, de qua cum maxime agitur, apud Hesiodum Charis est; apud Homerum Musa.

CAP. IV. Sed ne faciam, quod reprehendo, omnia ista, quæ ista extra rem sunt, ut nec circa rem quidem sint, relinquam. Tu modo nos tuere, si quis mihi obiiciet, quod Chrysippum

3. Phrygianis) vestibus: a Phrygiis qui teste Plinio primi acu facere inuenerunt. Lips.

4. matrimonii) ea facie qua patrimonium hic matrimonium dici pertendunt, Lips.

in ordinem coëgerim, 2) magnum mehercule virum, sed tamen Græcum, cuius acumen nimis tenue retunditur, & in se sæpe replicatur: etiam cum agere aliquid videtur, pungit, non perforat. Hoc vero quod acumen est? De beneficiis dicendum est, & ordinanda res, quæ maxime societatem humanam alligat: danda lex vitæ, ne sub specie benignitatis inconsulta facilitas placeat; ne liberalitatem, quam nec decesse oportet, nec superfluere, hæc ipsa observatio restringat, dum temperat: docendi sunt libenter accipere, libenter reddere, & magnum ipsis certamen proponere, eos quibus obligati sunt, re animoque non tantum æquare, sed vincere. quia qui referre gratiam debet, numquam consequitur, nisi præcesit. hi docendi sunt nihil imputare: illi plus debere. Ad hanc honestissimam contentionem, beneficiis beneficia vincendi, sic nos adhortatur Chrysippus, ut dicat, verendum esse, ne quia Charites Iouis filiae sunt, parum se grate gerere, sacrilegium sit, & tam bellis puellis fiat iniuria. Tū me aliquid eorum doce, per quæ beneficentior, graviorque aduersus bene merentes fiam, per quæ obligantium, obligatorumque animi certent, ut qui præstiterint, obliuiscantur, pertinax sit memoria debentium. Istæ vero ineptiæ poetis relinquuntur: quibus aures oblectare propositum est, & dulcem fabulam nectere. At qui ingenia sanare, & fidem in rebus humanis retinere, memoriam officiorum ingerere animis volunt, serio loquantur, & magnis viribus agant: nisi forte existimas, leui ac fabuloso sermone, & anilibus argumen-

1. In ordinem coëgerim) In magistratu qui eminet, nec est in vulgi ordine, in eum compellitur quasi, si auctoritas eius spernitur.

tis, prohiberi posse rem perniciosissimam, beneficiorum novas tabulas. 2)

CAP. V. Sed quemadmodum superuacua transcurram, ita exponam necesse est, hoc primum nobis esse discendum quid accepto beneficio debamus. Debere enim dicit se alius pecuniam quam accepit, alius consularum, alius sacerdotium, alius prouinciam. Ista autem sunt meritorum signa, non merita. Non potest beneficium manu tangi: animo geritur. multum interest inter materiam beneficii & beneficium. Itaque nec aurum, nec argentum, nec quidquam eorum quæ a proximis accipiuntur, beneficium est, sed ipsa tribuentis voluntas. Imperiti autem id, quod oculis incurrunt, & quod traditur possidentque, solum notant: contra, illud quod in re carum atque pretiosum est, parui pendunt. Hæc quæ tenemus, quæ adspicimus, in quibus cupiditas nostra hæret, caduca sunt; auferre ea nobis & fortuna, & iniuria potest: beneficium vero, etiam amisso eo quod datum est, durat. Est enim recte factum, quod irritum nulla vis efficit. Amicum a piratis redemi: hunc alius hostis excepit, & in carcerem condidit. non beneficium, sed usum beneficii mei sustulit. Ex naufragio alicui raptos, vel ex incendio liberos reddidit: hos vel morbus, vel aliqua fortuita iniuria eripuit: mahet etiam sine illis, quod in illis datum est. Omnia itaque, quæ falsum beneficii nomen usurpant, ministeria sunt, per quæ se voluntas amica explicat. Hoc quoque in aliis rebus euenit, ut aliubi sit species rei,

2. *Novas tabulas*) Summam a re nummaria, in qua *Nonæ tabulæ* *ἡμετέρας ἀπολογίας* bonis glossis explicantur, i. e. refectio & expunctio debitorum. Cum enim pares rationes, & nulla reliqua, iter ad novas tabulas conficiendas. Beneficiorum itaque nonæ tabulæ, obliuionem vel potius abolitionem beneficiorum, ne quid debeamus, notat. *Græc.*

aliubi ipsa res. Imperator aliquem torquibus, murali, & ciuica donat. quid habet per se corona pretiosum? quid prætexta? quid fasces? quid tribunal, & currus? nihil horum honor est, sed honoris insignie. Sic non est beneficium id quod sub oculos venit, sed beneficii vestigium & nota.

CAP. VI. Quid est ergo beneficium? Beneuolæ actio tribuens gaudium, capiensque tribuendo, in id quod facit prona, & sponte sua parata. Itaque non quid fiat, aut quid detur, refert, sed qua mente. Quia beneficium non in eo quod fit aut datur, consistit, sed in ipso dantis aut facientis animo. Magnum autem esse inter ista discrimen, vel ex hoc intelligas licet, quod beneficium utique bonum est: id autem quod fit aut datur, nec bonum nec malum est. Animus est, qui parua extollit, sordida illustrat, magna & in precio habita dehonestat: ipsa, quæ appetuntur, neutram naturam habent, nec boni, nec mali refert, quo illa rector animus impellat, 1) a quo forma datur rebus. Non est ergo beneficium ipsum, quod numeratur, aut traditur. sicut nec in victimis quidem, licet optimæ sint, auroque præfulgeant, deorum est honos; sed pia ac recta voluntate venerantium. Itaque boni etiam farre ac fritilla religiosi sunt; mali rursus non effugiunt impietatem, quamvis aras sanguine multo cruentauerint.

CAP. VII. Si beneficia in rebus, non in ipsa benefaciendi voluntate consisterent; eo maiora essent, quo maiora sunt, quæ accepimus. id autem falsum est. nonnunquam enim magis nos obligat, qui dedit parua magnifice: qui Regum æquauit opes animo: qui exiguum tribuit, sed libenter: qui paupertatis suæ

1. Refert quo illa rector animus impellat) legendum ex Mss. refert quo ille rector impellat. Gronov.

oblitus est, dum meam respicit: qui non voluntatem tantum iuvandi habuit, sed cupiditatem: qui accipere se putavit beneficium, cum daret: qui dedit tanquam recepturus, 1) recepit tanquam non dedisset: qui occasionem, qua prodesset, & occupavit & quæsiuit. Contra, ingrata sunt (vt dixi) licet re ac specie magna videantur, quæ danti aut extorquentur, aut excidunt: multoque gratius venit, quod facili, quam quod plena manu datur. Exiguum est quod in me contulit, sed amplius non potuit. At hic quod dedit, magnum est: sed dubitavit, sed distulit, sed cum daret, gemit, sed superbe dedit, sed circumtulit 2) & placere non ei, cui præstabat, voluit. ambitioni dedit, non mihi.

CAP. VIII. Socrati cum multa multi pro suis quisque facultatibus offerrent: Æschines pauper auditor, Nihil, inquit, dignum te quod dare tibi possim, inuenio, & hoc vno modo pauperem me esse sentio. Itaque dono tibi quod vnum habeo, Me ipsum. Hoc munus rogo qualecumque est, boni consulas, cogitesque alios cum multum tibi darent, plus sibi reliquisse. Cui Socrates: Quid ni tu, inquit, mihi magnum munus dederis, nisi forte paruo te æstimas? Habebo itaque curæ, vt te meliorem tibi reddam quam accepi. Vicit Æschines hoc munere Alcibiadis parem diuitiis animum, & omnem iuuenum opulentorum munificentiam.

CAP. IX. Vides quomodo animus inueniat liberalitatis materiam, etiam inter angustias? Videtur mi-

1. *Tanquam recepturus*) ita probatissimi Codd. ferrique id etiam potest. Accipienda enim hæc verba sunt non ex more sapientis, quem nunquam computare vult Seneca, vt perfecte beneficus sit, sed ex more vulgi. Alii tamen legunt *tanquam non recepturus*. Gronau.

2. *Circumtulit*) ostentavit ut in pompa, *Lips.*

hi dixisse: Nihil egisti fortuna, quod me pauperem esse voluisti; expediam nihilominus dignum huic viro munus: & quia de tuo non possum, de meo dabo. Neque est quod existimes illum vilem sibi fuisse, qui pretium se sui fecit: ingeniosus adolescens inuenit, quemadmodum Socratem sibi daret. Non quanti quæque sint, sed a quali dentur, perspicendum. * *Callidus* 1) non difficilem aditum præbet immodica cupientibus: spesque improbas, nihil re adiuturus, verbis fouet. At peior, opinor, qui lingua asper, vultu grauis, cum inuidia fortunam suam explicauit. Colunt enim, detestanturque felicem, & si potuerint, eadem facturi odere facientem. * *Coniugibus* 2) alienis nec clam quidam, sed aperte ludibrio habitis, suas aliis permiscere. Rusticus, inurbanus, ac mali moris, & inter matronas abominanda conditio est si quis coniugem in sella prostare 3) vetuit, & vulgo admissis inspectoribus vehi vndique perspicuam. Si quis nulla se amica fecit insignem, nec alienæ vxori annua præstat, hunc matronæ humilem, & sordidæ libidinis, & ancillariolum vocant. Hinc decentissimum sponsaliorum genus, adulterium: & in consensu vidui cælibatus, 4) nemo vxorem duxit, nisi qui abduxit. 5) Iam rapta spargere, sparsa rapaci auaritia

1. *Callidus*) defectum odoror, & fuit de his qui donaturi fallunt. Alter, inquit, benigne respondet, & ducit, non donat. Alter asper, & ostendit opes, non communicat. *Lips.*

2. *Coniugibus*) hic quoque desunt nonnulli. Est enim excursio in æui sui mores, sed cui alia occasio & caput fuit, Id.

3. *In sella prostare*) sella aperta vehi, quod contra sexus illius pudorem. *Grus. Lips.*

4. *In consensu vidui cælibatus*) mutuo vtriusque consensu & fodere, soluant coniugium diuertendo: tum liberi scilicet iunguntur.

5. *Nisi qui abduxit*) nisi qui per diuortium, cuius auctor fuit, eam a priori marito ante abduxit.

recolligere certant: nihil pensi habere, paupertatem alienam contemnere, suam quam vllum aliud vereri malum: pacem iniuriis perturbare, imbecilliores vi ac metu premere. Nam prouincias spoliari, & nummarium tribunal, 6) audita vtriusque licitatione, alteri addici, non mirum: quando quæ emeris, vendere gentium ius est.

CAP. X. Sed longius nos impetus euehit, prouocante materia. Itaque siq̃ finiamus, ne in nostro sæculo culpa subsidat. Hoc maiores nostri questi sunt, hoc nos querimus; hoc posterì nostri querentur, euersos esse mores, regnare nequitiam, in deterius res humanas & omne fas labi. At ista stant loco eodem, stabuntque, paullulum dumtaxat vltro aut citro mota, vt fluctus: quos æstus accedens longius extulit; recedens interiore littorum vestigio tenuit. Nunc in adulteria magis, quam in alia peccabitur, abruptetque frænos pudicitia: nunc conuiuiorum vigeat furor, & fœdissimum patrimoniorum exitium culina: nunc cultus corporum nimis & formæ cura, præ se ferens animi deformitatem: nunc in petulantiam & audaciam erumpet male dispensata libertas: nunc in crudelitatem priuatam ac publicam ibitur, bellorumque ciuiliū insaniam, qua omne sanctum ac sacrum profanetur. Habebitur aliquando ebrietati honor, & plurimum meri cepisse virtus erit. Non exspectant vno loco vitia: sed mobilia & inter se dissentientia tumultuantur, pellunt inuicem, fuganturque. Cæterum idem semper de nobis pronunciare debemus, malos esse nos, malos fuisse, inuitus adiciam, & futuros esse. Erunt homicidæ, tyranni, fures, adulteri, raptores, sacrilegi, proditores: infra ista omnia ingratus est, nisi quod omnia ista ab ingrato animo sunt, sine quo vix vllum magnum facinus accreuit.

6. *Nummarium tribunal*) Intelliguntur indices iudiciumque nummis corruptum. *Græter.*

Hoc tu caue, tanquam maximum crimen, ne admittas: ignosce tanquam leuissimo, si admissum est. Hæc est enim iniuriæ summa. Beneficium perdidisti. Saluum est tibi ex illo, quod est optimum: dedisti. Quemadmodum autem curandum, ut in eos potissimum beneficia conferamus, qui grate responsuri erunt: ita quædam, etiamsi de illis male sperabitur, faciemus, tribuamusque, non solum si iudicabimus ingratos fore, sed si sciemus fuisse. Tanquam si filios alicui restituere potero, magno periculo liberatos, sine ullo meo, non dubitabo. Dignum, etiam impendio sanguinis mei tuebor, & in partem discriminis veniam: indignum, si eripere latronibus potero, clamore sublato, salutare vocem homini non pigebit emittere.

CAP. XI. Sequitur ut dicamus, quæ beneficia danda sint, & quemadmodum. Primo demus necessaria, deinde utilia, deinde iucunda, utique mansura. Incipendum est autem a necessariis, aliter enim ad animum peruenit, quod vitam continet: aliter quod exornat, aut instruit. Potest in eo aliquis fastidiosus esse æstimator, quo facile cariturus est, de quo dicere licet: Recipe, non desidero meo contentus sum. interim non reddere tantum libet quod acceperis, sed abicere. Ex his quæ necessaria sunt, quædam primum obtinent locum, sine quibus non possumus vivere; quædam secundum, sine quibus non debemus; quædam tertium, sine quibus nolumus. Prima huius notæ sunt, hostium manibus eripi, & tyrannicæ iræ, & proscriptioni, & aliis periculis, quæ varia & incerta humanam vitam obsident. Quidquid horum discusserimus, quo maius ac terribilius erit, hoc maiorem inibimus gratiam. Subit enim cogitatio, quantis sint liberati malis: & lenocinium est muneris, antecedens metus. Nec tamen ideo debemus tardius

quem.

quemquam seruare, quam possumus: vt muneri nostro timor imponat pondus. Proxima ab his sunt, sine quibus possumus quidem viuere, sed vt mors potior sit: tanquam libertas, & pudicitia, & mens bona. Post hæc habebimus coniunctione, ac sanguine, vsuque, & consuetudine longa, cara: vt liberos, coniuges, penates, ceteraque quæ vsque eo animus sibi applicuit, vt ab illis, quam a vita diuelli grauius existimet. Subsequuntur vtilia, quorum varia & lata materia est. Hic erit pecunia non superfluenta, sed ad sanum modum habendi parata: hic erit honor, & processus ad altiora tendentium. nec enim vtilius quidquam est, quam sibi vtilem fieri. Iam cetera ex abundanti veniunt, delicatos factura. In his sequemur, vt opportunitate grata sint, vt non vulgaria, quæque aut pauci habuerint, aut pauci intra hanc ætatem, aut hoc modo, quæ etiamsi natura pretiosa non sunt, tempore aut loco fiant. Videamus quid oblatum maxime voluptati futurum sit; quid frequenter occursurum habenti, vt toties nobiscum, quoties cum illo sit. Vtique cauebimus, ne munera superuacua mittamus: vt famina aut seni arma venatoria, aut rustico libros, aut studiis ac litteris dedito retia. Æque ex contrario circumspeciemus, ne dum grata mittere volumus, suum cuique morbum exprobratura mittamus: sicut ebrioso vina, & valetudinario medicamenta. Maledictum enim incipit esse, non munus, in quo vitium accipientis agnoscitur.

CAP. XII. Si arbitrium dandi penes nos est, præcipue mansura quæremus vt quam minime mortale munus sit. Pauci enim sunt tam grati, vt quod acceperint, etiamsi non vident, cogitent. Ingratis quoque memoria cum ipso munere incurrit: vbi ante oculos est, & obliuisci sui non finit, sed auctorem suum ingerit & inculcat. Eo quidem magis duratura

quæramus; quia nunquam admonere debemus: ipsæ res euanescentem memoriam excitent. Libentius donabo argentum factum, quam signatum: libentius statuas, quam vestem, & quod vsus brevis deterat. Apud paucos post rem manet gratia: plures sunt, apud quos non diutius in animo sunt donata, quam in vsu. Ergo si fieri potest, consumi munus meum nolo: exstet, hæreat amico meo, conuiuat. Nemo tam stultus est, ut monendus sit, ne cui gladiatores aut venationem iam munere edito mittat, & vestimenta æstiva bruma, hiberna q̄lstitio. Sit in beneficio sensus communis, tempus, locum, personas obseruet: quia momentis quædam grata & ingrata sunt. Quanto acceptius est, si id damus, quod quis non habet, quam cuius copia abundat? quod diu quærit, nec invenit, quam quod ubique visurus est? Munera non tam pretiosa, quam rara & exquisita sint, quæ etiam apud diuitem sui locum faciant: sicut gregalia quoque poma, etiam post paucos dies itura in fastidium, delectant, si prouenire maturius. Illa quoque non erunt sine honore, quæ aut nemo illis alius dedit, aut nos nulli alii.

CAP. XIII. Alexandro Macedoni, cum victor Orientis, animos supra humana tolleret, Corinthii per legatos gratulati sunt, & ciuitate illum sua donaverunt. Cum risisset Alexander hoc officii genus, vnus ex legatis: Nulli, inquit, ciuitatem vnquam dedimus alij, quam tibi & Herculi. Libens accipit non dilutum honorem, & legatos inuitatione aliaque humanitate profecutus, cogitauit, non qui sibi ciuitatem darent, sed cui dedissent. Et homo gloriæ deditus, cuius nec naturam nec modum nouerat, Herculis Liberique vestigia sequens, ac ne ibi quidem resistens [ubi illa defecerant, ad socium honoris sui respexit a dantibus: tanquam cælum, quod

quod mente vanissima complectebatur, teneret, quia Herculi æquabatur. Quid enim illi simile habebat væsanus adolescens, cui pro virtute erat felix temeritas? Hercules nihil sibi vicit: orbem terrarum transiit, non concupiscendo, sed vindicando. Quid vinceret malorum hostis, bonorum vindex, terrarum marisque pacator? At hic a pueritia latro, gentiumque vastator, tam hostium pernicies, quam amicorum, qui summum bonum duceret, terrori esse cunctis mortalibus; oblitus; non ferocissima tantum, sed ignauissima quoque animalia timeri, ob virum malum.

CAP. XIV. Ad propositum nunc reuertamur. Beneficium quod quibuslibet datur, nulli gratum est. Nemo se stabularii 1) aut cauponis hospitem iudicat, nec conuiuium dantis epulum, 2) vbi dici potest: Quid enim in me contulit? Nempe hoc quod in illum, & vix bene notum sibi, & in illum etiam inimicum ac turpissimum hominem. Nanquid enim me dignum iudicauit? minime: morbo suo 3) morem gefcit. Quod voles gratum esse, rarum effice: quis patitur sibi imputari vulgaria? Nemo hæc ita interpretetur, tanquam reducam liberalitatem, & franis artioribus reprimam. Illa vero, in quantum libet, exeat: sed eat, non erret. Licet ita largiri, vt vnusquisque, etiam si cum multis accepit, in populo se esse non putet. nemo non habeat aliquam familiarem notam, per quam speret se propius admissum. Dicat, Accepi idem quod ille, sed vltro. Accepi quod ille:

1. *Stabularii*) dinerfitoris, *παρδοχῆς* vt Glossæ expouunt.

2. *Epulum*) nempe publicum, nam in privato aliud est, & obligamur. *Lips.*

3. *Morbo suo*) vitio & affectui. Sic Ep. 75. *Non est quod istam curam impares mihi: morbo enim tuo daturus erat.* *Gregov.*

sed ego intra breue tempus, cum ille diu meruisset. Sunt, qui idem habeant: sed non eisdem verbis datum, non eadem comitate tribuentis. Ille accepit, cum rogasset: ego, cum rogaret. Ille accepit: sed facile redditurus, sed cuius senectus & liberorum orbitas magna promittebat: mihi plus dedit, quamuis idem dederit, quia sine spe recipiendi dedit. Quemadmodum meretrix ita inter multos se diuidit, ut nemo non aliquod signum familiaris animi ferat: ita qui beneficia sua amabilia vult esse, excogitet, quomodo & multi obligentur, & tamen singuli habeant aliquid, quo se ceteris præferant. Ego vero beneficiis non obiciam moras: quæ quo plura maioraque fuerint, plus afferent laudis. Adsit tamen iudicium. neque enim cordi esse cuiquam possunt, forte ac temere data. Quare si quis existimat nos, cum ista præcipimus, benignitatis fines introrsus referre, & illi minus laxum limitem aperire; ne perperam monitiones nostras exaudit. Quam enim virtutem magis veneramur? cui magis stimulos addimus? quibusne tam conuenit hæc adhortatio, quam nobis, societatem humani generis fãcientibus?

CAP. XV. Quid ergo est? Cum sit nulla honesta vis animi, etiam si a recta voluntate incepit, nisi quam virtutem modus fecit, veto liberalitatem nepotari. 1) Tunc iuuat accepisse beneficium, & supinis 2) quidem manibus, ubi illud ratio ad dignos perducit: non quo libet casus & consilii indigens impetus differt: quod ostentare libet, & inscribere sibi. 3) Beneficia tu vocas, quorum auctorem fateri pudet? At illa quanto gratiora sunt, quantoque in partem interiorē ani-

1. *Nepotari*) nepotes imitari, profundere, dilapidare. *Lips.*

2. *Supinis*) expansis promissisque, *id.*

3. *Inscribere sibi*) Se auctorem profiteri, *id.*

mi nunquam exitura descendunt : cum delectant, cogitantem magis a quo , quam quid acceperis ? Crispus Passienus solebat dicere , quorundam se iudicium malle , quam beneficium : quorundam beneficium malle , quam iudicium. & subiiciebat exempla : Malo , aiebat , diui Augusti iudicium : malo Claudii beneficium. Ego vero nullius puto expectandum esse beneficium , cuius vile iudicium est. Quid ergo ? Non erat accipiendum a Claudio quod dabatur ? erat : sed sicut a Fortuna , quam scires statim posse malam fieri. Quid ergo ista inter se mixta diuidimus ? Non est beneficium , cui deest pars optima , datum esse iudicio. Alioquin pecunia ingens si non ratione , nec recta voluntate donata est , non magis beneficium est , quam thesaurus. Multa sunt autem , quæ oportet accipere , nec debere. 1)

1. *Nec debere*) nec pro iis obligari.



LIBER SECVNDVS.

Argumentum & Ordo.

Assumit & repetit alterum membrum, *Quemadmodum beneficia danda? Varia dat praecepta: Ut Libenter, Cito, Sine dubitatione. Quadam Palam, quadam in Secretis. Sed omnia tamen sine superbia, aut iactatione. Deinde, Qua nocitura, non dare, nec si petant: non item Turpia, & infamia futura. Denique Persona aestimanda, & qui dat, & qui accipit: Ut decora sint utrique. Pars altera libri, Ipse Accipiens quomodo se gerat? A quibus capiat, & Quomodo? imprimis Grate. Ex occasione, quid faciat ingratos, Superbia, Avaritia, Invidia. Pluribus deinde de Gratitude, eamque constare voluntate, ubi res deficit.*

CAPVT I.

Inspecturus, Liberalis virorum optime, id quod ex prior parte adhuc superest, Quemadmodum dandum sit beneficium: cuius rei expeditissimam videor monstraturus viam. Sic demus, quomodo vellemus accipere. ante omnia libenter, cito, sine vlla dubitatione. Ingratum est beneficium, quod diu inter manus dantis hæsit, quod quis ægre dimittere visus est: & sic tanquam sibi eriperet. Etiam si quid moræ interuenit, euitemus omni modo, ne deliberasse videamur. Proximus est a negante, qui dubitauit, nullamque iniit gratiam. Nam cum in beneficio iucundissima sit tribuentis voluntas, qui nolentem se tribuisse ipsa cunctatione testatus est, non dedit, sed aduersus ducentem 1) male retinuit. Mul-

1. *Aduersus ducentem*) ab eo qui funem trahit alio male retinente. *Lips.*

ti autem sunt, quos liberales facit frontis infirmitas. Gratissima sunt beneficia, parata, facilia & occurrentia, ubi nulla mora fuit, nisi in accipientis verecundia. Optimum est, antecedere desiderium cuiusque: proximum sequi. Illud melius, occupare antequam rogemur: quia cum homini probo ad rogandum os concurrat, 2) & suffundatur rubor, qui hoc tormentum remittit, multiplicat munus suum. Non tulit gratis, qui cum rogasset, accepit. Quoniam quidem, ut maioribus nostris, gravissimis viris, visum est, nulla res carius constat, quam quæ præcibus emptæ est. Vota homines parcius facerent, si palam facienda essent. adeo etiam deos, quibus honestissime supplicamus, tacite malumus & intra nosmet ipsos precari.

CAP. II. Molestum verbum est, onerosum, & demisso vultu dicendum, Rogo. Huius faciendæ est gratia amico, & cuicumque, quem amicum sis promerendo facturus. Properet licet: sero beneficium dedit, qui roganti dedit. Ideo diuinanda cuiusque voluntas, & cum intellecta est, necessitate gravissima rogandi liberanda est. Illud beneficium iucundum, victurumque in animo scias, quod obuiam venit. Si non contingit præuenire, plura rogantis verba intercidamus, ne rogati videamur: sed certiores facti, statim promittamus, facturosque nos etiam antequam interpellaremur, ipsa festinatione approbemus. Quemadmodum in ægris opportunitas cibi salutaris est, & aqua tempestive data remedii locum obtinuit: ita quamvis leue & vulgare beneficium sit, si præsto fuit, si proximam quamque horam non perdidit, multum sibi adiicit, gratiamque pretiosi, sed lentæ &

2. *Os concurrat*) os concurrat cum contrahitur, quod plerumque fit ubi in magno pudore versamur.

diu cogitati muneris vincit. Qui tam parate fecit, non est dubium, quin libenter faciat. Itaque lætus facit, & induit sibi animi sui vultum.

CAP. III. Ingentia quorundam beneficia, silentium aut loquendi tarditas, imitata gratuitatem & tristitiam, corrumpit, cum promitterent vultu negantium. Quanto melius, adicere bona verba rebus bonis, & prædicatione humana benignaque commendare quæ prestes? ut ille se castiget, quod tardior in rogando fuit. Adicias licet familiarem querelam: Irascor tibi, quod cum aliquid desiderasses, non olim scire me voluisti, quod tam diligenter rogasti, quod quemquam adhibuisti. Ego vero gratulor mihi, quod experiri animum meum libuit: postea quidquid desiderabis, tuo iure exiges. Semel rusticitati tuæ ignoscitur. Sic efficies, ut animum tuum plaris æstimet, quam illud quidquid est, ad quod petendum venerat. Tunc est summa virtus tribuentis, tunc benignitas, ubi ille qui discessit dicet sibi: Magnum hodie lucrum feci. malo quod illum talem inueni, quam si multiplicatum hoc ad me alia via peruenisset. Huic eius animo nunquam parem referam gratiam.

CAP. IV. At plerique sunt, qui beneficia asperitate verborum & supercilio in odium adducunt, eo sermone usi, ea superbia, ut impetrasse pœniteat. Aliæ deinde post rem promissam sequuntur moræ. nihil autem est acerbius, quam ubi quoque, quod impetrasti, rogandum est. Repræsentanda sunt beneficia: quæ a quibusdam accipere difficilius est, quam impetrare. Hic rogandus est, ut admoneat; ille, ut consummet. Sic vnum munus per multorum teritur manus, ex quo gratiæ minimum apud promittentem remanet: quia auctori detrahit, quisquis post illum rogandus est. Hæc itaque curæ habebis, si grate æstima-
re quæ præstabis voles, ut beneficia tua illibata, ut
inte-

integra ad eos, quibus promissa sunt, perveniant, sine ulla, quod aiunt, deductione. Nemo illa intercipiat, nemo detineat: nemo in eo quod daturus est, 1) gratiam suam facere potest, ut non tuam minuat.

CAP. V. Nihil æque amarum, quam diu pendere. Æquiore quidam animo ferunt præcidi spem suam, quam trahi. Plerisque autem hoc vitium est, ambitione prava differendi promissa, ne minor sit rogantium turba. Quales regiae potentiae ministri sunt, quos delectat superbiae suae longum spectaculum: minusque se iudicant posse, nisi diu multumque singulis, quid possint, ostenderint. Nihil confestim, nihil semel faciunt. iniuriae illorum præcípites, lenta beneficia sunt. Quare verissimum existima, quod ille Comicus dixit:

- - - - *Quid? tu non intelligis,*

Tantum te gratia demere, quantum mora adiciis?

Inde illæ voces, quas ingenuus dolor exprimit: Fac, si quid facis: &, Nihil est tanti: Malo mihi iam neget. Vbi in tedium adductus animus incipit beneficium odisse, dum exspectat: potest ob id gratus esse? Quem admodum acerbissima crudelitas est, quæ trahit poenam: & misericordiae genus est, cito occidere: (quia tormentum ultimum finem sui secum affert; quod antecedit tempus, maxima venturi supplicii pars est:) ita maior est muneris gratia, quo minus diu pependit. Est enim bonarum etiam rerum sollicita exspectatio. & cum plurima beneficia remedium alicuius rei afferant; qui aut diutius torqueri patitur, quem protinus potest liberare, aut gaudere tardius, beneficio suo manus affert. 1) Omnis benignitas properat: & proprium est libenter facientis, cito facere. Qui tarde, & diem de die extrahens profuit, non ex animo fe-

1. Est) s. rectius es.

2. Manus offert) occidit, perdit.

cit. Ita duas res maximas perdidit, & tempus, & argumentum amicæ voluntatis. tarde velle, nolentis est.

CAP. VI. In omni negotio, Liberalis, non minima portio est, quomodo quidque aut dicatur, aut fiat. multum celeritas fecit, multum abstulit mora. Sicut in telis eadem ferri vis est: sed infinitum interest, utrum excusso lacerto torqueantur, an remissa manu effluant. gladius idem & stringit, & transforat: quam presso articulo¹⁾ venerit, refert: idem est quod datur; sed interest quomodo detur. Quam dulce, quam pretiosum est, si gratias sibi agi non est passus, qui dedit: si dedisse, dum dat, oblitus est! nam corripere eum, cui cum maxime aliquid præstes, dementia est, & inferere contumeliam meritis. Itaque non sunt exasperanda beneficia, nec quidquam illis triste miscendum. Etiam si quid erit, de quo velis admonere, aliud tempus eligit.

CAP. VII. Fabius Verrucosus beneficium ab homine duro aspere datum, Panem lapidosum vocabat; quem esurienti accipere necessarium sit, esse acerbum. Tiberius Cæsar rogatus a nepote¹⁾ M. Allio prætorio, ut æri alieno eius succurreret: edere illum sibi nomina creditorum iussit. Hoc non est donare, sed creditores convocare. Cum edita essent, scripsit, nepoti iussisse se pecuniam solui. ²⁾ adiecta contumeliosa admonitione, effecit, ut nec æs alienum haberet, ³⁾

1. *Quam presso articulo*) quam forti manu & adacta. *Lips.*

2. *Nepote*) putat Lipsius maiuscula littera insigniendum Nepote, & cognomen esse huius viri.

3. *Nepoti iussisse se pecuniam solui*) Nepoti iterum maiuscula littera. In eo vero scomma. Videbatur nomen edere, & vitium exprobrauit. *Nepotes enim dantur.*

3. *Vt nec æs alienum haberet*) nam donavit.

nec beneficium. 4) Liberavit illum a creditoribus, sibi non obligavit. Aliquid Tiberius secutus est. puto noluit plures esse, qui idem rogaturi concurrerent. ista fortasse efficax ratio fuerit, ad hominum improbas cupiditates pudore reprimendas: beneficium vero danti, tota alia sequenda est via.

CAP. VIII. Omni genere quod des, quo sit acceptius, adornandum est. Hoc vero 1) non est beneficium dare, deprehendere est. 2) Et ut in transitu de hac quoque parte dicam quid sentiam, ne Principi quidem satis decorum est, donare ignominiae causa. Tamen si inquietudinem 3) Tiberius, nec hoc quidem modo, quo putabat, potuit effugere. Nam aliquot potesta, qui idem rogarent, inveniuntur. quos omnes iussit reddere in senatu aeris alieni causas, & ita illis certas summas dedit. Non est illud liberalitas; censura est: non auxilium est; Principale tributum 4) est. Beneficium non est, cuius sine rubore meminisse non possum. Ad iudicem missus sum. ut impetrem, causam dixi.

CAP. IX. Praecipunt itaque omnes auctores sapientiae, quaedam beneficia palam danda, quaedam secreto. Palam, quae consequi gloriosum est: ut militaria dona, & honores, & quidquid aliud notitia pulchrius sit. Rursus quae non producant, nec honestiorem faciunt, sed succurrunt infirmitati, egestati, ignominiae, tacite danda sunt: ut nota sint solis, quibus profunt. Interdum & ipse qui iuvatur, fallendus est: ut habeat, nec a quo acceperit, sciat.

-
4. Nec beneficium) nam exprobrauit.
 1. Hoc vero) quod fecit Tiberius.
 2. Deprehendere est) detegere vitia latentia & efferre.
 3. Inquietudinem) cuius evitandae causa id fecisse Tiberium Cap. praec. dictum est.
 4. Tributum) quia velut ab invito, tribuitur non ex benevolentia.

CAP. X. Arcesilaus, vt aiunt, amico pauperi, & paupertatem suam diffimulanti, ægro autem, & ne hoc quidem confitenti deesse sibi in sumptum ad necessarios vsus, cum clam succurrendum iudicasset, puluino eius ignorantis sacculum subiecit, vt homo inutiliter verecundus, quod desiderabat, inueniret potius quam acciperet. Quid ergo? ille nesciet a quo acceperit? Primum nesciat, si hoc ipsum beneficii pars est, deinde multa alia faciam, multa tribuam, per quæ intelligat & illius auctorem. Denique ille nesciat accepisse se: ego sciam me dedisse. Parum est, inquis. Parum, si scenerare cogitas: sed si dare quo genere accipienti maxime profuturum erit, dabis, contentus eris te teste. Alioquin non benefacere delectat, sed videri benefecisse. Volo, inquis, sciat: debitorem quæris. Volo utique sciat: quid, si illi vtilius est nescire? si honestius, si gratius? non in aliam partem abibis? Volo sciat: ita tu hominem non seruabis in tenebris? Non nego, quoties patitur res, percipiendum gaudium ex accipientis voluntate: sin adiuuari illum & oportet, & pudet; si quod præstamus, offendit, nisi absconditur: beneficium in acta non mitto. Quidni? ego illi non sum indicaturus me dedisse: cum inter prima præcepta ac maxime necessaria sit, ne vnquam exprobrem, imo ne admoneam quidem? Hæc enim beneficii inter duos lex est. alter statim obliuisci debet dati, alter accepti numquam. Lacerat animum & premit frequens meritorum commemoratio.

CAP. XI. Libet exclamare, quod ille triumuirali proscriptione seruatus a quodam Cæsaris amico, exclamauit, cum superbiam eius ferre non posset: Redde me Cæsari. Quousque dices: Ego te seruauit, ego te eripui morti? istud, si meo arbitrio memini, vita est; si tuo, mors est. Nihil tibi debeo, si me seruasti,

vasti, vt haberes, quem ostenderes Quousque me circumducis? quousque obliuisci fortunæ meæ non finis? semel in triumpho ductus essem. Non est dicendum, quid tribuerimus. qui admonet, repetit. Non est instandum, non est memoria revocanda: nisi vt aliud dando, prioris admoneas. Ne aliis quidem narrare debemus. qui dedit beneficium, taceat: narret, qui accepit. Dicetur enim, quod illi vbique iactanti beneficium suum: Num negabis, inquit, te recepisse? & cum respondisset, Quando? Sæpe quidem, inquit, & multis locis: id est, quoties & vbicumque narrasti. Quid opus est te loqui? quid alienum occupare officium? Est qui istud facere honestius possit: quo narrante, & hoc laudabitur, quod ipse non narras. Ingratum me iudicas, si istud te tacente, nemo sciturus? Quod adeo non est committendum, vt etiam si quis coram nobis narrabit, ei respondendum sit: Dignissimus quidem ille est maioribus beneficiis, sed ego magis velle me scio omnia illi præstare, quam adhuc præstitisse. Et hæc ipsa non verniliter, ¹⁾ nec ea figura, qua quidam reiiciunt, quæ magis ad se volunt attrahere: deinde adiicienda omnis humanitas. Perdet agricola quod sparsit, si labores suos destituet in semine. Multa cura sata perducuntur ad segetem. nihil in fructum peruenit, quod non a primo vsque ad extremum æqualis cultura prosequitur: eadem beneficiorum est conditio. Numquid vlla maiora possunt esse, quam quæ in liberos patres conferunt? Hæc tamen irrita sunt, si in infantia deserantur, nisi longa pietas munus suum nutriet. Eadem ceterorum beneficiorum conditio est: nisi illa adiuueris, perdes. parum est dedisse, fouenda sunt. Si gratos vis ha-

1. Verniliter) blande & cum adulatione, sine animi tui sensu.

here quos obligas, non tantum des oportet beneficia, sed ames. Præcipue, ut dixi, parcamus auribus. admonitio tædium facit, exprobratio odium. Nihil æque in beneficio dando vitandum est, quam superbia. Quid opus arrogantia vultus? quid tumore verborum? ipsa res te extollit. Detrahenda est inanis iactatio: res loquantur, nobis tacentibus. Non tantum ingratum, sed inuisum est beneficium, superbe datum.

CAP. XII. C. Cæsar 1) dedit vitam Pompeio Penno, si dat, qui non aufert: deinde absoluto, & agenti gratias, porrexit osculandum sinistrum pedem. Qui excusant, & negant id insolentiae causa factum: aiunt focculum auratum, imo aureum margaritis distinctum, ostendere eum voluisse. Ita prorsus: quid hic contumeliosum est, si vir consularis aurum & margaritas osculatus est; & alioquin nullam partem in corpore eius electurus, quam purius oscularetur? 2) Homo natus in hoc, ut mores liberæ civitatis Perfica servitute mutaret, parum iudicavit, si senator senex, summissis honoribus, in conspectu principum supplex sibi, eo more iacuisset, quo victi hostes hostibus iacuerunt: inuenit aliquid infra genua, quo libertatem detruderet. Non hoc est remp. calcare? & quidem, [dicit aliquis, nam potest ad rem pertinere] sinistro pede? Parum enim fœde furioseque insolens fuerat, qui de capite consularis viri foccatus 3) audiebat, nisi in os senatoris ingessisset imperator epigros 4) suos.

CAP. XIII. O superbia magnæ fortunæ! O stul-

1. Cæsar) Caligulam intelligit.

2. Quam purius oscularetur) Notum enim C. Cæsari omne genus fœdæ libidinis tribui.

3. Foccatu) insolens hoc Romanis, qui in publicum calceati prodibant.

4. Epigros) clauos speciei suffixos.

tissimum malum ! vt a te nihil accipere iuuat ? vt omne beneficium in iniuriam conuertis ? vt te omnia nimia delectant ? vt te omnia dedecent ? quoque altius te subleuasti, hoc depressior es, ostendisque te non agnoscere ista bona, quibus tantum inflaris. Quidquid das, corrumpis. Libet itaque interrogare, quid tantopere te resupinet, quid vultum habitumque oris peruertat, vt malis habere personam, 1) quam faciem ? Iucunda sunt, quæ humana fronte, certe leni, placidaque tribuuntur, quæ cum daret mihi superior, non exsultauit supra me, sed quam potuit, benignissimus fuit, descenditque in æquum, & detraxit muneris suo pompam, obseruauit idoneum tempus, vt in occasione potius, quam in necessitate succurreret. Vno modo istis persuadebimus, ne beneficia sua insolentia perdant, si ostenderimus non ideo videri maiora, quo tumultuosius data sunt : ne ipsos quidem ob id cuiquam posse maiores videri. vanam esse superbiam magnitudinem, & quæ in odium etiam amanda perducant.

CAP. XIV. Sunt quædam nocitura impetrantibus : quæ non dare, sed negare, beneficium est. Æstimamus itaque vtilitatem potius, quam voluntatem petentium. Sæpe enim noxia concupiscimus, nec dispicere quam perniciosæ sint licet : quia iudicium interpellat affectus. sed cum subsedit cupiditas, cum impetus ille flagrantis animi, qui consilium fugat, cecidit ; detestamur perniciosos malorum munerum auctores. Vt frigidam ægris negamus, & lugentibus ac sibi iratis ferrum, aut amantibus quidquid contra se vfusus ardor petit ; sic ea, quæ nocitura sunt impense ac submisse, nonnunquam etiam miserabiliter rogantibus, perseuerabimus non dare. Tum initia beneficiorum suorum spectare, tum etiam exitus decet :

1. Personam) Histrioniam, & alienam,

Cc 4

& ea

& ea dare quæ non tantum accipere, sed etiam accepisse delectet. Multi sunt qui dicant: Scio hoc illi non profuturum, sed quid faciam? rogat, resistere precibus eius non possum. Viderit; de se, non de me, queretur. Falsum est: imo de te, & merito quidem: cum ad mentem bonam redierit, cum accessio illa quæ animum inflammabat, remiserit. Quidni enim oderit, a quo in damnum ac periculum suum adiutus est? Exorari in perniciem rogantium, sæva bonitas est. Quemadmodum pulcherrimum opus est, etiam inuitos nolentesque seruare: ita roganibus pestifera largiri, blandum & affabile odium est. Beneficium demus, quod usu magis ac magis placeat, quod nunquam in malum vertat. Pecuniam non dabo, quam numeraturum adulteræ sciam: ne in societate turpis facti aut consilii inueniar. Si potero, reuocabo: sin minus, non adiunabo scelus. Siue illum ira, quo non debebat, impellit, siue ambitionis calor abducit a tutis: non a semet ipso vim sibi inferri patiar; non committam, ut possit quandoque dicere, Ille amando me occidit. Sæpe nihil interest inter amicorum munera, & hostium vota. Quidquid illi accidere optant; in id horum intempestiua indulgentia impellit, atque instruit. Quid autem turpius, quam (quod euenit frequentissime) ut nihil intersit inter odium, & beneficium?

CAP. XV. Nunquam, in turpitudinem nostram reditura, tribuamus. Cum summa amicitia sit, amicum sibi æquare; utrique simul consulendum est. Dabo egenti: sed ut ipse non egeam, succurram perituro: sed ut ipse non peream, nisi si futurus ero magni hominis, aut magnæ rei merces. Nullum beneficium dabo, quod turpiter peterem. Nec exiguum dilatabo, nec magna pro paruis accipi patiar. Nam ut qui quod dedit, imputat, gratiam destruit: ita qui quantum

tum det, ostendit, munus suum commendat, non exprobrat. Respiciendæ sunt cuique facultates suæ, viresque: ne aut plus præstemus, quam possumus, aut minus. Æstimanda est eius persona, cui damus. quædam enim minora sunt, quam vt exire a magnis viris debeant: quædam accipiente maiora sunt. Vtriusque itaque personam confer: & ipsum, inter illas, quod donabis, examina, nunquid aut danti grave sit, aut paucum: nunquid rursus qui accepturus est, aut fastidiat, aut non capiat.

CAP. XVI. Urbem cuidam Alexander donabat vasanus, & qui nihil animo non grande conciperet cum ille cui donabatur, se ipse mensus, tanti muneris inuidiam refugisset, dicens non conuenire fortunæ suæ: Non quæro, inquit, quid te accipere deceat, sed quid me dare. Animosa vox videtur, & regia: cum sit stultissima. Nihil enim per se quemquam decet: refert, quid, cui, quando, quare, vbi, & cetera, sine quibus facti ratio non constabit. Tumidissimum animal! si illum accipere hoc non decet, nec te dare. Habeatur personarum æ dignitatum proportio: & cum sit vbiq; virtutis modus, æque peccat quod excedit, quam quod deficit. Liceat istud sane tibi, & te in tantum fortuna sustulerit, vt congiaria tuæ vrbes sint: quas quanto maioris animi fuit non capere, quam spargere? est tamen aliquis minor, quam vt in sinu eius condenda sit ciuitas.

CAP. XVII. Ab Antigono Cynicus petiit talentum. respondit, plus esse, quam quod Cynicus petere deberet. Repulsus petit denarium. respondit, minus esse, quam quod regem deceret dare. Turpissima est eiusmodi cauillatio. Inuenit quomodo neutrum daret, in denario regem, in talento Cynicum respexit: cum posset & denarium tanquam Cynico dare, & talentum tanquam rex. Vt sit aliquid maius, quam quod Cyni-

cus accipiat; nihil tam exiguum est, quod non honeste regis humanitas tribuat. * Si me interrogas, 1) probo. est enim intolerabilis res, poscere nummos, & contemnere. Indixisti pecuniae odium: hoc professus es. hanc personam induisti: agenda est. Iniquissimum est, te pecuniam sub gloria egestatis acquirere. Adspicienda ergo non minus sua cuique persona est, quam eius, de quo iuvando quis cogitat. Volo Chrysippi nostri uti similitudine de pilae lusu: quam cadere non est dubium, aut mittentis vitio, aut accipientis. Tunc cursum suum servat, ubi inter manus utriusque, apte ab utroque & iactata & excepta versatur. necesse est autem lusor bonus, aliter illam collusori longo, aliter breui mittat. Eadem beneficii ratio est. nisi utrique personae, dantis & accipientis, aptatur: nec ab hoc exhibit, nec ad illum perveniet, ut debet. Si cum exercitato & docto negotium est, audacius pilam mittemus. utcumque enim venerit, manus illam expedita & agilis repercutiet. Si cum tirone & indocto: non tam rigide, nec tam excusse, sed languidius, & in ipsam eius dirigentes manum, remisse occurremus. Idem faciendum est in beneficiis, quosdam doceamus, 2) & satis iudicemus, si conantur, 3) si audent, si volunt. Facimus autem plerumque ingratos, & ut sint, fauimus: tanquam ita demum magna sint beneficia nostra, si gratia illis referri non potuit: ut malignis lusoribus propositum est, collusorem traducere, 4) cum damno scilicet ipsius lusus, qui non potest, nisi consentitur,

1. *Si me interrogas*) Videtur aliqua dissertatiuncula fuisse quae periit super hoc facto. Subiicit nunc: si me quoque interrogas, sum inter probantes. *Lips.*

2. *Doceamus*) capere beneficia.

3. *Conantur*) grati esse, bene excipere.

4. *Traducere*) ludibrio exponere.

extendi. Multi sunt tam prauæ naturæ, vt malint perdere, quæ præstiterunt, quam videri recepisse, superbi & imputatores. Quanto melius, quantoque humanius id agere, vt illi quoque partes suæ constant, & fauore; vt gratia sibi referri possit, benigne omnia interpretari; gratias agentem, non aliter quam si referat, audire; præbere se facilem, ad hoc, vt quem obligauit, etiam exsolui velit? Male audire solet fenerator, si acerbe exigit æque si in recipiendo tardus ac difficilis moras quærit: beneficium tam recipiendum est, quam non exigendum. Optimus ille, qui dedit facile, nunquam exegit: reddi gauisus est, bona fide quid præstitisset, oblitus, qui accipientis animo recepit.

CAP. XVIII. Quidam non tantum dant beneficium superbe, sed etiam accipiunt: quod non est committendum. Iam enim transeamus ad alteram partem, tractaturi quomodo se gerere homines in accipiendis beneficiis debeant. Quodcumque ex duobus constat officium, tantumdem ab utroque exigit. Qualis pater esse debeat, cum inspexeris; scies non minus operis illic superesse, vt dispicias, qualem esse oporteat filium, sunt aliquæ partes mariti, sed non minores vxoris. Inuicem ista quantum exigunt, præstant, 1) & parem desiderant regulam: quæ, vt ait Hecaton, difficilis est. Omne enim honestum in arduo est, etiam quod vicinum honesto est. non enim tantum fieri debet, sed ratione fieri. Hac duce per totam vitam eundem est. minima maximaque ex huius consilio gerenda sunt: quomodo hæc suaferit, dandum. Hæc autem hoc primum censebit, non ab omnibus accipiendum. A quibus ergo accipiemus? Vt breuiter tibi respondeam: ab his, quibus dedisse

1. Inuicem ista quantum exigunt præstant) h. e. reciproca ista, mariti v. g. & vxoris, officia sunt & tantum vnaquævis pars præstat, quantum sibi ab altera præstari capit.

videamur. Num etiam maiore dilectu querendus est, cui debeamus, quam cui praestemus? nam, ut non sequantur vlla incommoda (sequantur autem plurima) graue tamen tormentum est debere, cui nolis. Contra, iucundissimum est ab eo accepisse beneficium, quem amare etiam post iniuriam possis, ubi amicitiam, alioqui iucundam, causa fecit & iustam. Illud vero homini verecundo & probò miserrimum est, si cum amare oportet; quem non iuuat 2). Toties adinoneam necesse est, non loqui me de sapientibus, quos quidquid oportet, & iuuat; qui animum in potestate habent, & legem sibi, quam volunt, dicunt, & quam dixerunt, seruant: sed de imperfectis hominibus honesta sequi volentibus, quorum affectus saepe contumaciter parent. Itaque eligendus est, a quo beneficium accipiam. Et quidem diligentius querendus beneficii quam pecuniae creditor. Huic enim reddendum est, quantum accepi: & si reddidi, solutus sum ac liber. at illi plus soluendum est: & nihilominus etiam, relata gratia, cohæremus. debeo enim, cum reddidi, rursus incipere. * Monetque amicitia non recipere indignum, sic ne in beneficiorum quidem sacratissimum ius, ex quo amicitia oritur. Non semper, inquit, mihi licet dicere, Nolo: aliquando beneficium accipiendum est & inuito. Dat tyrannus crudelis & iracundus: qui munus suum fastidire te, iniuriam iudicaturus est. Non accipiam? Eodem loco pone latronem & piratam, quo regem, animum latronis ac piratae habentem. quid faciam? parum dignus est, cui debeam. Cum eligendum dico cui deas, vim maiorem & metum excipio: quibus adhibitis, electio perit. Si liberum est tibi, si arbitrii tui est, vtrum velis, an non; id apud te ipse perpen-

2. *Quem non iuuat*) sc. amare, quem non lubens volensque amet.

des. si necessitas tollit arbitrium; scies te non accipere, sed parere. Nemo id accipiendo obligatur, quod illi repudiare non licuit. Si vis scire, an velim; effice, ut possim nolle. Vitam tamen tibi dedit. non refert quid sit, quod datur, nisi a volente volenti datur. Si seruasti me, non ideo seruator es. Venenum aliquando pro remedio fuit. non ideo numeratur inter salubria. Quædam profunt, nec obligant.

CAP. XIX. Tuber quidam tyranni gladio diuifit, qui ad eum occidendum venerat: non ideo illi tyrannus gratias egit, quod rem quam medicorum munus reformidauerant, nocendo sanauit. Vides non esse magnum in ipsa re momentum? quoniam non videtur dedisse beneficium, qui malo animo profuit. Casus enim beneficium est, hominis iniuria. Leonem in amphitheatro spectauimus, qui vnum e bestiariis agnitum, cum quondam eius fuisset magister, protexit ab impetu bestiarum. Num ergo est beneficium, feræ auxilium? minime: quia nec voluit facere, nec benefaciendi animo fecit. Quo loco feram posui, tyrannum pone. Et hic vitam dedit, & illa: nec hic, nec illa beneficium. quia non est beneficium, accipere cogi. non est beneficium, debere, cui nolis. Ante des oportet mihi arbitrium mei; deinde beneficium.

CAP. XX. Disputari de M. Bruto solet, an debuerit accipere a D. Iulio vitam, cum occidendum eum iudicaret. Quam rationem in occidendo secutus sit, alias tractabimus. Mihi enim, cum vir magnus fu-erit in aliis, in hac re videtur vehementer errasse, nec ex institutione Stoica se egisse: qui aut regis nomen extimuit, cum optimus ciuitatis status sub rege iusto sit; aut ibi sperauit libertatem futuram, vbi tam magnum

gnum præmium erat & imperandi, & seruiendi 1); aut existimauit ciuitatem in priorem formam posse reuocari, amissis pristinis moribus; futuramque ibi æqualitatem ciuilibus iuris, & staturas suo loco leges, vbi viderat tot millia hominum pugnantis, non an seruirent, sed cui. Quanta vero illum aut rerum naturæ, aut vrbs suæ tenuit obliuio, qui vno interempto, defuturum credidit alium, qui idem vellet: cum Tarquinius esset inuentus, post tot reges ferro ac fulminibus occisos? Sed vitam accipere debuit: ob hoc tamen non habere illum parentis loco, qui in ius dandi beneficii iniuria venerat. Non enim seruauit is, qui non interfecit; nec beneficium dedit, sed missionem.

CAP. XXI. Illud magis venire in disputationem potest aliquam, quid faciendum sit captiuo, cui redemptionis pretium homo prostituti corporis & infamis ore promittit? Patiar me ab impuro seruari? seruatus deinde, quam illi gratiam referam? Viuam cum obscæno? non viuam cum redemptore. Quid ergo placeat, dicam. Etiam ab aliquo tali accipiam pecuniam, quam pro capite dependam: accipiam autem tanquam creditum, non tanquam beneficium. Soluam illi pecuniam: & si occasio fuerit seruandi, periclitantem seruabo: in amicitiam, quæ similes iungit, non descendam. nec seruatoris illum loco numerabo, sed feneratoris: cui sciam reddendum quod accepi. Est aliquis dignus, a quo beneficium accipiam: sed danti nociturum est. ideo non accipiam, quia ille paratus est mihi cum incommodo, aut etiam periculo suo prodesse. Defensurus est me reum: sed illo patrocinio regem sibi est facturum inimicum. Inimicus sim, si cum ille pro me periclitari ve-

1. *Et seruiendi*) ad ministros tyrannidis refer, qui euehebantur, *Lips.*

lit: ego, quod facilius est, non facio, vt sine illo periclititer. Ineptum & friuolum hoc Hecaton ponit exemplum Arcefilai, quem ait a filio familias oblatam pecuniam non accepisse, ne ille patrem sordidum offenderet. Quid fecit laude dignum? quod furtum non recipit? quod maluit non accipere, quam redere? quæ est enim alienam rem non accipere moderatio? Si exemplo magni animi opus est, vtamur Græcini Iulii viri egregii, quem C. Cæsar occidit ob hoc vnum, quod melior vir erat, quam esse quemquam tyranno expediret. Is cum ab amicis conferentibus ad impensam ludorum pecunias acciperet, magnam pecuniam a Fabio Perfico missam non accepit. Et obiurgantibus his, qui non æstimabant mittentes, sed missa, quod repudiasset: Ego, inquit, ab eo beneficium accipiam, a quo propinationem accepturus non sim? Cumque illi Rebilus consularis, homo eiusdem infamiæ, maiorem summam misisset; instaretque, vt accipi iuberet: Rogo, inquit, ignoscas, nam & a Perfico non accepi. Vtrum hoc munera accipere est, an senatum legere?

CAP. XXII. Cum accipiendum iudicauerimus; hilares accipiamus, profitentes gaudium: & id danti manifestum sit, vt fructum præsentem capiat. Iusta enim causa lætitiæ est, lætum amicum videre: iustior, fecisse. Grate ad nos peruenisse indicemus, effusis affectibus: quod non ipso tantum audiente, sed vbi-que testemur. Qui grate beneficium accipit, primam eius pensionem soluit.

CAP. XXIII. Sunt quidam, qui nolunt nisi secreto accipere: testem beneficii & conscium vitant: quos scias licet male cogitare. Quomodo danti in tantum producenda notitia est muneris sui, in quantum delectatura est eum, cui datur: ita accipienti adhiben-

hibenda concio 1) est. Quod pudet debere, ne acceperis. Quidam furtive agunt gratias, & in angulo, & ad aurem: Non est ista verecundia, sed infitigandigenus. Ingratus est, qui, remotis arbitris, agit gratias. Quidam nolunt nomina secum fieri, 2) nec interponi pararios, 3) nec signatores aduocari, nec chirographum dare: idem faciunt, qui dant operam, ut beneficium in ipsos collatum, quam ignotissimum sit. Verentur palam ferre, ut sua potius virtute, quam alieno adiutorio consecuti dicantur. Rariores in eorum officiis 4) sunt, quibus vitam, aut dignitatem debent: & dum opinionem clientium timent, grauiorem subeunt ingratorum.

CAP. XXIV. Alii pessime loquuntur de optime meritis. Tutius est quosdam offendere: quam demeruisse, argumentum nihil debentium, odio quaerunt. Atqui nihil magis praestandum est, quam ut memoria nobis meritorum hæreat, quæ subinde reficienda est: quia nec referre potest gratiam, nisi qui meminit; & qui meminit, iam refert. Nec delicate accipiendum est, nec submisce & humiliter. Nam qui negligens est in accipiendo, cum omne beneficium recens placeat; quid faciet, cum prima eius voluptas refrixerit? Alius accepit fastidiose, tamquam qui dicat: Non quidem mihi opus est: sed quia tam valde vis, faciam tibi mei potestatem. Alius suppone, ut dubium praestanti relinquat, an senserit: alius

1. Concio) populus & turba ut omnes sciant.

2. Nolunt nomina secum fieri) s. rectius volunt hoc sensu. Sicut quidam volunt pecuniam mutuam capere & debere, nec tamen solennia obligationum & cautionum adhibere: ita isti beneficiarii, qui accipere nec sciri. Lips.

3. Pararios) Sic olim vocabantur. quorum interuentu negotia conciliabantur.

4. Officiis) Salutatione, deductione & aliis quæ præstabant clientes.

vix labra diduxit, & ingrator, quam si tacuisset, fu-
 is. Loquendum pro magnitudine rei impensius, &
 illa adiicienda: Plures quam putas, obligasti. Ne-
 mo enim non gaudet beneficium suum latius patere.
 Nescis quid mihi prastiteris: sed scire te oportet,
 quanto plus sit quam aestimas. Statim gratus est, qui
 se onerat. Nunquam tibi gratiam referre potero: il-
 lud certe non desinam ubique confiteri, me referre
 non posse.

CAP. XXV. Nullo magis Cæsarem Augustum de-
 meruit, & ad alia impetranda facilem sibi reddidit
 Furnius, quam quod, cum Patri Antonianas partes
 secuto veniam impetrasset, dixit: Hanc vnam Cæsar
 habeo iniuriam tuam. effecisti vt viuerem, & more-
 rer ingratus. Quid est tam grati animi, quam nullo
 modo sibi satisfacere? quam nec ad spem quidem ex-
 æquandi vnquam beneficii accedere? His atque eius-
 modi vocibus id agamus, vt voluntas non lateat, sed
 aperiatur, & luceat. Verba cessent licet. si quemad-
 modum debemus affecti sumus, conscientia eminebit
 in vultu. Qui gratus futurus est, statim dum acce-
 pit, de reddendo cogitat. Chrysippus quidem di-
 cit, illum velut in cenam cursu compositum, &
 carceribus inclusum, opperiri debere suum tempus,
 ad quod velut dato signo profiliat. Et quidem magna
 illi celeritate opus est, magna contentione, vt con-
 sequatur antecedentem.

CAP. XXVI. Videndum est nunc, quid maxime
 faciat ingratos. Aut nimius sui suspectus, & infi-
 tum mortalitati vitium, se suaque mirandi: aut sui-
 ditas, aut inuidia. Incipiamus a primo. Nemo
 non benignus est sui iudex. unde est, vt omnia meru-
 isse se existimet, & in solutum accipiat: nec satis

1, *Et in solutum*) id est quasi non datum sed debitum.

suo prætio se æstimatum putet. Hoc mihi dedit: sed quam sero, sed post quot labores? quanto consequi plura potuissem, si illum, aut illum, aut me colere maluissem? non hoc speraueram. In turbam coniectus sum, tam exiguo dignum me iudicauit, honestius præteriri fuit.

CAP. XXVII. Cn. Lentulus augur, diuitiarum maximum exemplum, antequam illum libertini pauperem facerent (hic quater millies sestertium suum vidit. proprie dixi: nihil enim amplius quam vidit) ingenii fuit tam sterilis, quam pusilli animi. Cum esset auarissimus, nummos citius emittebat, quam verba: tanta illi inopia erat sermonis. Hic cum omnia incrementa sua D. Augusto deberet, ad quem attulerat paupertatem, sub onere nobilitatis laborantem; princeps iam ciuitatis, & pecunia, & gratia, subinde de Augusto solebat queri, dicens, à studiis se abductum. Nihil tantum in se congestum esse, quantum perdidisset, relicta eloquentia. At illi inter alia hoc quoque diuus Augustus præstiterat, quod illum derisu ac labore irritò liberauerat. Non patitur auiditas quemquam esse gratum. nunquam enim improbæ spei, quod datur, satis est. Eo maiora cupimus, quo maiora venerunt: multoque concitator est auaritia, in magnarum opum congestu collocata. Et flammæ infinito acrior vis est, quo ex maiore incendio emicuit. Æque ambitio non patitur quemquam in ea mensura honorum conuiuiscere, quæ quondam eius fuit impudens votum. Nemo agit de tribunatu gratias: sed queritur, quod non est ad præturam vsque perductus. nec hæc grata est, si deest consulatus. ne hic quidem satiat, si vnus est. Ultra se cupiditas porrigit, & felicitatem suam non intelligit: quia non vnde venerit, respicit, sed quo tendat. Omnibus his vehementius
& im-

& importunius malum est inuidia, quæ nos inquietat, dum comparat.

CAP. XXVIII. Hoc mihi præstitit: sed illi plus, sed illi maturius: & deinde nullius causam agit, contra omnes sibi fauet. Quanto est simplicius, quanto pudenterius, beneficium acceptum augere: scire neminem tanti ab alio, quanti a se ipso æstimari? Plus accipere debui, sed illi facile non fuit plus dare. in multos diuidenda liberalitas erat. Hoc initium est, boni consulamus, & animum eius, grate excipiendo, euocemus. Parum fecit; sed sapius faciet. illum mihi prætulit; & me multis, ille non est mihi par virtutibus, nec officiis: sed habuit suam Venerem, 1) Querendo non efficiam, vt maioribus dignus sim, sed vt datis indignus. Plura illis hominibus turpissimis data sunt. quid ad rem? quam raro fortuna iudicat? Quotidie querimur, malos esse felices. sæpe quæ agellos pessimi cuiusque transferat, optimorum virorum segetem grando percussit. Fert sortem suam quisque, vt in cæteris rebus, ita in amicitis. Nullum est tam plenum beneficium, quod non vellicare malignitas possit: nullum tam angustum, quod non bonus interpret extendat: Nunquam deerunt causæ querendi, si beneficia a deteriore parte spectaueris.

CAP. XXIX. Vide quam iniqui sint diuinorum munerum æstimatores, etiam quidam professi sapientiam. Queruntur, quod non magnitudine corporis æquemus elephantes; velocitate ceruos, leuitate aues, impetu tauros: quod solidior sit cutis beluis, decentior damis, densior vrsis, mollior fibris: quod sagacitate nos narium canes vincant, quod acie luminum aquilæ, spatio ætatis corui, multa animalia nandi facilitate. Et cum quædam ne coire quidem in idem natura patiatur, vt velocitatem corporum & vi-

1) *Suam Venerem*) suam gratiam, suum illicium.

res: ex diuersis ac dissidentibus bonis hominem non esse compositum, iniuriam vocant: & in negligentes nostri deos querimoniam iaciunt, quod non bona valetudo & virtus inexpugnabilis data sit, quod non futuri scientia. Vix sibi temperant, quin eousque impudentiæ prouchantur, vt naturam oderint, quod infra deos sumus, quod non in æquo illis stetimus. Quanto satius est ad contemplationem, tot tantorumque beneficiorum reuerti, & agere gratias, quod nos in hoc pulcherrimo domicilio voluerunt secundas sortiri, quod terrenis præfecerunt? Aliquis ea animalia comparat nobis, quorum potestas penes nos est? Quidquid nobis negatum est, dari non potuit. Proinde quisquis es iniquus æstimator sortis humanæ, cogita quanta nobis tribuerit parens noster, quanto valentiora animalia sub iugum miserimus, quanto velociora consequamur: quam nihil sit mortale, non sub ictu nostro positum. Tot virtutes accepimus, tot artes, animum denique, cui nihil non eodem quo intendit momento peruium est, sideribus velociorem, quorum post multa sæcula futuros cursus antecedit. tantum denique frugum, tantum opum, tantum rerum aliarum super alias aceruatarum. Circumeas licet cuncta: & quia nihil totum inuenies, quod esse te mallet, ex omnibus singula excerpas, quæ tibi dari velles. Bene æstimata naturæ indulgentia, confitearis necesse est, in deliciis te illi fuisse. Ita est: carissimos nos habuerunt dii immortales, habentque. & qui maximus tribui honos potuit, ab ipsis proximos collocauerunt. Magna accepimus, maiora non cepimus.

CAP. XXX. Hæc, mi Liberalis, necessaria credidi, vt dicerem, & quia loquendum aliquid de magnis beneficiis erat, cum de minutis loqueremur: & quia inde manat etiam in cetera, huius detestabilis vitii audacia. Cui enim respondebit grate, quod munus

existimabit aut magnum, aut reddendum, qui summa beneficia spernit? Cui salutem, cui spiritum debet, qui vitam accepisse se a diis negat, quam quotidie ab illis petit? Quicumque ergo gratos esse docet, & hominum causam agit, & deorum: quibus nullius rei indigentibus, positis extra desiderium, referre nihilominus gratiam possumus. Non est, quod quisquam excusationem mentis ingratae ab infirmitate atque inopia petat, & dicat: Quid enim faciam, & quomodo? quando superioribus, dominisque rerum omnium gratiam referam? Referre facile est, si avarus es, sine impendio: si iners, sine opera. Eodem quidem momento, quo obligatus es, si vis, cum quolibet paria fecisti: quoniam qui libenter beneficium accepit, reddidit.

CAP. XXXI. Hoc ex paradoxis Stoicæ sectæ minime mirabile, ut mea fert opinio, aut incredibile est, cum qui libenter accipit beneficium, reddidisse. Nam cum omnia ad animum referamus, fecit quisque quantum voluit. & cum pietas, fides, iustitia, omnis denique virtus intra se perfecta sit; etiamsi illi manum exerere non licuit, gratus quoque potest esse homo voluntate. Quotiens quod proposuit quisque consequitur, capit operis sui fructum. Qui beneficium dat, quid proponit? prodesse ei cui dat, & voluptati sibi esse. Si quod voluit, effecit, peruenitque ad me animus eius, ac mutuo gaudio affecit, tulit quod petiit. Non enim sibi inuicem aliquid reddi voluit: aut non fuit beneficium, sed negotiatio. Bene navigavit, qui quem destinavit portum, tenuit: reli iactus certæ manus peregit officium, si petita percussit: beneficium qui dat, vult excipi grate. habet quod voluit, si bene acceptum est. Sed speravit emolumentum aliquod, non fuit hoc beneficium, cuius proprium est, nihil de reditu cogitare. Quod

accipiebam, si eo animo accepi quo dabatur, reddidi. Alioquin pessima optimæ rei conditio est: ut gratus sim, ad fortunam mittor. Si illa inuita respondere non possum, sufficit animus animo. Quid ergo? non quidquid potero, & faciam, & reddam? temporum rerumque occasionem sequar, & eius implere sinum cupiam, a quo aliquid accepi? sed malo loco beneficium est, nisi & excussis 1) manibus esse grato licet.

CAP. XXXII. Qui accepit, inquit, beneficium, licet animo benignissimo acceperit, non consummavit officium suum restat enim pars reddendi. Sicut in lusu est aliquid, pilam scite ac diligenter excipere; sed non dicitur bonus lusor, nisi qui apte & expedite remisit, quam exceperat. Exemplum hoc dissimile est, quare? quia huius rei laus in corporis motu est, & in agilitate, non in animo. explicari itaque totum debet, de quo oculis iudicatur. Nec tamen ideo non bonum lusorem dicam, qui pilam, ut oportebat, excepit, si per ipsum mora, quo minus remitteret, non fuit. Sed quamvis, inquit, arti ludentis nihil desit, quia partem quidem fecit, sed & partem quam non fecit, potest facere: ludus tamen ipse imperfectus est; qui consummatur vicibus mittendi ac remittendi. Nolo diutius hoc refellere. existimemus ita esse: desit aliquid lufui, non lusori. sic & in hoc de quo disputamus, deest aliquid rei datæ: cui pars altera debetur; non animo, qui animum parem sibi nactus est, quantum in illo est, quod voluit, effecit.

CAP. XXXIII. Beneficium mihi dedit. accepi non aliter, quam ipse accipi voluit. Iam habet, quod petit, & quod vnum petit, ergo gratus sum. Post hæc usus mei restat, & aliquid ex homine grato commodum, hæc

1. *Excussis*) vacuis. Non apertis solum, sed motis & excussis. *Lips.*

non imperfecti officii reliqua pars est; sed perfecti accessio. Facit Phidias statuam: alius est fructus artis, alius artificii. artis est, fecisse quod voluit: artificii, fecisse cum fructu. Perfecit opus suum Phidias, etiam si non vendidit. Triplex est illi fructus operis sui. vnus conscientiae: hunc absoluto opere percepit. alter famae, tertius vtilitatis: quem allatura est, aut gratia, aut venditio, aut aliqua commoditas. Sic beneficii fructus primus ille est, conscientiae. Hunc percepit, qui quo voluit, munus suum pertulit. Secundus est famae. tertius eorum, quae praestari inuicem possunt. Itaque cum benigne acceptum est beneficium, qui dedit, gratiam quidem iam recepit, mercedem nondum. Debeo itaque quod extra beneficium est, ipsum quidem bene accipiendo persolui.

CAP. XXXIV. Quid ergo? inquit, retulit gratiam, qui nihil fecit? Primum fecit. bono animo bonum obtulit: & quod est amicitiae, ex aequo. Post deinde aliter beneficium, aliter creditum soluitur. Non est quod exspectes, vt solutionem tibi ostendam: res inter animos geritur. Quod dico, non videbitur durum, quamuis primo contra opinionem pugnet tuam, si te commodaueris mihi, & cogitaueris res esse plures, quam verba. Ingens copia est rerum sine nomine, quas non propriis appellationibus notamus, sed alienis commodatisque. Pedem & nostrum dicimus, & lecti, & veli, & carminis: canem, & venaticum, & marinum, & fidus. Quia non sufficimus, vt singulis singula assignemus: quotiens opus est, mutamur. Fortitudo est virtus, pericula iusta contemnens: aut scientia periculorum repellendorum, excipiendorum, prouocandorum. Dicimus tamen & gladiatorem fortem virum, & seruum nequam, quem in contemptum mortis temeritas impulit. Parsimonia est scientia vitandi sumptus superuacuos: aut

atq; re familiari moderate utendi: parcissimum tamen hominem vocamus pusilli animi & contracti: cum infinitum interfit inter modum & angustias. Hæc alia sunt natura; sed effecit inopia sermonis, ut & hunc & illum parcum vocemus; ut & ille fortis dicatur cum ratione fortuita despiciens, & hic sine ratione in pericula excurrens. Sic beneficium, est & actio, ut diximus, benefica, & ipsum quod datur per illam actionem; ut pecunia, ut domus, ut prætexta. Vnum utrique nomen est: vis quidem ac potestas longe alia.

CAP. XXXV. Itaque attende. iam intelliges, nihil me, quod opinio tua refugiat, dicere. illi beneficium quod actio perficit, relata gratia est, si illud benevole excipimus: illud alterum quod re continetur, nondum reddidimus, sed volumus reddere. Voluntati voluntate satisfacimus, rei rem debemus. Itaque quamvis retulisse illum gratiam dicamus, qui beneficium libenter accepit; iubemus tamen aliquid simile ei quod accepit, reddere. A consuetudine quædam quæ dicimus, abhorrent; deinde alia via ad consuetudinem redeunt. Negamus iniuriam accipere sapientem: & tamen qui illum pugno percusserit, iniuriarum damnabitur. Negamus rem stulti esse: & tamen cum qui rem aliquam stulto surripuerit, furti condemnabimus. Insanire omnes stultos dicimus: nec tamen omnes curamus elleboro. his ipsis quos vocamus insanos, & suffragium & iurisdictionem committimus. Sic dicimus cum qui beneficium bono animo accepit, gratiam retulisse: nihilominus illum in ære alieno relinquimus, gratiam relaturum, etiam cum retulerit. Exhortatio est illa, non infitatio beneficii. Ne timeamus, neue intolerabili sarcina depressi deficiamus animo. Bona mihi donata sunt, & fama defensa, detractæ sordes, spiritus, & libertas potior spiritu; & quomodo referre gratiam

tiam potero? quando ille veniet dies, quo illi animum meum ostendam? hic ipse est, quo ille suum ostendit. Excipe beneficium, amplexare: gaude: non quod accipias, sed quod reddas, debiturusque sis. Non adibis tam magnæ rei periculum, ut casus ingratum facere te possit. Nullas tibi proponam difficultates, ne despondeas animo, ne laborum ac longæ seruitutis expectatione deficias. non differo te: de præsentibus fiat. Nunquam eris gratus, nisi statim es. Quid ergo facies? non arma sumenda sunt: & fortasse erunt non maria emetienda: fortasse etiam ventis minantibus solues. vis reddere beneficium? benigne accipe, retulisti gratiam: non ut soluisse te putes, sed ut securior debeat.

LIBER TERTIVS.

Argumentum & Ordo.

Agis de Ingratis. Qui illi sint? & an puniendi, aut ad iudicem vocandi? Accurata disputatione negat: & addit, pœnam iis in Odio & Infamia esse, atque Animo ipso. Deinde ex occasione, an Dominus in servum gratus esse debeat? an ab illo Beneficium accipiat? Adfirmat, & hoc vberius, quia creber tunc servorum usus. Adnectit, An filius patris det Beneficium? Disputat in utramque, sed affirmantem affirmat.

CAPVT I.

Non referre beneficiis gratiam, & est turpe, & apud omnes habetur, Æbuci Liberalis. Ideo de ingratis etiam ingrati queruntur: cum interim hoc omnibus hæreat, quod omnibus displicet: adeoque in contrarium itur, ut quosdam habeamus infestissimos non post beneficia tantum,

sed propter beneficia. Hoc prauitate naturæ accidere quibusdam, non negauerim: pluribus, quia memoriam tempus interpositum subduxit. Nam quæ recentia apud illos viguerunt, ea interiecto spatio obsolescunt. De quibus fuisse mihi tecum disputationem scio, cum tu illos non ingratos vocares, sed oblitos: tanquam ea res ingratum excuset, quæ facit. An quia hoc accidit alicui, non sit ingratus: cum hoc non accadat, nisi ingrato? Multa sunt genera ingratorum, ut furum, ut homicidarum: quorum vna culpa est, ceterum in partibus varietas magna. Ingratus est, qui beneficium accepisse se negat, quod accepit: ingratus est, qui dissimulat: ingratus, qui non reddit: ingratus est omnium, qui oblitus est. Illi enim si non soluunt, tamen debent: & exstat apud illos vestigium certe meritorum, intra malam conscientiam conclusorum; & aliquando ad referendam gratiam conuertere ex aliqua causa possunt, si illos pudor admonuerit, si subita honestæ rei cupiditas; qualis solet ad tempus etiam in malis pectoribus exsurgere: si inuita-uerit facilis occasio: hic nunquam fieri gratus potest, cui totum beneficium elapsum est. Et utrum tu peiorem vocas, apud quem gratia beneficii intercidit, an apud quem etiam memoria? Vitiosi oculi sunt qui lucem reformidant: cæci, qui non vident & parentes suos non amare, impietas est: non agnoscere, infania. Quis tam ingratus est, quam qui quod in prima parte animi positum esse debuit, & semper occurrere, ita seposuit & abiecit, ut in ignorantiam verteret? apparet illum non sæpe de reddendo cogitasse, cui obrepsit obliuio.

CAP. II. Denique ad reddendam gratiam, & virtute opus est, & tempore, & facultate, & adspirante fortuna. Qui meminit, sine impendio gratus est. Hoc, quod non operam exigit, non opes, non felicitatem, qui non præstat; nullum habet, quo lateat, patrocini.

nium. Nunquam enim voluit gratus esse, qui beneficium tam longe proiecit, vt extra conspectum suum poneret. Quemadmodum quæ in vsu sunt, & manum quotidie tactumque patiuntur, nunquam periculum sitis adeunt: illa quæ ad oculos non reuocantur, sed extra conuersationem, vt superuacua iacuerunt, sordes ipsa colligunt vetustate: ita quidquid frequens cogitatio exercet ac renouat, memoriæ nunquam subducitur, quæ nihil perdit, nisi ad quod non sæpe respexit.

CAP. III. Præter hanc causam, aliæ quoque sunt, quæ nobis merita nonnunquam maxima velant. Prima omnium ac potissima, quod nouis semper cupiditatibus occupati, non quid habeamus, sed quid petamus, inspicimus: non in id quod est, sed quod appetitur, intenti. Quidquid enim domi est, vile est. Sequitur autem, vt vbi quod acceperis, leue nouorum cupiditas fecit, auctor quoque eorum non sit in pretio. Amauimus aliquem & suspeximus, & fundatum ab illo statum nostrum professi sumus, quam diu nobis placebant ea quæ consecuti sumus: deinde irrumpit animum aliorum admiratio, & ad ea impetus factus est, vti mortalibus mos est, ex magnis maiora cupiendi: protinus excidit, quidquid ante apud nos beneficium vocabatur. nec ea intuemur, quæ nos aliis præposuere, sed ea sola quæ fortuna præcedentium ostentat. Non potest autem quisquam & inuidere, & gratias agere: quia inuidere, querentis & mæsti est: gratias agere gaudentis. Deinde, quia nemo nostrum nouit, nisi id tempus, quod cum maxime transit, ad præterita rari animum retorquent. Sic fit, vt præceptores eorumque beneficia intercitant: quia totam pueritiam reliquimus. sic fit, vt in adolescentiam nostram collata pereant: quia ipsa nunquam retractatur. Nemo quod fuit, tanquam in præterito, sed tanquam in perduto ponit: ideoque caduca memoria est, futuro imminetium.

CAP.

CAP. IV. Hoc loco reddendum est Epicuro testimonium 1) qui assidue queritur, quod aduersus praeterita simus ingrati, quod quaecumque percepimus bona, non reducamus, 2) nec inter voluptates numeremus: cum certior nulla sit voluptas, quam quae iam eripi non potest. Praesentia bona nondum tota in solido sunt, potest illa casus aliquis incidere: futura pendent, & incerta sunt: quod praeteriit, inter tuta sepositum est. Quomodo ergo gratus quisquam esse aduersus beneficia potest, qui omnem vitam suam transilit praesentium intuitu, ac futurorum. Memoria gratum facit: memoriae minimum tribuit, quisquis spei plurimum.

CAP. V. Quemadmodum, mi Liberalis, quaedam res semel perceptae haerent; quaedam ut scias, non est satis didicisse: (intercidit enim eorum scientia, nisi continetur) Geometriam dico, & sublimium cursum, & si qua alia propter subtilitatem lubrica sunt: ita beneficia quaedam magnitudo non patitur excidere, quaedam minora, sed numero plura, & temporibus diuersa, effluunt. Quia (ut dixi) non subinde illa tractamus: nec libenter, quid cuique debeamus, recognoscimus. Audi voces petentium. nemo non victuram semper in animo suo memoriam dixit: nemo non deditum se & deuotum professus est, & si quod aliud humiliter verbum, quo se oppigneraret, inuenit. Post exiguum tempus, iidem illi verba priora, quasi sordida & parum libera, euitant: perueniunt deinde eo, quo, ut ego existimo, pessimus quisque atque ingratus peruenit, ut obliuiscantur. Adeo enim ingratus est, qui oblitus est, uti gratus sit, cui beneficium in mentem venit.

1. *Testimonium*) iudicii & bonae sententiae.

2. *Reducamus*) in animum meditatione reuocamus.

CAP. VI. Hoc tam inuisum vitium, an impunitum esse debeat, quæritur: & an hæc lex, quæ in scholis exercetur, etiam in ciuitate ponenda sit, qua ingrati datur actio. Quæ videtur æqua omnibus. quid ni? cum vrbes quoque vrbibus, quæ præstitere exprobrent & in maiores collata, a posteris exigant. Nostri maiores, maximj, scilicet, viri, ab hostibus tantum res repetierunt: beneficia magno animo dabant, magno perdebant. Excepta Macedonum 1) gente, non est in vlla data aduersus ingratum actio. Magnumque hoc argumentum, dandam non fuisse: quia aduersus maleficiū omne consensimus, & homicidii, veneficii, parricidii, violatarum religionum, aliubi atque aliubi diuersa pœna est: sed vbique aliqua. Hoc frequentissimum crimen nusquam punitur, vbique improbatur. Neque absoluimus illud: sed cum difficilis esset incertæ rei æstimatio, tantum odio damnauimus, & inter ea reliquimus, quæ ad iudices deos mittimus.

CAP. VII. Rationes autem multæ mihi occurrunt, propter quas crimen hoc in legem cadere non debeat. Primum omnium, pars optima beneficii perit, si actio, sicut certæ pecuniæ, aut ex conducto & locato, datur. Hoc enim in illo speciosissimum est, quod dedimus vel perdituri: 1) quod totum permisimus accipientium arbitrio. Si appello, si ad iudicem voco, incipit non beneficium esse, sed creditum. Deinde, cum res honestissima sit, referre gratiam, desinit esse honesta, si necessaria est. non enim magis laudabit quisquam gratum hominem, quam

1. *Macedonum*) *Medorum* substituit Lipsius, cum de iia tale quid commemoraret Xenophon atque alij, quod de Macedonibus nemo dixit.

1. *Speciosissimum est quod dedimus vel perdituri*) pulcherrimum est quod dedimus, nulla spe commodi inde ad nos redituri.

eum qui depositum reddidit, aut quod debebat, citra iudicem soluit. Ita duas res, quibus in vita humana nihil pulchrius est, corrumpimus, gratum hominem & beneficium. Quid enim aut in hoc magnificentum est, si beneficium non dat, sed commodat? aut in illo qui reddit, non quia vult, sed quia necesse est? Non est gloriosa res, gratum esse: nisi tutum est, ingratum fuisse. Adice nunc, quod huic vni legi omnia fora vix sufficient. Quis erit, qui non agat? quis, cum quo non agatur? omnes sua extollunt, omnes etiam minima, quæ in alios contulere, dilatant. Præterea quæcumque in cognitionem, cadunt, comprehendere possunt, & non dare infinitam licentiam iudici. Ideo melior videtur conditio causæ bonæ, si ad iudicem, quam si ad arbitrum mittitur: quia illum formula includit, & certos, quos non excedat, terminos ponit; huius libera, & nullis astrictis vinculis religio, & detrahare aliquid potest, & adiungere, & sententiam suam non prout lex aut iustitia suadet, sed prout humanitas & misericordia impulit, regere. Ingrati actio non erat iudicem alligatura, sed regno liberrimo positura. Quid sit enim beneficium, non constat: deinde quantumcumque sit, refert quam benigne illud interpretetur iudex. Quid sit ingratus, nulla lex monstrat. Sæpe & qui reddidit quod accepit, ingratus est: & qui non reddidit, gratus. De quibusdam etiam imperitus iudex dimittere tabellam 1) potest: ubi fecisse, aut non fecisse pronunciandum est; ubi prolatis cautionibus, controversia tollitur. Vbi vero inter disputantes ratio ius dicit, ibi animi coniectura capienda est: ubi id, de quo sola sapientia decernit, in controuersiam

1. *Dimittere tabellam*) effari & promulgare, sicut proferebant ex fabellis sententias iudices. *Grut.*

incidit, non potest ad hæc sumi iudex ex turba selectorum, 2) quem census in album, 3) & equestris hereditas 4) misit.

CAP. VIII. Itaque non hæc parum idonea res visa est, quæ deduceretur ad iudicem sed nemo huic rei satis idoneus iudex inuentus est: quod non admiraberis, si excusseris, quid habiturus fuerit difficultatis, quisquis in eiusmodi reum exisset 1). Donauit aliquis magnam pecuniam: sed diues, sed non sensurus impendium. Donauit alius: sed toto patrimonio cessurus. Summa eadem est: beneficium idem non est. Etiam nunc adice. Hic pecuniam pro addicto 2) dependit: sed cum illam domo protulisset, ille dedit eandem: sed mutuum sumpsit, aut rogauit, & se obligari ingenti merito passus est. Eodem existimas loco esse illum, qui beneficium ex facili largitus est: & hunc, qui accepit, ut daret? Tempore quædam magna sunt, non summa. Beneficium est donata possessio, cuius fertilitas laxare possit annonam; beneficium est, vnus in fame panis. Beneficium est, donare regiones, per quas multa flumina & nauigabilia decurrant: beneficium est, arentibus siti, & vix spiritum per siccas fauces ducentibus, monstrare fontem. Quis inter se ista comparabit? quis expendet? difficilis est sententia, quæ non rem, sed vim rei quærit. Eadem licet sint, aliter data

2. *Selectorum*) commune nomen iis, qui ex omnibus decuritis quotannis forte docti solent iudicare.

3. *Album*) tabula siue index vbi iudices scripti. *Lips.*

4. *Equestris hereditas*) census qui exigebatur ut inter equites quis referatur, qui erat quadraginta HS.

1. *Exisset*) forte lectus venisset ex vna.

2. *Pro addicto*) Fuerunt addicti qui cum soluendo non essent, creditoribus addicebantur, nec seruitute eorum liberabantur, nisi debitis quocunque modo persolutis.

non idem pendent 3). Dedit mihi hic beneficium: sed non libenter, sed dedisse se questus est, sed superbius me quam solebat, aspexit: sed tam tarde dedit, ut plus praestiturus fuerit, si cito negasset. Horum quomodo iudex inibit aestimationem, cum sermo, & dubitatio, & vultus meriti gratiam destruant?

CAP. IX. Quid quod quaedam beneficia vocantur, quia nimis concupiscuntur: quaedam non sunt ex hac vulgari nota, sed maiora, etiamsi minus apparent? Beneficium vocas, dedisse potentis populi civitatem, in quatuordecim deduxisse 1), & defendisse capitis reum: quid utilia suasisse? quid retinuisse, ne in seculum rueret? quid gladium excussisse morituro? quid efficacibus remediis refocilasse lugentem, & quos desiderabat volentem sequi, ad vitae consilium reduxisse? quid assedisse aegro, & cum valetudo eius ac salus momenti constaret, excepisse idonea cibo tempora, & cadentes venas vino refecisse, & medicum adduxisse morienti? Hæc quis aestimabit? quis dissimilibus beneficiis iubebit beneficia pensari? Donavit tibi domum: sed ego tuam supra te ruere prædixi. Dedit tibi patrimonium: sed ego naufrago tabulam. Pugnavit pro te, & vulnera excepit: at ego vitam tibi silentio dedi. Cum aliter beneficium detur, aliter reddatur, paria facere difficile est.

CAP. X. Dies præterea beneficio reddendo non dicitur, sicut pecuniæ creditæ. Itaque potest, qui nondum reddidit, reddere. Dic enim, intra quod tempus deprehendetur ingratus? maxima beneficia probationem non habent: sæpe intra tacitam duorum

3. *Non idem pendent*) non idem pondus pretiumque habent.
 1. *In quatuordecim deduxisse*) id est equitem fecisse. Rem a signo dat intelligi. Quia soli equites spectabant in quatuordecim, de qua equitum sede vid. Torrent. ad Sueton. Neron. c. 11. Lipsi. de Amphit. c. 14.

conscientiam latent. An hoc inducimus, ut ne demus beneficia sine teste? Quam deinde pœnam ingratam constituamus? vnâ omnibus, cum disparia beneficia sint? an inæqualem, & pro cuiusque beneficio maiorem, aut minorem? Age, intra pecuniam versabitur taxatio: quid quod quædam beneficia vitæ sunt, & maiora vita? His quæ pronuntiabitur pœna? minor beneficio? iniqua est. par & capitalis? quid inhumanius, quam cruentos esse beneficiorum exitus?

CAP. XI. Quædam, inquit, priuilegia parentibus data sunt. Quomodo horum extra ordinem habita ratio est, sic aliorum quôque beneficiorum haberi debet. Parentum conditionem sacraui-
mus, quia expediebat liberos tolli: sollicitandi ad hunc laborem erant, incertam adituri fortunam. Non poterat illis dici, quod beneficia dantibus dicitur: Cui des, elige. ipse tecum, si deceptus es, querere, dignum adiua. In liberis tollendis, nihil iudicio tollentium licet: tota res voti est. Itaque vt æquiore animo adirent eam, danda illis aliqua potestas fuit. Deinde alia conditio est parentum, qui beneficia, quibus dederunt, dant nihilominus daturi-
que sunt: nec est periculum, ne dedisse se illis mentiantur. In cæteris quæri debet, non tantum an receperint, sed an dederint. Horum in confesso merita sunt: & quia vtile est iuuentuti regi, imposui-
mus illi quasi domesticos magistratus, sub quorum custodia contineretur. Deinde omnium parentum vnum erat beneficium: itaque æstimari semel potuit, alia diuersa sunt, dissimilia, infinitis inter se intervallis distantia: itaque sub nullam regulam cadere potuerunt, cum æquius esset omnia relinquere, quam omnia æquari.

CAP. XII. Quædam magno dantibus constant:

tom. I.

Ee

quæ

quædam accipientibus magna sunt, sed gratuita tribuentibus: quædam amicis data sunt, quædam ignotis. Plus est, quamuis idem detur, si ei detur, quem nosse a tuo beneficio incipis. Hic auxilia tribuit, ille ornamenta, ille solatia. Inuenies, qui nihil putet esse iucundius, nihil maius, quam habere in quo calamitas acquiescat: inuenies rursus, qui dignitati suæ, quam securitati, consuli malit: est qui plus ei debere se iudicet, per quem tutior est, quam ei per quem honestior. Proinde ista maiora aut minora erunt, prout fuerit iudex, aut ad hæc, aut ad illa, inclinatus animo. Præterea creditorem mihi ipse eligo: beneficium sæpe ab eo accipio, a quo nolo, & aliquando ignorans obligor. Quid facies? ingratum vocabis eum, cui beneficium inscio, &, si sciuiisset, non accepturo, impositum est: non vocabis eum, qui utcumque acceptum non reddidit?

CAP. XIII. Aliquis dedit mihi beneficium, sed idem postea fecit iniuriam. Vtrum vno munere ad patientiam omnium iniuriarum adstringor: an perinde erit, ac si gratiam retulerim, quia beneficium suum ipse insequenti iniuria rescidit? Quomodo deinde aestimabis, vtrum plus sit quod accepit, an in quo læsus est? Dies me deficiet, omnes difficultates persequi tentantem. Tardiores, inquit, ad beneficia danda facimus, non vindicando data, nec inficiatores eorum afficiendo pœna. Sed illud quoque tibi e contrario occurrat. multo tardiores futurus ad accipienda beneficia, si periculum causæ dicendæ adituri erunt, & innocentiam sollicitiore habituri loco. Deinde, erimus per hoc ipsi quoque ad danda tardiores. nemo enim libenter dat inuitis: sed quicumque ad benefaciendum bonitate inuitatus est, & ipsa pulchritudine rei, etiam libentius dabit, nihil debituris nisi quod volent. Minuitur enim gloria eius officii, cui diligenter cautum est.

CAP.

CAP. XIV. Deinde, pauciora erunt beneficia, sed veriora. quid autem mali est, inhiberi beneficiorum temeritatem? Hoc enim ipsum secuti sunt, qui nullam legem huic constituerunt: ut circumspectius donaremus, circumspectius eligeremus eos, in quos merita conferrentur. Etiam atque etiam cui des, considera: nulla actio erit, nulla repetitio. Erras, si existimas succursurum tibi iudicem. Nulla lex te in integrum restituet: solam accipientis fidem specta. Hoc modo beneficia auctoritatem suam tenent, & magnifica sunt: pollues illa, si materiam litium feceris. Aequissima vox est, & ius gentium præ se ferens, Redde quod debes. Hæc turpissima est in beneficio, Redde. Quid reddet? Vitam, quam debet, dignitatem, securitatem, sanitatem? reddi maxima quæque non possunt. Aut pro his, inquit, aliquid quod tanti sit. Hoc est quod dicebam, interituram tantæ rei dignitatem, si beneficium mercem facimus. Non est irritandus animus ad avaritiam, ad querelas, ad discordiam: sua sponte in ista fertur. Quantum possumus, resistamus, & quærenti occasiones amputemus.

CAP. XV. Utinam quidem persuadere possemus, ut pecunias creditas tantum a volentibus acciperent! Utinam nulla stipulatio emptorem venditori obligaret! nec pacta conuentaque impressis signis custodirentur! fides potius illa servaret, & æquum colens animus! Sed necessaria optimis prætulerunt, & cogere fidem, quam spectare, malunt. Adhibentur ab utraque parte testes: ille per tabulas plurium nomina, 1) interpositis parariis, 2) facit: ille

1. *Plurium nomina*) Ego acceperim quasi efficit *plura nomina*: i. e. cum pluribus contrahit & nomina facit. Facit inquam nomina plurium, quos vel principales habet, vel sponsores. *Lips.*

2. *Parariis*) interuentoribus, proxenetis.

non est interrogatione 3) contentus, nisi reum 4) manu sua tenuit. O turpem humano generi fraudis ac nequitiae publicae confessionem! annulis nostris plus, quam animis creditur. In quid isti viri ornati adhibiti sunt? in quid imprimunt signa? nempe ne ille neget accepisse se quod accepit. Hos incorruptos viros, & vindices veritatis existimas? at his ipsis statim non aliter pecuniae committentur. Ita non honestius erat a quibusdam fidem falli, quam ab omnibus perfidiam timeri? Hoc vnum deest avaritiae, ut beneficia sine sponse non demus. Generosi animi & magnifici est, iuare & prodesse. qui dat beneficia, deos imitatur: qui repetit, feneratores. Quid illos, dum vindicamus, in turbam sordidissimam redigimus?

CAP. XVI. Plures, inquit, ingrati erunt, si nulla aduersus ingratum datur actio. Imo potius, pauciores: quia maiore delectu dabuntur beneficia. Deinde, non expedit notum omnibus fieri, quam multi ingrati sint, pudorem enim rei tollet multitudo peccantium: & desinet esse probri loco commune maledictum. Nunquid iam vlla repudio erubescit, postquam illustres quaedam ac nobiles feminae, non consulum numero, sed maritorum annos suos computant & exeant 1) matrimonii causa, nubunt repudii? 2) Tam diu istud timebatur, quam diu rarum erat. quia vero nulla sine diuortio acta 3) sunt, quod saepe au-

3. *Interrogatione*) stipulatione, quae voce & verbis solentibus fiebat.

4. *Reum*) nisi reum promittendi suo chirographo tenuit. *Salmas.*

1. *Exeunt*) a viro quem habent: ab vno coniugio noni causa. *Lips.*

2. *Nubunt repudii*) amare dictum: finis coniugii est iungi, hae habent solui. *Lips.*

3. *Acta*) nam in acta referebantur, ut rata & legitima fiat. *Lips.*

diebant, facere didicerunt. Nunquid iam vllus adulterii pudor est, postquam eo ventum est, vt nulla virum habeat, nisi vt adulterum irritet? argumentum est deformitatis, pudicitia. Quam inuenies tam miseram, tam sordidam, vt illi satis sit vnum adulterorum par? nisi singulis diuisit horas? & non sufficit dies omnibus? nisi apud alium gestata est, 4) apud alium mansit? Infrunita & antiqua est, quæ nesciat, matrimonium vocari, vnum 5) adulterium. Quemadmodum horum delictorum iam euauit pudor, postquam res latius euagata est: ita ingratos plures efficiēs, & audaciores, si numerare se cœperint.

CAP. XVII. Quid ergo? impunitus erit ingratus? Quid ergo? impunitus erit impius? quid malignus? quid auarus? quid impotens? quid crudelis? Impunita tu credis esse, quæ inuisa sunt? aut vllum supplicium grauius existimas publico odio? Pœna est, quod non audet ab vlllo beneficium accipere, quod non audet vlli dare, quod omnium designatur oculis, aut designari se iudicat: quod intellectum optimæ rei ac dulcissimæ amisit. An tu infelicem vocas, qui caret acie oculorum, cuius aures morbus obstruxit: non vocas miserum eum, qui sensum beneficiorum amisit? Testes ingratorum omnium deos meruit, vrit illum & angit intercepti beneficii conscientia: denique satis hæc ipsa pœna magna est, quod rei (vt dicebam) iucundissimæ fructum non percipit.

4. *Gestata est*) notum inter exercitationes corporis non vtilis modo sed & delicatas fuisse gestationem. Erantque certa loca amœnitate conspicua in quibus gestabantur, ipsa quoque *gestationes* dicta. Has qui maxime incundas haberent eo se deferri curabant, vt ibi gestarentur, nec patiebatur humanitas quenquam honestiorem nec inimicum excludi. Est ergo apud alium gestari alius gestatione vti, in alius vmbra vestari. Manere autem est pernoctare. *Grenov.*

5. *Vnum*) h. e. continuum.

At quem inuat accepisse, æquali perpetuaque voluptate fruitur; & animum eius a quo accepit, non rem intuens, gaudet. Gratum hominem semper beneficium delectat, ingratum semel. Comparari autem potest vtriusque vita. cum alter tristis sit & sollicitus, qualis esse infitiator, ac fraudulentus solet; apud quem non parentum qui debet, honor est, non educatoris, non præceptorum. alter latus, hilaris, occasionem referendæ gratiæ exspectans, & ex hoc ipso affectu gaudium grande percipiens; nec quærens quomodo decoquat, sed quemadmodum plenius vberiusque respondeat; non solum parentibus & amicis, sed humilibus quoque personis. Nam etiam si a seruo suo beneficium accepit, æstimat non a quo, sed quid acceperit.

CAP. XVIII. Quamquam quæritur a quibusdam, sicut ab Hecatonē, an beneficium dare seruus domino possit? Sunt enim qui ita distinguant, Quædam beneficia esse, quædam officia, quædam ministeria. Beneficium esse, quod alienus det: alienus est, qui potuit sine reprehensione cessare. Officium esse filii, vxoris, & earum personarum, quas necessitudo suscitatur, & ferre opem iubet. Ministerium esse serui, quem conditio sua eo loco posuit, ut nihil eorum quæ præstat, imputet superiori. * Præterea 1) seruos qui negat dare aliquando domino beneficium, ignarus est iuris humani, refert enim cuius animi sit, qui præstat, non cuius status. Nulli præclusa virtus est, omnibus patet, omnes admittit, omnes inuitat, ingenuos, libertinos, seruos, reges, & exsules. non eligit domum, nec censum; nudo homine contenta est. Quid enim e-

1. *Decoquat*) fidem non soluat, rem creditori minuat & absumat. *Lips.*

1. *Præterea*) deest pars prior qua disputatur, an seruus Domino beneficium dare possit. Iam Seneca id affirmat & post vnam alteramue rationem hanc etiam addit, quæ sequitur.

rat tuti aduersus repentina, quid animus magnum promitteret sibi, si certam virtutem fortuna mutaret? Si non dar beneficium seruus domino; nec regi quisquam suo, nec duci suo miles. Quid enim interest, quali quis teneatur imperio, si summo tenetur? Nam si seruo, quo minus in nomen meriti perueniat, necessitas obest, & patiendi vltima timor: idem istud obstat, & ei qui regem habet, & ei qui ducem: quoniam, sub dispari titulo, paria in illos licent. Atqui dant regibus suis, dant imperatoribus beneficia: ergo & dominis. Potest seruus iustus esse, potest fortis, potest magnanimus: ergo & beneficium dare potest. Nam & hoc virtutis est. adeoque dominis serui beneficia possunt dare, vt ipsos saepe beneficii sui 2) fecerint. Non est dubium, an seruus beneficium dare possit cuilibet: quare ergo non & domino suo possit?

CAP. XIX. Quia non potest, inquit, creditor domini sui fieri, si pecuniam illi dederit. Alioquin quotidie dominum suum obligat: peregrinantem sequitur, ægro ministrat, & labore summo colit. Omnia tamen ista, quæ alio præstante beneficia dicerentur, præstante seruo ministeria sunt. Beneficium enim id est, quod quis dedit, cum illi liceret & non dare: seruus autem non habet negandi potestatem: ita non præstat, sed paret, nec, id se fecisse, iactat, quod non facere non potuit. Etiam sub ista lege vincam, & eo perducam seruum, vt in multa liber sit. 1) Interim dic mihi, si tibi ostendero aliquem seruum pro salute domini sui, sine respectu sui dimicantem & confossum vulneribus, reliquias tamen sanguinis ab ipsis vitalibus fundentem, & vt ille effugiendi tempus habeat, moram sua morte quæ-

2. Beneficii sui) sic Sueton. in Tib. per quosdam beneficii sui centuriones. Lips.

1. Vt in multa liber sit) vt liber sit ad agendum in multis.

restitui: hunc tu negabis beneficium dedisse, quia seruus est? Si tibi ostendero aliquem, ut secreta domini prodant, nulla tyranni pollicitatione corruptum, nullis territum minis, nullis cruciatibus victum, avertisse quantum potuerit, suspiciones querentis, & impendisse spiritum fidei: hunc tu negabis beneficium domino dedisse, quia seruus est? Vide ne eo magis sit, quo rarius est exemplum virtutis in seruis: edque gratius, quod cum fere iniusta imperia sint, & omnis necessitas grauis, commune seruitutis odium, in aliquo domini caritas vicit. Ita non ideo beneficium non est, quia a seruo profectum est: sed ideo maius, quia deterrere ab illo nec seruitus quidem potuit.

CAP. XX. Errat, si quis existimat seruitutem in totum hominem descendere: pars melior eius excepta est. Corpora obnoxia sunt, & adscripta dominis: mens quidem sui iuris, quæ adeo libera & vaga est, ut ne ab hoc quidem carcere cui inclusa est, teneri queat, quo minus impetu suo utatur, & ingentia agat, & in infinitum comes cælestibus exeat. Corpus itaque est, quod domino fortuna tradidit. Hoc emit, hoc vendit: interior illa pars mancipio dari non potest. Ab hac quidquid venit, liberum est, non enim aut nos omnia iubere possumus, aut in omnia serui parere coguntur: contra rempublicam imperata non facient, nulli sceleri manus commo- dabunt.

CAP. XXI. Quædam sunt quæ leges nec iubent, nec vetant facere: in his seruus materiam beneficii habet. Quamdiu præstatur, quod a seruis exigere solet, ministerium est: ubi plus quam quod seruo necesse est, beneficium. Vbi in affectum amici transit, desinit vocari ministerium. Est aliquid, quod dominus præstare seruo debeat, ut cibaria, ut vestiarius: nemo hoc dixit beneficium. At indulgit, liberalius educa-
vit,

vit, artes quibus erudiuntur ingenui, tradidit: beneficium est. Idem, e contrario, fit in persona serui. Quidquid est quod seruilis officii formulam excedit, quod non ex imperio, sed ex voluntate præstatur, beneficium est: si modo tantum est, vt hoc vocari potuerit, quolibet alio præstante.

CAP. XXII. Seruus (vt placet Chrysippo) perpetuus mercenarius est. Quemadmodum illo beneficium dat, vbi plus præstat quam in quod operas locauit: sic seruus vbi benevolentia erga dominum fortunæ suæ modum transiit, & altius aliquid ausus, quod etiam felicius nato decori esset, & spem domini antecessit, beneficium est intra domum inuentum. An æquum tibi videtur, quibus, si minus debito faciant, irascimur: non haberi gratiam, si plus debito solitoque fecerint? Vis scire, quando non sit beneficium? vbi dici potest, Quid si nolle? 1) Vbi vero id præstitit, quod nolle licuit, voluisse laudandum est. Inter se contraria sunt, beneficium & iniuria. Potest dare beneficium domino, si a domino iniuriam accipere: atqui de iniuriis dominorum in seruos, qui audiat, 2) positus est, qui & sæuitiam & libidinem, & in præbendis ad victum necessariis auaritiam compescat. Quid ergo? Beneficium dominus a seruo accipit? imo homo ab homine. Denique quod in illius potestate fuit, fecit: beneficium domino dedit: ne a seruo acceperis, in tua potestate est. Quis autem tantus est, quem non fortuna indigere etiam infimis cogat? Multa iam beneficiorum exempla referam, & dissimilia, & quædam inter se contraria. Dedit aliquis domino suo vitam, dedit mortem, seruauit perituum: & hoc si parum

1. Quid si nolle?) herile & minax verbum, cui adhære & intelligi datur: cogam, malo doctus faciet. Lips.

2. Qui audiat) Præfectus vrbs, cuius erat displicere de abusu potestatis herilis. Lips.

est, pereundo seruauit. alius mortem domini adiunxit, alius decepit. 3)

CAP. XXIII. Claudius Quadrigarius in duodevicesimo annalium tradidit, cum obsideretur Grumentum, & iam ad summam desperationem ventum esset, duos seruos ad hostem transfugisse, & operæ pretium fecisse. Deinde vrbe capta, passim discurrente victore, illos per nota itinera ad domum in qua seruierant, præcucurrisse, & dominam suam ante se egisse: & quærentibus quænam esset, dominam, & quidem crudelissimam ad supplicium ab ipsis duci, professos esse. Eductam deinde extra muros, summa cura celasse, donec hostilis ira consideret. deinde, vt satius miles cito ad Romanos mores rediit: illos quoque ad suos redisse, & dominam sibi ipsos dedisse 1). Manumisit vtrumque euestigio illa: nec indignata est ab his se vitam accepisse, in quos vitæ necisque potestatem habuisset. Potuit sibi hoc vel magis gratulari. Aliter enim seruata, munus notæ & vulgaris clementiæ habuisset: sic seruata, nobilis fabula, & exemplum duarum urbium 2) fuit. In tanta confusione captæ ciuitatis, cum sibi quisque consuleret, omnes ab illa præter transfugas fugerunt. At hi, vt ostenderent quo animo facta esset prior illa transitio, a victoribus ad captiuam transfugerunt, personam parricidarum ferentes, quod in illo beneficio maximum fuit, tanti iudicauerunt, ne domina occideretur, videri dominam occidisse. Non est, mihi crede, non, dico, seruilis animi, egregium factum fama sceleris emisse.

3. Decepit) vt Domitii seruus inf. c. 24.

1. Et dominam sibi ipsos dedisse) h. e. in dominam conferuam familiam rediisse.

2. Duarum urbium) Romæ scilicet & Grument.

C. Vettius, prætor Marforum, ducebatur ad Romanum imperium 3). Servus eius gladium militi ipsi, a quo trahebatur, eduxit, & primum dominum occidit: deinde, Tempus est, inquit, me & mihi consulerè: iam dominum manumisi. atque ita se vno ictu transiecit. Da mihi quemquam, qui magnificentius dominum servarit.

CAP. XXIV. Corfinium Cæsar obsidebat: tenebatur inclusus Domitius. Imperavit medico eidemque seruo suo, ut sibi venenum daret. Cum tergiversantem videret: Quid cunctaris, inquit, tanquam tua in potestate totum istud sit? mortem rogo armatus. Tum ille promisit, & medicamentum innoxium bibendum illi dedit: quo cum sopitus esset, accessit ad filium eius: Iube me, inquit, adservari, dum ex euentu intelligas, an venenum patri tuo dederim. Vixit Domitius, & servatus a Cæsare est: prior tamen illum servus servauerat.

CAP. XXV. Bello civili, proscriptum dominum servus abscondit: & cum anulos eius sibi aptasset, ac vestem induisset, speculatoribus occurrit: nihil se deprecari, quo minus imperata peragerent, dixit: & deinde cervicem porrexit. Quanti viri est, pro domino eo tempore mori velle, quo erat rara fides dominum mori nolle? in publica crudelitate mitem inveniri, in publica perfidia fidelem? cum præmia proditiōis ingentia ostendantur, præmium fidei, mortem concupiscere?

CAP. XXVI. Nostri sæculi exempla non præteribo. Sub Tiberio Cæsare fuit accusandi frequens & pæne publica rabies, quæ omni civili bello gravius rogatam ciuitatem confecit. Excipiebatur ebriorum

3. *Ducebatur ad Romanum imperium*) ducebatur scilicet ad mortem, ducebatur autem ad Romanum imperium h. e. iussu magistratus Romani.

sermo, simplicitas iocantium. nihil erat tutum: omnis sauiendi placebat occasio. Nec iam reorum expectabatur euentus, cum esset vnus 1). Cœnabat Paulus prætorius in conuiuio quodam, imaginem Tiberii Cæsaris habens, eſtſypa, 2) & eminente gemma. Rem ineptissimam fecero, si nunc verba quæſiero, quemadmodum dicam illum matellam sumplisse. Quod factum, simul & Maro, ex notis illius temporis vestigatoribus, notauit. At seruus eius cui neſtebantur insidiæ, ei ebrio annulum extraxit. & cum Maro coniuuas testaretur, admotam esse imaginem obscœnis, & iam subscriptionem 3) componeret: ostendit in manu sua seruus annulum. Si quis hunc seruum vocat, & illum 4) coniuuam vocabit.

CAP. XXVII. Sub diuo Augusto nondum hominibus verba sua periculosa erant, iam molesta. Rufus, vir ordinis senatorii, inter cœnam optauerat ne Cæsar saluus rediret ex ea peregrinatione quam parabat: & adiecerat, Idem omnes & tauros & vitulos 1) optare. Fuerunt qui illa diligenter audirent. Vt primum diluxit, seruus qui cœnanti ad pedes steterat, narrat quæ inter cœnam ebrius dixisset. hortatur, vt Cæsarem occupet, atque ipse se deferat. Vfus consilio, descendenti Cæsari occurrit. & cum malam mentem 2) habuisse se pridie iurasset, id vt in se & fi-

1. Vnus) exitialis omnibus. & accusari damnari erat. Lips.

2. Eſtſypa) expressa & effigiata. Lips.

3. Subscriptionem) accusationem.

4. Et illum) Maronem, indignum eo nomine, qui credes & accusationes ibi machinabatur. Lips.

1. Et tauros & vitulos) iocose. Quia illis periculum ab immolatione, si saluus ille redisset. ob sacrificiorum pro felici reditu multitudinem.

2. Malam mentem) solennia verba in satisfactione. Tibullus: & se iurabis mente fuisse mala. Lips.

lios suos recideret, optavit & Cæsarem, ut ignosceret sibi rediretque in gratiam secum, rogavit. Cum dixisset se Cæsar facere: Nemo, inquit, crederet te tecum in gratiam redisse, nisi aliquid mihi donaveris, petitque non fastidiendam a propitio summam: & impetrauit. Cæsar ait: Mea causa 3) dabo operam ne unquam tibi irascar. Honestè Cæsar, quod ignovit, quod liberalitatem clementiæ adiecit. Quicumque hoc audierit exemplum, necesse est Cæsarem laudet, sed cum servum ante laudaverit. Num exspectas, ut tibi narrem manumissum, qui hoc fecerat? nectamen gratis. pecuniam pro libertate eius Cæsar numeraverat.

CAP. XXVII. Post tot exempla num est dubium, quin beneficium aliquando a servo dominus accipiat? Quare potius persona rem minuât, quam personam res ipsa cõhonestet? Eadem omnibus principia, eademque origo. nemo altero nobilior, nisi cui rectius ingenium, & artibus bonis aptius. Qui imagines in atrio exponunt, & nomina familiæ suæ longo ordine, ac multis stemmatum illigata flexeris, in parte prima ædium collocant: noti magis, quam nobiles sunt. Vnus omnium parens mundus est: siue per splendidos, siue per sordidos gradus, ad hunc prima cuiusque origo perducitur: Non est, quod te isti decipiant: qui cum maiores suos recensent, ubicumque illustre nomen defecit, illo deum insulciunt. Neminem despexeris, etiamsi circa illum obsoleta sunt nomina, & parum indulgente adiuta fortuna. Siue libertini ante vos habentur, siue servi, siue exterarum gentium homines: erigite audacter animos, & quidquid in medio sordidi iacet, transilite expectat

3. Mea causa) facete. Nam ego luere debeo tuam vicem.
Qui laudant mulctari solent, ego qui laedor.

non inquit vos

vos in summo 1) magna nobilitas Quid superbia in tantam vanitatem attollimur, ut beneficia a seruis indignemur accipere, & sortem eorum spectemus, obliuimur meritorum? Seruum tu quemquam vocas, libidinis & gulæ seruus, & adulteræ, imo adulterarum commune mancipium? Seruum vocas quemnuam tu? Quo tandem ab istis gerulis raperis, cubile istud tuum circumferentibus? quo te penulati 2) isti in militem & quidem non vulgarem cultum subornati? quo inquam, te isti efferunt? ad ostium alicuius ostiarii, 3) ad hortos alicuius ne ordinarium quidem habentis officium. 4) Et deinde negas tibi beneficium a seruo tuo posse dari, cui osculum alieni serui beneficium est. Quæ est tanta animi discordia? eodem tempore seruos despicias, & colis. Imperiosus intra limen atque impotens, humilis foris: & tam contemptus, quam contemnens. Neque enim vlli magis abiiciunt animos, quam qui improbe tollunt: nullique ad calcandos alios paratiores, quam qui contumelias facere, accipiendo didicerunt.

CAP. XXIX Dicenda hæc fuerunt, ad contundendam insolentiam hominum ex fortuna pendentium, vindicandumque ius beneficii dandi a seruis, ut a filiis quoque vindicaretur. Quæritur enim, an aliquando liberi maiora beneficia dare parentibus suis possint, quam acceperint? Illud conceditur, multos filios maiores potentioresque exstitisse, quam parentes suos: æque & illud, meliores fuisse.

1. In summo) in prima origine.

2. Penulati) loquitur de lecticariis, quos ait militariter cultos, quia penula vestis etiam militaris. *Lips.*

3. Ostiarii) vilissimi serui, sed cui ob potentem dominum vel placentem dominam adularis. *Lips.*

4. Ne ordinarium quidem habentis officium) iterum de seruo & quidem villi: qui vicarius alterius esset. Nam ordinarii primi serui.

Quod si constat, potest fieri, ut meliora tribuerint: cum & fortuna illis maior esset, & melior voluntas. Quidquid, inquit, est, quod dat patrii filius, utique minus est: quia hanc ipsam dandi facultatem patri debet. Ita nunquam beneficio eius vincitur, cuius beneficium est ipsum, quod vincitur. Primum, quædam initium ab aliis trahunt, & tamen initiis suis maiora sunt. nec ideo aliquid non est maius eo a quo cæpit: quia non potuisset in tantum procedere, nisi cæpisset. Nulla non res principia sua magno gradu transit. Semina, omnium rerum causa sunt: & tamen minimæ partes sunt eorum quæ gignunt. Adspice Rhenum, adspice Euphratem, omnes denique inclytos amnes: quid sunt, si illos illic unde effluunt, æstimes? Quidquid est quo timentur. quo nominantur, in processu parauerunt. Tolle radicem, nemora non surgent; nec tanti montes vestientur. Adspice trabes, siue proceritatem æstimes, altissimas, siue crassitudinem spatiumque ramorum, latissime fufas: quantulum est his comparatum illud, quod radix tenui fibra completitur? Innituntur fundamentis suis templa, & illa urbis mœnia: tamen quæ in firmamentum totius operis iacta sunt, latent. Idem in ceteris euenit: principia sua semper sequens magnitudo obruit. Non potuissem quidquam consequi, nisi parentum beneficium antecessisset: sed non ideo quidquid consecutus sum, minus est eo, sine quo consecutus non essem. Nisi me nutrix aluisset infantem, nihil eorum quæ consilio ac manu gero facere potuissem, nec in hanc emergere nominis claritatem, quam ciuili ac militari industria merui. nunquid tamen ideo maximis operibus præferes nutricis officium? At quid interest, cum æque sine patris beneficio, quam sine nutricis, non potuerim ad vltiora procedere?

CAP. XXX. Quod si initio meo, quidquid iam possum, debeo: cogita non esse initium mei patrem, ne auum quidem. Semper enim erit ulterius aliquid, ex quo originis proximæ origo descendat. Atqui nemo dicet me plus debere ignotis, & ultra memoriam positis maioribus, quam patri: plus autem debeo, si hoc ipsum quod genuit me pater meus, maioribus debet. Quidquid præstiti patri, etiamsi magnum est, infra æstimationem paterni muneris est: quia non essem, si non genuisset. Isto modo, etiamsi quis patrem meum ægrum ac moriturum sanauerit, nihil præstare ei potero, quod non beneficio eius minus sit. non enim genuisset me pater, ni sanatus esset. Sed vide, ne illud verius sit æstimari, an id quod potui, & id quod feci, meum sit, inearum virium, meæ voluntatis. Illud quod natus sum, per se intueri quale sit: animaduertes exiguum & incertum, & boni malique communem materiam. sine dubio primum ad omnia gradum: sed non ideo maiorem omnibus, quia primum. Seruaui patrem, & ad summam pro-
vexi dignitatem, & principem urbis suæ feci: nec tantum rebus a me gestis nobilitaui, sed ipsi quoque gerendarum ingentem ac facilem, nec tutam minus, quam gloriosam dedi materiam. Honores, opes, quidquid humanos ad se animos rapit, congeffi: & cum supra omnes stare, infra illum steti. Dic nunc, Hoc ipsum, quod ista potuisti, patris munus est. Respondebo tibi, Est prorsus, si ad ista facienda nasci satis est. sed si ad bene viuendum minima portio est viuere, & id tribuisti, quod cum feris mihi & animalibus quibusdam minimis, quibusdam etiam fœdissimis commune est; noli tibi asserere, quod non ex tuis beneficiis, etiamsi non sine tuis oritur. Puta me vitam pro vita reddidisse. Sic quoque munus tuum vici, cum ego dederim sentienti, cum sentiens me dare:

dare: cum vitam tibi non voluptatis meæ causa, aut certe per voluptatem dederim: cum tanto maius sit retinere spiritum, quam accipere, quanto leuius mori 1) ante mortis metum.

CAP. XXXI. Ego vitam dedi statim illa vsuro: tu nescituro, an viueret, ego vitam dedi, mortem timentis: tu vitam dedisti, vt mori possem ego vitam tibi dedi consummatam, perfectam: tu me expertem rationis genuisti, onus alienum. 1) Vis scire, quam non sit magnum beneficium, vitam sic dare? exposuisses; nempe inituria erat genuisse. Quo quidem colligo minimum esse beneficium, patris matrisque concubitum, nisi accesserint alia, quæ prosequerentur hoc initium muneris, & aliis officiis ratum facerent. Non est bonum viuere, sed bene viuere. At bene viuo: sed potui & male. ita hoc tantum est tuum, quod viuo. Si vitam imputas mihi per se, nudam, egentem consilii, & id vt magnum bonum iactas: cogita te mihi imputare muscarum ac vermium bonum. Deinde, vt nihil aliud dicam, quam bonis artibus me studuisse, vt cursum ad rectum iter vitæ dirigerem: in ipso beneficio tuo, maius quam quod dederas, recepisti. Tu enim me mihi rudem & imperitum dedisti: ego tibi filium, qualem genuisse gauderes.

CAP. XXXII. Aluit me pater. si idem præsto, plus reddo: quia non tantum ali se, sed a filio ali gaudet, & maiorem ex animo meo, quam ex ipsa re, percipit voluptatem. Illius alimenta ad corpus tantum meum peruenerunt. Quid si quis in tantum processit, vt aut eloquentia per gentes enotesceret, aut

1. *Mori*) Sicut leuius est mori, priusquam timeas mori, nempe in infantia: Sic maius æstimandum retinere aliquem in vita, cuius sensum iam habet, quam dare eam non sentienti, *Lips.*

1. *Onus alienum*) scilicet matris, quæ in vtero gestaret, aleret.

iustitia, aut bellicis rebus, & patri quoque ingentem circumfunderet, famam, tenebrasque natalium suorum clara luce discuteret. non inæstimabile in parentes suos beneficium contulit? An quisquam Aristonem & Gryllum, nisi propter Xenophontem ac Platonem filios, nosset? Sophroniscum Socrates exspirare non patitur. Ceteros enumerare longum est, qui viuunt ob nullam causam aliam, quam quod illos liberorum eximia virtus tradidit posteris. Vtrum maius beneficium dedit M. Agrippæ pater, ne post Agrippam quidem notus: an patri dedit Agrippa, nauali corona insignis, vnicum ¹⁾ adeptus inter dona militaria decus? qui tot in vrbe maxima opera excitauit, quæ & priorem magnificentiam vincerent, & nulla postea vincerentur? Vtrum Octavius maius vllum beneficium dedit filio, an patri diuus Augustus, quamuis illum vmbra adoptiui patris abscondit? Quantam cepisset voluptatem, si illum, post debellata arma ciuilia, vidisset securæ paci præsidem, non agnoscens bonum suum, nec satis credens, quoties respexisset ad se, potuisse illum virum in domo sua nasci? Quid nunc ceteros persequar, quos iam consumpsisset obliuio, nisi illos filiorum gloria e tenebris eruisset, & adhuc in luce retineret? Deinde non quærimus, num quis filius patri maiora beneficia reddiderit, quam a patre acceperat: sed an possit aliquis maiora reddere. Etiam si quæ retuli exempla, nondum satisfaciunt, nec beneficia parentum suorum supermiciant: capit tamen hoc natura, quod nondum vlla ætas tulit. Si singula paternorum meritorum magnitudinem exuperare non possunt, plura in vnum congesta superabunt.

1. *Vnicum*) h. e. rarissimum, vtpote quod solus præter Agrippam M. Varro accepit. Plin. H. N. XVI. 4.

CAP. XXXIII. Seruauit in prælio patrem Scipio, & prætextatus in hostes equum concitauit: parum est, quod ut perueniret ad patrem, tot pericula maximos duces cum maxime prementia contempsit, tot oppositas difficultates: quod ad primam pugnam exiturus tiro per veteranorum corpora cucurrit; quod annos suos transfiliuit. Adice, ut idem patrem reum defendat, & conspirationi inimicorum potentium eripiat: ut alterum illi consulatum, ac tertium, aliosque honores etiam consularibus concupiscendos congerat, ut pauperi raptas belli iure opes tradat; & quod est militaribus viris speciosissimum, diuitem illum spoliis etiam hostilibus faciat. Si adhuc parum est, adice ut prouincias & extraordinaria imperia continuet: adice ut dirutis maximis urbibus, Romani imperii sine æmulo ad ortus occasusque venturi defensor & conditor, maiorem nobilitatem nobili viro adiciat. Dic Scipionis patrem: dubium est, quin generandi vulgare beneficium vicerit eximia pietas & virtus, ipsi urbi nescio vtrum maius præsidium afferens, an decus?

CAP. XXXIV. Deinde, si hoc parum est, finge aliquem tormenta patris discussisse, finge in se transfuisse. Licet tibi in quantum velis extendere beneficia filii, cum paternum munus & simplex sit, & facile. Sed danti voluntarium. 1) Quid necesse est?

1. Sed danti voluntarium) omnia plana, si sequamur Gronoum, hæc & sequentia ita restituuntur. Sed & danti voluntarium, quod necesse est, ille multis dederit etiam quibus dedisse se nescit, in quo consortem habet, &c. Nihil impedit, inquit, quo minus in immensum exaggeres beneficia, quæ a filio accipere potest pater. Cum interim paternum illud sit vnum, vulgare & obuium; præterea lusus & iocus danti, tum eiusmodi quod necessario (quous enim quisque in vxore primum virum se experitur?) multis dederit, quos non agnoscit, & qui non solus dedit sed partem in eo consorti vindicat. Hæc Gronov.

ille multis dederit, etiam quibus dedisse se nescit. In quo consortem habet, in quo spectavit legem patriam, 2) præmia patrum, 3) domus ac familiæ perpetuitatem, omnia potius quam eum cui dabat: Quid si quis sapientiam consecutus, hanc patri tradiderit, etiam nunc disputabimus, an maius aliquid dederit, quam acceperat: cum vitam beatam patri reddiderit, acceperit tantum vitam? Sed patris, inquit, beneficium est, quidquid facis, quidquid præstare illi potes. Et præceptoris mei, quod institutis liberalibus profeci. Ipsos tamen, qui tradiderunt illa, transcendimus: utique eos, qui prima elementa docuerunt. Et quamvis sine illis nemo quidquam assequi posset, non tamen quantumcumque qui assecutus est, infra illos est. multum, inter prima, ac maxima interest. nec ideo prima maximorum instar sunt, quia sine primis maxima esse non possunt.

CAP. XXXV. Iam tempus est quædam ex nostra (ut ita dicam) moneta) proferri. Qui id beneficium dedit, quo est aliud melius potest vinci: pater dedit filio vitam, est autem aliquid vita melius: ita pater vinci potest, quia dedit beneficium, quo est aliquid melius. Etiamnum, qui dedit alicui vitam, si semel & iterum liberatus est mortis periculo, maius accepit beneficium, quam dedit: pater autem vitam dedit: potest ergo, si sæpius periculo mortis liberatus a filio fuerit, maius beneficium accipere, quam dedit. Qui beneficium accepit, maius accepit, quo magis eo indiget; magis autem indiget vita qui vivit, quam qui natus non est, ut qui ne indigere quidem omnino possit: maius ergo benefi-

2. *Legem patriam*) de quo ut cogitaret non commodo accepturi, sed poenis cælibum lege irrogatis inductus est. *Gronov.*

3. *Præmia patrum*) quale ius trium liberorum.

1. *Ex nostra moneta*) hæctenus enim dicta ex Stoicorum libris sumpta.

um accipit pater, si vitam a filio accipit, quam filius a patre, quod natus est. Patris beneficia vinci a filii beneficiis non possunt. quare? quia vitam accepit a patre: quam nisi accepisset, nulla dare beneficia potuisset. Hoc commune est patri cum omnibus, qui vitam dederunt alicui non potuissent enim referre gratiam, nisi vitam accepissent. Ergo nec medico in maius gratia referri potest. solet enim & medicus vitam dare: nec natæ, si naufragum sustulit. Atqui & horum & aliorum, qui aliquo modo nobis vitam dederunt, beneficia vinci possunt: ergo & patrum possunt. Si quis mihi beneficium dedit, quod multorum beneficiis adiuuandum esset, ego autem beneficium illi dedi, quod nullius adiutorio egeret, maius dedi quam accipi: pater filio vitam dedit perituram, nisi multa accessissent, quæ illam tuerentur: filius patri si dedit vitam, dedit eam, quæ nullius desideraret auxilium, in hoc, ut permaneret: ergo maius beneficium accepit a filio pater, qui vitam accepit, quam ipse illi dederat.

CAP. XXXVI. Hæc non destruunt parentum venerationem, nec deteriores illis liberos faciunt, imo etiam meliores. natura enim gloriosa est virtus, & ante ire priores cupit. alacrior erit pietas, si ad reddenda beneficia cum vincendi spe venerit. Id si patribus idem volentibus 1) lætisque contigerit (quoniam pleraque sunt, in quibus nostro bono vincimur) vnde certamen tam optabile, vnde tantam felicitatem parentibus, ut fateantur se ipsos filiorum beneficiis impares? Nisi hoc ita iudicamus, excusationem damus liberis: & illos segniores ad referendam gratiam fa-

1. Id si patribus idem volentibus) legit Gronov: *Ipsis patribus id volentibus.* optimo sensu: ipsi, inquit, parentes maxime fuerint gauisi cum hac benefaciendo vicendi voluntate ad se venire liberos.

cimus, quibus stimulos adicere debemus, & dicere, Hoc agite optimi iuvenes. posita est inter parentes ac liberos honesta contentio, dederint maiora, an receperint. Non ideo vicerunt, quia occupauerunt, sumite modo animum, qualem decet, & deficere nolite, vincetis optantes. 2) Nec desunt tam pulchro certamini duces, qui ad similia vos cohortentur, ac per vestigia sua ire ad victoriam, sæpe iam partem ex parentibus, iubeant.

CAP. XXXVII. Vicit Æneas patrem, ipse eius in infantia leue tutumque gestamen, grauem senio, per media hostium agmina, & per cadentis circa se vrbis ruinas ferens, cum complexus sacra ac penates deos religiosus senex non simplici vadentem sarcina premeret; tulit illum per ignes, & (quid non pietas potest?) pertulit, colendumque inter conditores Romani imperii posuit. Vicere Siculi iuvenes, cum Ætna maiore vi peragitata, in vrbos, in agros, in magnam insulæ partem effudisset incendium, vexerunt parentes suos. Discessisse creditum est ignes, & ytrunque flamma recedente limitem adaperitum, per quem transcurrerent iuvenes dignissimi qui magna tuto auderent, Vicit Antigonus: qui cum ingenti prælio superasset hostem, præmium belli ad patrem transtulit, & imperium illi Cypri tradidit. Hoc est regnum, nulla regnare, cum possis. Vicit patrem, imperiosum quidem, T. Manlius: qui cum ad tempus relegatus esset a patre, ob adolescentiam brutam ac hebetem, ad tribunum plebis, qui patri suo dixerat diem, venit: petitoque tempore, quod ille dederat sperans fore proditorem parentis inuisi (& bene meruisse se de iuvene credebat, cuius exsilium pro grauissimo

• 1. Vincetis optantes) legit ex MSS. & distinguit Gronovius ut vincatis, optantes. Hoc sensu destituere & deficere nolite parentes qui ipsi optant ut vincatis.

crimine inter alia Manlio obiiciebat) nactus adolescens secretum, stringit occultatum sinu ferrum, & Nisi iuras, inquit, te diem patri remissum, hoc te gladio transfodiam. In tua potestate est, vtro modo pater meus accusatorem non habeat. Iuravit tribunus: nec fefellit, & causam actionis remissæ concioni reddidit. Nulli alii licuit impune tribunum in ordinem redigere.

CAP. XXXVIII. Alia ex aliis exempla subeunt eorum, qui parentes suos periculis eripuerunt, qui ex infimo ad summum protulerunt, & e plebe acervoque ignobili nunquam tacendos sæculis dederunt. Nulla vi verborum, nulla ingenii facultate exprimi potest, quantum opus sit, quam laudabile, quamque nunquam a memoria hominum exiturum, posse hoc dicere: Parentibus meris parui, cessi: imperio eorum, siue æquum, siue iniquum ac durum fuit, obsequentem submissumque me præbui: ad hoc vnum contumax fui, ne beneficiis vincerer. Certate obsecro vos, & fusi quoque restituite aciem. Felices, qui vicerint: felices, qui vincentur. Quid eo adolescente præclarius, qui sibi ipsi dicere poterit: (neque enim fas est alteri dicere) Patrem meum beneficiis vici? Quid eo fortunatius sene, qui omnibus vbique prædicabit, a filio suo se beneficiis victum? Quid autem est felicius, quam ibi cedere?



LIBER QVARTVS.

Argumentum & Ordo.

Arguta fere tractat, sed vtilibus (vt semper) mixtis. Querit, an Beneficium & Gratia per se expetenda? asserit, contra Epicureos, qui omnia fructu metiebantur. Inter alia hoc argumento, quod etiam dii dent Beneficia; quod ipsum contra illos negantes vbertim docet. Obiectiones deinde remouet, quæ vtilitatem versari in Beneficiis docere videantur. Tum ad Gratiâ venit, & ostendit eam quoque referendam solius Honesti, non Vtilis, adpectu. Tum querit, An, quem scias ingratum futurum, beneficium sit dandum? distinguit, & partim ait, partim negat.

CAPVT I.

EX omnibus quæ tractauimus, Æbuci Liberalis, potest videri nihil tam necessarium, aut magis (vt ait Salustius) cum cura dicendum, quam quod in manibus est: An beneficium dare, & inuicem gratiam referre, per se res expetendæ sint? Inueniuntur qui honesta in mercedem colant, quibusque non placeat virtus gratuita: quæ nihil habet in se magnificum, si quidquam vxnale. Quid enim est turpius, quam aliquem computare quanti vir bonus sit: cum virtus nec lucro inuitet, nec absterreat damno, adeoque neminem spe ac pollicitatione corrumpat, vt contra in se impendere iubeat, ac sæpius in vltro-tributis sit? 1)

1. In vltro-tributis sit) Sunt impendia in publica opera & locationes, vt ea facta testa redemptores tali pretio habeant. Hoc quia non capitur, vt in tributis, sed ipsa Resp: mancipi- bus vltro dat factum vt vltro-tributa dicerentur. Sententia igitur ex allusione: Virtus adeo lucrum & tributa non accipit, vt sæpius erodet, & sit quasi inter vltro-tributa.

Cal;

Calcatis utilitatibus ad illam eundem est, quocunque vocavit, quocunque misit, sine respectu rei familiaris: interdum etiam, sine ulla sanguinis sui parsimonia vadendum, nec unquam imperium eius detestandum. Quid consequar, inquit, si hoc grate fecero? quod feceris. Nihil tibi extra promittitur: si quid forte obuenerit commodi, inter accessiones numerabis. Rerum honestarum pretium, in ipsis est. Si honestum per se expetendum est, beneficium autem honestum est, non potest alia eius conditio esse, cum eadem natura sit. Per se autem expetendum esse honestum, saepe & abunde probatum est.

CAP. II. In hac parte nobis pugna est cum Epicureorum delicata & umbratica turba, in convivio suo philosophantium: apud quos virtus voluptatum ministra est. Illis paret, illis deseruit, illas supra se videt. Non est, inquit, voluptas sine virtute. Sed quare ante virtutem est? De ordine putas disputationem esse? de re tota, & de potestate eius ambigitur. non est virtus, si sequi potest. Primæ partes eius sunt: ducere debet, imperare, summo loco stare: tu illam iubes signum petere. 1) Quid, inquit, tua refert? & ego, sine virtute, nego beatam vitam posse constare. Ipsam voluptatem, quam sequor, cui me mancipavi, remota illa, improbo & damno. de hoc uno disputatur, utrum virtus summi boni causa sit, an ipsa summum bonum. Ut hoc unum queratur, ordinis tantum existimas mutationem? ista vero confusio est & manifesta cæcitas, primis postrema præferre. Non indignor, quod post voluptatem ponitur virtus, sed quod omnino cum voluptate confertur. Contemptrix eius & hostis est, & longissime ab illa resiliens, labori

1. *Signum petere*) a militia, in qua tribuni minoresque duces a summo imperatore signum, h. e. excubiarum tesseram petunt. Lips.

ac dolori familiarior, virilibus incommodis, quam isti effeminato bono.

CAP. III. Inferenda hæc, mi Liberalis, fuerunt, quia beneficium (de quo nunc agitur) dare, virtutis est, & turpissimum id causa vilius alterius rei dare, quam ut datum sit. Nam si recipiendi spe tribuere-mus, locupletissimo cuique, non dignissimo, dare-mus: nunc vero diuiti importuno 1) pauperem præfe-rimus, non est beneficium quod fortunam spectat. Præterea, si ut prodessemus, sola nos inuitaret utilitas; minime beneficia distribuere deberent, qui facillime possent, locupletes, & potentes, & reges, aliena ope non indigentes. Dii vero tot munera, quæ sine in-termissione diebus ac noctibus fundunt, non darent, in omnia enim illis natura sua sufficit, plenosque & tutos, & inuiolabiles præstat. Nulli ergo beneficium dabunt, si vna dandi causa est, se intueri, ac com-modum suum. Istud non beneficium, sed sænus est; circumspicere, non ubi optime ponas, sed ubi quæstuosissime habeas, unde facillime tollas. Quod cum longe a diis remotum sit, sequitur ut liberales sint. nam si vna beneficii dandi causa sit dantis utili-tas, nulla autem ex nobis utilitas deo speranda est, nulla deo dandi beneficii causa est.

CAP. IV. Scio quid hoc loco respondeatur. Ita-que non dat Deus beneficia, sed securus & negligens nostri, auersus a mundo, aliud agit, aut (quæ maxi-ma Epicuro felicitas videtur) nihil agit, nec magis illum beneficia, quam iniuriæ tangunt. Hoc qui di-cit, 1) non exaudit precantium voces, & vndique sublatis in cælum manibus vota facientium, priuata ac publica. Quod profecto non fieret, nec in hunc

1. *Importuno*) h. e. improbo, superbo, intolerabili.

2. *Hoc qui dicit*) lege: *Hoc dicit*, sunt Senecæ verba men-tem Epicuri explicaturi.

furorē omnes mortales consensissent, alloquendi surda numina, & inefficaces deos; nisi nossent illorum beneficia nunc ultro oblata, nunc orantibus data; magna, tempestiva, ingentes minas interuentu suo soluentia. Quis est autem tam miser, tam neglectus, quis tam duro fato, & in pœnam genitus, ut non tantam deorum munificentiam senserit? Ipsos illos complorantes sortem suam, & querulos circumspice. inuenies non ex toto beneficiorum cœlestium expertes: neminem esse, ad quem non aliquid ex illo benignissimo fonte manauerit. Parum est autem id, quod nascentibus ex æquo distribuitur? Ut quæ sequuntur, inæquali dispensata mensura; transcamus, parum dedit natura, cum se dedit?

CAP. V. Non dat Deus beneficia. Vnde ergo ista quæ possides? quæ das? quæ negas? quæ seruas? quæ rapis? vnde hæc innumerabilia, oculos, aureis, animum mulcentia? vnde illa luxuriam quoque instruens copia? Neque enim necessitatibus tantummodo nostris prouisum est: vsque in delicias amamur. Tot arbuta, non vno modo frugifera, tot herbæ salutare, tot varietates ciborum, per totum annum digestæ, ut inerti quoque fortuita terræ alimenta præberent. Iam animalia omnis generis, alia in sicco solidoque, alia in humido innascentia, alia per sublime dimissa: ut omnis rerum naturæ pars tributum aliquod nobis conferret. Flumina hæc amœnissimis flexibus campos cingentia, illa præbitura commerciis viam, vasto & nauigabili cursu vadentia: ex quibus quædam statis diebus mirabile incrementum trahunt, ut arida & feruenti subiecta cælo loca subita vis æstiuæ torrentis irriget. Quid medicatorum torrentium venæ? quid in ipsis littoribus aquarum calentium exundatio?

- - - *Te Lari 1) maxime, teque
Fluſſibus, & fremitu aſurgens Benace marino.*

CAP. VI. Si pauca quis tibi donaffet iugera, accepiffte te diceres beneficium; immenſa terrarum late patentium ſpatia negas eſſe beneficium? Si pecuniam tibi aliquis donauerit, & arcam tuam (quoniam id tibi magnum videtur) impleuerit, beneficium vocabis: tot metalla defodit, tot flumina emiſit in aera, 1) ſuper quæ decurrunt ſola aurum vehentia, 2) argenti, æris, ferri immane pondus omnibus locis obrutum, cuius inueſtigandi tibi facultatem dedit, ac latentium diuitiarum in ſumma terra ſigna diſpoſuit: negas te accepiffte beneficium? Si domus tibi donetur, in qua marmoris aliquid reſplendeat, & tectum nitidius, auro aut coloribus ſparſum, non mediocre munus vocabis: ingens tibi domicilium, ſine vlllo incendii aut ruinae metu ſtruxit, in quo vides non tenues cruſtas, 3) & ipſa qua ſecantur lamina 4) graciliores, ſed integras lapidis pretioſiſſimi moles, ſed totas variæ diſtinctæque materiæ, cuius tu paruula fruſta miraris, tectum vero aliter nocte, aliter interdiu fulgens: negas te vllum munus accepiffte? Et cum iſta quæ habes magno æſtumes, quod eſt ingrati hominis, nulli debere te iudicas? Vnde tibi iſtum quem trahis ſpiritum? vnde iſtam, per quam actus vitæ tuæ diſponis, atque ordi-

1. *Te Lari*) hæc non cohærent. Et omnino aliquid deeſt, ac poſt flumina de lacubus cum dixiſſet, hæc Virgiliana deinde inferuit. *Lipſ.*

2. *In æra*) *Lipſ.* legi vult *arena*. Nil muto cum antea metalla *deſoſſa* memoraffet, iam iis opponit flumina & aurum in iis libero aere decurrentia.

3. *Super quæ decurrunt ſola aurum vehentia*) ſenſus & conſtructio eſt; vehentia adrum ſola quæ irrigant & ſuper quæ decurrunt.

4. *Cruſtas*) quibus parietes ornabantur.

5. *Lamina*) terra qua ſecantur, *Lipſ.*

nas, lucem? unde sanguinem, cuius cursu vitalis continetur calor? unde ista palatum tuum saporibus exquisitis ultra satietatem laceffentia? unde hæc irritamenta iam lassæ voluptatis? unde ista quies, in qua putrescis, ac marces? Nonne si gratus es, dices,

..... Deus nobis hæc otia fecit:

Namque erit ille mihi semper Deus, illius aram

Sæpe tener nostris ab ovilibus imbuet agnus.

Ille meas errare boues, ut cernis, & ipsum

Ludere qua vellem, calamo permisit agresti.

Ille Deus est, non qui paucas boues, sed qui per totum orbem armenta dimisit, qui gregibus vbique passim vagantibus pabulam præstat, qui pascua hibernis æstiva substituit, qui non calamo tantum cantare, & agreste atque inconditum carmen ad aliquam tamen observationem modulari docuit, sed tot artes, tot vocum varietates, tot sonos, alios spiritu nostro, alios externo, cantus edituros, commentus est. Neque enim nostra ista, quæ inuenimus, dixeris: non magis, quam quod creseimus, quam quod ad constitutum temporum suæ corpori officia respondent. Nunc puerilium dentium lapsus, nunc ad 1) surgentem iam ætatem, & in robustiorem gradum transeuntem, pubertas, & ultimus ille dens vrgenti iuuentæ terminum ponens. Insita sunt nobis omnium ætatum, omniumque artium semina. magisterque ex occulto Deus producit ingenia,

CAP. VII. Natura, inquit, hæc mihi præstat? Non intelligis te, cum hoc dicis, mutare nomen Deo? Quid enim aliud est natura, quam Deus, & diuina ratio, toti mundo & partibus eius inserta? Quoties

1. Ad) hic significat tempus.

voles, tibi licet aliter hunc auctorem rerum nostrorum compellare. & Iouem illum optimum ac maximum rite dices, & tonantem, & statorem: qui non (vt historici tradiderunt) ex eo quod post votum susceptum, acies Romanorum fugientium stetit, sed quod stant beneficio eius omnia, stator, stabilitorque est: hunc eundem & fatum si dixeris, non mentieris, nam cum fatum nihil aliud sit, quam series implexa causarum, ille est prima omnium causa, ex qua ceterae pendent. Quaecunque voles illi nomina proprietabis, vim aliquam effectumque caelestium rerum continentia. Tot appellationes eius possunt esse, quibz munera.

CAP. VIII. Hunc & Liberum patrem, & Herculem, ac Mercurium nostri ¹⁾ putant. Liberum patrem: quia omnium parens sit, quod ab eo primum inuenta seminum vis est, consultura per voluptatem. Herculem: quia vis eius inuicta sit, quandoque lassata fuerit operibus editis, in ignem recessura. ²⁾ Mercurium: quia ratio penes illum est, numerusque, & ordo, & scientia. Quocumque te flexeris, ibi illum videbis occurrentem tibi. nihil ab illo vacat: opus suum ipse implet. Ergo nihil agis ingratis mortalium, qui te negas Deo debere, sed naturae. quia nec natura sine Deo est, nec Deus sine natura: sed idem est utrumque, nec distat officio. Si quid a Seneca accepisses, Annaeo te diceres debere, vel Lucio: non creditorem mutares, sed nomen. quoniam siue praenomen eius, siue nomen dixisses, siue cognomen, idem tamen ille esset. Sic hunc naturam vocas, fatum, fortunam: omnia eiusdem Dei nomi-

1. *Nostris*) i. e. Stoici qui placebant sibi in mythicis ad sensus Philosophicos trahendis

2. *In ignem recessura*) per stoicam mundi exustionem. Comparat cum Hercule, quia & is monte Oeta solutus in ignem. *Lips.*

na sunt, varie vtentis sua potestate. Et iustitia, probitas, prudentia, fortitudo, frugalitas, vnius animi bona sunt: quidquid horum tibi placuit, animus placet.

CAP. XI. Sed ne aliam disputationem ex obliquo abeam, plurima beneficia ac maxima in nos Deus confert, sine spe recipiendi: quoniam nec ille collato eget, nec nos ei quidquam conferre possumus. Ergo beneficium per se expetenda res est, vna spectatur in eo accipientis utilitas: ad hanc accedamus, sepositis commodis nostris. Dicitis, inquit, diligenter eligendos quibus beneficia demus: quia nec agricolæ quidem semina arenis committant. Quod si verum est, nostram utilitatem in beneficiis dandis sequimur, quemadmodum in arando serendoque. neque enim serere, per se res expetenda est. Præterea, 1) quæritis cui detis beneficium: quod non esset faciendum, si per se beneficium dare, expetenda res esset. quia enim 2) quocumque loco, & quocumque modo daretur, beneficium erat. Honestum 3) propter nullam aliam causam, quam propter ipsum, sequimur. Tamen etsi nihil aliud sequendum est, quærimus quid faciamus, & quando, & quemadmodum: per hæc enim constat. Itaque cum eligo cui dem beneficium, id ago, vt beneficium sit: quia si turpi datur, nec honestum esse potest, nec beneficium.

CAP. X. Depositum reddere, per se res expetenda est: non tamen semper reddam, nec quolibet loco, nec quolibet tempore, aliquando nihil interest, vtrum infitier, an palam reddam. Intuebor utilitatem eius, cui redditurus sum, & nociturum illi depositum

1. *Præterea*) rectius propterea. Gronov.

2. *Quia enim*) idem est ac si simpliciter dixisset *quia*, sic enim coniungere *quia enim* & *quoniam* solent autores, Gronov.

3. *Honestum*) Hactenus obiectio, iam respondet Seneca.

negabo. Idem in beneficio faciam. videbo quando dem, cui dem, quemadmodum, quare. Nihil enim sine ratione faciendum est. non est autem beneficium, nisi quod ratione datur: quoniam ratio, omnis honesti comes est. Quam sæpe hominum, donationem suam inconsultam obiurgantium, hanc audimus vocem, Mallem perdidisse, quam illi dedisse? Turpissimum genus damni est, inconsulta donatio: multoque gravius male dedisse beneficium, quam non recepisse. 1) Aliena enim culpa est, quod non recepimus: quod cui daremus non eligimus, nostra. In electione nihil minus, quam hoc quod tu existimas, spectabo, a quo recepturus sim: eligo enim eum qui gratus, non qui redditurus sit. Sæpe autem & non redditurus, gratus est; & ingratus, qui reddidit. Ad animum tendit æstimatio mea. Ideo locupletem, sed indignum præteribo: pauperi viro bono dabo. Erit enim in summa inopia gratus: & cum omnia illi deerunt, supererit animus. Non lucrum ex beneficio capto, non voluptatem, non gloriam. vni placere contentus, in hoc dabo, vt quod oportet faciam: quod oportet autem, non est sine electione: quæ qualis futura sit, interrogas?

CAP. XI. Eligam virum integrum, simplicem, memorem, gratum, alieni abstinentem, sui non avaro tenacem, beneuolum. Hunc vero cum elegero, licet nihil illi fortuna tribuat, quo referre gratiam possit, ex sententia res gesta erit. Si vtilitas me & sordida computatio liberalem facit, si nulli profum, nisi vt inuicem ille mihi profuit: non dabo beneficium proficisci in diuersas longinquasque regiones, non dabo abfuturo semper, non dabo sic affecto vt spes ei nulla sit conualescendi, non dabo ipse deficiens, non enim habeo tempus recipiendi. Atqui vt scias, rem per se expe-

1. Non recepisse) gratiam pro eo.

tendam esse, benefacere; aduenis modo in nostrum delatis portum, & statim abituris, succurrimus. Ignoto naufrago nauem, qua reuehatur, & damus & instruimus. Discedit ille, vix satis noto salutis auctore, & nunquam amplius in conspectum nostrum reuersurus, debitores nobis deos delegat, precaturque illi pro se gratiam referant: interim nos iuuat sterilis beneficii conscientia. Quid cum ipso vitæ in fine constitimus, cum testamentum ordinamus, non beneficia nobis nihil profutura diuidimus? quantum temporis consumitur, quamdiu secreto agitur, quantum & quibus demus? Quid enim interest, quibus demus, & nullo recepturi? Atqui nunquam diligentius damus, nunquam magis iudicia nostra torquemus, quam vbi remotis vtilitatibus, solum ante oculos honestum stetit: tamdiu officiorum mali iudices; quamdiu illa depravat spes ac metus, ac inertissimum vitium, voluptas. Vbi mors intercluserit omnia, & ad ferendam sententiam incorruptum iudicem 1) misit, quærimus dignissimos, quibus nostra tradamus: nec quidquam cura sanctiore componimus, quam quod ad nos non pertinet.

CAP. XII. Et mehercule tunc magna voluptas subit cogitantem, Hunc ego locupletiore faciam: huius dignitati, adiectis opibus, aliquid splendoris affundam. Si non damus beneficia, nisi recepturi, intestatis moriendum sit. Dicitis, inquit, beneficium creditum insolubile 2) esse: creditum autem non est res per se expetenda. Cum creditum dicimus, imagine & translatione vtimur. Sic & legem, iusti iniustique regulam esse: & regula non est res per se

1. *Incorruptum iudicem*) rationem scilicet ab affectibus non corruptam.

2. *Insolubile*) ad cuius solutionem nemo vi legem adstringitur, crediti tamen alia ex parte rationem eo obtinente.

expetenda. Ad hæc verba demonstrandæ rei causâ descendimus. Cum dico creditum, intelligitur tanquam creditum. Vis scire? adiicio insolubile, cum creditum nullum non solui aut possit, aut debeat. Adeo beneficium utilitatis causâ dandum non est, ut sæpe, quemadmodum dixi, cum damno ac periculo dandum sit. Sic latronibus circumuentum defendo, ut tuto transire permittatur: reum gratia laborantem tutor, & hominum potentium factionem in me converto, quas illi detraxero sordes, sub accusatoribus iisdem fortasse sumpturus, cum abire in partem alteram possim, & securus spectare aliena certamina spondeo pro iudicato, & suspensum amici bonis libellum 1) deiicio, creditoribus eius me obligaturus: ut possim servare proscriptum, ipse proscriptionis periculum adeo. Nemo Tusculanum aut Tiburtinum paraturus, salubritatis causâ, & æstivi secessus, quoto anno 2) empturus sit disputat: cum emerit, tuendum est. Eadem in beneficiis ratio est. nam cum interrogaveris, quid reddat, respondebo, bonam conscientiam. Quid reddit beneficium? dic tu mihi, quid reddat iustitia, quid innocentia, quid magnitudo animi, quid pudicitia, quid temperantia? si quidquam præter ipsas, ipsas non petis.

CAP. XIII. Mundus in quid vices suas absoluit? in quid sol diem extendit & contrahit? omnia ista beneficia sunt: fiunt enim nobis profutura. Quomodo mundi officium est, circumagere rerum ordinem, quomodo solis, loca mutare, ex quibus oriatur, in

1. *Libellum*) tabulam quæ venum exponantur bona eius, quem delicere solebat defensor vel sponsor.

2. *Quoto anno*) leg. *quota annua*. Sensus est: non quantus annuos redditus paraturus sit emto tali prædio, nam secessus & salubritatis non reddituum aut lucri causa emuntur. *Gronov.*

quæ cedat, & hæc salutaria nobis facere sine præmio: ita viri officium est inter alia, & beneficium dare. Quare ergo dat? ne non det, ne occasionem benefaciendi perdat. Vobis voluptas est, inertis otii facere 1) corpusculum, & securitatem sopitis simillimam appetere, & sub densa vmbra latitare, tenerrimisque cogitationibus, quas tranquillitatem vocatis, animi marcentis oblectare torporem, & cibis potionibusque intra hortorum latebram corpora ignavia pallentia saginare: nobis voluptas est, dare beneficia vel laboriosa, dum aliorum labores leuent: vel periculosa, dum alios a periculis extrahant: vel rationes nostras aggrauatura, dum aliorum necessitates & angustias laxent. Quid mea intèrest, an recipiam beneficia? etiam cum recepero danda sunt. Beneficium, eius commodum spectat cui præstatur, non nostrum: alioquin nobis illud damus. Itaque multa, quæ summam utilitatem aliis afferunt, pretio gratiam perdunt. Mercator urbibus prodest, medicus ægris, mango vana libus: sed omnes isti, quia ad alienum commodum pro suo veniunt, nec obligant eos quibus profunt.

CAP. XIV. Non est beneficium quod in quæstum mittitur. Hoc dabo, hoc recipiam: auctio est. Non dicam pudicam, quæ amatorem ut incenderet repulit: quæ aut legem, aut virum timuit, ut ait Ovidius,

Quæ, quia non licuit, non dedit, illa dedit.

Non immerito in numerum peccantium refertur, quæ pudicitiam timori præstitit, & non sibi. eodem modo qui beneficium ut reciperet dedit, non dedit. Ergo & nos beneficium damus animalibus, quæ aut vsum, aut alimento futura nutrimus? beneficium danus arboribus quæ colimus, ne siccitate, aut immoti & neglecti soli duritia, laborent? Nemo ad agrum colendum

1. *Facere*) Lipsius legit: *iacere*.

ex æquo & bono venit, nec ad ullam rem, cuius extra ipsam fructus est. Ad beneficium dandum non adducit cogitatio auara, nec sordida, sed humana, liberalis, cupiens dare etiam cum dederit, & augere nouis ac recentibus vetera; vnum habens propositum, quanto ei cui præstat bono futura sit: alioquin humile est, sine laude, sine gloria, prodesse, quia expedit. Quid magnifici est, se amare, sibi parcere, sibi acquirere? ab omnibus istis vera beneficii dandi cupido auocat: ad detrimentum, iniecta manu, trahit, & vtilitates relinquit, ipso benefaciendi opere latissima.

CAP. XV. Numquid dubium est, quin contraria sit beneficio iniuria? Quoinodo iniuriam facere, per se vitanda ac fugienda res est: sic beneficium dare, per se expetenda illic turpitudine, contra omnia præmia in scelus hortantia, valet: ad hoc inuitat honesti per se efficax species. Non mentiar, si dixerò, neminem non amare beneficia sua, neminem non ita compositum animo, ut libentius eum videat, in quem multa congeffit: cui non causa sit iterum dandi beneficii, semel dedisse. quod non accideret, nisi nos ipsa delectarent beneficia. Quam sæpe dicentem audias? Non sustineo illum deferere, cui dedi vitam, quem ex periculo eripui. Rogat me ut causam suam contra homines gratiosos agam. Nolo: sed quid faciam? iam illi semel, iterumque affui. Non vides inesse isti rei propriam quamdam vim, quæ nos beneficia dare cogit? primum quia oportet, deinde quia dedimus. Cui initio ratio non fuisset præstandi, aliquid ei præstamus ob hoc, quia præstitimus. Adeoque nos ad beneficia non impellit utilitas, ut & inutilia tueri ac fouere perseueremus, sola beneficii caritate: cui etiam infelicitate dato, indulgere, tam naturale, quam liberis prauis.

CAP.

CAP. XVI. Iidem isti gratiam referre ipsos fatentur, non quia honestum est, sed quia utile. quod non esse ita, minore opera probandum est. Quia quibus argumentis collegimus beneficium dare, per se rem expetendam esse, iisdem etiam hoc colligemus. Fixum est illud, a quo in cetera probationes nostræ exeunt, honestum ob nullam aliam causam, quam quia honestum sit, coli. Quis ergo contreuerfiam facere audebit, an gratum esse, honestum sit? Quis non ingratum detestetur hominem, sibi ipsi inutilem? Quid autem cum tibi narratur de eo, qui aduersus summa beneficia amici sui ingratus est, quomodo id fers? vtrum tanquam rem turpem fecerit, an tanquam vilem rem sibi & profuturam omiserit? Puto, nequam 1) hominem existimas: cui pœna, non cui curatore 2) opus sit. quod non accideret, nisi gratum esse, per se expetendum, honestumque esset. Alia fortasse minus dignitatem suam præferunt, & an sint honesta, interprete egent: hoc expositum est, pulchriusque, quam ut splendor eius dubie ac parum luceat. Quid tam laudabile, quid tam æqualiter in omnium animos receptum, quam referre bene meritis gratiam?

CAP. XVII. Ad hoc, dic mihi, quæ causa nos perducit? Lucrum? quod qui non contemnit, ingratus est. Ambitio? & quæ iactatio est soluisse, quod debebas? Metus? nullus ingrato. huic enim vni rei non posuimus legem, tanquam satis natura cauisset. Quomodo nulla lex amare parentes, indulgere libe-

1. *Nequam*) Videtur Seneca respexisse ad formulam illam, qua prodigi, dum bonorum suorum administratio iis interdicitur, *nequitia bona sua perdere* dicuntur apud Jul. Paul. lib. 3. tit. 6. sentent.

2. *Non cui curatore*) homines nequam qui sua disperdunt, bonis interdicti curatorem accipiunt. At hic de alia nequitia & quæ pœnam magis quam curam requirat. *Lips.*

ris iubet: superuacuum est enim, in quod imus impelli. quemadmodum nemo in amorem sui cohortandus est, quem adeo dum nascitur trahit: ita ne ad hoc quidem, ut honesta per se petat. Placent suapte natura: adeoque gratiosa virtus est, ut insitum sit etiam malis, probare meliora. Quis est, qui non beneficus videri velit? qui non inter scelera & iniurias opinionem bonitatis affectet? qui non ipsis quæ impotentissime fecit, speciem aliquam induat recti? velit quoque & iis videri beneficium dedisse, quos læsit? Gratias itaque agi sibi ab his, quos afflixere, patiuntur: bonosque se ac liberales fingant, quia præstare non possunt. Quod non facerent, nisi illos honesti & per se expetendi amor cogeret moribus suis opinionem contrariam quærere, & nequitiam abdere, cuius fructus concupiscitur, ipsa vero odio pudorque est: nec quisquam tantum a naturali lege descivit, & hominem exiit, ut animi causa 1) malus sit. Dic enim cuilibet ex istis, qui rapto viuunt, an ad illa quæ latrociniiis & furtis consequuntur, malint ratione bona peruenire? Optabit ille, cui grassari & transeuntes percutere quæstus est, potius illa inuenire, quam eripere. Neminem reperies, qui non nequitie præmiis, sine nequitia, frui malit. Maximum hoc habemus naturæ meritum, quod virtus in omnium animos lumen suum permittit, etiam qui non sequuntur illam, vident.

CAP. XVIII. Ut scias, per se expetendam esse grati animi affectionem, per se fugienda res est ingratum esse: quoniam nihil æque concordiam humani generis dissociat ac distrahit, quam hoc vitium. Nam quo alio tuti sumus, quam quod mutuis iuamur officiis? hoc vno instructior vita, contraque incursiones

1. *Animi causa*) pro locum & frustra.

subitas munitior est, beneficiorum commercio. Fac nos singulos: quid sumus? præda animalium & victima, ac imbecillissimus & facillimus sanguis. Quoniam ceteris animalibus in tutelam sui satis virium est. Quæcumque vaga nascuntur, & actura vitam segregem, armata sunt: hominem imbellia cingit: non unguium vis, non dentium, terribilem ceteris fecit: nudum & infirmum, societas munit. Duas res dedit, quæ illum obnoxium, validissimum facerent, rationem & societatem. Itaque qui par esse nulli posset, si seduceretur, rerum potitur. Societas illi dominium omnium animalium dedit: societas terris genitum, in alienæ naturæ transmisit imperium, & dominari etiam in mari iussit. Hæc morborum impetus arcuit, senectuti adminicula prospexit, solatia contra dolores dedit: hæc fortes nos facit, quod licet contra fortunam aduocare. 1) Hanc tolle: & unitatem generis humani, qua vita sustinetur, scindes. tolletur autem, si efficias, ut ingratus animus non per se vitandus sit, sed quia aliud illi timendum est. Quam multi sunt enim, quibus ingratis esse tuto licet? denique ingratum voco, quisquis metu gratus est.

CAP. XIX. Deos nemo sanus timet. Furor est enim, metuere salutaria: nec quisquam amat, quos timet. Tu denique, Epicure, Deum inermem facis, omnia illi tela, omnem detraxisti potentiam, & ne cuiquam metuendus esset, proiecisti illum extra motum. 1) Hunc igitur in septum ingenti quodam & inexplicabili muro, diuisumque a contactu & a conspectu mortalium, non habes quare verearis: nulla illi nec tribuendi, nec nocendi materia est. In medio inter-

1. *Aduocare*) stare & causam agere.

1. *Motum*) ut pote, qui plane otiosus degat. Lipsius tamen legit *mesam*, & explicat mundi hoc spatium.

vallo huius & alterius cæli 2) desertus, sine animali, sine homine, sine re, ruinas mundorum supra se circaque se cadentium cuitat, non exaudiens vota, nec nostri curiosus. Atqui hunc vis videri colere, non aliter quam parentem: grato, vt opinor, animo: aut si non vis videri gratus, quia nullum habes illius beneficium, sed te atomi & ista micæ 3) tuæ forte ac temere conglobauerunt, cur colis? Propter maiestatem, inquis, eius eximiam, singularemque naturam. Vt concedam tibi: nempe hoc facis nulla spe, nullo pretio inductus. Est ergo aliquid per se expetendum, cuius te ipsa dignitas ducit: id est honestum. Quid est autem honestius, quam gratum esse? huius virtutis materia tam late patet, quam vita.

CAP. XX. Sed inest, inquit, huic bono etiam vtilitas aliqua. cui enim virtuti non inest? 1) sed id propter se expeti dicitur, quod quauis habeat aliqua extra se commoda, sepositis quoque illis ac remotis, placet. Prodest gratum esse: ero tamen gratus, etiam si noceat. Qui gratus est, quid sequitur? vt hæc res illi alios amicos, alia beneficia conciliet? Quid ergo si quis sibi offensas concitaturus est? si quis intelligit, adeo per hoc se nihil consecuturum, vt multa etiam ex reposito 2) acquisitoque perdenda sint: num libens in detrimenta descendet? Ingratus est, qui in referenda gratia secundum datum 3) videt, qui sperat cum reddit. Ingratum voco, qui agro affidet, quia testamentum facturus est, cui de hereditate, aut

1. *Huius & alterius cæli*) plures enim mundos Epicurus statuebat, & in spatiis intermundanis deos suos collocabat.

2. *Micæ*) ita vertit atomos.

3. *Cui enim virtuti non inest*) respondit hæc Seneca obiicienti: concedo inquit vtilitatem hic esse, vt in omni virtute alia, sed propter vtilitatem tamen gratitudo non exercetur.

2. *Reposito*) quod iam habet, adeoque quasi reposuit.

3. *Secundum datum*) alterum nouumque donum, Lips.

de legato vacat cogitare. Faciat licet omnia, quæ facere bonus amicus & memor officii debet, si animo eius obuersatur spes, si lucri captator est, & hamum iacit: vt aues, quæ laceratione corporum aluntur, lassæ morbo pecora, & casura e proximo speculantur; ita hic imminet morti, & circa cadauer volat.

CAP. XXI. Gratus animus ipsa virtute propositi sui capitur. Vis scire hoc ita esse, nec illum vtilitate corrumpi? Duo sunt genera grati hominis. dicitur gratus, qui aliquid pro eo quod acceperat, reddit; hic fortasse ostentare se potest: habet quod iacet, quod proferat. dicitur gratus, qui bono animo accepit beneficium, bono debet. Hic intra conscientiam clusus est, quæ illi contingere potest vtilitas ex affectu latenti? Atqui hic, etiam si vltra facere nihil potest, gratus est: amat, debet, referre gratiam cupit. Quidquid vltra desideras non ipsi deest. Artifex est etiam, cui ad exercendam artem instrumenta non suppetunt; nec minus canendi peritus, cuius vocem exaudiri fremitus obstrepentium non sinit. Volo referre gratiam. post hoc aliquid superest mihi, 1) non vt gratus, sed vt solutus sim. Sæpe enim & qui gratiam retulit, ingratus est: & qui non retulit, gratus. Nam vt omnium aliarum virtutum, ita huius, ad animum tota æstimatio redit. hic si in officio est, quidquid defuit, fortuna peccat. Quomodo est disertus etiam qui tacet, fortis etiam qui compressis manibus, vel & alligatis: quomodo gubernator etiam qui in sicco est, quia consummatæ scientiæ nihil deest, etiam si quid obstat quominus se vtatur: ita gratus est, etiam qui vult tantum, nec habet huius voluntatis suæ vllum alium, quam se, testem. Imo amplius adiiciam. est aliquando gratus, etiam qui ingratus videtur, quem mala interpret opinio in contrarium traducit. Hic quid aliud

1. *Superest mihi*) faciendum.

sequitur, quam ipsam conscientiam? quæ etiam ob-
ruta delectat, quæ concioni ac famæ reclamation, & in
se omnia reponit, & cum ingentem ex altera parte tur-
bam contra sentientium adspexit, non numerat suf-
fragia, sed vna sententia vincit. Si vero bonam fi-
dem perfidiæ suppliciis affici videt, non descendit 2) e
fastigio, sed supra pœnam suam consistit.

CAP. XXII. Habeo, inquit, quod volui, quod pe-
titi. Non pœnitet, nec pœnitebit, nec vlla iniqui-
tate me eo fortuna perducet, vt hanc vocem audiam,
1) Quid mihi volui? quid mihi nunc prodest bona vo-
luntas? Prodest & in equuleo, prodest & in igne. qui
si singulis membris admouetur, & paulatim viuum
corpus circumeat: licet ipsum corpus plenum bona
conscientia stillat: placebit illi ignis, per quem bona
fides collucebit. Nunc quoque illud argumentum,
quamuis dictum iam, reducatur. Quid est quare
grati velimus esse, cum morimur? quare singulorum
perpendamus officia? quare id agamus in omnem
vitam nostram memoria decernente, ne cuius officii
videamur obliui? Nihil iam superest, quo spes porri-
gatur. in illo tamen cardine positi, abire e rebus hu-
manis quam gratissimi volumus. Est videlicet magna
in ipso opere merces rei, & ad alliciendas mentes ho-
minum ingens honesti potentia: cuius pulchritudo
animos circumfundit, & delinitos admiratione lumi-
nis ac fulgoris sui rapit. At multa hinc commoda o-
riuntur. Et tutior est vita melioribus, amorque &
secundum bonorum iudicium, ætasque securior, quam
innocentia, quam grata mens prosequitur. Fuiſſet
enim iniquissima rerum natura, si hoc tantum bonum
miserum, & anceps, & sterile fecisset. Sed illud in-

2. Non descendit) non submitte se, non delicitur.

1. Audiam) potius audiat, ipsa scilicet fortuna.

tuere, an ad istam virtutem, quæ sæpe tuta ac facili adi-
tur, etiam per saxa, & rupes, & feris ac serpentibus
obscuro iter, fueris iturus.

CAP. XXIII. Non ideo per se non expetendum,
cui aliquid extra quoque emolumenti adhæret, fere e-
nim pulcherrima quæque, multis & aduenticiis co-
mitata sunt dotibus: sed illas trahunt, ipsa præce-
dunt. Num dubium est, quin hoc humani generis
domicilium, circuitus solis ac lunæ, vicibus suis tem-
peret? quin alterius calore alantur corpora, terræ
relaxentur, immodici humores comprimantur, alli-
gantis omnia hiemis tristitia frangatur: alterius tepore
efficaci & penetrabili rigetur maturitas) frugum? quin
ad huius cursum fecunditas humana 2) respondeat?
quin ille annum observabilem fecerit circinactu suo;
hæc mensem, minoribus se spatiis flectens? Vt tamen
detrahas ista, non erat ipse sol idoneum oculis specta-
culum, dignusque adorari, si tantum præteriret? non
erat digna suspectu luna, etiamsi otiosum sidus trans-
curreret? Ipse mundus quoties per noctem ignes su-
os fudit, & tantum stellarum innumerabilium reful-
sit, quem non intentum in se tenet? quis sibi illa, tunc
cum miratur, prodesse cogitat? Adspice ista tacito
superne cælo labentia, quemadmodum velocitatem
suam sub specie dantis atque immoti operis abscon-
dant. Quantum ista nocte, quam tu in numerum ac
discrimen dierum observas, agitur? quanta rerum
turba sub hoc silentio evolvitur? quantam fatorum
seriem certus limes 3) educit? Ista quæ tu non aliter,

1. *Maturitas*) nam tepido humore suo resoluit & quasi pu-
trefacit luna, ut maturescant fruges. *Lips.*

2. *Fecunditas humana*) nam ad lunares menses partuum ra-
tio responder. *Lips.*

3. *Certus limes*) Zodiacum dicit. per quem errantia sidera
feruntur; & ex eorum positu hæc inferiora, ipsosque homi-
nes, ingenia & mores formari Chaldæi censuerunt. *Lips.*

quam in decorem sparsa consideras, singula in opere sunt. Nec enim est, quod existimes septem sola discurrere, cetera hærere. paucorum motus comprehendimus: innumerabiles vero, longiusque a conspectu nostro seducti dii eunt 4), redeuntque. Et ex his qui oculos nostros patiuntur, plerique obscuro gradu pergunt, & per occultum aguntur. Quid ergo? non caperis tantæ molis aspectu, etiam si te non regat, non custodiat, non foueat, generetque, ac spiritu suo riget?

CAP. XXIV. Quemadmodum hæc cum primum vsum habeant, & necessaria vitaliaque sint, maiestas tamen eorum totam mentem occupat: ita omnis virtus, & in primis grati animi, multum quidem præstat, sed non vult ob hoc diligi: amplius quiddam in se habet, nec satis ab eo intelligitur, a quo inter vtilia numeratur. Gratus est, quia expedit? ergo & quantum expedit. Non recipit sordidum virtus amatorum: soluto 1) ad illam finem veniendum est. Ingratus hoc cogitat: Volebam gratiam referre, sed timeo impensam, timeo periculum, vereor offensam: faciam potius, quod expedit. Non potest eadem ratio & gratum facere, & ingratum. Vt diuersa illorum opera, ita inter se diuersa proposita sunt. Ille ingratus est, quamuis non oporteat, quia expedit: hic gratus est, quamuis non expediat, quia oportet.

CAP. XXV. Propositum est nobis secundum rerum naturam viuere, & deorum exemplum sequi: dii autem quodcumque faciunt, in eo quid præter ipsam faciendi rationem sequuntur? nisi forte existimas illos fructum operum suorum ex fumo extorrem, & turis odore percipere. Vide quanta quotidie moliantur, quanta distribuunt, quantis terras fructibus impleant,

4. *Dii eunt*) stoicum est, qui sidera faciebant deos. *Lips.*
1. *Solutio*) aperto ad dandum parato. *Lips.*

quam opportunis & in omnes oras ferentibus ventis maria permoueant, quantis imbribus repente deiectis solum molliant, venasque fontium arentes reintegrent, & infuso per occulta nutrimento renouent. Omnia ista sine mercede, sine vlllo ad ipsos perueniente commodo, faciunt. Hæc quoque nostra ratio, si exemplari ab suo non aberrat, seruet, ne ad res honestas conducta veniat. Pudeat vllum venale esse beneficium: gratuitos habemus deos.

CAP. XXVI. Si deos, inquit, imitaris, da & ingratas beneficia. Nam & sceleratis sol oritur, & piratis patent maria. Hoc loco interrogant, an vir bonus daturus sit beneficium ingrato, sciens ingratum esse? Permite mihi aliquid interloqui, ne interrogatione insidiosa capiamur. Duos ex constitutione Stoica accipe ingratos, alter ingratus, quia stultus est, Stultus, etiam malus est: qui malus est, nullo vitio caret: ergo & ingratus est. Sic omnes malos dicimus, intemperantes, avaros, luxuriosos, malignos: non quia ista omnia singulis magna & nota vitia sint, sed quia esse possint: & sunt, etiam si latent. Alter est ingratus, qui a vulgo dicitur, in hoc vitium natura pronus & propensus. Illi ingrato, qui si hac culpa non caret, quomodo nulla caret, dabit beneficium vir bonus, nulli enim dare poterit, si tales homines submouerit. Huic ingrato, qui beneficiorum fraudator est, & in hanc partem procubuit animo, non magis dabit beneficium, quam decoctori pecuniam credet, aut depositum committet ei, qui iam pluribus abnegauit. Timidus dicitur aliquis, quia stultus est: & hoc quidem malos sequitur, quos indiscreta & vniuersa vitia circumstant. dicitur timidus proprie, natura etiam ad inanes sonos pavidus. Stultus omnia vitia habet, sed non in omnia natura pro-

nus

nus est. alius in avaritiam, alius in luxuriam, alius in petulantiam inclinatur.

CAP. XXVII. Itaque errantilli, qui interrogant Stoicos: Quid ergo? Achilles timidus est? Quid ergo? Aristides, cui iustitia nomen dedit, iniustus est? Quid ergo? & Fabius, qui cunctando restituit rem, temerarius est? Quid ergo? Decius mortem timet? Mucius proditor est? Camillus defector? Non hoc dicimus, sic omnia vitia esse in omnibus, quomodo in quibusdam singula eminent: sed malum ac stultum nullo vitio vacare. nec audacem quidem timoris absolvimus: ne prodigum quidem avaritia liberamus. Quomodo homo omnes sensus habet, nec ideo tamen omnes homines aciem habent lynceo similem: sic qui stultus est, non tam acria & concitata habet omnia, quam quidam quædam. Omnia in omnibus vitia sunt: sed non omnia in singulis exstant, Hunc natura ad avaritiam impellit: hic libidini, hic vino deditus, est: aut si nondum deditus, ita formatus, ut in hoc illum mores sui ferant. Itaque ut ad propositum reuertar, nemo non ingratus est, qui malus est: habet enim omnia nequitiae semina: tamen proprie ingratus appellatur, qui ad hoc vitium vergit. huic ergo beneficium non dabo. Quomodo male filiae consulit, qui illam contumelioso & sæpe repudiato collocavit: quomodo malus paterfamilias habebitur, qui negotiorum gestorum damnato, patrimonii sui curam mandaverit: quomodo dementissime testabitur, qui tutorem filio reliquerit, pupillorum spoliatorem: sic pessime beneficia dare dicetur, quicumque ingratos eligit, in quos peritura conferat.

CAP. XXVIII. Dii quoque, inquit, multa ingratitis tribuunt. Sed illa bonis parauerant: contingunt autem etiam malis, quia separari non possunt. Sati-
us est autem, prodesse etiam malis propter bonos,
quam

quam bonis deesse propter malos. Ita, quæ refert, diem, solem, hiemis æstatisque cursus, & media veris autumnique temperamenta, imbres, & fontium haustus, ventorum statos flatus, pro vniuersis inueniunt: excerpere singulos non potuerunt. Rex honores dignis dat, congiarium 1) & indignis: Frumentum publicum 2) tam fur quam periurus & adulter accipiant, & sine delectu morum, quisquis incisus 3) est. quicquid aliud est, quod tanquam ciui, non tanquam bono datur, ex æquo boni ac mali ferunt. Deus quoque quædam munera in vniuersum humano generi dedit, a quibus excluditur nemo. nec enim poterat fieri, vt ventus bonis viris secundus esset, contrarius malis: commune autem bonum erat patere commercium maris, & regnum humani generis relaxari. Nec poterat lex casuris imbris dici, ne in malorum improborumque rura defluerent. Quædam in medio ponuntur. Tam bonis quam malis conduntur vrbes: monumenta ingeniorum, & ad indignos peruentura, publicauit editio: medicina etiam sceleratis opem monstrat. Compositiones remediorum salutarium nemo suppressit, ne sanarentur indigni. In his exige censuram, & personarum æstimationem, quæ separatim tanquam digno dantur: non in his, quæ promiscue turbam admittunt. Multum enim refert, vtrum aliquem non excludas, an eligas. Ius & furi dicitur: pace etiam homicidæ fruuntur: sua repetunt, etiam qui aliena rapuerunt. Percussores, & domi ferrum

1. *Congiarium*) quævis donationes Publicæ ita dictæ, a congio, quæ liquidorum mensura, antiquitus enim in populum tot olei congli aut vini dari solebant.

2. *Publicum*) quod Romæ publico in plebem renuiorem dabatur.

3. *Incisus*) inscriptus, insculptus in tabulis. Sic Plin. in Paneg. Omnes tamen antequam te viderent recipi incidi iussisti &c. Lips.

exercentes, murus ab hoste defendit : legum præsidio, qui plurimum in illas peccauerunt, proteguntur. Quædam non poterant cæteris contingere, nisi vniuersis darentur. Non est itaque quod de istis disputes, ad quæ publice inuitati sumus : illud quod iudicio meo ad aliquem peruenire debet, ei quem ingratum sciam, non dabo.

CAP. XXIX. Ergo, inquit, nec consilium deliberanti dabis ingrato, nec aquam haurire permittes, nec viam erranti monstrabis? an hæc quidem facies, sed nihil donabis? Distinguum istud : certe tentabo distinguere. Beneficium, est opera utilis : sed non omnis opera utilis, beneficium est. Quædam enim tam exigua sunt, vt beneficii nomen non occupent. Dux res coire debent quæ beneficium efficiant. Primum, rei magnitudo. quædam enim sunt infra huius nominis mensuram. Quis beneficium dixit, quadram panis, aut stipem æris abiecti, aut ignis accendendi factam potestatem? & interdum ista plus profunt, quam maxima : sed tamen vilitas sua illis, etiam vbi tempore facta sunt necessaria, detrahit pretium. Deinde quod potissimum est, oportet accedat : vt eius causa faciam, ad quem volam peruenire beneficium : dignumque eum iudicem, & libens id tribuam, percipiensque ex munere meo gaudium. quorum nihil est in istis, de quibus loquebamur. Non enim tanquam dignis illa tribuimus, sed negligenter tanquam parua : & non homini damus, sed humanitati.

CAP. XXX. Aliquando daturum me etiam indignis quædam non negauerim, in honorem aliorum : sicut in petendis honoribus quosdam turpissimos nobilitas industriis, sed nouis, prætulit. Non sine ratione, sacra est magnarum virtutum memoria : & esse plures, bonos iuuat, si gratia bonorum non cum
ipsis

ipsis cadat. Ciceronem filium quæ res consulem fecit, nisi pater? Cinnam 1) nuper quæ res ad consulatum recepit ex hostium castris? quæ Sextum Pompeium, aliosque Pompeios, nisi vnius viri magnitudo? tanta quondam, ut satis alte omnes suos etiam ruina eius attolleret. Quid nuper Fabium Persicum, cuius osculum etiam impuri vitabant, sacerdotem non in vno collegio fecit, nisi Verrucosi, & Allobrogici, & illi trecenti, 2) qui hostium incursioni pro rep. vnam domum obiecerant? Hoc debemus virtutibus, ut non præsentibus solum illas, sed etiam ablatas e conspectu colamus. Quomodo ille id egerunt, ut non in vnam ætatem prodesse, sed beneficia sua etiam post ipsas relinquerent: ita & nos non vna ætate grati sumus. Hic magnos viros genuit, dignus est beneficiis, qualiscumque est. dignos dedit. Hic egregiis maioribus ortus est: qualiscumque est, sub umbra suorum lateat. Ut loca sordida percussu solis illustrantur, ita inertes maiorum suorum luce resplendeant.

CAP. XXXI. Excusare hoc loco, mi Liberalis, deos volo. Interdum enim solemus dicere: Quid sibi voluit providentia, quæ Aridæum regno imposuit? Illi putas hoc datum? patri eius datum est, & fratri. Quare C. Cæsarem orbi terrarum præfecit, hominem humani sanguinis avidissimum, quem non aliter fluere in conspectu suo iubebat, quam si ore excepturus esset? Quid? ergo tu illi hoc datum existimas? patri eius Germanico datum, datum aucto, proauoque, & ante hos aliis non minus claris viris, etiam si privati paresque aliis vitam exegerunt. Quid tu, cum Mamercum Scaurum Cos. faceres, ignorabas ancillarum suarum menstruum ore illum hiantem exceptare? Nunquid enim ipse dissi-

1. Cinnam) qui Cn. Pompeii ex filia nepos.

2. Trecenti) Fabii ex quorum familia Fabius Persicus.

mulabat? nunquid purus videri volebat? Referam dictum tibi eius in se, quod circumferri memini, & ipso praesente laudari. Pollioni Asinio iacenti, obsceno verbo usus, dixerat se facturum id quod pati malebat. & cum Pollionis attractiorem vidisset frontem: Quidquid, inquit, mali dixi, mihi & capiti meo. Hoc dictum suum ipse narrabat. Hominem tam palam obscenum, ad fasces, & ad tribunal admisisse? nempe dum veterem illum Scaurum, senatus principem cogitas, indigne fers sobolem eius iacere.

CAP. XXXII. Deos verisimile est 1), ut alios indulgentius tractent, propter parentes avosque, alios propter futuram nepotum pronepotumque, ac longe sequentium posterorum indolem. Nota est enim illis operis sui series. omniumque illis rerum per manus suas iturarum scientia in aperto semper est; nobis ex abdito subit. & quae repentina putamus, illis prouisa veniunt ac familiaria. Sint hi reges, quia maiores eorum non fuerunt, quia pro summo imperio habuerunt iustitiam, abstinentiam, quia non remp. sibi, sed se reip. dicauerunt. Regnent hi, quia vir bonus quidam proanus eorum fuit: qui animum supra fortunam gessit, qui in dissensione civili, quoniam ita expediebat reip. vinci quam vincere maluit. Referri illi gratia tam longo spatio non potuit. in illius respectum iste populo praesideat: non quia scit aut potest, sed quia alius pro eo meruit. Hic corpore deformis est, ad spectu saedus, & ornamenta sua traducturus. 2) iam me homines accusabunt, caecum & temerarium dicent, nescientem quo loco, quae sum-

1. Deos verisimile est) Est Enallage optimis quibusque veterum usurpata, pro: Verisimile est deos tractare alioe indulgentius. Gronov.

2. Traducturus) derisus expositurus.

mis ac excellentissimis debentur, ponam. At ego scio, alii me istud dare, alii olim debitum solvere. Unde isti norunt illum quemdam, gloriæ sequentis fugacissimum, eo vultu ad pericula euntem, quo alii ex periculo redeunt? nunquam bonum suum a publico distinguunt? Vbi, inquis, iste, aut quis est? unde? nescitis. apud me istæ expensarum acceptorumque rationes dispunguntur. 3) Ego quid cui debeam, scio. aliis post longam diem repono, aliis in antecessum: ac prout occasio, & reip. meæ facultas tulit.

CAP. XXXIII. Ingrato ergo aliquando quædam, sed non propter ipsum dabo. Quid si, inquit, nescis, vtrum gratus sit, an ingratus? exspectabis donec scias, an dandi beneficii tempus non amittes? Exspectare longum est. nam (vt Plato ait) difficilis humani animi coniectura est: non exspectare, temerarium est. Huic respondebimus, nunquam exspectare nos certissimam rerum comprehensionem: quoniam in arduo est veri exploratio: sed ea ire, qua ducit veri similitudo. Omne hac via procedit officium. sic ferimus, sic nauigamus, sic militamus, sic vxores ducimus, sic liberos tollimus: cum omnium horum incertus sit euentus. Ad ea accedimus, de quibus bene sperandum esse credimus. Quis enim pollicetur serenti prouentum, nauiganti portum, militanti victoriam, marito pudicam vxorem, patri pios liberos? Sequimur qua ratio, 1) non qua veritas trahit. Exspecta, vt nisi bene cessura non facias, & nisi comperta veritate nihil moueris: relicto omni actu vita consistit. Dum verisimilia me in hoc aut illud impellant, non verebor beneficium dare ei, quem verisimile erit gratum esse.

3. *Dispunguntur*) A re nummaria verbum. Dispungit qui per puncta rationem init, confert pariatque. Expungit autem, qui paribus factis nomina dolet. *Lips.*

1. *Qua ratio*) quod rationi euentuum probabile videtur.

CAP. XXXIV. Multa, inquit, interuenient, per quæ & malus pro bono surrepat, & bonus pro malo displiceat: fallaces enim sunt rerum species, quibus credimus. Quis negat? sed nihil aliud intuenio, per quod cogitationem regam. His veritas mihi vestigiis sequenda est: certiora non habeo. Hæc ut quam diligentissime æstimem, operam dabo, nec cito illis assentiar. Sic enim in prælio potest accidere, ut telum meum in commilitonem manus dirigat, aliquo errore decepta; & hosti, tanquam meo, parcam. sed hoc & raro accidet, & non vitio meo: cui propositum est hostem ferire, ciuem defendere. Si sciam ingratum esse, non dabo beneficium. At obrepfit, at imposuit. nulla hic culpa tribuentis est, quia tanquam grato dedi. Si promiseris, inquit, te daturum beneficium, & postea ingratum esse scieris, dabis, an non? Si facis, sciens peccas: das enim cui non debes. si negas, & hoc modo peccas: quia non das ei, cui promissisti. Constantia vestra hoc loco titubat, & illud superbum promissum, nunquam sapientem facti sui pœnitere, nec vnquam emendare quod fecerit, nec mutare consilium. Non mutat sapiens consilium, omnibus his manentibus quæ erant, cum sumeret. Ideo nunquam illum pœnitentia subit: quia nihil melius illo tempore fieri potuit, quam quod factum est: nihil melius constitui, quam quod constitutum est. Ceterum ad omnia cum exceptione veniet, si nihil inciderit, quod impediat: ideo omnia illi succedere dicimus, & nihil contra opinionem accidere, quia præsumit animo, posse aliquid interuenire, quod destinata prohibeat. Imprudentium ista fiducia est, fortunam sibi spondere: sapiens vtramque partem eius cogitat, scit quantum liceat errori, quam incerta sint humana, quam multa consiliis obstant. ancipitem rerum ac lu-
bri-

bricam sortem suspensus sequitur, & consiliis certis incertos euentus. Exceptio autem, sine qua nihil destinat, nihil ingreditur, & hic illum tuetur.

CAP. XXXV. Promisi beneficium, nisi si quid incidisset, quare non deberem dare. Quid enim, si quod illi pollicitus sum, patria sibi me dare iusserit? Si lex lata erit, ne id quisquam faciat, quod ego me amico meo facturum promiseram? Promisi tibi filiam in matrimonium. postea peregrinus 1) apparuisti: non est mihi cum externo connubium. Eadem res me defendit, quæ vetat. Tunc fidem fallam, tunc inconstantiz crimen audiam, si cum omnia eadem sint, quæ erant promittente me, non præstitero promissum. alioquin quidquid mutatur, libertatem facit de integro consulendi, & me fide liberat. Promisi aduocationem: postea apparuit per illam causam præiudicium in patrem meum quæri. promisi me peregre vna exiturum: sed iter infestari latrociniiis nunciatur. in rem præsentem 2) venturus fui: sed æger filius, sed puerpera vxor tenet. Omnia esse debent eadem, quæ fuerunt cum promitterem, vt promittentis fidem teneas. Quæ autem maior fieri mutatio potest, quam si te malum virum & ingratum comperi? quod tanquam digno dabam, indigno negabo, & irascendæ quoque causam habebō deceptus.

CAP. XXXVI. Inspiciam tamen, & quantum sit de quo agitur: dabit mihi consilium promissæ rei modus. Si exiguum est, dabo: non quia dignus es, sed quia promisi. nec tanquam munus dabo, sed verba mea redimam, & aurem mihi peruellam: 3) damno

1. *Peregrinus*) cum ius iuxta Leges Romanas matrimonium inire non licet.

2. *In rem præsentem*) coram adfuturus clienti patronus & aduocatus.

3. *Peruellam*) de cautione adhibenda meipsam monebo.

castigabo promittentis temeritatem. Ecce ut doleat, ut postea consideratius loquaria: quod dicere solemus, *linguarium* 2) dabo. Si maius erit, non committam (quemadmodum *Mecænas* ait) ut *sestertio centies* 3) obiurgandus sim. Inter sese enim utrumque comparabo. Est aliquid, in eo quod promiseris, perseverare: est rursus multum in eo, ne indigno beneficium des. Hoc tamen quantum sit, attendendum. si leve, conuiueamus: si vero magno mihi aut detrimento, aut rubori futurum, malo semel excusare, quare negauerim, quam semper, quare dederim. Totum, inquam, in eo est, quanti promissi mei verba taxentur. Non tantum quod temere promissi, retinebo, sed quod non recte dedi, repetam. Demens est, qui fidem præstat errori.

CAP. XXXVII. *Philippus* Macedonum rex habebat militem manu fortem, cuius in multis expeditionibus utilem expertus operam, subinde ex præda aliquid illi virtutis causa donauerat, & hominem vanae animæ crebris auctoramentis 4) accendebat. Hic naufragus in possessiones cuiusdam Macedonis expulsus est. quod ut nunciatum est, accucurrit, spiritum eius recollegit, in villam illum suam transtulit, lectulo suo cessit, affectum semianimemque recreauit, diebus triginta impensa sua curauit, refecit, viatico instruxit, subinde dicentem: Gratiam tibi referam. videre tantum mihi imperatorem meum contingat. Narrauit *Philippo* naufragium suum, auxilium tacuit, & protinus petiit, ut sibi prædia cuiusdam donaret. Ille quidam erat hospes eius, is ipse, a quo receptus

2. *Linguarium*) ut *vasarium*, *hordearium*, multa & quæ si vectigal pro lingua depensum. *Muret.*

3. *Sestertia centies*) Argute *Mecænas* nolle se obiurgari tanto impendio, id est rebus ipsis, non verbis. *Lips.*

4. *Auctoramentis*) donis, præmiis.

erat, a quo sanatus. Multa interim reges, in bello præsertim, opertis oculis donant. non sufficit homo iustus vnus tot armatis cupiditatibus. non potest quisquam eodem tempore & bonum virum, & bonum ducem agere. Quomodo tot millia hominum insatiabilia satiabuntur? quid habebunt, si suum quisque habuerit? hoc Philippus sibi dixit, cum illum induci in bona quæ petebat iussit. Expulsus bonis suis ille, non vt rusticus iniuriam tacitus tulit, contentus quod non & ipse donatus esset: sed Philippo epistolam strictam ac liberam scripsit: qua accepta ita exarsit, vt statim Pausaniæ mandaret, bona priori domino restitueret. ceterum improbißimo militi, ingratißimo hospiti, auidißimo naufrago, stigmata inscriberet, ingratum hospitem testantia. Dignus quidem fuit, cui non inscriberentur illæ literæ, sed insculperentur, qui hospitem suum, nudo & naufrago similem, in id in quo iacuerat ipse litus expulerat. Sed videbimus, quis modus pænæ seruandus fuerit: auferendum vtique fuit, quod summo scelere inuaserat. Quis autem pæna eius moueretur, qui id commiserat, propter quod nemo miserari miseros 1) posset?

CAP. XXXVIII. Dabit tibi Philippus quia promissit, etiamsi non debet, etiamsi iniuriam, etiamsi scelus facturus est, etiamsi vno facto præclusurus est naufragis litora? Non est leuitas, a cognito & damnato errore discedere: & ingenue fatendum est: Aliud putavi: deceptus sum. Hæc vero superbæ stultitiæ perseverantia est: Quod semel dixi, qualecumque est, fixum ratumque sit. Non est turpe, cum re mutare consilium. Age, si Philippus possessorem illum eorum litorum reliquisset, quæ naufragio ceperat, non-

1. *Miserari miseros*) periculo scilicet maximo a miseris quos iuneris hac ratione imminente.

ne omnibus miseris aqua & igni interdixerat? Potius est, inquit, intra fines regni mei, te litteras istas oculis inscribendas, durissima fronte circumferre, ostende quam sacra res sit mensa hospitalis. præbe in facie tua legendum istud decretum, quo cauetur, ne miseros tecto iuuare capitale sit. Magis ista constitutio sic erit rata, quam si illam in æs incidissem.

CAP. XXXIX. Quare ergo, inquit, Zeno vester, cum quingentos denarios mutuos cuidam promississet, & illud parum idoneum comperisset, amicis suadentibus ne daret, perseueravit credere, quia promiserat? Primum alia conditio est in credito, alia in beneficio. Pecuniæ etiam male creditæ, exactio est. & appellare debitorem ad diem possum, & si foro cesserit, 1) portionem feram. beneficium & totum perit, & statim. Præterea hoc mali viri est, illud inali patrisfamilie. Deinde ne Zeno quidem si maior fuisset summa, credere perseuerasset. Quingenti denarii sunt. Illud quod dici solet, in morbo consumat. fuit tanti, non reuocare promissum suum. Ad cenam quia promisi, ibo, etiamsi frigus erit: non quidem, si niues cadent. Surgam ad sponsalia, quia promisi, quamuis non concoxerim: sed non, si febricitauero. Sponsum descendam, 2) quia promisi, sed non si spondere in incertum 3) iubebis, si fisco 4) obligabis. Subest, inquam, tacita exceptio, si potero, si debebo, si hæc ita erunt. Effice, ut idem status sit, cum exigitur, qui fuit cum promitterem. Destituere leuitas erit. si aliquid interuenit noui, quid miraris, cum conditio promit-

1. *Foro cesserit*) foro cedere dicebantur qui copiam sui in foro non faciebant, fraudendorum creditorum causa.

2. *Descendam*) in foro enim & ad tribunal publicum illas sponfiones. *Lips.*

3. *In incertum*) Summa non expressa, quod cautiores merito fugiunt. *Lips.*

4. *Fisco*) cuius grauissimæ leges.

tentis mutata sit, mutatum esse consilium? eadem mihi omnia præsta: & idem sum. Vadimonium promittimus. tamen deserti non in omnes datur actio deferentes. vis maior excusat.

CAP. XL. Idem etiam illa in quæstione responsum existima, an omnimodo referenda sit gratia, & an beneficium utique reddendum sit. Animum præstare gratum debeo: ceterum aliquando me referre gratiam non patitur mea infelicitas, aliquando felicitas eius cui debeo. Quid enim regi, quid pauper diuiti reddam? utique cum quidam recipere beneficium, iniuriam iudicent, & beneficia subinde aliis beneficiis onerent. Quid amplius in horum personam possum, quam velle? nec enim ideo beneficium novum reiicere debeo, quia nondum prius reddidi. Accipiam tam libenter, quam dabitur: & præbebo me amico meo exercendæ bonitatis suæ capacem materiam. Qui nova accipere non vult, acceptis offenditur. Non refero gratiam. quid ad rem? non est per me mora, si aut occasio mihi deest, aut facultas. Ille præstitit mihi, nempe cum occasionem haberet, cum facultatem. Vtrum bonus vir est, an malus? apud bonum virum, bonam causam habeo. apud malum non ago. Ne illud quidem existimo faciendum, ut referre gratiam. etiam invitis his quibus refertur, properemus, & instemus recedentibus. Non est referre gratiam, quod volens acceperis, nolenti reddere. Quidam, cum aliquod illis missum est munusculum, subinde aliud intempestive remittunt, & nihil se debere testantur. Reiciendi genus est, protinus aliud invicem mittere, & munus munere expungere. Aliquando & non reddam beneficium cum possim; quando? si plus mihi detractus ero, quam illi collaturus: si ille non erit sensurus ullam accessionem recepto eo; quo reddito, mihi multum abscissurum erit. Qui festinat utique

reddere, non habet animum grati hominis, sed debitoris. Et ut breuiter, qui nimis cito cupit soluere, inuitus debet: qui inuitus debet, ingratus est.

LIBER QUINTVS. Argumentum & Ordo.

Absolutis duabus praecipuis partibus, *Quomodo dandum beneficium, Quomodo accipiendum*: transire se dicit ad quadam non tam in ipsa materie, quam ex ipsa, & vicina ac connexa. Quasiunculas subserit, primo istam: *An turpe Beneficius vinci?* negat vinci posse, & parem semper esse, qui grate meminit, qui cupit animo referre, si re non potest. Quasiuncula secunda: *An aliquis sibi beneficium donet?* item negat, & in utramque tamen partem argutatur. Tertia quasiuncula: *An aliquis Ingratus d'icere dici possit?* ait, & docet. Quarta, *An non omnes ingrati sint?* minime, esse plurimos fatetur. Deinde ex adtextu, *Quousque, & an alius pro alio obligemur?* ut filius pro patre, & talia. Distinctione respondet, & magis negat. Quinta quasiuncula; *An triste beneficium, & inuito etiam dari possit?* potest. Vltima denique: *An repeti Beneficium possit?*

CAPVT I.

IN prioribus libris videbar consummasse propositum, cum tractassem, quemadmodum dandum esset beneficium, & quemadmodum accipiendum. hi enim sunt huius officii fines. Quidquid ultra moror, non seruió materiae, sed indulgeo: quæ quo ducit, sequendum est, non quo inuitat. Subinde enim nascetur, quod laceffit aliqua dulcedine animum, magis non superuacuum, quam necessarium. Verum quia ita vis, perseucremus, peractis
qua

quæ rem continebant, scrutari etiam ea quæ, si vis verum, connexa sunt, non cohærentia: quæ quisque diligenter inspicit, nec facit operæ pretium, nec tamen perdit operam. Tibi autem homini natura optimo, & ad beneficia propenso, Liberalis Æbuci, nulla eorum laudatio satisfacit. Ne minem unquam vidi tam benignum etiam leuissimorum officiorum æstimatorem. Iam bonitas tua eoque prolapsa est, ut tibi dari putes beneficium, quod vlli datur, paratus es, ne quem beneficii pœniteat, pro ingratis dependere. Ipse usque eo abes ab omni iactatione, usque eo statim vis exonerare quos obligas, ut quidquid in aliquem confers, velis videri non præstare, sed reddere. Ideoque plenius ad te sic data reuertuntur. nam fere sequuntur beneficia non reposcentem: & ut gloria fugientes magis sequitur, ita fructus beneficiorum gratias respondet illis, per quos etiam esse ingratis liceat. Per te vero non est mora, quo minus beneficia qui acceperunt, ultro repetant 1): nec recusabis conferre alia, & suppressis dissimulatisque plura ac maiora adiciere. Propositum optimi viri, & ingentis animi est, tam diu ferre ingratum, donec feceris gratum. Nec te ista ratio decipiet. succumbunt vitia virtutibus, si illa non cito odisse properaueris.

CAP. II. Illud utique vnice tibi placet, velut magnifice dictum: Turpe est beneficiis vinci. Quod an sit verum, non immerito queri solet: longeque aliud est, quam mente concipis. Nunquam enim in rerum honestarum certamine superari, turpe est: dummodo arma non proicias, & victus quoque velis vincere. Non omnes ad bonum propositum easdem sfferunt vires, easdem facultates, eandem fortunam:

1. *Repetant*) tanquam cliui aliquid debeatur, cum ipsi debeant.

quæ optimorum quoque consiliorum, dumtaxat 1) exitus, temperat. Voluntas ipsa rectum petens, laudanda est, etiam si illam alius gradu velociori antecessit. non ut in certaminibus, ad spectaculum editis, meliorem palma declarat: quamquam in illis quoque sæpe deteriorem prætulit casus. Vbi de officio agitur, quod uterque a sua parte esse quam plenissimum cupit, si alter plus potuit, & ad manum habuit materiam sufficientem animo suo, si illi, quantum conatus est, fortuna permisit; alter autem voluntate par est, etiam si minora quam accepit reddidit, aut omnino non reddidit, sed vult reddere, & toto in hoc intentus est animo: hic non magis victus est, quam qui in armis moritur. quem occidere facilius hostis potuit, quam avertere. Quod turpe existimas, id accidere viro bono non potest, ut vincatur. nunquam enim succumbet, nunquam renunciabit, ad ultimum usque vitam stabit paratus, & in hac statione morietur: magna se accepisse præ se ferens, paria voluisse.

CAP. III. Lacedæmonii vetant suos pancratio 1) aut cestu decernere, ubi inferiorem ostendit victi confessio. Curfor cretam 2) prior contingit: velocitate alium, non animo, antecessit. Luctator ter abiectus, perdidit palmam, non tradidit. Cum invictus esse Lacedæmonii ciues suos magno æstimarent, ab his certaminibus remouerunt, in quibus victorem facit non iudex: non per se ipse exitus, sed vox cedentis, & tradere iubentis. Hoc quod illi in ciuibus suis custodiunt, virtus ac bona voluntas omnibus præstat, ne vnquam vincantur: quoniam quidem etiam inter su-

1. *Dumtaxat*) saltem, ad minimum.

1. *Pancratio*) Pancratiastes est qui nudis manibus pugnisque nexus miscet, imo & pedibus & toto corpore certat. unde & nomen illi, cum se. viribus & omni robore pugnet. *Lips.*

2. *Cretam*) ita metam appellat. vide Ep. 104. *Lips.*

perantia animus inuictus est. Ideo nemo trecentos Fabios victos dicit, sed occisos. Et Regulus captus est a Pœnis, non victus; & quisquis alius saeuientis fortunæ vi ac pondere oppressus, non submittit animum. In beneficiis idem est. plura aliquis accepit, maiora, frequentiora: non tamen victus est. Beneficia fortasse beneficiis victa sunt, si inter se data & accepta computes: si dantem & accipientem comparaueris, quorum animi & per se æstimandi sunt, penes neutrum erit palma. Solet enim fieri, vt etiam cum alter multis vulneribus confossus est; alter leuiter quidem saucius, pares exisse dicantur, quamuis alter videatur inferior.

CAP. IV. Ergo nemo vinci potest beneficiis: si scit debere, si vult referre, si quod rebus non potest, animo æquat. Hic, quam diu in hoc permanet, quam diu tenet voluntatem, gratum animum signis approbat: quid interest, ab vtra parte munuscula plura numerentur? Tu multa dare potes: at ego tantum accipere possum. tecum stat fortuna: mecum bona voluntas, tamen tam par tibi sum, quam multis armatissimis nudi, aut leuiter armati. Nemo itaque beneficiis vincitur: quia tam gratus est quisque, quam voluit. Nam si turpe est beneficiis vinci, non oportet a præpotentibus viris accipere beneficium, quibus gratiam referre non possis. A principibus dico, a regibus: quos eo loco fortuna posuit, ex quo largiri multa possent, pauca admodum & imparia datis recepturi. Reges & principes dixi, quibus tamen potest opera nauari, & quorum illa excellens potentia per minorum consensum ministeriumque constat. Sunt quidam extra omnem subducti cupiditatem, qui vix vllis humanis desideriis continguntur: quibus nihil potest præstare ipsa fortuna. necesse est a Socrate beneficio vincari: necesse est a Diogene, qui per me-
dias

dias Macedonum gazas nudus incescit, calcatis regni opibus. Onæ ille tunc merito & sibi & ceteris, quibus ad dispiciendam veritatem non erat offusa caligo, supra eum eminere visus est, infra quem omnia iacebant? Multo potentior, multo lucupletior fuit, omnia tunc possidente Alexandro, plus enim erat, quod hic nollet accipere, quam quod ille posset dare.

CAP. V. Non est turpe, ab his vinci, neque enim minus fortis sum, si cum invulnerabili me hoste committis: nec ideo ignis minus vrere potest, si in materiam incidit inviolabilem flammis: nec ideo ferrum secandi vim perdidit, si non recipiens ictum lapis solidus, inuictæque aduersus dura naturæ, diuidendus est. Idem tibi de homine grato respondeo. Non turpiter vincitur beneficiis, si ab his obligatus est, ad quos aut fortunæ magnitudo, aut eximia virtus adiutum redituris ad se beneficiis clausit. A parentibus fere vincimur. nam tam diu illos habemus, quam diu graves iudicamus, & quam diu beneficia illorum non intelligimus. Cum iam ætas aliquid prudentiæ collegit, & apparere cœpit, propter illa ipsas eos amari a nobis debere, propter quæ non amabantur, admonitiones, seueritatem, & inconsultæ adolescentiæ diligentem custodiam, rapiuntur nobis. Paucos vsque ad verum fructum a liberis percipiendum perduxit ætas: ceteri liberos onere senserunt. Non est tamen turpe, vinci beneficiis a parente. quid ni non sit turpe, cum a nullo turpe sit? Quibusdam enim & pares, & impares sumus. pares animo, quem solum illi exigunt, quem nos solum promittimus: impares fortuna, quæ si cui obstitit quo minus referret gratiam, non ideo illi tanquam victo erubescendum est. Non est turpe, non consequi, dummodo sequaris. Sæpe necesse est, ante alia beneficia petamus, quam priora reddidimus. Nec ideo non petimus, aut turpiter petimus,

mus, quia non reddituri debemus; quia non per nos erit mora, quo minus gratissimi simus. Sed interueniet aliquid extrinsecus, quod prohibeat nos tamen nec vincemur animo, nec turpiter his rebus superabimur, quæ non sunt in nostra potestate.

CAP. VI. Alexander Macedonum rex gloriari solebat, a nullo se beneficiis victum. Non est quod nimius animi Macedonas, & Græcos, & Caras, & Persas, & nationes districtas sine exercitu 1) suspiciat: ne hos sibi præstitisse regnum, a Thraciæ angulo porrectum vsque ad litus incogniti maris, iudicet. Eadem re gloriari Socrates potuit, eadem Diogenes, a quo utique victus est. Quid ni victus sit illo die, quo homo supra mensuram humanæ superbie tumens, vidit aliquem, cui nec dare quidquam posset, nec eripere? Archelaus rex 2) Socratem rogauit, ut ad se veniret. dixisse Socrates traditur, Nolle se ad eum venire, a quo acciperet beneficia, cum reddere illi paria non posset. Primum, in ipsius potestate erat, non accipere: deinde ipse dare beneficium prior incipiebat. Veniebat enim rogatus, & id dabat, quod utique ille non erat Socrati redditurus. Etiamnum 3) Archelaus daturus erat aurum & argentum, recepturus contemptum auri & argenti. Non poterat ergo Archelao referre Socrates gratiam? & quid tantum erat accepturus, quantum dabat, si ostendisset 4) hominem vitæ ac mortis peritum, vtriusque fines 5) tenentem? Si regem, in luce media eruantem, ad rerum naturam

1. Et nationes districtas in exercitu) leg. sine nationes desertas in exercitu. Gronov.

2. Rex) Macedonum, de eo Diodorus L. 14.

3. Etiamnum) præterea Gronov.

4. Ostendisset) speciem & faciem huiusmodi hominis monstrasset.

5. Fines) quatenus & quomodo viuere & mori oporteret. Lipsi.

admisisset, vsque eo eius ignarum, vt quo die solis defectio fuit, regiam cluderet, & filium (quod in luctu ac rebus aduersis moris est) tonderet? Quantum fuisset beneficium, si timentem e latebris suis extraxisset, & bonum animum habere iussisset dicens: Non est ista solis defectio, sed duorum siderum coitus, cum luna humiliore currens via, infra ipsum solem, orbem suum posuit, & illum obiectu sui abscondit: quæ modo partes eius exiguas, si in transeursu strinxit, obducit; modo plus tegit, si maiorem partem sui obiecit; modo excludit totius aspectum, si recto libramento inter solem terrasque media successit? Sed iam ista sidera huc & illo diducet velocitas sua, iam recipient diem terræ, & hic ibit ordo per sæcula: quæ dispositos ac prædictos dies habent, quibus sol intereoursu lunæ vetetur omnes radios effundere. Paullum expecta. iam emerget, iam istam velut nubem relinquet, iam exsolutus impedimentis, lucem suam libere mittet. Socrates parem gratiam Archelao referre non posset, si illum docuisset regnare? parum scilicet magnum beneficium a Socrate accipiebat, si vllum dare potuisset Socrati? Quare ergo hoc Socrates dixit? Vir facetus, & cuius per figuras sermo procedere solitus erat, derisor omnium, maxime potentium, maluit illi nasute negare, quam contumaciter ac superbe. Dixit se nolle beneficia ab eo accipere, cui non posset paria reddere. Timuit fortasse, ne cogeretur accipere quæ nollit: timuit, ne quid indignum Socrate acciperet. Dicit aliquis: Negasset, si nollit. Sed instigasset in se regem insolentem, & omnia sua magno æstimari volentem. Nihil ad rem pertinet, vtrum dare aliquid regi nolis, an accipere a rege: in æquo vtramque ponit repulsam. & superbo fastidiri acerbius est, quam non timeri. Vis scire, quid vere noluerit?

luerit? Noluit ire ad voluntariam seruitutem is, cuius libertatem ciuitas libera ferre non potuit.

CAP. VII. Satis (vt existimo) hanc partem tractauimus, an turpe esset beneficiis vinci: quod qui quærit, scit non solere homines sibi ipsos beneficium dare. manifestum enim fuisse, non esse turpe a seipsum vinci. Atqui apud Stoicos quosdam & de hoc ambigitur, an possit aliquis sibi beneficium dare? an debeat referre sibi gratiam? quod vt videretur quærendum, illa fecerunt. Solemus dicere, Gratias mihi ago, &, De nullo queri possum alio, quam de me: Ego mihi irascor, &, Ego a me pœnas exigam, &, Odi me. multa præterea huiusmodi, per quæ vnusquisque de se, tanquam de altero loquitur. Si nocere, inquit, mihi possum: quare non & beneficia mihi dare possum? Præterea quæ si in alium contulissem, beneficia vocarentur: quare si in me contuli, non sint? Quod si ab altero accepissem, deberem: quare si mihi ipse dedi, non debeam? Quare sim aduersus me ingratus, quod non minus turpe est, quam in se sordidum esse, & in se durum ac sæuum, & sui negligentem? Tam alieni corporis leno male audit, quam sui. Nempe reprehenditur assentator, & aliena subsequens verba, paratus ad falsa laudator: non minus placens sibi, & se suspiciens, &, vt ita dicam, assentator suus. Vitia non tantum cum foris peccant, inuisa sunt, sed cum in se retorquentur. Quem magis admiraberis, quam qui imperat sibi, quam qui se habet in potestate? Gentes facilius est barbaras, impatientesque alieni arbitrii, regere, quam animum suum continere, & tradere sibi. Plato, inquit, agit Socrati gratias, quod ab illo didicit: quare Socrates sibi non agat, quod ipse se docuit? M. Cato ait: Quod tibi deest, a te ipso mutuare. quare donare mihi non possum, si commodare possum? Innumerabilia sunt,

tom. I. li in

in quibus consuetudo nos diuidit. 1) Dicere solemus: Sine loquar mecum: & Ego mihi aurem pervellam. Quæ si vera sunt, quemadmodum aliquis sibi irasci debet, sic & gratias agere: quomodo obiurgare se, sic & laudare: quomodo damno sibi esse, sic & lucro potest. Iniuria & beneficium, contraria sunt, si de aliquo dicimus, iniuriam sibi fecit: poterimus dicere, Beneficium sibi dedit.

CAP. VIII. Nemo sibi debet, natura prius est, ut quis debeat, deinde ut gratiam referat. debitor non est sine creditore, non magis quam maritus sine uxore, aut sine filio pater. Aliquis dare debet, ut aliquis accipiat: non est dare, nec recipere, in dexteram manum de sinistra transferre. Quomodo nemo se portat, quamuis corpus suum moueat & transferat: quomodo nemo, quamuis pro se dixerit, affuisse sibi dicitur, nec statum sibi tanquam patrono ponit: quomodo si æger cum cura sua conualuit, mercedem a se non exigit: sic in omni negotio, etiam cum aliquid prodesse sibi fecerit, non tamen debebit referre gratiam sibi, quia non habebit, cui referat. Ut concedam aliquem dare sibi beneficium: dum dat, & recipit. ut concedam aliquem a se accipere beneficium, dum accipit, reddit. Domi (quod aiunt) versura fit, 1) & velut lusorium 2) nomen statim transit. Neque enim alius dat quam qui accipit, sed vnus atque idem. Hoc verbum debere, non habet nisi inter duos locum: quomodo ergo in vno consistit, qui se obligando libe-

1. *Diuidit*) ex vno duos facit, ut de nobis tanquam de aliis loquamur.

2. *Versura fit*) versuram facere est creditorem mutare & fœnus fœnore dissoluere, domi autem fit cum a nobis ipsis ea mutamur. *Lips.*

2. *Lusorium*) vero ac decretorio opponitur. Inane nec verum.

rat? Ut in orbe ac pila nihil est imum, nihil summum, nihil extremum, nihil primum, quia motu 3) ordo mutatur, & quæ sequebantur præcedunt, & quæ occidebant oriuntur, omnia quomodocumque ierint, in idem reuertuntur: ita in homine existima fieri. cum illum in multa mutaueris, vnus est. Cecidit se: iniuriarum cum quo agat, non habet. alligauit & clausit: de vi non tenetur. beneficium sibi dedit: protinus danti reddidit. Rerum natura nihil dicitur perdere, quia quidquid illi auellitur, ad illam redit: nec perire quidquam potest, quod quo excidat non habet, sed eodem reuoluitur vnde discedit. Quid simile, inquit, habet hoc exemplum propositæ quæstioni? dicam. Puta te ingratum esse, non peribit beneficium: habet illud, qui dedit. puta te recipere nolle: apud te est, antequam redditur. Non potes quidquam amittere: quia quod detrahitur, nihilominus tibi acquiritur. Intra te ipsum orbis agitur. accipiendo das, dando accipis.

CAP. IX. Beneficium, inquit, sibi dare oportet: ergo & referre gratiam oportet. Primum illud falsum est, ex quo pendent sequentia. Nemo enim sibi beneficium dat, sed naturæ suæ paret, a qua ad caritatem sui compositus est: vnde illi summa cura est nocitura vitandi, profutura appetendi. Itaque nec liberalis est, qui sibi donat: nec clemens, qui sibi ignoscit: nec misericors, qui malis suis tangitur. Quod aliis præstare liberalitas est, clementia, misericordia: sibi præstare, natura est. Beneficium res voluntaria est: at prodesse sibi, necessarium est. Quo quis plura beneficia dedit, beneficentior est. Quis vnquam laudatus est, quod sibi ipse fuisset auxilio? quod se eri-

3. Quia motu) legendum: quia neque motu. Lips. Verum nescio an sequentia id ferant.

puisset latronibus? nemo sibi beneficium dat, non magis quam hospitium: nemo sibi donat, non magis quam credit. Si dat sibi quisque beneficium, semper dat, sine intermissione dat: inire beneficiorum suorum non potest numerum. Quando ergo gratiam referet, cum per hoc ipsum, quo gratiam refert, beneficium det? Quomodo enim discernere poterit, utrum det sibi beneficium, an reddat, cum intra eundem hominem res geratur? Liberaui me periculo: beneficium mihi dedi. iterum me periculo libero: vterum do beneficium, an reddo? Deinde ut primum illud concedam, dare nos beneficium nobis: quod sequitur, non concedam. nam etiamsi damus, non debemus. quare? quia statim recipimus. Accipere beneficium nos oportet, deinde debere, deinde referre. Debendi locus non est, quia sine vlla mora recipimus. Dat nemo, nisi alteri: debet nemo, nisi alteri: reddit nemo, nisi alteri. Id intra vnum non potest fieri, quod toties duos exigit.

CAP. X. Beneficium est, praestitisse aliquid vtiliter. verbum autem Praestitisse, ad alios spectat. Nunquid non demens videbitur, qui aliquid vendidisse sibi se dicet? quia venditio alienatio est, & rei suae, iurisque in ea sui, in alium translatio. Atqui quemadmodum vendere, sic dare aliquid, a se dimittere est, & id quod tenueris, habendum alteri tradere. Quod si est, beneficium nemo sibi dedit: quia nemo dat sibi. Alioqui duo contraria in vno coeunt, ut idem sit dare, & accipere. Etiamnum multum interest, inter dare, & accipere. quid ni? cum ex diuerso ista verba posita sint. atqui si quis sibi beneficium dat, nihil interest inter dare & accipere. Paullo ante dicebam, quaedam ad alios pertinere, & sic esse formata, ut tota significatio illorum discedat a nobis, Fra-

der sum, sed alterius. nemo est enim suus frater. Par sum, sed alicui. quis est enim par sibi? Quod comparatur, sine altero non intelligitur: quod iungitur, sine altero non est. Si & quod datur, sine altero non est: & beneficium sine altero non est. Id ex ipso vocabulo apparet, in quo hoc continetur, benefecisse. Nemo autem sibi benefacit; non magis quam sibi fauet, quam suarum partium est. Diutius hoc & pluribus exemplis licet prosequi. quidni? cum inter ea sit habendum beneficium, quæ secundam personam desiderant. Quædam cum sint honesta, pulcherri-
ma, summæ virtutis, nisi cum altero non habent locum. Laudatur, & inter maxima humani generis bona, fides colitur. num quis ergo dicitur sibi fidem præstitisse.

CAP. XI. Venio nunc ad ultimam partem. Qui gratiam refert, aliquid debet impendere, sicut qui soluit pecuniam: nihil autem impendit, qui gratiam sibi refert, non magis quam consequitur, qui beneficium a se accepit. Beneficium & gratiæ relatio, vtro citroque ire debent: intra vnum hominem non est vicissitudo. Qui ergo gratiam refert, inuicem prodest ei, a quo consecutus est aliquid: qui sibi gratiam refert, cui prodest? sibi. Et quis non alio loco relationem gratiæ, alio beneficium cogitat? Qui gratiam sibi refert, sibi prodest. & quis vnquam ingratus hoc noluisset facere? imo quis non ingratus fuit, ut hoc faceret? Si gratias, inquit, nobis agere debemus, & gratiam referre debemus. Dicimus autem, Ago gratias mihi, quod illam uxorem nolui ducere, & cum illo non contraxi societatem. Cum hoc dicimus, laudamus nos: & ut factum nostrum comprobemus, gratias agentium verbis abutimur. Beneficium est quod potest, & cum datum est, non reddi: qui sibi beneficium dat, non potest non recipere, quod de-

dit: ergo non est beneficium. Alio tempore beneficium accipitur, alio redditur. In beneficio hoc est probabile, & suspiciendum, quod alteri ut aliquis prodesset, utilitatis interim suæ oblitus est: quod alteri dedit, ablaturus sibi. hoc non facit, qui beneficium sibi dat. Beneficium dare, socialis res est, aliquem conciliat, aliquem obligat: sibi dare, non est socialis res, neminem conciliat, neminem obligat, neminem in spem inducit, ut dicat: Hic homo colendus est. illi beneficium dedit: dabit & mihi. Beneficium est, quod quis non sua causa dat, sed eius cui dat, is qui sibi beneficium dat, sua causa dat: non est ergo beneficium.

CAP. XII. Videor tibi iam illud, quod in principio dixeram, mentitus? Dicis me abesse ab eo qui operæ pretium facit: imo totam operam bona fide perdere? Exspecta etiam. hoc verius diceas, simul ac te ad has latebras perduxero: a quibus cum euaseris, nihil amplius affecturus eris, quam ut eas difficultates effugeris, in quas licuit non descendere. Quid enim boni est, nodos operose soluere, quos ipse ut solueres, feceris? Sed quemadmodum quædam in oblectamentum ac iocum sic inligantur, ut eorum solutio imperito difficilis sit: quæ ille qui implicuit, sine ullo negotio separat: quia commissuras eorum & moras ¹⁾ nouit: & nihilominus illa habent aliquam voluptatem: tentant enim acumen animorum & intencionem excitant: ita hæc quæ videntur callida & insidiosa, securitatem, ac segnitiam ingenii auferunt: quibus modo campus in quo vagentur, sternendus est, modo creperi aliquid & confragosi obiciendum, per quod erepant, & sollicito vestigium faciant. Dicitur nemo ingratus esse, id sic colligitur. Beneficium est quod prodest: prodesse autem nemo homini malo potest, ut dicitis Stoici:

1. Moras) nexus & complicationes.

ergo beneficium non accipit malus : itaque nec ingratus est. Etiamnum, beneficium honesta & probabilis res est. Apud malum nulli honestæ rei aut probabili locus est : ergo nec beneficio : quod si accipere non potest, nec reddere quidem debet. & ideo non fit ingratus. Etiamnum, ut dicitis : Bonus vir omnia recte facit, si omnia recte facit, ingratus esse non potest. Bonus beneficium reddit, malus non accipit. quod si est, nec bonus quisquam ingratus est, nec malus. ita ingratus in rerum natura est nomen, & hoc inane. Vnum est apud nos bonum, honestum. id peruenire ad malum non potest : desinet enim malus esse, si ad illum virtus intrauerit. Quamdiu autem malus est, nemo illi dare beneficium potest : quia bona malaque dissentiunt, nec in vnum eunt. Idè nemo illi prodest ? quia quidquid ad illum peruenit, id prauo usu corrumpit. Quemadmodum stomachus morbo vitatus, & colligens bilem : quoscumque accepit cibos mutat, & omne alimentum in causam doloris trahit : ita animus cæcus, quidquid illi commiseris, id onus suum, & perniciem, & occasionem miseriz facit. Felicissimis itaque opulentissimisque plurimum æstus subest, minusque se inueniunt, quo in maiorem materiam inciderunt, quo fluctuantur. Ergo nihil potest ad malos peruenire, quod profit : imo nihil quod non noceat. Quæcumque enim illis contigerunt, in naturam suam vertunt, & extra speciosa, profuturaque si meliori darentur, illis pestifera sunt. Ideo nec beneficium dare possunt : quoniam nemo potest quod non habet, dare : hic benefaciendi voluntate caret.

CAP. XIII. Sed quamuis hæc ita sint, accipere tamen malus potest, quæ beneficiis similia sint : quibus non redditis, ingratus erit. Sunt animi bona, sunt corporis, sunt fortunæ. Illa animi bona, a stulto ac malo submouentur : ad hæc admittitur, quæ & acci-

pere potest, & debet reddere: & si non reddit, ingratus est. Nec hoc ex nostra constitutione tantum. Peripatetici quoque, qui felicitatis humanæ longe lateque terminos ponunt, aiunt, minuta beneficia peruentura ad malos. hæc qui non reddit, ingratus est. Nobis itaque beneficia esse non placet, quæ non sunt animum factura meliorem: commoda tamen illa esse, & expetenda, non negamus. Hæc & viro bono dare malus potest, & accipere a bono; ut pecuniam, vestem, honores, & vitam, quæ si non reddet, in ingrati nomen incidet. At quomodo ingratum vocas, eo non reddito, quod negas esse beneficium? Quædam etiam si vera non sint, propter similitudinem eodem vocabulo comprehensa sunt. Sic pyxidem, & argenteam & auream dicimus. sic illiteratum, non ex toto rudem, sed ad litteras altiores non perductum. sic qui male vestitum & pannosum vidit, nudum se vidisse dicit. Beneficia ista non sunt: habent tamen beneficii speciem. Quomodo ista sunt tanquam beneficia: sic & ille tanquam ingratus est, non ingratus. Falsum est. quia illa beneficia, & qui dat appellat, & qui accipit. Ita & qui veri beneficii specie fefellit, tam ingratus est, quam veneficus, qui soporem, ¹⁾ cum venenum crederet, miscuit.

CAP. XIV. Cleanthes vehementius agit. Licet, inquit, beneficium non sit quod accipit, ipse tamen ingratus est: quia non fuit redditurus, etiam si accepisset. Sic latro est, etiam antequam manus inquinet: quia ad occidendum iam armatus est, & habet spoliandi atque interficiendi voluntatem. Exercetur & aperitur opere nequitia, non incipit. Ipsum quod accepit, beneficium non erat, sed vocabatur. Sacrilegi dant pœnas, quamvis nemo usque ad deos ma-

1. *Soporem*) medicamentum soporiferum.

nus porrigat. Quomodo, inquit, aduersus malum ingratus est quisquam, cum malo dari beneficium non possit? Ea scilicet ratione, quia accepit ab illo aliquid ex his, quæ apud imperitos bona sunt: quorum si malis copia est, ipse quoque in simili materia gratus esse debet: & illa qualiacunque sunt, cum pro bonis acceperit, pro bonis reddere. *Æs* alienum habere dicitur, & qui aureos debet, & qui corium forma publica percussum, quale apud Lacedæmonios fuit, quod vsum numeratæ pecuniæ præstat. Quo genere obligatus es, hoc fidem exsolue.

CAP. XV. Quid sint beneficia, an & in hanc sordidam humilemque materiam deduci magnitudo nominis clari debeat, ad vos non pertinet: in alios quæritur verum. 1) Vos ad speciem veri componite animum: & dum honestum dicitis, quidquid est id, quod nomine honesti iactatur, id colite. Quomodo, inquit, nemo per vos ingratus est, sic rursus omnes ingrati sunt. Nam (vt dicitis) omnes stulti mali sunt: qui autem habet vitium vnum, habet omnia: omnes autem stulti & mali sunt. omnes ergo ingrati sunt. Quid ergo? non sunt? 2) non vndique humano generi conuicium fit? non publica querela est, beneficia perisse, & paucissimos esse, qui de benemerentibus non inuicem pessime mereantur? Nec est quod hanc tantum nostram murmuratiõnem putes, pro pessimo prauoque numerantium, quidquid citra recti formulam cecidit. Ecce nescio qui non ex philosophorum domo clamat, ex medio conuentu populos gentesque damnatura vox mittitur,

1. *In alios &c.*) Sententia est: Vos e turba stulti frustra de vero beneficio quæritis, eius non capaces: ad speciem & imaginem eius ite, veritas aliis quæritur. *Lips.*

2. *Quid ergo? non sunt?*) respondet Seneca ad Obiectionem concedendo.

li 5

Non

Non hospes ab hospite tutus,
 Non socer a genero. fratrum quoque gratia rara est:
 Imminet exitio vir coniugio, illa mariti.

Hoc iam amplius est. beneficia in scelus versa sunt: & sanguini eorum non parcur, pro quibus sanguis fundendus est. Gladio ac venenis beneficia sequimur: ipsi patriæ manus afferre, & fascibus suis illam premere, potentia ac dignitas est. Humili se ac depresso loco putat stare, quisquis non supra rempublicam stetit, Accepti ab illa exercitus in ipsam conuertuntur, & imperatoria concio est. Pugnat contra coniuges, pugnat contra liberos, aras, focos, penates, armis incessite. Qui ne triumphaturi quidem intrare urbem iniussu senatus deberetis, quibusque exercitum victorem reducentibus curia extra muros 3) præberetur: nunc ciuibz cæsis, perfusi cruore cognato, urbem subrectis intrate vexillis. Obmutescat inter militaria signa libertas, & ille victor, pacatorque gentium populus remotis procul bellis, omni terrore compresso, intra muros obsessus, aquilas suas horreat.

CAP. XVI. Ingratus est Coriolanus: scro & post sceleris poenitentiam pius, posuit arma, sed in medio patricidio posuit. Ingratus Catilina, parum est illi capere patriam, nisi euerterit, nisi Allobro gum in illam cohortes immiserit, & trans alpes accitus hostis, vetera & ingenua odia satiauerit, ac diu debitas inferias Gallicibus 1) duces Romani perfoluerint. Ingratus C. Ma-

3. *Extra muros*) Nimirum triumphaturo intrare urbem cum imperio nefas. Ideoque senatus ei primum dabatur extra urbem, qui rebus expositis fiebat auctor, eiusque auctoritate populus inebat triumphantem intrare.

1. *Gallicis bustis*) ita dictus locus Romæ ubi cæsi conditi que a Camillo Galli. *Lips.*

rius,

rius, ad consulatum a caliga 2) perductus: qui nisi Cimbricis cædibus Romana funera æquauerit, nisi ciuile exitii & trucidationis non tantum dederit signum, 3) sed ipse signum 4) fuerit, parum mutatam ac repositam in priorem locum fortunam suam sentiet. Ingratus L. Sulla: qui patriam durioribus remediis quam pericula erant, sanauit. qui cum a Prænestina arce, vsque ad Collinam portam, per sanguinem humanum incessisset, alia edidit in vrbe prælia, alias cædes: legiones duas, quod crudele est, post victoriam; quod nefas, post fidem, in angulo 5) congestas contrucidauit, & proscriptionem commentus est: dii magni? vt qui ciuem Romanum occidisset, impunitatem, & pecuniam, tantum non ciuicam acciperet. Ingratus Cn. Pompeius: qui pro tribus consulatibus, pro triumphis tribus, pro tot honoribus, quos ex maxima parte immaturus inuaserat, hanc gratiam reipublicæ reddidit, vt in possessionem eius alios quoque induceret, quasi potentia suæ detracturus inuidiam, si quod nulli licere debebat, pluribus licuisset: dum extraordinaria concupiscit imperia, dum prouincias, vt eligat, distribuit, dum ita triumuiris remp. diuidit, vt tamen in sua domo duæ partes essent, eo redegit populum Rom. vt saluus esse non posset, nisi beneficio seruitutis. Ingratus ipse Pompeii hostis ac victor, qui a Gallia Germanique bellum in urbem circumegit, & ille plebicola, ille popularis, castra in circo Flaminio posuit, propius quam Porcenæ fue-

2. a caliga) innuit fuisse primum gregarium militem qui caligas gestabant. *Id.*

3. Dederit signum) in militia: cum tesseram eundi Romam & trucidandi dedit. *Id.*

4. Ipse signum) Quia tacitum signum gestu & a se dabat, vt interficerentur quibuscunque manus osculum negasset. *vid. Florus L. 3. Plutarch. in Mario.*

5. In angulo) In euili quoderat in campo Martio.

rant. Temperavit quidem ius crudelitatemque victoriæ. quod dicere solebat, præstitit: neminem occidit nisi armatum. Quid ergo est? Ceteri arma cruentius exercuerunt, satiati tamen aliquando abiecerunt: hic gladium cito condidit, nunquam posuit. Ingratus Antonius in dictatorem suum, 6) quem iure casum pronuntiauit, interfectoresque eius in provincias & imperia dimisit, patriam vero proscriptionibus, incurfionibus, bellis laceratam, post tot mala, destinavit ne Romanis quidem 7) regibus: ut quæ Achæis, Rhodiis, & plerisque urbibus claris ius integrum, libertatemque cum immunitate reddiderat, ipsa tributum spadonibus penderet.

CAP. XVII. Deficiet dies, enumerantem ingratos, usque in ultima patriæ exitia. Æque immensum erit, si percurrere cœpero, ipsa respublica quam ingrata in optimos ac deuotissimos sibi fuerit: quamque non minus sæpe peccauerit, quam in ipsum peccatum est. Camillum in exilium misit; Scipionem dimisit. exulauit post Catilinam Cicero, diruti eius penates, bona direpta, factum quidquid victor Catilina fecisset, Rutilius innocentiae pretium tulit in Asia latere: Catoni populus Romanus præturam negauit, consulatum pernegauit. Ingrati publice sumus. Se quisque interroget: nemo non aliquem queritur ingratum. Atqui non potest fieri, ut omnes querantur, nisi querendum est de omnibus. Omnes ergo ingrati sunt. Tantum? & cupidi omnes, & maligni omnes, & timidi omnes, illi in primis qui videntur audaces. Adhuc, & ambitioni omnes sunt & impii omnes. Sed non est quod irascaris. ignosce illis: omnes insaniunt.

6. In dictatorem suum) Cæsarem, cuius erat magister equitum.

7. Ne Romanis quidem) suæ scilicet Cleopatræ.

Nolo te ad incerta reuocare, vt dicam, 1) Quam ingrata vide sit iuuentus. Quis non patri suo supremum diem, vt innocens sit, optat? vt moderatus, expectat? vt pius, cogitat? Quotus quisque vxoris optimæ mortem timet, vt non & computet? Cui, rogo, cui litigatori defenso, tam magni beneficii, vltra res proximas, 2) memoria durauit? Illud in confesso est. quis sine querela moritur? quis extremo die dicere audet:

Vixi, & quem dederat cursum fortuna, peregi?

quis non recusans, quis non gemens exit? Atqui hoc ingrati est, non esse contentum præterito tempore. Semper pauci dies erunt, si illos numeraueris. Cogita, non esse summum bonum in tempore, quantumcumque est, boni consule. Vt prorogetur tibi dies mortis, nihil proficit ad felicitatem: quoniam mora non fit beatiore vita, sed longior. Quanto satius est, gratum aduersus perceptas voluptates, non aliorum annos computare, sed suos benigne æstimare, & in lucro ponere? Hoc me dignum iudicauit Deus? hoc satis est. Potuit plus? sed hoc quoque beneficium est. Grati simus aduersus deos, grati aduersus homines grati aduersus eos, qui nobis aliquid præstiterunt; grati etiam aduersus eos qui nostris præstiterunt.

CAP. XVIII. In infinitum, inquit, me obligas, cum dicis, & nostris, itaque pone aliquem finem. Qui filio beneficium dat, vt dicis, & patri eius dat. Primum vnde, quo, 1) quæro. Deinde illud vtique mihi

1. *Vt dicam*) vt habeam multa dicendi materiam.

2. *Res proximas*) Res simpliciter lites & actus rerum notant. Ita *res prolatæ* dicuntur cum seriæ forum habent. Iam sententia est: nemo litigator meminit patrocini post vnas ferias, non extendit memoriam vltra actum proximum rerum. *Lips.*

1. *Vnde, quo*) Vnde incipis, quousque progredieris, *Lips.*

determinari volo, si & patri beneficium datur, nunquid & fratri? nunquid & patruo? nunquid auo? nunquid vxori, & focero? Dic mihi, vbi debeam desinere: quousque personarum seriem sequar. Si agrum tuum coluero, tibi beneficium dedero: si domum tuam ardentem restrinxero, aut ne concidat excepero, tibi beneficium non dabo? Si seruum tuum seruauero, tibi imputabo: si filium tuum seruauero, non habebis beneficium meum?

CAP. XXI. Dissimilia ponis exempla: quis qui agrum meum colit, agro beneficium non dat, sed mihi: & qui domum meam, quo minus ruat, fulcit, praestat mihi. ipsa enim domus sine sensu est. Debitorem me habet, quia nullum habet. Et qui agrum meum colit, non illum, sed me demereri vult. Idem de seruo dicam. mei mancipii res est, mihi seruatur: ideo ego pro illo debeo. Filius ipse beneficii capax est. itaque ille accipit: ego beneficio lator. contingor, non obligor; Velim tamen, tu qui debere non putas respondeas mihi: filii bona valetudo, felicitas, patrimonium, pertinet ad patrem? felicius futurus est, si saluum habuerit filium: infelicius, si amiserit? Quid ergo? qui & felicius fit a me, & infelicitatis maximae periculo liberatur, non accipit beneficium? Non, inquit, quaedam enim in alios conferuntur, sed ad nos usque permanent, ab eo autem exigi quidque debet, in quem confertur: sicut pecunia ab eo petitur, cui credita est, quamuis ad me illa aliquo modo venerit. Nullum beneficium est, cuius commodum non & proximos tangat, nonnunquam etiam longius positos. Non quaeritur, quo beneficium ab eo cui datum est, transferatur, sed vbi primo collocetur. a reo tibi ipso & a capite repetitio est. Quid ergo? oro te, non dicis, filium mihi donasti, & si hic perisset, victurus non fui? pro eius vita beneficium non debes, cuius vitam
tug

tuæ præfers? Etiamnum cum filium tuum seruasti, ad genua procumbis, diis vota soluis, tanquam ipse seruatus. Illæ voces exeunt tibi: Nihil interest, mea 1) an me seruaueris. duos seruasti: imo me magis. Quare ista dicis, si non accipis beneficium? quia & si filius meus pecuniam inutuam sumpserit, creditori numerabo, non tamen ideo ego debuerō. quia etsi filius meus in adulterio deprehensus erit, erubescam, non ideo ego ero adulter. Dico me tibi obligatum pro filio, non quia sum, sed quia volo me offerre tibi debitorem, voluntarium. At peruenit ad me summa ex incolumitate eius voluptas, summa utilitas, & orbitatis grauissimum vulnus effugi. Non quæritur nunc, an profueris mihi, sed an beneficium dederis. prodest enim & animal, & lapis, & herba: nec tamen beneficium dant, quod nunquam datur, nisi a volente. Tu autem non vis patri, sed filio dare: & interim, ne nosti quidem patrem. Itaque cum dixeris, patri ergo beneficium non dedi, filium eius seruando? contra oppone, Patri ergo beneficium dedi, quem non noui, quem non cogitaui? Et quid quod aliquando eueniet, ut patrem oderis, filium serues: beneficium ei videberis dedisse, cui tunc inimicissimus eras, cum dares? Sed ut dialogorum altercatione seposita, tanquam iurisconsultus respondeam, mens spectanda est dantis. Beneficium ei dedit, cui datum voluit. Sicut si in patris honorem fecit, pater accepit beneficium: sed pater beneficio in filium collato non obligatur, etiam si fruitur. Si tamen occasionem habuerit, volet & ipse præstare aliquid: non tanquam soluendi necessitatem habeat, sed tanquam incipiendi causam. Repeti a patre beneficium non debet: si quid pro hoc benigne facit, iustus, non gratus est. Nam illud finire non potest: si patri do be-

1. Mea) i. e. filium in quo omnia mea sita, Gronov.

beneficium, & matri, & auo, & auunculo, & liberis, & affinibus, & amicis, & seruis, & patriæ. Vbi ergo beneficium incipit stare? Sorites enim ille inexplicabilis subit; cui difficile est modum imponere, quia paulatim surrepit & non desinit serpere. Illud solet quæri: Fratres duo dissident. si alterum seruo, an dem beneficium ei qui fratrem inuisum non periisse moleste laturus est? Non est dubium, quin beneficium sit etiam inuito prodesse: sicut non dedit beneficium, qui inuitus profuit.

CAP. XX. Beneficium, inquit, vocas, quo ille offenditur; quo torquetur? Multa beneficia tristem frontem & asperam habent, quemadmodum secare & vrere vt sanes, & vinculis coercere. Non est spectandum an doleat quis beneficio accepto: sed an gaudere debeat. Non est malus denarius, quem barbarus & ignarus formæ publicæ reiecit. Beneficium & odit, & accepit: si modo id prodest, si is qui dabat, vt prodesset dedit. nihil refert an bonam rem malo animo quis accipiat. Agedum, hoc in contrarium verte. Odit fratrem suum, quem illi expedit habere. hunc ego occidi. non est beneficium, quamuis ille dicat esse, & gaudeat. Insidiosissime nocet, cui gratiæ aguntur pro iniuria. Video. Prodest aliqua res, & ideo beneficium est: nocet, & ideo non est beneficium. Ecce, quod nec proficit, nec noceat, dabo: & tamen beneficium est. Patrem alicuius in solitudine exanimem inueni, corpus eius sepeliui. nec ipsi profui (quid enim illius intererat, quo genere dilaberetur?) nec filio, quid enim per hoc commodi accessit illi? Dicam quid consecutus sit: officio solenni & necessario per me functus est. Præstiti patri eius, quod ipse præstare voluisset, necnon & debuisset. Hoc tamen ita beneficium est, si non misericordiæ & humanitati dedi, vt quodlibet cadauer absconderem: sed

sed si corpus agnoui, si filio tunc hoc præstare me cogitavi. At si terram ignoto mortuo inieci, nullum habeo huius officii debitorem, in publicum humanus. Dicit aliquis, Quid tantopere quæris, cui dederis beneficium, tanquam repetiturus aliquando? Sunt qui nunquam iudicant esse repetendum, & has causas afferunt. Indignus, etiam repetenti non reddet: dignus, ipse per se referet. Præterea si bono viro dedisti, exspecta: ne iniuriam illi facias appellando, tanquam non fuisset sua sponte redditurus. si malo viro dedisti, plectere. Beneficium verbo 1) ne corrueris, creditum faciendo. Præterea, lex quod non iussit repeti, vetuit. Vera sunt ista. quam diu me nihil urget, quam diu fortuna nihil cogit, petam potius beneficium quam repetam: sed si de salute liberorum agitur, si in periculum vxor deducitur, si patriæ salus ac libertas mittit me etiam quo ire nollem, imperabo pudori meo, & testabor omnia me fecisse, ne opus esset mihi auxilio hominis ingrati. nouissime recipiendi beneficii necessitas, repetendi verecundiam vincet. Deinde, cum bono viro beneficium do, sic do, tanquam numquam repetiturus, nisi necesse fuerit.

CAP. XXI. Sed lex, inquit, non permittendo exigere, vetuit. Multa legem non habent, nec actionem: ad quæ consuetudo vitæ humanæ, lege omni valentior, dat aditum. Nulla lex iubet amicorum secreta non eloqui nulla lex fidem etiam inimico præstare. Quæ lex ad id præstandum nos quod alicui promissimus, alligat? Querar tamen cum eo qui arcum sermonem non continuerit, & fidem datam, nec seruata, indignabor. Sed ex beneficio, inquit,

1. Verbo) ipso illo repetendi: quod exactionem & ex debito sonat. Lips.

creditum facis. Minime. non enim exigo, sed repeto: & ne repeto quidem, sed admonco. Ne ultima quoque necessitas, in hocaget, vt ad eum veniam, cum quo diu mihi luctandum sit. ¹ Qui tam ingratus est, vt illi non sit satis admoneri, cum transibo, nec dignum iudicabo, qui gratus esse cogatur. Quomodo fenerator quosdam debitores non appellat, quos scit decoxisse, & in quorum pudorem nihil superest, quod pereat: sic ego quosdam ingratos palam ac pertinaciter prateribo, nec ab vilo beneficium repetam, nisi a quo non ablaturus ero, sed recepturus.

CAP. XXII. Multi sunt, qui nec negare sciant, quod acceperunt, nec referre: qui nec tam boni sunt quam grati, nec tam mali quam ingrati, segnes & tardi, lenta nomina, non mala. Hos ego non appellabo, sed commonefaciam, & ad officium aliud agentes educam. qui statim mihi sic respondebunt: Ignosce, non mehercule sciui hoc te desiderare, alioquin vltro obtulissem. Rogo ne me ingratum existimes. memini quid mihi prastiteris. Hos ego quare dubitem, & tibi meliores & mihi facere? Quemcumque potuero, peccare prohibebo, multo magis amicum, & ne peccet, & ne in me potissimum peccet. Alterum illi beneficium do, si illum ingratum esse non patior: nec dure illi exprobrabo quæ prastiti, sed quam potero mollissime, vt potestatem referendæ gratiæ faciam, renouabo memoriam eius, & petam beneficium: ipse me repetere intelliget. Aliquando vtar verbis durioribus, si emendari illum sperauero posse. nam deploratum propter hoc quoque non exagitabo, ne ex ingrato inimicum faciam.

1. *Luctandum sit*) vi quasi adhibita gratitudinis testificatio extorquenda.

Quodli admonitionis quoque suggillationem¹⁾ ingratis remittimus, segniores ad reddenda beneficia faciemus. Quosdam vero sanabiles & qui fieri boni possunt, si quid illos momorderit, perire patiemur admonitione sublata? qua & pater filium aliquando correxit, & vxor maritum aberrantem ad se reduxit, & amicus languentem amici fidem erexit.

CAP. XXIII. Quidam vt expergiscantur, non ferendi, sed commouendi sunt: eodem modo quorundam ad referendam gratiam fides non cessat, sed languet, hanc peruellamus. Noli munus tuum in iniuriam vertere. iniuria est enim, si in hoc non repetis, vt ingratus sim. Quid si ignoro, quid desideres? quid si occupationibus districtus, & in alia vocatus, occasionem non obseruavi? ostende mihi quid possim, quid velis. Quare desperas, antequam tentas? quare properas & beneficium, & amicum, perdere? Vnde scis, nolim, an ignorem; animus, an facultas desit mihi? experire. Admonebo ergo, non amare, non palam, sine conuicio: sic, vt se redisse¹⁾ in memoriam, non reduci putet.

CAP. XXIV. Causam dicebat apud diuum Iulium ex veteranis quidam, paullo violentior aduersus vicinos suos, & causa premebatur. Meministi, inquit, Imperator, in Hispania talum te torfisse; circa Sucronem? Cum Cæsar meminisse se dixisset: Meministi²⁾ idem, inquit, sub quadam arbore minimum umbræ spargente, cum velles residere feruentissimo sole, & esset asperrimus locus, in quo ex rupibus acutis vnica illa arbor eruperat, quemdam ex commilitonibus penulam suam subtrauisse? Cum dixisset Cæsar: Quid ni meminerim? & quidem siti confectus, quia impe-

1. Suggillationem) a corpore sumtum. Est nota & linor e verberare. Lips.

2. Vt se redisse) sua sponte, non monitionibus ad actum reduci.

ditus ire ad fontem proximum non poteram, reperere manibus volebam, nisi commilito, homo fortis ac strenuus, aquam mihi in galea sua attulisset. Potes ergo, inquit, Imperator, agnoscere illum hominem, aut illam galeam? Cæsar ait, se non posse galeam agnoscere, hominem pulchre posse: & adiecit, puto ob hoc iratus, quod se a cognitione media 2) ad veterem fabulam adduceret: Tu utique ille non es. Merito, inquit, Cæsar, me non agnoscis. nam cum hoc factum est, integer eram. postea ad Mundam in acie oculus mihi effossus est, & in capite lecta ossa. 3) Nec galeam illam si videres, agnosceres: machæra enim Hispana diuisa est. Veruit illi exhiberi negotium Cæsar: & agellos, in quibus vicinalis via, 4) causæ rixæ ac litium fuerat, militi suo donauit.

CAP. XXV. Quid ergo? non repeteret beneficium ab Imperatore, cuius memoriam multitudo rerum confuderat? quem fortuna ingens, exercitus disponentem, non patiebatur singulis militibus occurrere? Non est hoc repetere beneficium, sed resumere bono loco positum, & paratum: ad quod tamen ut sumatur, manus porrigenda est. Repetam itaque, quia hoc aut necessitate facturus ero, aut illius causæ, a quo repetam. Tiberius Cæsar inter initia dicenti quidam, Meministi, antequam plures notas familiaritatis veteris proferret, Non memini, inquit, quid fuerim. Ab hoc quidni non esset repetendum beneficium? optanda erat obliuio. Auerfabatur omnium amicorum & æqualium notitiam, & illam solam præsentem fortunam suam adspici, illam solam cogitari ac

2. *A cognitione media*) in cognoscenda causa totum occupatum a media cognitione, hoc est ex parte iam confecta.

3. *Lecta ossa*) telo scilicet fracto capite.

4. *Vicinalis via*) Vicinalis via est quæ vel ex vico vel in vicum ducit.

narrari volebat: inquisitorem habebat, veterem amicum. Magis tempestiue repetendum est beneficium, quam petendum. Adhibenda verborum moderatio, vt nec ingratus dissimularet. Tacendum & expectandum si inter sapientes viueremus: & tamen sapientibus quoque indicare melius fuisset, quid rerum nostrarum status posceret. Deos, quorum notitiam nulla res effugit, rogamus: & illos vota non exorant, sed admonent. Diis quoque, inquam, Homericus ille sacerdos 1) allegat officia, & aras religiose cultas, quo obsequentes faciat: & parent. 2) Moneri velle ac posse, secunda virtus 3) est. Huc illuc frænis leniter motis flectendus est paucis animus 4) sui rector optimus. Proximi sunt, qui admoniti in viam redeunt. His non est dux detrahendus. Opertis oculis inest acies, sed sine vsu, quam lumen a diis immissum ad ministeria sua euocat. Instrumenta cessent, nisi illa in opus suum artifex mouerit. Inest interim animis voluntas bona: sed torpet, modo deliciis ac situ, modo officii inscitia. Hanc vtilem facere debemus: nes irati relinquere in vitio, sed vt magistri puerorum discentium patienter ferre offensiones memoriæ labentis. Quæ, quemadmodum sæpe subiecto vno aut altero verbo, ad contextum reddendæ orationis adducta est, sic ad referendam gratiam admonitione revocanda est.

1. Sacerdos) Chryses apud Homerum II. 4.

2. Parent) h. e. precibus locum faciunt.

3. Secunda virtus) prima nimirum & potior est meminisse ipsum nemine monente.

4. Paucis animus) animus qui paucis est sui rector optimus.



LIBER SEXTVS.

Argumentum & Ordo.

Iterum *Quaestiuncula*, Chrysippeus quodam more. *Prima*, An beneficium eripi possit? *Varie* differit, elaudit tamen vsum eius eripi posse, non ipsum. *Secunda*, An debeamus ei, qui vel inuitus profuit, vel ignarus? *negat*. *Tertia*, An ei, qui sua causa nobis profuit? si tantum sua, abnuis: si & mea, admittis. *Exempla & argutias miscet*. *Quarta*, An fas incommodi aliquid alteri optare, ut gratiam possis referre? non est, & damnat. *Aliam viam aperit referenda gratia etiam felicibus, etiam Regibus, per consilia, monita, doctrinam.*

CAPVT I.

Quædam, Liberalis virorum optime, exercendi tantum ingenii causa quaeruntur, & semper extra vitam iacent: 1) quædam & dum quaeruntur, oblectamento sunt, & quaesita vsui. Omnium tibi copiam faciam. tu illa, vtrumque tibi visum erit; aut peragi iubeto, aut ad explicandum ludorum ordinem induci. 2) His quoque, si abire protinus iusseris, nonnihil actum erit. nam etiam quod discere supernacuum est, prodest cognoscere. Ex vultu igitur tuo pendebo, prout ille suaserit mihi: alia detinebo diutius, alia expellam, & capite agam. 3)

1. *Extra vitam iacent*) vsum vitae non praestant.

2. *Induci*) ostendi tantum, non peragi & pertractando absolui, quemadmodum in theatris, antequam ludos suspicarentur, actores populo ostentui & velut in pompa inducebantur.

3. *Capite agam*) capite prehensa eliciam, alludit rursus ad actores ostentui inductos, & si displicuerint expellendos. *Lips.*

CAP. II. An beneficium eripi possit, quæsitum est. Quidam negant posse. non enim res est, sed actio. quomodo aliud est munus, aliud ipsa donatio: aliud qui nanigat, aliud nauigatio. Et quamuis æger non sit sine morbo, non tamen idem est æger & morbus: ita aliud est beneficium ipsum, aliud quod ad vnumquemque nostrum beneficio peruenit. Illud incorporale est, irritum non sit: materia vero illius huc & illuc iactatur, & dominum mutat. Itaque cum eripis, ipsa rerum natura reuocare quod dedit non potest. Beneficia sua interrumpit, non rescindit. Qui moritur, tamen vixit: qui amisit oculos, tamen vidit. Quæ ad nos peruenerunt, ne sint effici potest: ne fuerint, non potest. pars autem beneficii & quidem certissima est, quæ fuit. Nonnunquam vsu beneficii longiore prohibemur, beneficium quidem ipsum non eraditur. Licet omnes in hoc vires suas natura aduocet, retro illi agere se non licet. Potest eripi domus, & pecunia: & mancipium, & quicquid est, in quo hæsit beneficii nomen: ipsum vero stabile & immotum est. Nulla vis efficiet, ne hic dederit, ne ille acceperit.

CAP. III. Egregie mihi videtur M. Antonius apud Rabirium poetam, cum fortunam suam transeuntem alio videbat, & sibi nihil relictum, præter ius mortis, id quoque, si cito occupauerit, 1) exclamare: Hoc habeo, quodcumque dedi. O quantum habere potuit, si voluisset! Hæ sunt diuitiæ certæ, in quacumque sortis humanæ leuitate, vno loco permansuræ: quæ quo maiores fuerint, hoc minorem habebunt invidiam. Quid tanquam tuo parcis? Procurator es. Omnia ista quæ vos tumidos, & supra humana clatos, obliuisci cogunt vestræ fragilitatis, quæ ferreis

1. Si cito occupaueris) nam si expectauerit donec in victoris potestatem denenerit, ne id quidem ipsi integrum.

claustris custoditis armati, quæ ex alieno sanguine rapta vestro defenditis; propter quæ classes cruentaturas maria deducitis, propter quæ quassatis vrbes, ignari, quantum telorum in aduersos 1) fortuna compareret; propter quæ ruptis toties affinitatis, amicitia, collegii fœderibus, inter contendentes duos terrarum orbis elusus est; non sunt vestra. in depositi causa sunt, iam iamque ad alium dominum spectantia, aut hostis ista, aut hostilis animi successor, inuadet. Quæris quomodo illa tua facias? dona dando. Consule ergo rebus tuis, & certam tibi earum atque inexpugnabilem possessionem para: honestiores illas non solum, sed tutiores facturus. illud quod suspicis, quod te diuitem ac potentem putas quamdiu possides, sub nomine sordido iacet. Domus est, seruus est, nummi sunt: cum donasti, beneficium est.

CAP. IV. Fateris, inquit, nos aliquando beneficium non debere ei, a quo accepimus: ergo ereptum est. Multa sunt propter quæ beneficium debere desinimus: non quia ablatum, sed quia corruptum est. Aliquis reum me defendit: sed vxorem meam per vim stupro violauit. Non abstulit beneficium, sed opponendo illi parem iniuriam, soluit me debito: & si plus læsit, quam ante profuerat, non tantum gratia exstinguitur, sed vlciscendi querendique libertas fit, ubi in comparatione beneficii præponderauit iniuria ita non auferitur beneficium, sed vincitur. Quid? non tam duri quidam, & tam scelerati patres sunt, ut illos auersari & eiurare ius fasque sit? Nunquid ergo illi abstulerunt, quæ dederant? minime: sed impietas sequentium temporum, commendationem omnis prioris officii sustulit. Non beneficium tollitur, sed beneficii gratia: & efficitur, non ne habeam, sed ne debe-

1. In aduersos) h. e. in ipsos obsidentes. Lips.

am. Tanquam pecuniam aliquis mihi credidit: sed domum meam incendit. pensatum est creditum damno: nec reddidi illi, nec tamen debeo. Eodem modo & hic. qui aliquid benigne aduersus me fecit, aliquid liberaliter, sed postea multa superbe, contumeliose, crudeliter: eo loco me posuit, ut perinde liber aduersus eum sim, quasi non accepissem. vim beneficiis suis attulit. Colonum suum non tenet, 1) quamvis tabellis 2) manentibus, qui segetem eius proculcauit, qui succidit arbuta: non quia recepit quod pepigerat, sed quia ne reciperet, effecit. Sic debitori suo creditor saepe damnatur, ubi plus ex alia causa abstulit, quam ex crediti petit. Non tantum inter creditorem & debitorem iudex sedet qui dicat, Pecuniam credidisti. Quid ergo? pecus abegisti, seruum eius occidisti, argentum, quod non emerat, possides: aestimatione facta, debitor discede, qui creditor veneras. Inter beneficia quoque & iniurias ratio confertur. Saepe, inquam, beneficium manet, nec debetur, si secuta est dantem poenitentia, si miserum se dixit, quod dedisset, si cum daret, suspirauit, vultum adduxit, perdere se credit, non donare: si sua causa, aut certe non mea dedit: si non desit insultare, gloriari, & vbiq; iactare, & acerbum munus suum facere. Manet itaque beneficium, quamvis non debeat: sicuti quaedam pecuniae, de quibus ius creditori non dicitur, debentur, sed non exiguntur.

CAP. V. Dedisti beneficium: iniuriam postea fecisti: & beneficio gratia debetur, & iniuriae ultio. Nec ego illi gratiam debeo, nec ille mihi poenam: alter ab altero absoluitur. Cum dicimus, Beneficium illi reddidi: non hoc dicimus, illud nos quod accepera-

1. Non tenet) sibi obstrictum.

2. Tabellis) fundi elocati.

mus reddidisse: sed aliud pro illo. Reddere enim est, rem pro re dare. Quid ni? cum omnis solutio non idem reddat, sed tantumdem. Nam & pecuniam dicimus reddidisse, quamvis numeravimus pro argenteis aureos, quamvis non interuenerint nummi, sed delegatione & verbis perfecta solutio sit. Videris mihi dicere: Perdis operam. Quorsum enim pertinet scire me, an maneat quod non debetur? Iurisconsultorum istæ acutæ ineptiæ sunt, qui hereditatem negant vsucapi 1) posse: sed ea quæ in hæreditate sunt: tanquam quidquam aliud sit hereditas, quam ea quæ in hereditate sunt. Illud mihi potius distingue, quod potest ad rem pertinere, cum idem homo beneficium mihi dedit, & postea fecit iniuriam, vtrum & beneficium illi reddere debeam, & me ab illo nihilominus vindicare, ac veluti duobus nominibus separatim respondere: an alterum alteri contribuere 2), & nihil negotii habere, vt beneficium iniuria tollatur, beneficio iniuria. Illud enim video in foro fieri. quid in vestra schola iuris sit, vos sciatis. Separantur actiones, & de eo quod agimus, de eodem nobiscum agitur. Non confunditur formula 3), si qui apud me pecuniam deposuerit, idem mihi postea furtum fecerit, & ego cum illo furti agam, & ille mecum depositi.

CAP. VI. Quæ proposuisti, mi Liberalis, exempla, certis legibus continentur, quas necesse est sequi: lex legi non miscetur. Vtraque sua via it: depositum habet actionem propriam, tam mehercule quam furtum. Beneficium nulli legi subiectum est: me arbitro utitur. licet me comparare inter se quantum profuerit mihi quisque, aut quantum nocuerit: tum pro:

1. *Vsucapi*) temporum successu atque utendo alterius fieri. *Lips*

2. *Contribuere*) vnire, miscere, *Id.*

3. *Formula*) actio siue eius titulus. *Id.*

nunciare, vtrum plus debeat mihi, an debeam. In illis 1) nihil est nostræ potestatis: eundum est, quæ ducimur. In beneficio tota potestas mea est: ego itaque iudico illa, non separo, nec diduco, sed iniurias ac beneficia ad eundem iudicem mitto. Alioquin iubet me eodem tempore amare & odisse, queri & gratias agere: quod natura non recipit. Potius comparatione facta inter se beneficii & iniuriæ, videbo an etiam vltro 2) mihi debeat. Quomodo si quis scriptis nostris, alios superne imprimat 3) versus, priores litteras non tollit, sed abscondit: sic beneficium superueniens iniuria apparere non patitur.

CAP. VII. Vultus tuus, cui regendum me tradidi, colligit rugas, & attrahit frontem, quasi longius exeam. Videris mihi dicere:

Quo tantum mihi dexter abis? huc dirige cursum.

Littus ama.

Non possum magis 1). Itaque si huic satisfactum existimas, illo transeamus, an ei debeat aliquid qui nobis inuitus profuit. Hoc apertius potui dicere, nisi propositio deberet esse confusior, vt distinctio statim subsequuta ostenderet vtrumque queri, an ei deberemus, qui nobis, dum non vult, profuit; & an ei, qui dum nescit. Nam si quis coactus aliquid boni fecit, quin nos non obliget, manifestius est, quam vt vlla in hoc verba impendenda sint. Et hæc quæstio facile expeditur, & si qua similis huic moueri potest, si totiens illo cogitationem nostram conuerterimus. Beneficium nullum est, nisi quod ad nos primum ali-

1. In illis) quæ scilicet legibus continentur.

2. Vltro) h. e. insuper, amplius etiam, Lips.

3. Imprimat) in ceratis nimirum tabellis. Id.

1. Non possum magis) Respondet Seneca Liberali, cum quo tanquam præsentem hic disputare se fingit: non possum breuius dicere, & littus magis legere.

qua cogitatio defert, deinde amica & benigna. Itaque nec fluminibus gratias agimus, quamvis aut magna nauigia patiantur, & ad subuehendas copias largo ac perenni alueo currant, aut piscosa & amœna pinguibus aruis interfluant; nec quisquam Nilo beneficium debere se iudicat, non magis quam odium, si immodicus superfluxit, tardeque decessit: nec ventus beneficium dat, licet lenis & secundus adspiret: nec utilis & salubris cibus. Nam qui beneficium mihi daturus est, debet non tantum prodesse, sed velle. Ideo nec mutis animalibus quidquam debetur: & quam multos e periculo velocitas equi rapuit? nec arboribus: & quam multos æstu laborantes, ramorum opacitas texit? Quid autem interest, vtrum mihi qui nescit, profuerit, an qui scire non potuit? cum vtrique velle defuerit. Quid autem interest, vtrum me iubeas naui, aut vehiculo, aut lanceæ debere beneficium: an ei qui æque quam ista propositum benefaciendi nullum habuit, sed profuit casu?

CAP. VIII. Beneficium aliquis nesciens accipit, nemo a nesciente. Quomodo multos fortuita sanant, nec ideo remedia sunt, & in flumen alicui cecidisse frigore magno, causa sanitatis fuit: quomodo quorundam flagellis quartana discussa est, & metus repentinus animum in aliam curam auertendo suspectas horas 1) fefellit: nec ideo quidquam horum, etiam si saluti fuit, salutare 2) est: sic quidam nobis profunt, dum nolunt, imo quia nolunt; non tamen ideo illis beneficium debemus, quod perniciofa illorum consilia fortuna deflexit in melius. An existimas me debere ei quidquam, cuius manus, cum me peteret

1. *Suspectas horas*) quibus febrim accessuram suspicio erat.

2. *Salutare*) sua vi & natura, sed *ex accidentibus* & quod aiunt ex accidente. *Lips.*

percussit hostem meum, qui nocuisset, nisi errasset? Sæpe hostis dum aperte peierat, etiam veris testibus abrogauit fidem, & reum velut factione circumuentum miserabilem reddidit. Quosdam ipsa, quæ præmebat, potentia eripuit: & iudices quem damnaturum erant causa 3), damnare gratia noluerunt. Non tamen hi reo beneficium dederunt, quamuis profuerint, quia telum quo missum sit, non quo peruenerit, quaeritur & beneficium ab iniuria distinguit, non euentus, sed animus. Aduersarius meus: dum contraria dicit, & iudicem superbia offendit, & in vnum testem temere dimittit 4), causam meam erexit. Non quaero an pro me errauerit, quia contra me voluit.

CAP. IX. Nempe vt gratus sim, velle debeo idem facere quod ille, vt beneficium dare, debuit. Numquid est iniquius homine, qui eum odit, a quo in turba calcatus, aut respersus, aut quo nollet, impulsus est? Atqui quid est aliud, quod illum querelæ eximat, cum in re sit iniuria, quam nescisse quid faceret? Eadem res efficit, ne hic beneficium dederit, ne ille iniuriam fecerit. & amicum & inimicum voluntas facit. Quam multos militiæ morbus eripuit? quosdam ne ad ruinam domus suæ occurrerent, inimicus vadimonio tenuit: ne in piratarum manus peruenirent, quidam naufragio consecuti sunt. Nec his tamen beneficium debemus: quoniam extra sensum officii casus est: 1) nec inimico cuius nos lis seruauit,

3. *Causa*) i. e. ob causam, sic mox *gratia* i. e. ob gratiam. Est enim hic vsus sexti casus antiquis vsitatus. Sic Cic. ad Attic. L. 6. Ep. 1. *Lepra tua epistola gaudio exultat. Gronov.*

4. *In vnum testem temere dimittit*) Causam temere in vno teste collocat, cum plures habere potuisset. *Lips.*

1. *Extra sensum officii casus est*) hoc est: casus non intelligit se officium facere.

dum vexat ac detinet. Non est beneficium, nisi quod a bona voluntate proficiscitur, nisi illud agnoscit, qui dedit. Profuit aliquis mihi dum nescit; nihil illi debeo. profuit cum vellet nocere: imitabor ipsum,

CAP. X. Ad primum illum 1) reuertamur. Vt gratiam referam, aliquid facere me vis: ipse vt beneficium mihi daret, nihil fecit. Vt ad alterum transeamus, vis me huic gratiam referre, vt quod a nolente accepi, volens reddam. Nam quid de tertio loquar, qui ab iniuria in beneficium delapsus est? Vt beneficium tibi debeam, parum est voluisse te dare: vt non debeam, satis est, noluisse. Beneficium enim voluntas nuda non efficit: sed quod beneficium non esset, si optimæ ac plenissimæ voluntati fortuna deesset, id æque beneficium non est, nisi fortunam voluntas antecessit. Non enim profuisse te mihi oportet, vt ob hoc tibi obliget, sed ex destinato profuisse.

CAP. XI. Cleanthes exemplo eiusmodi vtitur: Ad quærendum, inquit, & accersendum ex academia Platonem, duos pueros misi. alter totam porticum perscrutatus est, alia quoque loca in quibus illum inueniri posse sperabat, percucurrit, & domum non minus lassus quam irritus rediit: alter apud proximum circulatorem resedit, & dum vagus atque erro vernaculis 1) congregatur & ludit, transeuntem Platonem, quem non quæsierat, inuenit. Illum, inquit, laudabimus puerum, qui, quantum in se erat, quod iussus est fecit: hunc feliciter inertem, castigabimus. Voluntas est, quæ apud nos ponit officium: cuius vi-

1. *Ad primum illum*) nam tria genera quibus non obligamur etsi bene fecerint. Primi qui nihil a se contulerunt: alteri qui nolentes iuuerunt: tertii qui nocere volentes. *Lips.*

1. *Vernaculis*) seruis eiusdem populi aut vrbis.

de quæ conditio sit, vt me debito obstringat. Parum est illi velle, nisi profuit: parum est profuisse, nisi voluit. Puta enim aliquem donare voluisse, nec donasse. animum quidem eius habeo, sed beneficium non habeo: quod consummat & res, & animus. Quemadmodum ei qui voluit mihi quidem pecuniam credere, sed non dedit, nihil debeo: ita ei qui voluit mihi beneficium dare, sed non potuit, amicus quidem ero, sed non obligatus. Et volam illi aliquid præstare: nam & ille voluit mihi, ceterum si benigniore fortuna vsus præstitero, beneficium dederò, non gratiam retulerò. Ille mihi gratiam debebit referre: hinc initium a me fiet numerandi.

CAP. XII. Intellico iam quid velis quærere. non opus est te dicere: vultus tuus loquitur. Si quis sua causa nobis profuit, eine, inquis, debetur aliquid? hoc enim sæpe te conquerentem audio. quod quædam quæ homines sibi præstant, aliis imputant. Dicam, mi Liberalis: sed prius hanc quæstiunculam diuidam, & rem æquam ab iniqua separabo. Multum enim interest, vtrum aliquis beneficium nobis det sua causa, an nostra: an sua & nostra. Ille qui totus ad se spectat, & nobis prodest, quis aliter sibi prodesse non potest: eo loco mihi est, quo qui pecori suo hibernum & æstiuum pabulum prospicit; eo loco, quo qui captiuos suos, vt commodius vœneant, pascit, & opinos boues saginat ac defricat; quo lanista, qui familiam suam summa cura exercet, atque ornat. Multum (vt ait Cleanthes) a beneficio distat negotiatio.

CAP. XIII. Rursus non sum tam iniquus, vt nihil ei debeam, qui cum mihi utilis esset, fuit & sibi. Non enim exigo, vt sine respectu sui mihi consulat, imo etiam opto, vt beneficium mihi datum, vel magis danti profuerit; dummodo id qui dabat, duos in-

tuens

tuens dederit, & inter me seque diuiferit: Licet id ipse ex maiore parte possideat, si modo me in confortium admisit, si duos cogitauit: ingratus sum, non solum iniustus, nisi gaudeo hoc illi profuisse, quod proderat mihi. Summæ malignitatis est, non vocare beneficium, nisi quod dentem aliquo incommodo affecit. Aliter illi, qui beneficium dat sua causa, respondebo. Vtus me, quare potius te mihi profuisse dices, quam me tibi? Puta, inquit, aliter fieri non posse me magistratum, quam si decem captos ciues ex magno captiuorum numero redemero: nihil debbis mihi, cum te seruitute ac vinculis liberauero? atqui mea id causa faciam. Aduersus hoc respondeo. Aliquid istic tua causa facis, aliquid mea. Tua, quod redimis: tibi enim ad vtilitatem tuam satis est quoslibet redemisse. Itaque debeo, non quod redimis me, sed quod eligis. poteras enim & alterius redemptione idem consequi, quod mea. Vtilitatem rei partis mecum, & me in beneficium recipis, duobus profuturum. Præfers me aliis: hoc totum mea causa facis. Itaque si prætorem te factura esset decem captiuorum redemptio, decem autem soli captiui essemus, nemo quidquam tibi deberet ex nobis: quia nihil haberes, quod cuiquam imputares, a tua vtilitate seductum ¹). Non sum inuidus beneficii interpret, nec desidero illud mihi tantum dari, sed & tibi.

CAP. XIV. Quid ergo, inquit, si in sortem nomina vestra coniici iussissem, & tuum nomen inter redimendos exisset, nihil deberes mihi? imo deberem, sed exiguum. Quid sit hoc, dicam. Aliquid istic mea causa facis, quod me ad fortunam redemptionis admittis. quod nomen meum exiit, forti debeo: quod exire potuit, tibi. Aditum mihi ad be-

¹. *Seductum*) quod cum tua vtilitate coniunctum non sit.

beneficium tuum dedisti, cuius maiorem partem fortunæ debeo: sed hoc ipsum tibi, quod fortunæ debere potui. Illos ex toto præteribo, quorum mercenarium beneficium est: quod qui dat, non computat cui, sed quanti daturus sit, quod vndique in se conuersum est. 1) Vendit mihi aliquis frumentum. viuere non possum, nisi emero: sed non debeo vitam, quia emi. Nec quam necessarium fuerit, æstimo, sine quo victurus non fui: sed quam ingratum, quod non habuisssem, nisi emissem. in quo inuehendo mercator non cogitauit quantum auxilii allaturus esset mihi, sed quantum lucri sibi. Quod emi, non debeo.

CAP. XV. Isto modo, inquit, ne medico quidquam debere te, nisi mercedulam dices: nec præceptor, quia aliquid numeraueris, atqui omnium horum apud nos magna caritas, magna reuentia est. Adversus hoc respondetur, quædam pluris esse, quam emuntur. Emis a medico rem inæstimabilem, vitam ac valetudinem bonam: a bonarum artium præceptore studia liberalia, & animi cultum. Itaque his non rei pretium, sed operæ soluitur, quod deseruiunt, quod a rebus suis auocati nobis vacant. mercedem non meriti, sed occupationis suæ ferunt. Aliud tamen dici potest verius, quod statim ponam, si prius quomodo istud refelli possit, ostendero. Quædam, inquit, pluris sunt quam vènierunt, & ob hoc aliquid mihi extra pro illis, quamuis empta sint, debes. Primum, quid interest quanti sint, cum de pretio inter ementem & vendentem conuenerit? Deinde non emi illud suo pretio, sed tuo. 1). Pluris est, inquit, quam vèniit. Sed pluris vènire non potuit:

1. *In se conuersum est*) Vnum se spectat, foras & ad alios non tendit. *Lips.*

2. *Sed tuo*) quanti tu æstimasti.

pretium autem cuiusque rei pro tempore est. 2) Cum bene ista laudaueris: tanti sunt, quanto plura vānire non possunt. præterea nihil venditori debet, qui bene erit. Deinde etiam si plura ista sunt, non tamen vllum istic tuum munus est, vt non ex vlu effectiue, sed ex consuetudine & annona æstimetur. Quod tu pretium ponis traiciēti maria, & per medios fluctus, cum e terræ conspectu recessit, certam secanti viam, & prospicienti futuras tempestates, & securis omnibus iubenti subito vela stringi; armamenta demitti, paratos ad incursum procellæ & repentinum impetum stare? huic tamen tantæ rei præmium vectura persolvit. Quanti æstimas in solitudine hospitium, in imbre tectum, in frigore balneum, aut ignem? scio tamen quanti ista consecuturus diuersorium subeam. Quantum nobis præstat, qui labentem domum suscipit? & agentem ex imo rimas insulam, 3) incredibili arte suspendit? certo tamen & leui pretio fultura conducitur. Murus nos ab hostibus tutos, & a subitis latronum incursionibus præstat. notum est tamen, illas turres, pro securitate publica propugnacula habituras, excitaturus faber, quid in diem mereat.

CAP. XVI. Infinitum erit, si latius exempla conquiram, quibus appareat, paruo magna constare. Quid ergo? quare & medico & præceptori plus quiddam debeo, nec aduersus illos mercede defungor? Quia ex medico ac præceptore in amicum transeunt, & nos non arte quam vendunt, obligant, sed benigna & familiari voluntate. Itaque medico, si nihil amplius quam manum tangit, & me inter eos, quos perambulatur, ponit, sine vlllo affectu facienda vitandaue præcipiens, nihil amplius debeo: quia me non tantum

2. Pro tempore est) Atque ideo variat, vt iudicia & cupiditas hominum, siue & copia aut inopia mercium fuit.

3. Insulam) euryxias. I I

quam amicum vidit, sed tanquam imperatorem. 1) Ne præceptorem quidem habeo cur venerer, si me in grege discipulorum habuit, si non putauit dignum propria & peculiari cura, si nunquam in me direxit animum: & cum in medium effunderet, quæ sciebat, non didici, sed excepi. Quid ergo est, quare istis debeamus multum? non quia pluris est quod vendiderunt quam emimus, sed quia nobis ipsis aliquid præstiterunt. Ille magis pendit, 2) quam medico necesse est: pro me, non pro fama artis, extimuit: non fuit contentus remedia monstrare, sed admouit. Inter sollicitos assedit, ad suspecta tempora occurrit: nullum ministerium oneri illi, nullum fastidio fuit. Gemitus meos non securus audiuit, in turba multorum inuocantium, ego illi potissima curatio fui. tantum aliis vacauit, quantum mea valetudo permiserat. Huic ego non tanquam medico, sed tanquam amico, obligatus sum. Alter rursus in docendo, & laborem & tædium tulit, præter illa quæ a præcipientibus in commune dicuntur, alia qua instillauit ac tradidit, hortando bonam indolem erexit, & modo laudibus fecit animum, modo admonitionibus discussit desidiam. Tum ingenium latens & pigrum, iniecta (vt ita dicam) manu, extraxit: nec quæ sciebat, maligne dispensauit, quo diutius esset necessarius, sed cupiit, si posset, vniuersa trans-

1. *Imperatorem*) scilicet ægri dicebantur imperare Medicis quos aduocabant & annua mercede obstrictos habebant. Sic Alfenus leg. 26. Medicus quod putaret multo plures Imperantes sibi habirurum. Ita *Lipsius*. Hoc tamen displicet *Salmasio*: qui Medicum ægros perambulantem Saluatori comparari putat, matutino officio Imperatorem videnti & alios Principes quibus cliens est.

2. *Pependit*) animo anxius in curando.

fundere. Ingratus sum nisi illum inter gratissimas necessitudines diligo.

CAP. XVII. Sordidissimorum quoque artificiorum institoribus supra constitutum aliquid adiecimus, 1) si nobis opera illorum enixior visa est: & gubernatori, & opifici vilissimæ mercis, & in diem se locanti corollarium 2) aspersimus. In optimis vero artibus quæ vitam aut conseruant, aut excolunt, qui nihil se plus existimat debere quam pepigit, ingratus est. Adice, quod talium studiorum traditio miscet amicos. 3) hoc cum factum est, tam medico quam præceptori pretium operæ soluitur, animi debetur.

CAP. XVIII. Plato cum flumen naue transisset, nec ab illo quidquam portitor exegisset, honori hoc suo datum credens, dixisset positum illi esse apud Platonem officium. Deinde paullo post, cum alium atque alium gratis eadem transueheret sedulitate, negavit illi iam apud Platonem positum officium. Nam ut tibi debeam aliquid, pro eo quod præstas, debes non tantum mihi præstare, sed tanquam mihi. non potes ob id quemquam appellare, quod spargis in populum. Quid ergo? nihil tibi debebitur pro hoc? tanquam ab vno, nihil. cum omnibus soluam, quod cum omnibus debeo.

CAP. XIX. Negas, inquit, vllum dare beneficium eum, qui me gratuita naue per flumen Padum tulit? nego. aliquid boni facit, beneficium non dat. Facit enim sua causa, aut utique non mea. Ad summam, ne ipse quidem se mihi beneficium iudicat dare: sed aut reip. aut vicinæ, aut ambitioni suæ præ-

1. *Adiecimus*) nos Domini scilicet, qui tabernæ præpositus, dedimus aliquid supra mercedem quam pacti eramus. *Lips.*

2. *Corollarium*) auctarium *exipiet* *cor.*

3. *Miscet amicos*) Inter se iungit, amicitiam conciliat.

stat: & pro hoc aliud quoddam commodum expectat, quam quod a singulis recepturus est. Quid ergo, inquit, si Princeps ciuitatem dederit omnibus Gallis, si immunitatem Hispanis, nihil hoc nomine singuli debebunt? Quid ni debeant? debebunt autem non tanquam proprium beneficium, sed tanquam publici partem. Nulam, inquit, habuit cogitationem mei. Illo tempore, quo vniuersis proderat, noluit mihi proprie ciuitatem dare: nec in me direxit animum. Ita quare ei debeam qui me sibi non substituit, cum facturus esset quod fecit? Primum, cum cogitauit Gallis omnibus prodesse, & mihi cogitauit prodesse. eram enim Gallus: & me, etiam si non mea, publica tamen nota comprehendit. Deinde ergo quoque illi non tanquam proprium debebo, sed tanquam commune vnus e populo: non tanquam pro me soluam, sed tanquam pro patria conferam.

CAP. XX. Si quis patriæ mez pecuniam credat, non dicam me illius debitorem, nec hoc æs alienum profitebor aut candidatus; aut reus: 1) ad exsoluendum tamen hoc, portionem meam dabo. Sic istius muneris quod vniuersis datur, debitorem me nego: quia mihi dedit quidem, sed non propter me: & mihi quidem, sed nesciens an mihi daret: nihilominus aliquid mihi dependendum sciam, quia ad me quoque circuitu longo peruenit. Propter me factum debet

1. *Aut candidatus aut reus*) candidati æs suum & alienum profiteri solebant. vt liqueret censum senatorium eos habere. Idem facere quoque cogeantur rei, si pecuniaria res ageretur. Videndum enim erat quid in suo ære, quid in alieno haberent, vnde sæpe in culpam aut innocentiam argumenta. Imo & opus deducere æs alienum, vt litis æstimatio deinde solueretur. Forte tamen & hoc modo poterit explicari: Neque extra iudicium neque in iudicio fatebor me illius debitorem; extra iudicium cum in candida mea ero; siue in fordida reus. *Lips.*

esse, quod me obliget. Isto, inquit, modo, nec Lunæ nec Soli quidquam debes. non enim propter te mouentur. Sed cum in hoc moueantur, ut vniuersa conseruent, & pro me mouentur: vniuersorum enim pars sum. Adice nunc, quod nostra, & horum conditio, dissimilis est. Nam qui mihi prodest, ut per me proficit & sibi, non dedit beneficium: quia me instrumentum utilitatis suæ fecit. Sol autem & Luna etiam si nobis prosunt sua causa, non in hoc tamen profunt, ut per nos proficiant sibi. quid enim nos illis conferre possumus?

Cap. XXI. Sciam, inquit, Solem ac Lunam nobis velle prodesse, si nolle potuerint, illis autem non licet non moueri, ad summam, consistent, & opus suum intermittant. Hoc vide quot modis refellatur. Non ideo minus vult, qui non potest nolle. inro maximum argumentum est firmæ voluntatis, ne mutari quidem posse. Vir bonus non potest non facere, quod facit: non enim erit bonus, nisi fecerit. ergo nec bonus vir beneficium dat, quia facit quod debet. non potest autem non facere, quod debet. Præterea multum interest, utrum dicas. Non potest hoc non facere, quia cogitur: an, Non potest nolle. Nam si necesse est illi facere, non debeo ipsi beneficium, sed cogenti. Si necesse est illi velle ob hoc, quia nihil habet melius quod velit, ipse se cogit. Ita quod tanquam coacto non debereim, tanquam cogenti debeo. Desinant, inquit, velle. Hoc loco tibi occurrat, Quis tam demens est, ut eam neget voluntatem esse, cui non est periculum desinendi, vertendique se in contrarium: cum ex diuerso nemo æque videri debeat velle, quam cuius voluntas usque eo certa est, ut æterna sit? An si is quoque vult, qui potest statim nolle, is non videbitur velle, in cuius naturam non cadit nolle?

CAP. XXII. Agedum, inquit, si possunt, resistant. Hoc dicis, Omnia ista ingentibus interuallis diducta, & in custodiam vniuersi disposita, stationes suas deferant, subita confusione rerum sidera sideribus incurrant, & rupta rerum concordia in ruinam diuina labantur, contextusque velocitatis citatissimæ, in tot sæcula promissas vices in medio itinere destituat, & quæ nunc eunt alternis redeuntque opportunis libramētis, mundum ex æquo temperantia, repentino concrementur incendio, & ex tanta varietate soluantur, atque eant in vnum omnia. Ignis cuncta possideat, quem deinde pigra nox occupet, & profunda vorago tot deos 1) sorbeat. Est tanti, vt tu coarguaris, ista concidere? Profunt tibi etiam inuito, euntque ista tua caussa: etiamsi maior illis alia, ac prior caussa est.

CAP. XXIII. Adiice nunc, quod non externa cogunt deos, sed sua illis in legem æterna voluntas est. statuerunt, quæ non mutarent. Itaque non possunt videri facturum aliquid, quamuis nolint: quia quidquid desinere non possunt, 1) perseuerare voluerunt: nec vnquam primi consilii deos pœnitet. Sine dubio stare illis 2) & desciscere in contrarium, non licet: sed non ob aliud, quam quia vis sua illos in proposito tenet; nec imbecillitate permanent, sed quia non libet ab optimis aberrare, & sic ire decretum est. In prima autem illa constitutione, cum vniuersa dispone-

1. Tot deos) Nam Chrysippus & Cleanthes, vt Plutarchus ait, cœlam, terram, aerem, mare diis compleuerunt, & neminem tamen ex tam multis immortalē reliquerunt excepto vno Ioue.

1. Desinere non possunt) efficere vt desinat & destruat. Modo non valde dissimili *artem desinere* Cicero dixit Famil. VII. 1.

2. Stare illis) quiescere, & otium agere. Intelligit autem per deos sidera & stellas.

rent, etiam nostra viderunt, rationemque hominis habuerunt. Itaque non possunt videri sua tantum causa decurrere, & explicare opus suum: quia pars operis sumus & nos. Debemus ergo & Soli, & Lunæ, & cæteris cælestibus beneficium: quia etiamsi potiora illis sunt, in quæ 3) oriuntur, nos tamen in maiora ituri 4) iuuant. Adice, quod ex destinato iuuant. ideoque obligati sumus, qui non in beneficium ignorantium incidimus, sed hæc quæ accipimus, accepturos scierunt: & quamquam maius illis propositum sit, maiorque actus sui fructus, quam seruare mortalia: tamen in nostras quoque utilitates a principio rerum præmissa mens est, & is ordo mundo datus, ut appareat curem nostri non inter vltima habitam. Debemus parentibus nostris pietatem, & multi non ut gignerent, coierunt. Dii non possunt videri nescisse, quid effecturi essent, cum omnibus alimenta protinus, & auxilia prouiderint: nec eos per negligentiam generare, quibus tam multa generabant. Cogitauit enim nos ante natura, quam fecit: nec tam leue opus sumus, ut illi potuerimus ercidere. Vide quantum nobis permiserit, quam non intra homines, 5) humani imperii conditio sit, vide in quantum corporibus vagari liceat, quæ non coercuit sine terrarum, sed omnem in partem sui misit. 6) vide, animi quantum audeant, quemadmodum soli aut nouerint deos, aut quærant, & mente in altum data diuina comitentur. Scias, non esse hominem tumultuarium & incogitatum

3. In quæ) quorum gratia.

4. In maiora ituri) maiorum rerum causa periodos suas peracturi.

5. Non intra homines) non intra humani generis limites imperium hominum se continet, sed ad animantia quoque & ceteras res creatas extenditur.

6. Omnem in partem sui misit) aquam nimirum quam navibus sulcamus, aerem quem oculis peragmur.

opus. Inter maxima rerum suarum, natura nihil habet quo magis gloriatur, aut certe cui gloriatur. Quantus iste furor est, controuersiam diis muneris sui facere? Quomodo aduersus eos hic erit gratus, quibus gratia referri sine impendio 7) non potest: qui negat ab his accepisse se, a quibus cum maxime accipit; qui & semper daturi sunt, & nunquam recepturi? Quanta autem peruersitas, ob hoc alicui non debere, quia etiam infitianti benignus est: & continuationem ipsam, seriemque beneficiorum, argumentam vocare necessario dantis? Nolo. sibi habeat. quis illum rogat? & omnes alias impudentis animi voces his adstrue. Non ideo de te minus meretur is, cuius liberalitas ad te etiam dum negas peruenit: cuiusque beneficiorum, vel hoc maximum, quod etiam querenti daturus est.

CAP. XXIV. Non vides, quemadmodum teneram liberorum infantiam parentes ad salubrium rerum patientiam cogant? Flentium corpora, ac repugnantium, diligenti cura fouent: & ne membra libertas immatura detorqueat, in rectum exitura constringunt: & mox liberalia studia inculcant, adhibito timore nolentibus. Ad vltimum, audacem iuuentam frugalitati, pudori, moribus bonis, si parum sequitur, coactam applicant. Adoloescentibus quoque, ac iam potentibus sui, si remedia metu aut intemperantia reiciunt, vis adhibetur ac seruitus. Itaque beneficiorum maxima sunt, quae a parentibus accipimus, dum aut nescimus, aut nolumus.

CAP. XXV. His ingratis, & repudiantibus beneficia, non quia nolunt, sed ne debeant, similes sunt ex diuerso nimis grati: qui aliquid incommodi precari so-

7. *Sine impendio*) sine re quam det vel faciat; homines enim hominibus sine impendio grati esse non possunt.

lent his quibus obligati sunt, aliquid aduersi, in quo affectum memorem accepti beneficii approbent. An hoc recte faciant, & pia voluntate, quaeritur: quorum animus simillimus est prauo amore flagrantibus, qui amicæ suæ optant exsilium, vt desertam fugientemque comitentur: optant inopiam, vt magis desideranti donent: optant morbum, vt assideant: & quidquid inimicus optaret, amantes vouent. Fere idem itaque exitus est odii, & amoris insani. Tale quidam & his accidit, qui amicis incommoda optant, quæ detrahant, & ad beneficium iniuria veniunt: cum satius sit vel cessare, quam per scelus officio locum quaerere. Quid si gubernator a diis tempestates infestissimas, & procellas petat, vt gravior ars sua periculo fiat? quid si imperator deos oret, vt magna vis hostium circumfusa castris, fossas subito impetu compleat, & vallum trepidante exercitu conuellat, & in ipsis portis infesta signa constituat, quo maiore cum gloria rebus lapsis profligatisque succurrat? Omnes isti beneficia sua detestabili via ducunt, qui deos contra eum aduocant, cui ipsi affuturi sunt, & ante illos sterni, quam erigi volunt. Inhumana ista peruerse grati animi natura est, contra eum optare, cui honeste deesse non possis.

CAP. XXVI. Non nocet illi votum meum, inquit, quia simul opto & periculum, & remedium. Hoc dicis, non nihil te peccare, sed minus quam si sine remedio periculum optares. Nequitia est, vt extrahas, mergere; euertere, vt suscites; vt emittas, includere. Non est beneficium, iniuriæ finis: nec vnquam id detraxisse meritum est, quod ipse, qui detraxit, intulerat. Non vulneres me malo, quam fannes. potes inire gratiam, si, quia vulneratus sum, fannas: non, si vulneras, vt sanandus sim. Nunquam eica-

cicatrix, nisi collata vulnere, 1) placuit: quod ita co-
 isse gaudemus, ut non fuisse malle. Si hoc ei op-
 tares, cuius nullum beneficium haberes, inhum-
 anum erat votum: quanto inhumanius ei optas, cui be-
 neficium debes?

CAP. XXVII. Simul, inquit, ut possim ferre illi
 opem, precor. Primum, ut te in media parte voti tui
 occupem, 1) iam ingratus es. nondum audio quid il-
 li velis præstare: scio quid illum velis pati. Sollicitu-
 dinem illi & metum, & maius aliquod imprecari
 malum optas ut ope indigeat: hoc contra illum est. o-
 ptas ut tua indigeat ope: hoc pro te est. non succurre-
 re vis illi, sed soluere. Qui sic properat, ipse solui
 vult, 2) non soluere. Ita quod vnum in voto tuo ho-
 nestum videri poterat, ipsum turpe & ingratum est,
 nolle debere. optas enim, non ut tu facultatem ha-
 beas referendæ gratiæ, sed ut ille necessitatem implo-
 randæ. Superiorem te facis, & quod nefas est, bene-
 meritum ad pedes tuos mittis. quando satius est, ho-
 nestam voluntate debere, quam per malam rationem
 soluere? Si infitiareris quod acceperas, minus pecca-
 res: nihil enim nisi quod dederat, amitteret: nunc
 vis illum subiici tibi iactura rerum suarum, & status
 mutatione in id deuocari, ut infra beneficia sua iace-
 at. Gratum te putabo? coram eo, cui prodesse vis,
 opta. Votum tu istud vocas, quod inter gratum &
 inimicum potest diuidi? quod non dubites aduersari-
 um & hostem fecisse, si extrema taceantur 3)? Hostes

1. Collata vulnere) quod scilicet malum erat maius quam
 cicatrix.

2. In media parte voti tui occupem) voto nondum plene
 prolato præueniam. Lips.

3. Solui vult) obligatione, ipsi molesta, qua benefactori
 obstrictus est.

3. Si extrema taceantur auxilium nimirum quod ei ferre
 cupis.

quoque optauerunt capere quasdam vrbes, vt serua-
rent: & vincere quosdam, vt ignoscerent. nec ideo
non hostilia vota: in quibus, quod mitissimum est,
post crudelitatem venit. Denique qualia esse iudicas
vota, quæ nemo tibi minus volet, quam is pro quo
fiunt, succedere? pessime cum eo agis, cui vis a diis
noceri, a te succurri: inique cum ipsis diis. Illis e-
nim durissimas partes imponis, tibi humanas. Vt tu
prosis, dii nocebunt? Si accusatorem submitteres,
quem deinde remoueres, si aliqua illum lite implica-
res, quam subinde discuteres, nemo de tuo scelere du-
bitaret: quid interest, vtrum istud fraude tentetur, an
voto? nisi quod potentiores illi aduersarios quæris.
Non est quod dicas: Quam enim illi iniuriam facio?
Votum tuum aut supernacuum est, aut iniuriosum:
imo iniuriosum, etiam si irritum. Quidquid non effi-
cis, Dei munus est: iniuria vero, quidquid optas. Sat
est, tibi non aliter debemus irasci, quam si feceris.

CAP. XXVIII. Si vota, inquit, valuissent, &
in hoc valuissent, vt tutus esses. Primum, certum
mihi optas periculum sub incerto auxilio. deinde v-
trumque certum puta: quod nocet, prius est.
Præterea, tu conditionem voti tui nosti: me tempe-
stas occupauit, portus ac præsidii dubium. Quantum
existimas tormentum, etiam si accepero, eguisse etiam si
seruatus fuero, trepidasse? etiam si absolutus fuero, caus-
sam dixisse? Nullius inetus tam gratus est finis, vt non
gratior sit solida & inconcussa securitas. Opta, vt redde-
re mihi beneficium possis, cum opus erit, non vt opus
sit. Si esset in tua potestate quod optas, ipse fecisses.

CAP. XXIX. Quanto hoc honestius votum est?
Opto in eo statu sit, quo semper beneficia distribuat,
nunquam desideret. Sequatur illum materia, qua
tam benigne vtitur largiendo iuuandoque, vt nun-
quam illi sit dandorum beneficiorum inopia, datorum

pœnitentia. Naturam per se pronam ad humanitatem, ad misericordiam, & clementiam, irritet, ac prouocet turba gratorum: quos illi & habere contingat, nec experiri necesse fit 1). Ipse nulli implacabilis sit, ipsi nemo placandus, tam æquali in eum fortuna indulgentia perseueret, vt nemo in illum possit esse, nisi conscientia gratus. Quanto hæc iustiora vota sunt, quæ te in nullam occasionem differunt, sed gratum statim faciunt? Quid enim prohibet referre gratiam prosperis rebus? quam multa sunt, per quæ quidquid debemus, reddere etiam felicibus possumus? fidele consilium, assidua conuersatio, sermo comis, fidele consilium, assidua conuersatio, sermo comis, & sine adulatione iucundus; aures, si deliberare velit, diligentes; tutæ, si credere; conuietus familiaritas. Neminem tam alte secunda posuerunt, vt non illico magis amicus desit, quia nihil absit.

CAP. XXX. Ista tristis, & omni voto submouenda occasio, ut procul repellenda. vt gratus esse possis, iratis diis opus est? Nec ex hoc quidem peccare te intelligis, quod melius cum eo agitur, cui ingratus es? Propone animo tuo carcerem, vincula, sordes, seruitutem, bellum, egestatem: hæc sunt occasiones tui voti. si quis tecum contraxit, per ista dimittitur 1). Quin potius eum potentem esse velis, cui plurimum debes, & beatum? Quid enim (vt dixi) verat, te referre etiam summa felicitate præditis gratiam? cuius plena tibi occurreret & varia materia. Quid? tu necis debitum etiam locupletibus solui? Nec te inuitum distringam: Omnia sane excluderet opulenta felicitas: monstrabo tibi, cuius rei inopia laborent ma-

1. *Nec experiri necesse sit*) quod fieri nequit nisi fors eius deterior facta ad beneficia ab iis recipienda idoneus fuit.

2. *Per ista dimittitur*) si quis vinculo aliquo tecum hæret, per hæc liberatur, ista enim ei optas vt solueretur aut solui possis. *Lips.*

gna fastigia, quid omnia possidentibus desit. Scilicet ille, qui verum dicat, & hominem inter mentientes stupentem, ipsaque consuetudine pro rectis blanda audiendi, ad ignorantiam veri perductum, vindicet a consensu concentuque falsorum. Non vides quemadmodum illos in præceps agat extincta libertas, & fides in obsequium seruire submissa, dum nemo ex animi sui sententia suadet, dissuadetque, sed adulandi certamen est, & vnum amicorum omnium officium, vna contentio, quis blandissime fallat? Ignorauere vires suas, & dum se tam magnos, quam audiunt, credunt, attraxere superuacua, & in discrimen rerum omnium peruentura bella: vtilem & necessariam rupere concordiam. secuti iram, quam nemo reuocabat, multorum sanguinem hauserunt, fufuri nouissime suum dum vindicant inexplorata pro certis, flectique non minus existimant turpe quam vinci, & perpetua credunt, quæ in summum perducta maxime nutant. Ingentia super se ac suos regna fregerunt, nec intellexerunt, in illa scena, & vanis & cito diffluentibus bonis refulgente, ex eo tempore ipsos nihil non aduersi expectare debuisse, ex quo nihil veri audire potuerunt.

CAP. XXXI. Cum bellum Græciæ indiceret Xerxes, animum tumentum, oblitumque quam caducis confideret, nemo non impulit. Alius aiebat, non laturos nuncium belli, & ad primam aduentus famam, terga versuros: alius, nihil esse dubii, quin illa mole non vinci solum Græcia, sed obrui posset: magis verendum, ne vacuas desertasque vrbes inuenirent, & profugis hostibus vastæ solitudines relinquerentur, non habituris, vbi tantas vires exercere possent. Alius, illi vix rerum naturam sufficere, angusta esse classibus maria, militi castra, explicandis equestribus copiiis campestria, vix patere cælum satis ad emittenda
omni

omni manu tela. Cum in hunc modum multa vndique iactarentur, quæ hominem nimia æstimatione sui furentem concitarent, Demaratus Lacedæmonius solus dixit, ipsam illam qua sibi placeret multitudinem, indigestam & grauem, metuendam esse ducenti: non enim vires, sed pondus habere: immodica numquam regi posse; nec diu durare, quidquid regi non potest. In primo, inquit, statim monte Lacones obiecti, dabunt tibi sui experimentum. Tot ista gentium millia trecenti morabuntur, hærebunt in vestigio fixi, & commissas sibi angustias tuebuntur, & corporibus obstruent, tota illos Asia non mouebit loco, tantas minas belli, & pæne totius generis humani ruentis impetum, paucissimi sustinebunt. Cum te mutatis legibus suis 1) natura transmiserit, 2) in semita hærebis, & æstimabis futura damna, cum putaueris quanti Thermopylarum angusta constiterint. Scies te fugari posse, cum scieris posse retineri. Cedent quidem tibi pluribus locis, velut torrentis modo ablati, cuius cum magno terrore prima vis defluit: deinde hinc atque illinc coorientur, & tuis te viribus prement. Verum est quod dicitur, maiorem belli apparatus esse, quam qui recipi ab his regionibus possit, quas oppugnare constituis. Sed hæc res contra nos est: ob hoc ipsum te Græcia vincet, quia non capit, uti toto te non potes. Præterea, quæ vnarebus salus est, occurrere ad primos rerum impetus, & inclinatis opem ferre non poteris, nec fulcire ac firmare labantia. Multo ante vinceris, quam victum esse te sentias. Ceterum non est, quod exercitum tuum ob hoc sustineri putes non posse, quia numerus eius duci quoque ignotus est. Nihil tam magnum est,

1. *Mutatis legibus suis*) e terra enim mare, ex mari terram fecit, ut est apud Herodotum. *Lips.*

2. *Transmiserit*) in Græciam constrato Hellesponto. *Lips.*

quod

quod perire non possit: cui nascitur in perniciem, ut alia quiescant, ex ipsa magnitudine, sua causa. Acciderunt quæ Demaratus prædixerat. Divina atque humana impellentem, & mutantem quidquid obstitit, trecenti stare iusserunt; stratusque per totam passim Græciam Xerxes intellexit, quantum ab exercitu turba distaret. Itaque Xerxes pudore, quam damno miserior. Demarato gratias egit, quod solus sibi verum dixisset, & permisit petere quod vellet: petit ille, ut Sardes maximam Asiæ civitatem curru vectus intraret, rectam capite tiam gerens. id solis datum regibus. Dignus fuerat præmio, antequam peteret: sed quam miserabilis gens, in qua nemo fuit, qui verum diceret regi, nisi qui non dicebat sibi 3)?

CAP. XXXII. Divus Augustus filiam ultra impudiciæ maledictum impudicam relegavit, & flagitia Principis domus in publicum emisit: admissos gregatim adulteros, pererratam nocturnis coeestionibus civitatem, forum ipsum ac rostra, ex quibus pater legem de adulteriis tulerat, filia in stupra placuisse, quotidianum ad Marsyam 1) concursum: cum ex adultera in quæstuariam versa, ius omnis licentiæ sub ignoto adultero 2) peteret. Hæc tam vindicanda Principi quam tacenda (quia quarumdam rerum turpitudine etiam ad vindicantem redit) parum potens iræ publicaverat. Deinde cum, interposito tempore, in locum iræ subisset verecundia, gemens, quod non illa silentio preffisset, quæ tamdiu nescierat, donec loqui turpe esset: sæpe exclamavit: Horum mihi nihil acci-

3. Non dicebat sibi) h. e. non in commodum suum dicebat, exterius quippe, ad quem nihil Xerxis res pertinebant. Lips.

1. Ad Marsyam) cuius statua in foro erat & ad eum tribunus. Lips.

2. Ignoro adultero) qui nec ipsam, quem nec ipsa nosset Id.

disset, si aut Agrippa, aut Mecænas vixisset. Adeo tot habenti millia hominum, duos reparare difficile est. Cæsa sunt legiones; & protinus scriptæ: fracta classis; & intra paucos dies natauit noua. sauitum est in opera publica ignibus, surrexerunt meliora consumptis: tota vita, - Agrippæ & Mecænatis vocauit locus. Quid putem? defuisse similes qui assumerentur, an ipsius virium fuisse, qui maluit queri, quam querere? Non est quod existimemus, Agrippam & Mecænatem solitos illi vera dicere: qui si vixissent; inter dissimulantes fuissent. Regalis ingenti mos est, in præsentium contumeliam, amissa laudare, & his virtutem dare vera dicendi, a quibus iam audiendi periculum non est.

CAP. XXXIII. Sed vt me ad propositum reducam, vides quam facile sit, gratiam referre felicibus, & in summo humanarum opum positis. Dicillis non quod volunt audire, sed quod audisse semper volent: plenas aures adulationibus, aliquando vera vox intret: da consilium utile. Quæris, quid felici præstare possis? effice, ne felicitati suæ credat: vt sciat illam multis & fidei manibus continendam. Parum in illum contuleris, si illi semel stultam fiduciam permanfuræ semper potentia excusseris, docuerisque mobilia esse quæ dedit casus, & maiore cursu fugere quam veniunt: nec his portionibus, quibus ad summa peruentum est, retro iri, sed sæpe inter fortunam maximam & ultimam nihil interesse: Nescis quantum sit pretium amicitia: si non intelligis multum te ei daturum, cui dederis amicum, rem non domibus tantum, sed sæculis raram: quæ non aliubi magis deest, quam vbi creditur abundare. Quid? istos tu libros, 1) quos vix nomen-

1. Istos tu libros) amicos & clientes nominatim atque ordine in libros digerebant nomenclatores, vt meminisse & nominare possent, ac domino suggererent. *Lips.*

clarorum complectitur aut memoria, aut manus, amicorum existimas esse? Non sunt isti amici, qui agmine magno ianuam pulsant, qui in primas & secundas admissiones 2) digeruntur. Consuetudo ista vetus est regibus, regesque simulantibus, populum amicorum describere. Est proprium superbiae, magno aestimare introitum ac tactum sui liminis, & pro honore dare, ut ostio suo propius affideas, ut gradum prior intra domum ponas, in qua deinceps multa sunt ostia, quae receptos quoque excludunt.

CAP. XXXIV. Apud nos primi omnium C. Gracchus & mox Linius Drusus instituerunt segregare turbam suam, & alios in secretum 1) recipere, alios cum pluribus, 2) alios vniuersos. 3) Habuerunt itaque isti amicos primos, habuerunt & secundos, nunquam veros. Amicum vocas, cuius disponitur 4) saluatio? aut potest huius tibi patere fides, qui per fores maligne 5) apertas non intrat, sed illabitur? Huic peruenire usque ad distringendam libertatem 6) licet, cuius vulgare & publicum verbum & promiscuum ignotis, Aug. non nisi suo ordine emittitur? Ad quemcumque itaque istorum veneris, quorum saluatio urbem concutit, scito etiam si animaduuerteris obsecrosos ingenti frequentia vicos, & commeantium in utramque partem cateruis itinera compressa, tamen venire te in locum hominibus plenum, amicis vacuum. In pe-

2. *In primas & secundas admissiones*) Solent pro dignitatum discrimine amicos aut clientes diuidere. Honestiores primos ad salutationem admittere, tum alios tertiosque. *Id.*

1. *In secretum*) in cubiculum interius. *Lips.*

2. *Cum pluribus*) in aliud atrio proximum. *Id.*

3. *Vniuersos*) in ipso atrio ubi communiter salutabant. *Id.*

4. *Disponitur*) loco suo & vice. *Id.*

5. *Maligne*) ægre & fastidiose ab ostiario superbo. *Id.*

6. *Distringendam libertatem*) soluendam, laxandam libertatem: quam metus ac reuerentia retinet & veluti clausam habet. *Id.*

Etoremicus, non in atrio quaritur. illo recipiendus est, illic retinendus, & in sensus recondendus. Hoc doce, gratus es. Male de te existimas, si inutilis es, nisi afflicto; si rebus bonis supervacuus. Quemadmodum te & in dubiis, & in aduersis, & in latis sapienter geris, ut dubia prudenter tractes, aduersa fortiter, lata moderate: ita in omnia utilem te amico exhibere potes. Aduersa eius si nec desorueris, nec optaueris, multa nihilominus, ut non optes, in tanta varietate, quæ tibi materiam exercendæ fidei præbeant, incident. Quemadmodum qui optat diuitias alicui in hoc, ut illarum partem ipse ferat, quamvis pro illo videatur optare, sibi prospicit: sic qui optat amico aliquam necessitatem, quam adiutorio suo fideque discutiat: quod est ingrati, se illi perfert, & tanti æstimat illum miserum esse, ut ipse gratus sit, ob hoc ipsum ingratus. Exonerare enim se vult, & ut graui sarcina liberare. Multum interest, utrum properes referre gratiam, ut reddas beneficium; an ne debeas. Qui reddere vult, illius se commodo aptabit, & idoneum illi venire tempus volet: qui nihil aliud quam ipse liberari vult, quomodocumque ad hoc cupiet peruenire, quod est pessimæ voluntatis.

CAP. XXXV. Ista, inquam, nimia festinatio ingrati est. id apertius exprimere non possum, quam si repetiuero quod dixi. Non vis reddere acceptum beneficium, sed effugere. Hoc dicere videris, Quando isto carebo? quocumque modo mihi laborandum est, ne isti obligatus sim. Si optares ut illi solueres de suo, multum abesse videreris a grato; hoc quod optas, iniquius est. Exsecraris enim illum, & caput sanctum tibi, dira imprecatione defigis. Nemo, ut existimo, de immanitate animi tui dubitaret, si aperte illi paupertatem, si captiuitatem, si famem ac metum im-

Min 2

pro.

precareris. Aliquid interest, vtrum vox ista voti sit tui? 1) Sanus aliquid horum opta. I nunc, & hoc esse grati puta, quod ne ingratus quidem faceret, qui modo non vsque in odium, sed tantum ad infitiationem beneficii perueniret.

CAP. XXXVI. Quis pium dicet Æneam, si patriam capi voluerit, vt captiuitate patrem eripiat? Quis Siculos iuuenes, 1) vt bona liberis exempla monstrarent, si optauerunt vt Ætna immensa ignium vi supra solitum ardens & incensa præcipitet, data ipsi occasione exhibendæ pietatis: ex medio parentibus incendio raptis? Nihil debet Scipioni Roma, si Punicum bellum vt finiret, aluit: nihil Decius, quod morte patriam seruauerunt, si prius optauerant, vt deuotioni fortissimæ locum vltima rerum necessitas faceret. Grauiissima infamia est medici, opus quærere. Multi quos auxerant morbos, & incitauerant, vt maiore gloria sanarent, non potuerunt discutere, aut cum magna miserorum vexatione vicerunt.

CAP. XXXVII. Callistratum 1) aiunt, ita certo Hecaton auctor est, cum in exilium iret, in quod multos simul cum illo seditiosa ciuitas & intemperanter libera expulerat, optante quodam, vt Atheniensibus necessitas restituendi exsules esset, abominatum talem reditum. Rutilius 2) noster animosius, cum quidam illum consolaretur, & diceret instare arma ciuilia: breui futurum, vt omnes exsules reuerterentur:

1. *Verum vox ista voti sit tui*) h. e. vtrum ista an hæc voti tui sit formula, an his an aliis verbis illud conceperis. Gronov.

1. *Siculos iuuenes*) de quibus Lib. 3. extremo.

1. *Callistratum*) Oratorem eximium qui Demosthenem actione sua de Oropo ad eloquentiæ studia excitauit; exilii & damnationis eius ipse Demosthenes Orat. adu. Polyclem meminit. Lips.

2. *Rutilius*) de quo supra Lib. V. c. 17.

tur: Quid tibi, inquit, mali feci, ut mihi peiorem reditum, quam exitum optares? Malo, ut patria exilio meo erubescat, quam reditu mœreat. Non est istud exilium, cuius neminem non magis, quam damnatum, pudet. Quemadmodum illi seruauerunt bonorum ciuium officium, qui reddi sibi penates suos noluerunt clade communi, quia satius erat duos iniquo malo affici, quam omnes publico: ita non seruat grati hominis affectum, qui bene de se merentem difficultatibus vult opprimi, quas ipse submoueat: qui etiamsi bene cogitat, male precatur. Ne in patrocinium quidem, nedum in gloriam est, incendium exstinxisse quod feceris.

CAP. XXXVIII. In quibusdam ciuitatibus, impium votum sceclris vicem tenuit. Demades certe Athenis, cum qui necessaria funeribus venditabat, damnauit, cum probasset magnum lucrum optasse: quod contingere illi sine multorum morte non poterat. Quæri tamen solet, an merito damnatus sit. Fortasse optauit, non ut multis venderet, sed ut care: ut paruo sibi constarent, quæ venditurus esset. Cum constet negotiatio ex empto & vendito, quare votum eius in vnam partem trahis, cum lucrum ex vtraque sit? Præterea omnes licet, qui in ista negotiatione sunt, damnes: omnes enim idem volunt, id est, intra se optant. Magnam hominum partem damnabis. cui enim non ex alieno incommodo lucrum? Miles bellum optat, si gloriam. agricolam annonæ caritas erigit. eloquentiæ exoptat pretium litium numerus. 1) medicis grauis annus in quæstu est. institores delicatarum mercium, iuuentus corrupta locupletat. nulla tempestate, nullo igne lædantur testæ:

1. *Eloquentiæ exoptat pretium litium numerus*) forte rectius cum *Lipso* legeres *eloquentia & numerum*.

iacebit opera fabrilis. Vnius votum deprehenſum eſt, omnium ſimile eſt. An tu Arruntium, & Aterium, & ceteros qui captandorum teſtamentorum artem profeſſi ſunt, non putas eadem habere, quæ deſignatores 2) & libitinarios, vota? illi tamen quorum mortes optent, neſciunt; hi familiariffimum quemque, ex quo propter amicitiam ſpei plurimum eſt, mori cupiunt. Illorum damno 3) nemo vivit: hos quique differt, 4) exhaurit. 5) Optant ergo, non tantum ut accipiant, quod turpi ſervitute meruerunt, ſed etiam ut tributo graui liberentur. Non eſt itaque dubium, quin hi magis quod damnatum eſt in vno, optent: quibus quique morte profuturus eſt, vita nocet. Omnium tamen iſtorum tam nota ſunt vota, quam impunita. Denique ſe quique conſulat, & in ſecretum pectoris ſui redeat, & inſpiciat quid tacitus optauerit. quam multa ſunt vota, quæ etiam ſibi fateri pudet! quam pauca, quæ facere coram teſte poſſimus!

CAP. XXXIX. Sed non quidquid reprehendendum, etiam damnandum 1) eſt: ſicut hoc votum amici, quod in manibus eſt, male utentis bona voluntate, & in id vitium incidentis, quod cuitat. nam dum gratum animum feſtinat oſtendere, ingratus eſt. Hoc ait, in poteſtatem meam recidat, gratiam meam deſideret, ſine me ſaluus, honeſtus, tutus eſſe non poſſit. tam miſer ſit, ut illi beneficii loco ſit, quidquid redditur. Hæc diis audientibus. Circumueniant illum domesticæ

2. *Designatores*) qui funera comitabantur, disponebant, ordinabant. *Lipſ.*

3. *Damno*) nihil enim iis tollitur etſi non additur. *Id.*

4. *Differt*) ſpem illorum morte non cito implet. *Id.*

5. *Exhaurit*) quia munera effidue mittunt iis quorum hereditati inhiant, & ut tributa pendunt. *Id.*

1. *Damnandum*) poena ſententia iudicis irrogata, ut De-
medi euenit.

insidiæ, quas ego possim solus opprimere. instet potens inimicus & grauis, infesta turba nec inermis, & creditor vrgeat & accusator.

CAP. XL. Vide quam sis æquus, horum optares nihil, si tibi beneficium non dedisset. Vt alia taceam, quæ grauiora committis, pessima pro optimis referendo; hoc certe delinquis, quod non exspectas suum cuiusque rei tempus: quod æque peccat, qui non sequitur, quam qui antecedit. Quomodo non semper beneficium recipiendum est, sic non utique reddendum. Si mihi non desideranti redderes, ingratus esses: quanto ingrator es, qui desiderare me cogis? Exspecta. quare subsidere apud te munus meum non vis? quare obligatum moleste fers? quare, quasi cum acerbo sceneratore, signare rationem parem 2) properas? Quid mihi negotium quæris? quid in me deos immittis? quomodo exigeres, qui sic reddis?

CAP. XLI. Ante omnia ergo, Liberalis, hoc discamus, beneficia secure debere, & occasiones reddendorum obseruare, non manu facere: hanc ipsam cupiditatem primo quoque tempore liberandi se, meminerimus ingrati esse. Nemo enim libenter reddit, quod inuitus debet: & quod apud se non vult esse, onus iudicat esse, non munus. Quanto melius ac iustius, in promptu habere merita amicorum: & offerre, non ingerere, nec obæratum se iudicare? quoniam beneficium commune vinculum est, & inter se duos alligat. Dic, Nihil moror, quo minus tuum reuertatur ad te: opto hilaris accipias. si necessitas alterutri nostrum imminet, fatioque quodam datum

1. Signare rationem parem) Signantur rationes cum finiuntur, cum bene dispuñtæ & pares factæ comprobantur. Lips.

est, ut aut tu cogaris beneficium recipere, aut ego accipere, det potius qui solet. Ego paratus sum: Nulla mora in Turno. ostendam hunc animum, cum primum tempus aduenerit: interim dii testes sunt.

CAP. XLII. Soleo, mi Liberalis, notare hunc in te affectum, & quasi manu prendere, verentis & æstuantis, ne in vilo officio sis tardior. Non decet gratum animum sollicitudo; contra, summa fiducia sui: & ex conscientia veri amoris, dimissa omnis anxietas. Tam cum vitio est, recipere quod non debes, quam non dare quod debes. 1) hoc beneficii primum dati sit ius, ut recipiendi tempus eligat, qui dedit. At vercor, ne homines de me sequius loquantur. Male agit, qui famæ, non conscientiae gratus est. Duos istius rei iudices habes: te, quem non potes fallere; & illum, quem potes. Quid ergo, si nulla interuenerit occasio? semper debebo? Debebis: sed palam debebis, sed libenter debebis, sed cum magna voluptate apud te depositum intueberis. Pœnitet accepti beneficii, quem nondum redditi piget. quare qui tibi dignus visus est, a quo acciperes, indignus videatur, cui debeas?

CAP. XLIII. In magnis erroribus sunt, qui ingentis animi credunt, proferre, donare, plurimum sinum ac domum replere: cum ista interdum non magnus animus faciat, sed magna fortuna. Nesciant, quanto maius ac difficilius interim sit capere, quam fundere. Nam ut nihil alteri detraham, quoniam vtrumque ubi ex virtute fit, par est: non minoris est animi beneficium debere, quam dare. eo quidem operosius hoc quam illud, quo maiore diligenti custo-

1. *Quam non dare quod debes*) his omiſſis cetera ita disponit Gronovius: *Interim conſucium eſt recipere quod debeo. Hoc primum beneficii dati ius ſit, ut tempus eligat qui dedit.*

diuntur accepta, quam dantur. Itaque non est trepidandum, quam cito reponamus, nec procurrendum intempestive: quia æque delinquit, qui ad referendam gratiam suo tempore cessat, quam qui alieno properat. Positum est illi apud me. nec illius nomine, nec meo timeo. bene illi cautum est. non potest hoc beneficium perdere, nisi mecum: imo ne mecum quidem. Egi illi gratias, id est, retuli. Qui nimis de beneficio reddendo cogitat, nimis cogitare alterum de recipiendo putat. Præstet se in vtrumque facilem: si vult recipere beneficium, referamus, reddamusque læti. Illud apud nos custodiri mauult, quid thesaurum eius eruiamus? quid custodiam recusamus? dignus est, cui vtrum volet, liceat. Opinionem quidem & famam eo loco habeamus, tanquam non ducere, sed sequi debeat.

LIBER SEPTIMVS.

Argumentum & Ordo.

Similia prioribus, *Quæsiuncula*, & subtilibus *utilia* tamen mixta. Illud principio *serium*. coercendam curiositatem, & nimiam sciendi cupidinem: animum potius ad mores & Virtutem, id est, Sapientiam mittendum. Ex verbi deinde occasione *Quæstio*, An aliquis donare Sapienti possit, cum eius sint omnia? ait posse, quia animo quidem, non usu tamen omnia possidet. Altera, An qui tentauit reddere beneficium, reddiderit: ita, sed tamen iterum iterumque conandum docet. Tertia, An quod a viro bono acceperis, videri iam malo reddet? Reddes, sed cum cautione, ne illa quibus male, & in suam alienamus noxam statuatur. Quarta, Numquid obliuisci datorem beneficii

Mm 5

fui

fui oporteat? Non omnino & posse tenere memoria ait, imo & interdum exigere. Ultima, Quomodo ferendi ingrati? placido animo, mansueto, magno.

CAPVT I.

BOnum, mi Liberalis, habeas animum volo:

In manibus terra. 1) Non hic te carmine longo,

Atque per ambages & longa exorsa tenebo.

Reliqua hic liber cogit 2): & exhausta materia, circumspicio, non quid dicam, sed quid non dixerim. Boni tamen consules quidquid superest, cum tibi superfuert. 3) Si voluisssem lenocinari mihi, 4) debuit paulatim opus crescere, & ea pars in finem reservari, quam quilibet etiam satius appeteret. Sed quidquid maxime necessarium erat, in primum statim congeffi: nunc si quid effugit, recolligo. Nec mehercule, si me interrogas, nimis ad rem existimo pertinere, ubi dicta sint quae regunt mores, persequi cetera, non in remedium animi, sed in exercitationem ingenii inuenta. Egregie enim hoc dicere Demetrius Cynicus, vir meo iudicio magnus, etiam si maximis compareretur, solet: Plus prodesse, si pauca praecepta sapientiae teneas, sed illa in promptu tibi & in usu sint, quam si multa quidem didiceris, sed illa non habeas ad manum. Quemadmodum, inquit, magnus lucta-

1. *In manibus terra*) i. e. tam propinque ut manibus iam contingamus: quod vulgo dicunt in portu navigare.

2. *Reliqua hic liber cogit*) reliqua de beneficiis dicenda hic liber complectitur.

3. *Cum tibi superfuerit*) otium scilicet istis impendendum.

4. *Lenocinari mihi*) gratiosum venustumque me reddere.

Lipp.

tor est, non qui omnes numeros 5) nexusque perdidi-
cit, quorum vsus sub aduersario 6) rarus est, sed qui
in vno se aut altero bene & diligenter exercuit, & eo-
rum occasiones intentus exspectat: nec enim refert,
quam multa sciat, si scit quantum victoriæ satis est: sic
in hoc studio multa delectant, pauca vincunt. Licet
nescias, quæ ratio Oceanum effundat ac reuocet 7):
quare septimus quisque annus ætati signum imprimat:
quare latitudo porticus ex remoto spectantibus, non
seruet proportionem suam, sed vltima in angustias
coëant, & columnarum nouissime interualla iungan-
tur: quid sit, quod geminorum conceptum separet,
partum iungat. vtrum vnus concubitus spargatur
in duos, an toties concepti sint, cur pariter natis (sata
diuersa sint maximisque rerum spatiis distent, quorum
inter ortus minimum interest. Non multum tibi noce-
bit transisse, quæ nec licet scire, nec prodest. Inuoluta
veritas in alto latet. Nec de malignitate naturæ queri
possumus: quia nullius rei difficilis inuentio est, nisi cu-
ius hic vnus inuentæ fructus est, inuenisse. Quidquid
nos meliores beatosque facturum est, aut in aperto,
aut in proximo posuit. Si animus fortuita
contempsit, si se supra metum sustulit, nec auida spe
infinita complectitur, sed didicit a se petere diuitias:
si deorum hominumque formidinem eiecit, & scit
non multum esse ab homine timendum, a Deo nihil:
si contemptor omnium, quibus torquetur vita, dum
ornatur, 8) eo perductus est, vt illi liqueat, mortem

5. Numeros) palæstræ verbum in motibus illis & formatio-
ne flexuque membrorum. Lips.

6. Sub aduersario) in ipsa pugna, licet sub doctore & in
ludo frequentior sit.

7. Effundat ac reuocet) fluxum & refluxum eius efficiat.

8. Torquetur vita, dum ornatur) omnia enim quæ ad fastum
spectant plus molestiæ quam commodi afferunt.

nullius mali esse materiam, multorum finem: si animum virtuti consecrauit, & quacumque vocat illa, planum ²⁾ putat: si sociale animal, & in commune genitus, mundum ut unam omnium domum spectat, & conscientiam suam diis aperuit, semperque tanquam in publico vivit: si se magis veritus quam alios, subductus ille tempestatibus, in solido ac sereno steterit: consummauit scientiam utilem, atque necessariam. reliqua oblectamenta otii sunt. Licet enim iam in tutum retracto animo, ad hæc quoque excurrere, cultum, non robur, ingeniis afferentia.

CAP. II. Hæc Demetrius noster utraque manu tenero proficientem iubet, hæc nusquam dimittere, imo affigere & partem sui facere, eoque quotidiana meditatione perducere, ut sua sponte occurrant salutaria, & ubique ac statim desiderata præsto sint: & sine mora vlla veniat illa turpis honestique distinctio, sciatque nec malum esse vllum nisi turpe, nec bonum nisi honestum. Hæc regula vitæ opera distribuat: ad hanc legem & agat cuncta, & exigat: miserrimosque mortalium iudicet, in quantiscumque opibus refulgebunt, ventri ac libidini deditos, quorum animus inertis otio torpet. Dicat ipse sibi: Voluptas fragilis est, brevis, fastidio obiecta: quo avidus hausta est, citius in contrarium recidens, cuius subinde necesse est aut pœniteat, aut pudeat. In qua nihil est magnificum, aut quod naturam hominis, diis proximi, deceat. res humilis, membrorum turpium ac vilium ministerio veniens, exitu fœda. Ista est voluptas & homine & viro digna, non implere corpus, nec saginare, nec cupiditates irritare, quarum tutissima est quies: sed perturbatione carere,

^{2.} *Planam*) non difficile, ut libenter & facile sequi possit.

& ea quam hominum 1) inter se rixantium ambitus concutit, & ea quæ intolerabilis ex alto venit, ubi de diis famæ creditum est, vitiisque illos nostris 2) æstimauimus. Hanc voluptatem æqualem, intrepidam, nunquam sensuram sui tædium, percipit hic quem deformamus cum maxime; qui, ut ita dicam, diuinæ iuris atque humani peritus, præsentibus gaudet, ex futuro non pendet. nihil enim firmi habet, qui in incerta propensus est. Magnis itaque curis exemptus, & distorquentibus mentem, nihil sperat, aut cupit, nec se mittit in dubium, suo contentus. Nec illum existimes paruo esse contentum. omnia illius sunt non sic, quemadmodum Alexandri fuerunt: cui, quamquam in littore maris rubri steterat, plus deerat quam qua venerat. illius ne ea quidem erant, quæ tenebat, aut vicerat, cum in Oceano Onesicritus præmissus explorator erraret, & bella in ignoto mari quæreret. Non satis apparebat inopem esse, qui extra naturæ terminos arma proferret? qui se in profundum, inexploratum & immensum, auiditate cæca prorsus immitteret? Quid interest, quot eripuerit regna, quot dederit, quantum terrarum tributo premat? tantum illi deest, quantum cupit.

CAP. III. Nec hoc Alexandri tantum vitium fuit, quem per Liberi Herculisque vestigia felix temeritas egit, sed omnium quos fortuna irritauit implendo. 1) Cyrum & Cambysem, & totum regni Persici stemma percensc. quem inuenies, cui modum imperii satie-

1. Et ea quam hominum) duplicem perturbationem hic facit: a terra & a cælo. Illam quæ ex opibus, honoribus, spe metuque rerum humanarum. Istam quæ a superstitione & praua de diis opinione. Lips.

2. Vitiisque illos nostris) quia nos vitiis cupidi, quia nos malefacientibus reponimus, & plura talium affectuum. Id.

1. Irritantis Implendo) cupidinem magis elicit indulgendo.

tas fecerit? qui non vitam in aliqua ulterius procedendi cogitatione finierit? Nec id mirum est, quicquid cupiditati contigit, penitus hauritur & conditur: nec inter est quantum eo quod inexplebile est, congruas. Vnus est sapiens, cuius omnia sunt, nec ex difficili tuenda. Non habet mittendos trans maria legatos, nec metanda in ripis hostilibus castra, non opportunis castris disponenda praesidia, non opus est legione, nec equestribus turmis. Quemadmodum dii immortales regnum inermes regunt, & illis rerum suarum ex edito tranquilloque tutela est: ita hic officia sua, quamvis latissime pateant, sine tumultu obit: & omne humanum genus, potentissimus eius optimusque, infra se videt. Derideas licet: ingentis spiritus res est, cum Orientem Occidentemque lustraveris animo, quo etiam remota & solitudinibus interclusa penetrantur, cum tot animalia, tantam copiam rerum, quas natura beatissime fundit, aspexeris, emittere hanc Dei vocem: Haec omnia mea sunt. Sic fit, ut nihil cupiat: quia nihil est extra omnia.

CAP. IV. Hoc ipsum, inquis, volui. teneo te: volo videre, quomodo ex his laqueis, in quos tua sponte decidisti, expliceris. Dic mihi, quemadmodum potest aliquis donare sapienti, si omnia sapientis sunt? nam id quoque quod illi donat, ipsius est. Itaque non potest dari beneficium sapienti: cui quidquid datur, de suo datur, atqui dicitis, sapienti posse donari. Idem autem me scito, & de amicis interrogare. Omnia dicitis illis esse communia: ergo nemo quidquam amico donare potest: donat enim illi communia. Nihil prohibet aliquid & sapientis esse, & eius qui possidet, cui datum & assignatum est. Iure civili omnia regis sunt: & tamen illa quorum ad regem pertinet universa possessio, in singulos dominos descripta sunt, & unaquaeque res habet possessorem suum.

suum. Itaque dare regi & domum, & mancipium, & pecuniam possumus: nec donare illi de suo dicimur. Ad reges enim potestas omnium pertinet, ad singulos proprietas. Fines Atheniensium aut Campanorum vocamus, quos deinde inter se vicini priuata terminatione distinguunt. & totus ager huius aut illius rei publicæ est: pars deinde suo domino quoque censetur, ideoque donare agros nostros reip. possumus, quamvis illius esse dicantur: quia aliter illius sunt, aliter mei. Nunquid dubium est, quin seruus cum peculio, domini sit? dat tamen domino suo munus. Non enim ideo nihil habet seruus, quia non est habiturus, si dominus illum habere noluerit: nec ideo non est munus, cum volens dedit, quia potuit eripi, etiamsi nolisset.

* Quemadmodum probemus omnia (nunc enim omnia sapientis esse, inter nos conuenit) illud quod quaeritur colligendum est, quomodo liberalitatis materia aduersus eum supersit, cuius vniuersa esse concessimus. omnia patris sunt, quæ in liberorum manu sunt: quis tamen nescit, donare aliquid & filium patri? Omnia deorum sunt: tamen & diis posuimus donum, & stipem iecimus. Non ideo quod habeo, meum non est, si tuum est: potest enim idem esse meum & tuum. Is, inquit, cuius prostitute sunt, leno est: omnia autem sapientis sunt, inter omnia autem & prostitute sunt. ergo & pro-

* *Quemadmodum probemus*) Gronouius nihil hic mutandum putat nisi quod omissa ante *quemadmodum* negatio sit restituenda. Legit igitur: *non quemadmodum* &c. hoc sensu: Non nunc est colligendum esse omnia sapientis, neque ostendendum quibus rebus id conficere soleamus; (hoc enim & tu sumis & ego sentio) sed colligendum est illud quod quaeritur, quomodo possit illi dari, cuius nihil non esse inter ambos conuenit. Est igitur *non quemadmodum probemus omnia* *ἀπορία* & sermo interruptus conueniensque promptæ disputationi. & ad hoc omnia ex parenthesi reuocandum *sapientis esse*.

sti.

stitutæ sapientis sunt. leno autem est, cuius prostitutæ sunt: ergo sapiens est leno. Sic illum vetant emere, dicunt enim: Nemo rem suam emit: omnia autem sapientis sunt: ergo sapiens nihil emit. Sic vetant & mutuum sumere, quia nemo usuram pro pecunia sua pendat. Innumerabilia sunt, per quæ cavillantur, cum pulcherrime, quid a nobis dicatur, intelligant.

CAP. V. Enim sic omnia sapientis esse dico, vt nilominus proprium quisque in rebus suis dominium habeat: quemadmodum sub optimo rege omnia rex imperio possidet, singuli dominio. Tempus istius probandæ rei veniet, interim hoc huic quæstioni sat est, id quod aliter sapientis, aliter meum est, me posse donare sapienti. Nec mirum est, aliquid ei cuius est totum, posse donari. Conduxi domum a te: in hac aliquid tuum, aliquid meum. res tua est: vsus rei tuæ, meus est. Itaque nec fructus tanges, colono tuo prohibente, quamuis tua in possessione nascantur; & si annona carior fuerit, aut fames,

Hec frustra magnum alterius spectabis acervum,
in tuo natum, in tuo positum, in horres iturum tuus. Nec conductum meum, quamquam sis dominus, intrabis: nec seruum tuum, mercenarium meum abduces: & cum absterhedam condoxero, beneficium accipies, si tibi in vehiculo tuo sedere permisero. Vides ergo posse fieri, vt aliquis accipiendo quod suum est, munus accipiat.

CAP. VI. In omnibus istis quæ modo retuli, vterque eiusdem rei dominus est, quomodo? quia alter rei dominus est, alter vsus. Libros dicimus esse Ciceronis: eisdem Dorus librarius suos vocat: & verumque verum est, alter illos tanquam auctor sibi, alter tanquam emptor asserit: ac recte vtriusque di-

cunt.

cuntur esse. Vtriusque enim sunt: sed non eodem modo. sic potest T. Livius a Doro accipere, aut emere libros suos. Possum donare sapienti, quod viri-
tim meum est, 1) licet illius sint omnia. Nam cum regio more cuncta conscientia possideat, singularum autem rerum in vnumquemque proprietas sit sparsa: & accipere munus, & debere & emere, & conducere potest. Cæsar omnia habet, fiscus eius priuata tantum, ac sua: & vniuersa in imperio eius sunt, in patrimonio propria. Quid eius sit, quid non sit, sine diminutione imperii quæritur. nam id quoque quod tanquam alienum abiudicatur, aliter illius est. Sic sapiens vniuersa animo possidet, iure ac dominio sua.

CAP. VII. Bion modo omnes sacrilegos argumentis esse colligit, modo neminem. Cum omnes de saxo 1) deiecturus est, dicit: Quisquis id quod deorum est, sustulit & consumpsit, atque in vsum suum vertit, sacrilegus est: omnia autem deorum sunt: quod quisque ergo tollit, deorum tollit, quorum omnia sunt: ergo quisquis tollit aliquid, sacrilegus est. Deinde cum effringi templa, & expilari impune Capitolium iubet: dicit, Nullum sacrilegium esse. quia quicquid sublatum est ex eo loco qui deorum erat, in eum transfertur locus, qui deorum est. Hic respondetur: Omnia quidem deorum esse, sed non omnia diis dicata. In his obseruari sacrilegium, quæ religio numini adscripsit. Sic & totum mundum deorum esse immortalium templum, solum quidem amplitudine illorum ac magnificentia dignum: & tamen a sacris profana discerni, & non omnia licere in angulo, cui nomen

1. Viri-
tim meum est) in me singulariter transcriptum, sic infra c. 8.

1. De saxo) Tarpeio, ritu Romano, nam id supplicium in magnis sceleribus. Lips.

• torn. I.

N n

fani

fani impositum est, quæ sub cælo & conspectu siderum licent. Iniuriam sacrilegus Deo quidem non potest facere: quem extra ictum sua diuinitas posuit: sed punitur, quia tanquam Deo fecit. Opinio illum nostra, ac sua obligat pœnæ. Quomodo ergo sacrilegus videtur, qui aliquid aufert sacri, etiamsi quocumque transtulit, quod surripuerat, intra terminos est mundi: sic & sapienti furtum potest fieri. Aufertur enim illi non ex his quæ vniuersa habet, sed ex his quibus dominus inscriptus est, quæ viritum 1) ei seruiunt. Illam alteram possessionem agnoscer, hanc nolet habere, etsi poterit: emittetque illam vocem, quam Romanus Imperator 2) emisit, cum illi ob virtutem & bene gestam Rempub. tantum agri decerneretur, quantum arando vno die circuire potuisset: Non est, inquit, vobis eo opus ciue, cui plus opus sit, quam vni ciui. Quanto maioris viri putas, respuisse hoc munus, quam meruisse? multi enim fines aliis abstulerunt, sibi nemo constituit.

CAP. VIII. Ergo cum animum sapientis intuemur potentem omnium, & per vniuersa dimissum, omnia illius esse dicimus, cum ad hoc ius quotidianum 1) si ita res tulerit capite 2) censebitur. Multum interest, possessio eius animi magnitudine æstimetur, an censu hæc vniuersa habere, de quibus loqueris, abominabitur. Non referam tibi Socratem,

1. *Viritum*) sic supra cap VI.

2. *Imperator*) M. Curius, ut ex Plinio & Valerio Maximo patet.

1. *Quotidianum*) quo utimur, & quo meum tuum dicimus. Lips

2. *Capite*) statu & conditione sua. Respicit autem ad censuales tabulas, in quibus viritum singuli & eorum opes descriptæ. Id.

Chrysippum, Zenonem, & ceteros magnos quidem viros, maiores tamen, quia in laudem vetustorum invidia non obstat. Paulo ante Demetrium retuli: quem mihi videtur rerum natura nostris tulisse temporibus, ut ostenderet, nec illum a nobis corrumpi, nec nos ab illo corrigi posse: virum exactæ (licet neget ipse) sapientiæ: firmæque in his quæ proposuit constantiæ: eloquentiæ vero eius, quæ res fortissimas deceat, non concinnatæ, nec in verba sollicitæ, sed ingenti animo, prout impetus tulit, res suas prosequentis. Huic non dubito, quin providentia & talem vitam, & talem dicendi facultatem dederit, ne aut exemplum sæculo nostro, aut conuicium 3) deesset.

CAP. IX. Demetrio si res nostras aliquis deorum possidendas velit tradere sub lege certa, ne liceat donare, affirmaverim repudiaturum, disturumque: Ego vero me ad istud inextricabile pondus non alligo, nec in altam faciem rerum hunc expeditum hominem demitto. Quid ad me defers populorum omnium mala? quæ nec daturus quidem acciperem: 1) quoniam multa video, quæ me donare non deceat. 2) Volo sub conspectu meo ponere, quæ gentium oculos regumque præstringunt? volo intueri pretia sanguinis, animarumque vestrarum? Prima mihi luxuriæ spolia propone: siue illa vis per ordinem expandere, siue (ut est melius) in vnum acervum dare. Video elaboratam scrupulosa distinctione testudinem, & sædissimorum pigerrimorumque animalium testas, ingentibus pretiis emptas, in quibus ipsa illa quæ placet va-

3. *Conuicium*) dum corrigi ab ipso noluit.

1. *Nec daturus quidem acciperem*) non acciperem si dare aliis ac distribuere liceret.

2. *Non deceat*) luxuriæ nimirum, libidinis & aliorum vitiorum instrumenta.

rietas, subditis medicamentis, 3) in similitudinem veri coloratur. Video istic mentas, & æstimatum lignum senatoris censu, eo pretiosius, quo illud in plures nodos, arboris infelicitas torfit. Video istic crystallina, quorum accendit fragilitas pretium. omnium enim rerum voluptas apud imperitos, ipso quo fugare debet periculo, crescit. Video murrhina 4) pocula. parum scilicet luxuria magno furit, nisi quod vomant, capacibus gemmis inter se propinarent. Video vniones, non singulos singulis auribus comparatos: iam enim exercitatae aures oneri ferendo sunt: iunguntur inter se, & insuper alii binis superponuntur. 5) non satis muliebris insania viros subiecerat, nisi bina ac terna patrimonia 6) auribus singulis pependissent. Video sericas vestes, si vestes vocandæ sunt, in quibus nihil est quo defendi aut corpus, aut denique pudor possit: quibus sumptis, mulier parum liquido, nudam se non esse, iurabit. Hæ ingenti summa, ab ignotis etiam ad commercium gentibus accersuntur, ut matronæ nostræ, ne adulteris quidem plus sui in cubiculo, quam in publico ostendant.

CAP. X. Quid agis auaritia? quot rerum caritate aurum tuum victum est? omnia ista quæ retuli, in maiore honore pretioque sunt. Nunc volo tuas oper recognoscere, laminas vtriusque 1) materiæ, ad quas cupiditas nostra caligat. At mehercule terra,

1. *Subditis medicamentis*) arte enim effectum, ut testudo ligni speciem præ se ferret: vid. Plin. H. N. XVI, 43. idque effectum subditis testudinis segmentis tenuibus coloribus qui perlucere. *Lips.*

4. *Murrhina*) de quibus Plinius H. N. XXXVII, 2.

5. *Alii binis superp.*) id tribaccam vocat Petronius.

6. *Patrimonia*) tantum enim horum vnionum erat pretium, ut singula patrimonia singuli æquarent.

1. *Vtriusque*) auri & argenti.

quæ quidquid vtile futurum nobis erat protulit, ista defodit & merfit, & vt noxiosis rebus ac malo gentium in medium prodituris, toto pondere incubuit. Video ferrum ex iisdem tenebris esse prolatum, quibus aurum & argentum: ne aut instrumentum in cædes mutuas deesset, aut pretium. Et adhuc ista aliquam materiam habent: est in quo errorem oculorum animus subsequi possit: video istic diplomata, 2) & syngraphas, 3) & cautiones, 4) vacua habendi simulacra, umbras quasdam avaritiæ laborantis, per quas decipiant animum, inanum opinione gaudentem. Quid enim ista sunt? quid fœnus, & kalendarium, 5) & usura, nisi humanæ cupiditatis extra naturam 6) quæsitæ nomina? Possum de rerum natura queri, quod aurum argentumque non interius absconderit, quod non illis maius, quam quod detrahi posset, pondus iniecerit. Quid sunt istæ tabulæ, quid computationes, & vane tempus, 7) & sanguinolentæ centesimæ? 8) voluntaria mala ex constitutione nostra pendentia, in quibus nihil est, quod subiici oculis, quod teneri manu possit, inanis avaritiæ somnia. O miserum, si quem delectat sui patrimonii liber magnus, & vasta spatia terrarum colenda per vinctos, & immensi greges pecorum per prouincias ac regna pascendi, & familia bellicosæ nationibus maior, & ædificia priuata

2. *Diplomata*) principalium donatum.

3. *Syngraphas*) priuatorum nominum.

4. *Cantiones*) obligationes sub chirographo.

5. *Kalendarium*) liber fœnebris, in quo usuræ descriptæ per kalendas. *Lips.*

6. *Extra naturam*) non natura enim sed avaritiâ inuenit. *Id.*

7. *Vane tempus*) usura enim datur ob tempus & moram, qua debitor credito fruitur. *Id.*

8. *Centesimæ*) durissimæ usuræ, quæ centesimo mense fortem æquant, h. e. duodeni annui nummi e centum. Olim almirum per kalendas sine menses numerabant. *Id.*

laxitatem urbium magnarum vincentia! Cum bene ista, per quæ diuitias suas disposuit ac fudit, circumspexerit, superbumque se fecerit, si quidquid habet, ei quod cupit compareret, pauper est. Dimitte me, & illis diuitiis meis redde. Ego regnum sapientiæ noui, magnum, securum, ego sic omnia habeo, ut omnium sint.

CAP. XI. Itaque cum C. Cæsar illi ducenta 1) donaret, ridens reiecit, ne dignam quidem summam iudicans, qua non accepta gloriaretur. Dii deæque, quam pusillo illum animo aut honorare voluit, aut corrumpere! Reddendum egregio viro testimonium est. Ingentem rem 2) ab illo dici audiui, cum miraretur Cæii dementiam, quod se putasset tanti posse mutari. Si tentare, inquit, me constituerat, toto illi fui experiendus imperio.

CAP. XII. Sapienti ergo donari aliquid potest, etiam si sapientis omnia sunt: æque nihil prohibet, cum omnia amicis dicamus esse communia, aliquid amico donari. Non enim mihi sic cum amico communia omnia sunt, quomodo cum socio, ut pars mea sit, pars illius: sed quomodo patri matrique communes liberi sunt: quibus cum duo sunt, non singuli singulos habent, sed singuli binos. Primum omnium iam efficiam, ut quisquis est iste, qui me in societatem vocat, sciat se nihil mecum habere commune. Quare? quia hoc consortium solum inter sapientes est, inter quos amicitia est. ceteri non magis amici sunt, quam socii. Deinde pluribus modis communia sunt. Equestria omnium equitum Romanorum sunt, in illis tamen locus meus sit proprius, quem occupavi. hoc si cui cessi, quamuis illi communi recesserim, tamen ali-

1. Ducenta) quinque millia Philippicorum. Lips.

2. Rem) i. e. sententiam, breue dictum ingeniosum, ingens, h. e. ingentis animi signum.

quid dedisse videor. Quædam quorundam sub certa conditione sunt, habeo in equestribus locum, non ut vendam, non ut locem, non ut habitem: in hoc tantum, ut spectem. Propterea non mentiar, si dicam me habere in equestribus locum: sed cum in theatrum veni, si plena sunt equestria, & iure habeo locum illic, quia sedere mihi licet: & non habeo, quia ab his, cum quibus ius mihi loci commune est, occupatus est. Idem inter amicos puta fieri. Quidquid habet amicus, commune est nobis: sed illius proprium est, qui tenet uti, illo nolente, non possum. Derides me, inquis: Si quod amici est, meum est, liceat mihi vendere. Non licet. nam nec equestria: & tamen communia tibi cum ceteris equitibus sunt. Non est argumentum, ideo aliquid tuum non esse, quia vendere non potes, quia consumere, quia mutare in deterius aut melius. Tuum enim est, etiam quod sub lege certa tuum est. Accepi, sed certe non minus habes 1)

CAP. XIII. Ne te traham longius, 1) Beneficium maius esse non potest: ea per quæ beneficium datur, possunt esse maiora: & plura, in quæ se undique benevolentia effundat, & sic sibi indulgeat, quemadmodum amantes solent: quorum plura oscula, & complexus arctiones, non augent amorem, sed exercent. Hæc quoque, quæ venit quæstio, profligata est in prioribus: itaque breuiter perstringetur. Possunt enim in hanc, quæ data sunt aliis, argumenta transferri. Quæritur, an qui omnia fecit, ut beneficium redderet, reddiderit. Ut scias, inquit, illum non reddidisse, omnia fecit, ut redderet. Apparet

1. Sed certe non minus habes) lege: sed ceteri non minus. Gronov.

1. Nec te traham longius) manca hæc sunt. Alia enim disputatio, an scilicet beneficia beneficiis sint maiora? quod negat ex Stoicorum decreto Seneca. Lips.

ergo, non esse id factum, cuius faciendi occasionem non habuit. Et creditori suo pecuniam non soluit is, qui ut solueret, ubique quaesivit, nec invenit. Quaedam eius conditionis sunt, ut effectum praestare debeant: quibusdam pro effectu est, omnia attentasse, ut efficerent. Si omnia fecit ut sanaret, peregit medicus partes suas. etiam damnato reo, oratori constat eloquentiae officium, si omni iure usus est. Laus imperatori etiam victo, & duci redditur, si & prudentia, & industria, & fortitudo muneribus suis functa est. Omnia fecit, ut beneficium redderet: obstitit illi felicitas tua. Nihil incidit durius, quod veram amicitiam experiretur. Locupleti donare non potuit, sano affidere, felici succurrere: gratiam retulit, etiam si tu beneficium non recepisti. Praeterea, huic intentus semper, & huius rei tempus operiens, qui in hoc multum curae, multum sedulitatis impendit, plus laboravit, quam cui cito referre gratiam contigit.

CAP. XIV. Debitoris exemplum dissimile est: cui parum est pecuniam quaesivisse, nisi soluit: Illic enim stat acerbus super caput creditor, qui nullum diem gratis 1) occidere patiatur: hic benignissimus, qui cum te viderit concursantem & sollicitum atque anxium, dicat: Mitte hanc de pectore curam. Desine tibi molestus instare. omnia a te habeo. Iniuriam mihi facis, si me quidquam amplius desiderare iudicas. Plenissime ad me peruenit animus tuus. Dic, inquit, mihi, 2) si reddidisse beneficium diceres illum,

1. *Gratis*) sine usura.

2. *Dic, inquit, mihi*) Obiectio est. Sensus hic: Si ille qui omni conatu reddere beneficium studuit, sed reddere non potuit, satisfecisse officio putandus est, ac gratiam retulisse, nullum discrimen erit inter eum qui reddidit & non reddidit.

si gratiam retulisset. Eodem ergo loco est, qui reddidit, & qui non reddidit. Contra, nunc illud pone, 3) si oblitus esset accepti beneficii, si ne tentasset quidem gratus esse, negares illum gratiam retulisse; At hic diebus noctibusque se lassavit, & omnibus aliis renunciavit officiis, huic vni imminens, & operatus, ne qua se fugeret occasio. Eodem ergo loco erunt, ille qui curam referendæ gratiæ abiicit, & hic qui nunquam ab illa recessit? iniquus es, si rem a me exigis, cum videas animum non defuisse. Ad summam, puta, cum captus esses, me pecuniam mutuatum, rebus meis in securitatem creditoris oppositis, navigasse hieme iam sæva, per infesta latrocinii littora, emensum quidquid periculi afferre potest etiam pacatum mare; peragratis omnibus solitudinibus, cum quos nemo non fugiebat ego quærerem, tandem ad piratas perveni; & iam te alius redemerat. negabis me gratiam retulisse? etiamne si in illa navigatione pecuniam, quam salutis tuæ contraxeram, naufragus perdidisti? etiamne si in vincula quæ detrahare tibi volui, ipse incidi? Negabis me retulisse gratiam? At me hercle Athenienses, Harmodij & Aristogitonem, tyrannicidas vocant 4): & Mucii manus in hostili ara relicta, instar occisi Porſenæ fuit: & semper contra fortunam luctata virtus, etiam citra effectum propositi operis, enituit. Plus præstitit, qui fugientes occasiones secutus est, & alia atque alia captavit, per

3. *Contra nunc illud pone*) Respondet obiectioni per similem quæstionem. atque adeo quæstioni quæstionem opponit. Nul- lum quoque discrimen inter beneficii male memorem, & omnia facientem ut illud rependat fore indicans, si retulisse gratiam non censeatur qui referre voluit.

4. *Tyrannicidas vocant*) qui conati tantum fuerant opus, non perfecerunt. Hippia enim tyrannus triennio post ipsorum conatus imperavit.

que referre gratiam posset, quam quem, sine ulla sudore, gratum prima fecit occasio.

CAP. XV. Duas, inquit, res ille tibi praestitit, voluntatem, & rem: tu quoque illi duas debes. Merito istud diceres ei, qui tibi reddidit voluntatem otiosam: huic vero, qui & vult, & conatur, & nihil intentatum relinquit, non potes dicere. utrumque enim praestat, quantum in se est. Deinde, non semper numero numerus æquandus est, aliquando una res pro duabus valet. Itaque in locum rei succedit tam propensa voluntas, & cupida reddendi. Quod animus finire, ad referendam gratiam non valet: nemo aduersus deos gratus est, in quos voluntas sola confertur. Diis, inquit, nihil aliud praestare possumus. Sed si huic quoque, cui referre gratiam debeo, nihil aliud praestare possum: quid est, quare non eo aduersus hominem gratus sim, quo nihil amplius in deos confero?

CAP. XVI. Si tamen quid sentiam quæris, & vis signare 1) responsum: hic beneficium recepisse se iudicet: ille se sciat non reddidisse. Hic illum dimittat: ille se teneat. hic dicat, Habeo: ille respondeat, Debeo. In omni quæstione propositum sit nobis bonum publicum, præcludendæ sunt excusationes ingratis, ad quas refugere possint, & sub quibus infirmitatem suam tegere. Omnia feci? fac etiam nunc. Quid tu tam imprudentes iudicas maiores nostros fuisse, ut non intelligerent iniquissimum esse, eodem loco haberi eum qui pecuniam, quam a creditore acceperat, libidine aut alea absumpsit, & eum qui incendio, aut latrocinio, aut aliquo casu tristiore, alie-

1. Signare) Pro more Istorum qui sub Augusto aut circa obtinuit qui auctoritatis & fidei causa responsa subscripto nomine signabant. Lips.

na cum suis perdidit? nullam excusationem receperunt, ut homines scirent fidem utique præstandam. Satiùs enim erat a paucis etiam iustam excusationem non accipi, quam ab omnibus aliquam tentari. Omnia fecisti ut redderes. Hoc illi satis sit: tibi parum. Nam quemadmodum ille, si enixam & sedulam operam transire pro irrita patitur, cui gratia referatur indignus est: ita tu ingratus es, nisi ei qui voluntatem bonam in solum accepit, eo libentius debes, quia dimitteris. Non rapias hoc, nec testèris: 1) occasiones reddendi nihilominus quæras. Redde illi, quia repetit; huic, quia remittit; illi, quia malus; huic, quia non malus. Ideoque non est, quod ad te hanc quæstionem iudices pertinere: an quod beneficium quis a sapiente acceperit, reddere debeat; si ille desit esse sapiens, & in malum versus est. Redderes enim & depositum, quod a sapiente accepisses; & etiam malo redderes creditum: quid est, cur non & beneficium? Quia mutatus est ille, te mutat? Quid? si quid a sano accepisses, ægro non redderes: cum plus semper imbecillo amico debeamus? & hic æger est animo: adiuuatur, feratur. stultitia, morbus est animi. Distinguendum hoc, quo magis intelligatur, existimo.

CAP. XVI Duo sunt beneficia. vnum, quod dare nisi sapiens sapienti non potest: hoc est absolutum & verum beneficium, alterum, vulgare, plebeium, cuius inter nos imperitos commercium est. De hoc non est dubium, quin illi qualiscumque est debeamus reddere, siue homicida, siue fur, siue adulter euasit. Habent scelera leges suas. melius istos iudex, quam ingratus, emendat. nemo te malum, quia est, fa-

1. Non rapias hoc nec testèris) non aude arripias hoc, nec testes aduoca, qui te fecisse quod poteras adeoque obligatione solutum esse testentur.

cist. Malo beneficium proficiam, bono reddam, huic, quia debeo; illi, ne debeam.

CAP. XVIII. De altero beneficii genere dubitatur, quod si accipere non potui nisi sapiens, ne reddere quidem nisi sapienti possum. Puta enim me reddere. ille non potest recipere: non est iam huius rei capax. scientiam utendi perdidit. Quid si me remittere manco pilam iubeas? stultum est dare alicui, quod accipere non possit. Ut respondere ab ultimo incipiam: Non dabo illi, quod accipere non poterit; reddam, etiam si recipere non poterit. Obligare enim non possum, nisi accipientem: liberari tantum, si reddo, possum. Ille uti illo non poterit? viderit, penes illum erit culpa, non penes me.

CAP. XIX Reddere est, inquit, accepturo tradidisse. Quid enim si cui vinum debeas, & hoc ille infundere reticulo iubeat, aut cribro; reddidisse te dices, aut reddere voles, quod dum redditur, inter duos pereat? Reddere, est id quod debeas, ei cuius est, volenti dare. hoc vnum mihi praestandum est. Ut quidem habeat, quod a me accepit, iam ulterius est curae. Non tutelam illi, sed fidem debeo: multoque satius est, illum non habere, quam me non reddere. Et creditori statim in macellum ¹⁾ laturus, quod acceperit, reddam. etiam si mihi adulteram, cui numerem, delegaverit, solvam: & si nummos quos accipiet, in sinum suum discinctus fundet, dabo. Reddendum enim mihi est, non servandum, cum reddidero, aut tuendum. Beneficii accepti, non redditu custodiam debeo, Dum apud me est, saluum sit, ceterum licet accipientis manibus effluat, dandum est repescenti. Reddam bono, cum expediet; malo,

1. In macellum 3) nepoti alicui qui pecuniam apud macellarios ganeae suae causa relinquet. Lips.

cum petet. Tale, inquit, beneficium, quale accepisti, non illi potes reddere. Accepisti enim a sapiente: stulto reddis. Non. reddo illi, quale nunc potest accipere: nec per me fit quod deterius, sed per illum. id quod accepi, reddam. Cui, si ad sapientiam redierit, reddam quale accepi: dum in malis est, reddam quale ab illo potest accipi. Quid, inquit, si non tantum malus factus est, sed ferus, sed immanis, qualis Apollodorus 2), aut Phalaris: & huic beneficium, quod acceperas, reddes? Mutationem sapientis tantam natura non patitur. nam in pessima ab optimis lapsus, necesse est etiam in malo vestigia boni teneat. Nunquam in tantum virtus exstinguitur, ut non certiores animo notas imprimat, quam ut illas eradat vlla mutatio. Feræ inter nos educatæ, cum in silvas eruperunt, aliquid mansuetudinis pristinae retinent: tantumque a placidissimis absunt, quantum a veris feris & nunquam humanam manum passis. Nemo in summam nequitiam incidit, qui unquam hæsit sapientiæ. altius infectus est, quam ut ex toto elui, & transire in colorem alium possit. Deinde interrogō, utrum iste ferus sit animo tantum, an & in perniciem publicam excurrat? Proposuisti enim mihi Apollodorum & Phalarin tyrannum, quorum si naturam habet intra se malus, quidni ego isti beneficium suum reddam, ne quid mihi cum eo sit iuris amplius? Si vero sanguine humano non tantum gaudet sed pascitur, sed & supplicii omnium ætatum crudelitatem insatiabilem exercet, nec ira, sed auiditate quadam sæuendi furit, si in ore 3) parentem filios iugulat, si non contentus simplici morte, distorquet, nec vrit solum perituros, sed excoquit, si arx eius cruore semper recenti madet: parum est huic beneficium non reddere.

2. Apollodorus) cuius & mentio L. 2. de ira c. 4.

3. In ore) coram & ipsis intuentibus parentibus.

Quid.

Quidquid erat, quo mihi cohæreret, intercisâ iurâ humani societas abscidit. Si præstitisset quidem mihi aliquid, sed arma patriæ meæ inferret: quidquid meruerat, perdidisset, & referre illi gratiam scelus haberetur, si non patriam meam impugnat, sed suæ grauis est, & sepositus a mea gente, suam exagitat: abscidit nihilominus illum tanta prauitas animi. etiam si non inimicum, inuisum mihi efficit: priorque mihi ac potior eius officii ratio est, quod humano generi, quam quod vni homini debeo.

CAP. XX. Sed quamuis hoc ita sit, & ex eo tempore omnia mihi in illum sint libera, ex quo, corrumpendo fas omne, vt nihil in eum nefas esset, effecerit: illum mihi seruandum modum credam, vt si beneficium illi meum neque vires maiores daturum est in exitium commune, nec confirmaturum quas habet, id autem erit, quod illi reddi sine perniciæ publica possit, reddam. Seruabo filium eius infantem quid hoc beneficium obest cuiquam eorum, quos crudelitas eius lacerat? pecuniam quæ satellitem stipendio teneat, non subministrabo. Si marmora & vestes desiderauerit, nihil oberit cuiquam id quo luxuria eius instruitur: militem & arma non suggeram. Si pro magno petet munere artifices scenæ, & scorta, & quæ feritatem eius emolliant, libens offeram. Cui triremes & æratas 1) non mitterem, luforias & cubiculatas, 2) & alia ludibria regum in mari lasciuientium mittam. Et si ex toto eius sanitas desperata fuerit,

1. *Æratas*) rostratas siue bellicas.

2. *Cubiculatas*) grandes, ad regum diuersoria membris fulas instructas instar alicuius domus. *Thalamagos* Græca voce: descriptas aliquot prodigiosas in Athenis habes. *Lips.*

eadem manu 3) beneficium omnibus dabo, illi reddam: quando ingenii talibus vitæ exitus remedium est: optimumque est obire ei, qui ad se nunquam rediturus est. Sed hæc rara nequitia est, & semper portenti loco habita, sicut hiatus terræ, & de cauernis maris ignium eruptio. Itaque ab illa recedamus: de his loquamur vitiis, quæ detestamur sine horrore. Huic homini malo, quem inuenire in quolibet foro possum, quem singuli 4) timent reddam beneficium, quod accepi. Non oportet mihi nequitiam eius prodesse: quod meum non est, redeat ad dominum bonus sit an malus. Quam diligenter istud excuterem, si non redderem, sed darem? Hic locus fabulam poscit.

CAP. XXI. Pythagoricus quidam emerat a sutore phæcasia, 1) rem magnam, non præsentibus nummis. Post aliquot dies venit ad tabernam, redditurus: & cum clausam diu pulsaret, fuit qui diceret: Quid perdis operam tuam? sutor ille quem quæris, elatus, combustus est. Quod nobis fortasse molestum est, qui in æternum nostros amittimus: tibi minime, qui scis futurum, vt renascatur. iocatus in Pythagoricum. At philosophus ioster treis aut quatuor denarios (non inuita manu 2) domum retulit: subinde concutiens. Deinde cum reprehendisset hanc suam non reddendi tacitam voluptatem, intelligens arrisisse sibi illud lucellum, redit ad eandem tabernam,

3. *Eadem manu*) id est interficiam eum vel hac manu. Et hoc ipsum erit reddere ei beneficium vniuersis dare. Quomodo? quia tolli eum & vita qua tam male videtur eius interest, item plurius, quibus iniurias infert. *Lips.*

4. *Singuli*) & privati non tota respublica & vniuersum genus humanum & alterum illum.

1. *Phæcasia*) genus calceamenti Græcanici, cuius apud Plutarchum, Appianum, Hesychium & alios mentio est. *Lips.*

& ait:

& ait: Ille tibi viuit, redde, quod debes. Deinde per clostrum, quae se commissura laxauerat, quatuor denarios in tabernam inseruit, ac misit, poenas 2) a se exigens improbæ cupiditatis, ne alieno assuesceret.

CAP. XXII. Quod debes, quære cui reddas: & si nemo poscet, ipse te appella. Malus an bonus sit, ad te non pertinet. Redde, & accusa, non oblitus, quem admodum inter vos officia diuisa sunt, illi obliuio imperata est, tibi meminisse mandauimus. Errat tamen, si quis existimat, cum dicimus eum qui beneficium dedit, obliuisci oportere, excutere nos illi memoriam rei præsertim honestissimæ, quædam præcipimus ultra modum, vt ad verum & suum redeant. Cum dicimus, Meminisse non debet: hoc volumus intelligi, prædicare non debet, nec iactare, nec grauis esse. Quidam enim beneficium quod dederunt, omnibus circulis narrant. hoc sobrii loquuntur, hoc ebrii non continent: hoc ignotis ingerunt, hoc amicis committunt. Vt hæc nimia & exprobratrix memoria subsideret, obliuisci eum qui dedit, iussimus: & plus imperando quam præstari poterat, silentium suauimus.

CAP. XXIII. Quoties parum fiduciæ est in his quibus imperas, amplius est exigendum quam satis est, vt præstetur quantum satis est. In hoc omnis hyperbole extenditur, vt ad verum mendacio veniat. Itaque qui dixit,

Qui candore nives anteirent, circibus auræ:
quod non poterat fieri, dixit: vt crederetur quantum plurimum posset. Et qui dixit,

His immobilior scopulis, violentior æmne:

2. Penas) dum forte denario vno plus soluit quam debebat.

nini.

nemini hoc quidem se persuasurum putavit, aliquem tam immobilem esse, quam scopulum. Nunquam tantum sperat hyperbola, quantum audet: sed incredibilia affirmat, ut ad credibilia perveniat. Cum dicimus, Qui beneficium dedit, obliuiscatur: hoc dicimus, similis sit oblito: memoria eius non appareat, nec incurrat. 1) Cum dicimus, beneficium repeti non oportere, non ex toto repetitionem tollimus: sæpe enim opus est malis exactore, etiam bonis admonitione. Quid ergo? occasionem ignorantia non ostendam? necessitates illi meas non detegam, quare nescisse se aut mentiatur, aut doleat? Interueniat aliquando admonitio, sed verecunda, quæ non poscat, nec inius vocet.

CAP. XXIV. Socrates amicis audientibus: Emissem, inquit, pallium, si nummos haberem. Neminem poposcit, omnes admonuit. a quo acciperet, ambitus fuit. Quid ni esset? Quantulum enim erat, quod Socrates accipiebat? at multum erat, eum fuisse, a quo Socrates acciperet. Num illos castigare mollius potuit? Emissem, inquit, pallium, si nummos haberem. Post hoc quisquis properauerit, sero dat. iam Socrati defuit. Propter acerbos exactores: repetere prohibemus: non ut nunquam fiat, sed ut parce.

CAP. XXV. Aristippus aliquando delectatus vnguento: Male, inquit, istis effeminatis eueniat, qui rem tam bellam infamiauerunt. Idem dicendum est: Male istis improbis & importunis beneficiorum

I. *Incurrat*) ubique se ingerat

tom. I.

O o

fuo.

suorum quadruplatoribus 1) eueniat, qui tam bellam rem, admonitionem inter amicos, sustulerunt. Ego tamen utar hoc iure amicitiae, & beneficium ab eo repetam, a quo petissem: qui alterius beneficii loco accepturus est, potuisse reddere. Nunquam, ne querens quidem, dicam:

- - - *Eiectum litore egentem*
Excepi, & regni demens in parte locavi.

Non est ista admonitio, non: conuitium est. Hoc est in odium beneficia perducere: hoc & efficere, ut ingratum esse, aut liceat, aut iuuet. Satis, abundeque est, submissis & familiaribus verbis, memoriam reuocare:

Si bene quid de te merui, fuis aut tibi quidquam
Dulce meum, - - -

Ille inuicem dicat: Quid ni merueris? eiectum litore egentem excepisti.

CAP. XXVI. Sed nihil, inquit, proficimus: dissimulat, oblitus est. quid facere debeam? Quæris rem maxime necessariam, & in qua hanc materiam consummari decet, quemadmodum ingrati ferendi sint? Placido animo, mansueto, magno. Nunquam tetam inhumanus, & immemor, & ingratus, offendat, ut non tamen dedisse delectet. Nunquam in has voces iniuria impellat: Vellem non fecisse. Be-

1. *Quadruplatoribus*] quadruplatores sunt accusatores lucri causa, & sectantes quartam ex lege. quia ii intenti in prædam simul & accusabant & poscebant. vocat argute *beneficiorum quadruplatores* qui importune exigunt, & nisi assatim reponas accusant. *Lips.*

neficii tui tibi etiam infelicitas placeat. Semper illum pœnitebit, si te ne nunc quidem pœnitet. Non est, quod indigneris tamquam aliquid noui acciderit: magis mirari deberes si non accidisset. Alium labor, alium impensa deterret: alium periculum, alium turpis verecundia, ne dum reddit, fateatur accepiſſe: alium ignorantia officii, alium pigritia, alium occupatio. Adſpice, quemadmodum immenſæ hominum cupiditates hient ſemper, & poſcant: non miraberis ibi neminem reddere, vbi nemo ſatis accipit. Quis eſt iſtorum tam firmæ mentis ac ſolidæ, vt tuto apud eum beneficia deponas? Alius libidine inſanit, alius abdomini ſeruit, alius lucri totus eſt, cuius ſummam non vias 1) ſpectat: alius inuidia laborat, alius cæca ambitione, & in gladios ruente. Adice torporem mentis ac ſenium, & huic contrariam inquieti pectoris agitationem, tumultusque perpetuos. adice æſtimationem ſui nimiam & tumorem, ob quæ contemnendus eſt, 2) inſolentem. Quid contumaciam in peruerſa nitentium, quid leuitatem ſemper alio tranſilientem loquar? Huc accedat temeritas præceps, & nunquam fidele conſilium daturus timor, & mille errores, quibus volumur: audacia timidiffimorum, diſcordia familiariffimorum, & publicum malum, incertiſſimis fidere, ſatiſdine poſſeſſa, optare quæ conſequi poſſe ſpes non fuit.

CAP. XXVII. Inter affectus inquietiſſimos, rem quietiſſimam, fidem, quæris? Si tibi vitæ noſtræ vera imago ſuccuſſet, videberis tibi videre captæ cum in maxime ciuitatis faciem, in qua omiſſo pudoris recti-

1. Non vias) ſiue iure iſtud veniat ſiue iniuria

2. Ob quæ contemnendus eſt) in illis iſtis inſoleſcentem, ob quæ deſpiciendus erat maxime. Lips.

que respectu, vires in consilio sunt, velut signo ad permiscenda omnia dato. Non igni, non ferro abstinetur: soluta legibus scelera sunt: nec religio quidem, quæ inter arma hostilia supplices texit, vllum impedimentum est ruentium in prædam. Hic ex privato, hic ex publico hic, ex profano, hic sacro rapit: hic effringit, hic transilit, hic non contentus angusto itinere, ipsa quibus arcetur, euertit, & in lucrum ruina venit. Hic sine cæde populatur, hic spolia cruenta manu gestat. nemo non fert aliquid ex altero. In hac auditate generis humani, nã tu nimis fortunæ communis oblitus es, qui quæris inter rapientes referentem. 1) Si indignaris ingratos esse: indignare luxuriosos, indignare avaros, indignare impudicos, indignare ægros deformes, senes pallidos. Est istud graue vitium, est intolerabile, & quod dissociet homines, quod concordiam, qua imbecillitas nostra fulcitur, scindat ac dissipet: sed vsque eo vulgare est, vt illud nec qui queritur quidem effugerit.

CAP. XXVIII. Cogita tecum, an quibuscumque debuisti, gratiam retuleris, an nullum vnquam apud te perierit officium, an omnium te beneficiorum memoria comitetur. Videbis quæ puero data sunt, ante adolescentiam elapsa: quæ in iuuenem collata sunt, non perdurasse in senectutem. Quædam perdidimus, quædam proiecimus, quædam e conspectu nostro paulatim exierunt: a quibusdam oculos auertimus. Vt excusem tibi imbecillitatem tuam, in primis fragilis est memoria, & rerum turbæ non sufficit. necesse est quantum recipit, emittat, & antiquissima recentissimis obruat. Sic factum est, vt minima apud te nutricis esset auctoritas: quia beneficium eius longius

1. Referentem) auferre enim omnes volunt, referre & redere nemo. *Lips.*

ætas sequens posuit. sic factum est, ut præceptoris tibi non esset vlla veneratio: sic euenit, ut circa consularia occupato comitia, aut sacerdotiorum candidato, quæsturæ suffragator 1) excideret. Fortasse vitium, de quo quereris, si te diligenter excusseris, in sinu inuenies. Inique publico irasceris crintini, stulte tuo. 2) ut absoluaris, ignosce. Meliorem illum facies ferendo, utique peiorem exprobrando. non est quod frontem eius indures: sine, si quid est pudoris residui, feruet. Sæpe dubiam 3) verecundiam vox conuitiantis clarior rupit. nemo id esse, quod iam videtur, timet. deprehensus pudor 4) amittitur.

CAP. XXIX. Perdidisti beneficium. Numquid quæ consecrauimus, 1) perdidisse nos dicimus? Inter consecrata beneficium est, etiam si male respondit, bene conlatum. Non est ille, qualem sperauimus, ei dissimiles. damnum tunc factum; nunc apparuit. Ingratus non sine nostro pudore protrahitur: quoniam quidem querela amissi beneficii, non bene dati signum est. Quantum possumus, causam eius apud nos agamus: fortasse non potuit, fortasse ignorauit: fortasse facturus est. Quædam nomina bona, lentus ac sapiens creditor fecit, qui sustinuit, ac mora fouit. Idem nobis faciendum: nutriamus fidem languidam.

-
1. *Suffragator*) qui suffragio suo ut quæstor fieres effecit.
 2. *Stulte tuo*) quis enim seipsum accusat?
 3. *Dubiam*) nondum penitus præiectam.
 4. *Deprehensus pudor*) enallage. id est cum is quem pudet deprehensus fuerit. *Lips.*
1. *Consecrauimus*) in templo diis suspendimus.

CAP. XXX. Perdidi beneficium. Stulte, non nosti detrimenti tui tempora. perdidisti, sed cum dares: nunc palam factum est. Etiam in his quæ videntur in perdiso, moderatio plurimum profuit. Vt corporum, ita animorum molliter vitia tractanda sunt. sæpe quod explicauit mora, 1) pertinacia trahentis abruptum est. Quid opus est maledictis? quid querelis? quid insectatione? quare illum liberas 2)? quare dimittis? Si ingratus est, iam nihil debet. Quæ ratio est, exacerbare eum, in quem magna contuleris, vt ex amico dubio fiat non dubius inimicus, & patrocinium sibi nostra infamia quærat. Nec desit qui dicat: Nescio quid est, quod eum, cui tantum debuit, ferre non potuit. subest aliquid. Nemo non superioris dignitatem quærendo, etiam si non inquinauit, asperfit: nec quisquam fingere contentus est leuia, cum magnitudine 3) mendacii fidem quærat.

CAP. XXXI. Quanto illa melior via, qua seruatur illi species amicitiae, & si reuerti ad sanitatem velit, etiam amicitia? Vincit malos pertinax bonitas: nec quisquam tam duri insectique aduersus diligenda animi est, vt etiam vi tractus bonos non amet: quibus hoc quoque cæpit debere, quod impune non soluit. Ad illa itaque cogitationes tuas flecte. Non est mihi relata gratia. quid faciam? quod dii omni-

1. *Quod explicauit mora*) a nodo aut alia re impedita ductum simile, qui mora & patientia soluitur, pertinacia rumpitur.

2. *Liberas*) obligatione soluis, dum iam pronuncias ingratum.

3. *Magnitudine*) quis enim opinionem excedentia sine omni fundamento fingat?

um rerum optimi auctores: qui beneficia ignorantibus dare incipiunt, ingratis perseverant. Alius illis obiicit negligentiam nostri, alius iniquitatem: alius illos extra mundum suum proicit, & ignavos, hebetesque sine luce, sine vlllo opere destituit. Alius solem, cui debemus, quod inter laborem quietemque tempus diuissimum, quod non tenebris immersi confusione æternæ noctis effugimus, quod annum cursu suo temperat, & corpora alit, fata cuocat, percoquit fructus, saxum aliquod, 1) aut fortuitorum ignium globum, & quiduis potius quam deum appellat. Nihilominus tamen more optimorum parentum, qui maledictis suorum infantium arrident, non cessant dii beneficia congerere, de beneficiorum auctore dubitantibus: sed æquali tenore bona sua per gentes populosque distribuunt, vnam potentiam sortiti, prodesse. Spargunt opportunis imbribus terras, maria flatu mouent, siderum cursu notant tempora, hiemes æstatesque interuentu lenioris spiritus molliunt: errorem labentium animorum placidi ac propitii ferunt. Imitemur illos. demus, etiam si multa in irritum data sint: demus nihilominus aliis, demus ipsis, apud quos iactura facta est. Neminem ab excitanda domo ruina deterruit: & cum penates ignis absumpsit, fundamenta tepente adhuc arca ponimus, & vrbes haustas sæpius eodem solo condimus. Adeo ad bonas spēs pertinax animus est. Terra marique humana opera cessarent, nisi male cadentia iterum tentare libuisset.

CAP. XXXII. Ingratus est. non mihi fecit iniuriam, sed sibi: ego beneficio meo, cum darem,

1. Saxum aliquod) vt Anaxagoras.

usus sum, nec ideo pigrius dabo, sed diligentius, quod in hoc perdidit, ab aliis recipiam. Sed huic ipsi beneficium dabo iterum, & tanquam bonus agricola, cura cultuque sterilitatem soli vincam. Perit mihi beneficium: iste omnibus 1). Non est magni animi, dare & perdere: hoc est magni animi, perdere & dare.

1) Iste omnibus) quia desperatus est.

FINIS TOMI PRIMI.



AΦ1
1653895

L. AN.







$\beta = 1$